



RB346124



*Thomas Fisher  
are Book Library*

UNIVERSITY OF TORONTO



M. TVLLIJ  
CICERONIS

Orationes duodecim Selectæ,  
in vsum Gymnasiorum Societatis Iesu

Quibus accedit

COMPENDIVM

RHETORICÆ R. P.  
CYPRIANI SOARII

eiusdem Societatis.

Ad Dignissimum Deigenitricis Sponsum SS.  
Patriarcham Iosephum.



MEXICI.

Ex Officina Planti. Ioannis Iosephi Guillena Carrasco.

M. DC. XCIII.

M. TALL  
TICERONIS

Oraciones quodammodo  
vini Gymnasium Societas  
Quibus accedit  
COMPENDIUM  
HETORICAE R. P.  
CYRIACI SOARII  
Civilem Societatem

Idem Societatis  
Civilem Societatem




MEXICAE  
MEXICAE





**E**L Excelentissimo Señor Conde de Galve,  
Virrey, Governador, y Capitan General  
de esta Nueva-España, &c. concedió su  
licencia para la impressiõ de este Libro, visto  
el Parecer del R. P. M. Felipe Gonzalez, de la  
Compañia de IESVS; por Decreto de 27. de  
Julio de 1693.

D. Iuan Francisco de Bargas.



**A**SSI mesmo el Señor Licenciado D. An-  
tonio Auncibay, y Anaya, Canonigo de  
esta Santa Iglesia Cathedral desta Ciu-  
dad, Ordinario del Santo Officio, Iuez Provisor,  
y Vicario General deste Arçobispado de Mexico,  
concedió su licencia, visto el Parecer del P. M. Io-  
seph de Arguñano de la Compañia de IESUS,  
por Auto de 29. de Julio de 1693. Ante,

Bernardino de Arnezaga  
Notario Publico.



# AL



Dignissimo Espofo de la Madre  
de Dios el Patriarcha Glorio-  
sissimo S. JOSEPH.



**E**N reconocimiento de la  
esclavitud perpetua, que  
os he prometido ( ó Glo-  
riosissimo Patriarcha ) os  
dedico, en esta obra, que á  
mis cortas expensas vuelve á salir á luz,  
no los desvelos del Orador Marco Tullio;  
porque me expusiera temerariamente á  
que me negarais vuestro poderoso patro-  
cinio, por valerme yo de lo ageno, quan-  
do por el renombre de *Justo*, que anto-  
nomasticamente os adorna, no os podeis  
agradar, sino en lo que es proprio vues-  
tro: si, os consagro la prolixa tarea destos  
mol-



moldes, que para el uso, y utilidad de la  
juventud Mexicana, se han ensayado,  
sudando en la exacta probacion de vna  
inexorable prensa. Y no me fuera licita  
la eleccion de Protector á quien dirigies-  
se lo procedido de mi trabajo, y enco-  
mendasse el amparo, y tutela de este li-  
bro, supuesta la noble esclavitud, con que  
á vos de todo mi corazon me obligué, se-  
gun la ley *Obligamur. ff. de obligation L.*  
*Libertas. ff. de statu hominum. L. Id. ff. de*  
*peculio, §. Item nobis. Inst. per quas per-*  
*sonas.* en donde se explica la obligacion,  
y naturaleza de vn esclavo, y lo coartado  
de su poder. Pero no se puede negar,  
Gloriosissimo Patriarcha, que aun en lo  
mas abatido de los gremios, suele favo-  
recer la suerte á vnos mas que à otros. El  
servir á Dios arguye fugacion del que sir-  
ve á el que es servido; pero es vna fuge-  
cion, que se trae consigo vn dominio al-

to, y sobre excelente de Reyes: *Servire*  
*Deo regnare est.* Mas ay algunos tan in-  
felizes, que sobre la miserable suerte de  
esclavos, caen en poder de vn rigido Pha-  
raon, que con desmedidas tareas los opri-  
me, hasta hazerles exprimir lo amargo  
de vna desesperacion, como los crueles  
Egipcios lo executaron con el pueblo de  
Israel. *Ad amaritudinem perducebant*  
*vitam eorum operibus duris luti, & late-*  
*ris* [Exod. c. 1.] No me puedo yo que-  
xar de mi suerte, porque en linea de escla-  
vo no es posible reconocer mayor Señor,  
que vos, pues no admite ya extension la  
linea de vuestro dominio. No acababa  
de palmarse la Reyna de Sabá al ir viêdo  
con sus ojos, lo que oydo solamente, le  
admiró, á cerca de la sabiduria del Rey  
Salomon; pero entre otras cosas le hizo  
no poca novedad el orden de su familia,  
y lo concertado, y arento de los nobles  
que



que servian à su Real persona. *Videns autem Regina Sábâ omnem sapientiam Salomonis, & domum quam edificaverat, & cibos mensæ eius & habitacula servorum, & ordines ministrantium: non habebat ultra spiritum* (Reg. 3. c. 10.) Que dixerá aquella Sabia Reyna de vos, Santo mio, si viera, que la sabiduria del Padre, tomãdo forma de siervo, se quiso sujetar à vuestros ordenes, obedeciendoos al pensamiento? *Et descendit cum eis, & venit Nazaret; & erat subditus illis* (Luc. c. 2.) que dixerá de vuestra excelsa dignidad, si oyera à la Madre de Dios, à la Reyna del Cielo, à la Señora del mundo, à vuestra purissima Esposa Maria, llamaros, y teneros por Señor, y cabeza de aquella celestial familia? No dudo, sino, que, ó le suspendiera la admiraciõ, ó prorrüpiera admirandose cõ el devotissimo Gerson: (Ser. de Nat. Virg.) *O miranda prorsus, Ioseph,*  
subli-

*sublimitas tua! ô dignitas incōparabilis! ut*  
*Mater Dei, Regina Cœli, Dominā mundi,*  
*appellare te Dominū non indignum duxerit.*  
Pues como no me darè yo repetidos pla-  
cemes de tener vnSeñor tal, q̃ assi el Rey  
de los Reyes, y Señor de los señores, co-  
mo la Emperatriz de Cielo, y tierra, la  
Madre de Dios, no se desdenaron de te-  
ner, y obedecer como à su señor? Quien  
abrá que no posponga la mas noble li-  
bertad à esta tan feliz esclavitud? Quien  
no dexará de buena gana de mãdar des-  
poticamente, por servir humildemente á  
Joseph? O gloriosissimo Protector mio,  
quien supiera serviros, como vos lo me-  
reccis? O que distincto es el trato que  
dais á vuestros esclavos, y devotos, del  
que dan los hombres del mundo, aun á  
sus mesmos hijos, é iguales; porque es-  
tos, por mas que se desvelen en adelan-  
tar sus casas, no consiguen mas que de-  
xar



dais al buen desseo de serviros, que tiene  
vuestro esclavo: no faltandome el consue-  
lo de offreceros en este, trabajo vna obra,  
que he procurado, quanto me ha sido po-  
sible; el facarla con las buenas proprieda-  
des, que en vn libro se requieren, que son  
claridad, y verdad; la claridad en la im-  
pression de los caracteres, y la verdad en  
la fiel correspondencia, y conformidad  
de su original. O, y todo ceda en vuestra  
gloria, y acrecentamiento de vuestros  
devotos, que es el vnico desseo de vuestro  
perpetuo, y reconocido esclavo

*Iuan Ioseph Guillena  
Carrasco.*

# IN LAUDEM TYPOGRAPH.

## EPIGRAMMA.


**P** Lantiniana tuis premitur dū littera praelis.  
Claret & obscuris, oblita charta, notis:  
Dum graphicā, Guillena, nitent compagine libri,  
Et sunt integrā reddita verba fide:  
Dum superas Lyncas acie; nam iota, nec unus  
Præterit à iustâ lege pusillus apex:  
Dum typus invitat gratà novitate decorus;  
Dumque characterum stat speciosus honos:  
Alliciunt ( fateor ) supra numerata libenter;  
Et nitidos gaudet scriptor adire lares:  
Præla voluminibus gemitus dant ordine pressis:  
Fervet opus: splendet pagina, charta, liber.  
Ecquis non properet sapiens tua præla requirens?  
Quis poterit stabiles inde referre pedes?  
It sapiens quicumque tuos cupit, ante, penates,  
Post dominum visum, quisque redibit amans.





## PRO LEGE

## MANILIA

AD POPULUM  
ORATIO.

Vamquā mihi semper frequens  
 conspectus vester multo iucun-  
 dissimus, hic autem locus ad  
 agendū amplissimus, ad dicen-  
 dum ornatissimus est visus, Qui-  
 rites, tamē hoc aditu laudis, qui  
 semper optimo cuique maximē patuit, non mea  
 me voluntas, sed meæ vitæ rationes ab ineunte  
 ætate susceptæ prohibuerūt. Nā cū antea per  
 ætatem nondum huius authoritatem loci con-  
 tingere auderem, statueremque, nihil huc nisi  
 perfectum ingenio, elaboratum industria afferri  
 oportere; omne meum tempus amicorum tem-  
 poribus transmittendū putavi. Ita neque hic  
 locus vacuus vnquam fuit ab ijs, qui vestram

causam defenderent; & meus labor in privatorum periculis casté, intégréque versatus, ex vestro iudicio fructum est amplissimum consecutus. Nam cum propter dilationem comitiorum ter Prætor primus centurijs cunctis renuntiatus sum, facile intellexi, Quirites, & quid de me iudicaretis, & quid alijs præscriberetis. Nunc cum, & authoritatis in me tantum sit, quantum vos honoribus mandandum esse voluistis: & ad agendum facultatis tantum, quantum homini vigilanti ex forensi usu propè quotidiana dicendi exercitatio potuit asferre: certé, & si quid etiam dicendo consequi possum, ijs ostendam potissimum, qui ei quoque rei fructum suo iudicio tribuendum esse censuerunt. Atque illud in primis mihi lætandum iure esse video, quod in hac in solita mihi ex hoc loco ratione dicendi causa talis oblata est in qua oratio nemini deesse potest. Dicendum est enim de Cn. Pompeij singulari eximiaque virtute. Huius autem orationis difficilior est exitus, quam principium invenire. Itaque non mihi tam copia quam modus in dicendo querendus est. Atque ut inde oratio mea proficiscatur, unde hæc omnis causa dicitur, bellum grave, & pericu-

iosum vestris vectigalibus, atque socijs à duobus potentissimis Regibus infertur, Mithridate, & Tigraue, quorum alter relictus, alter lacesitus, occasionem sibi ad occupandam Asiam oblatam esse arbitratur. Equitibus Roman. honestissimis viris afferuntur ex Asia quotidie literæ, quorum magnæ res aguntur in vestris vectigalibus exercendis occupatæ: qui ad me pro necessitudine, quæ mihi est cum illo ordine, causam rei-publicæ, pericula que rerum suarum detulerunt Bithyniæ quæ nunc vestra provincia est, vicos exustos esse complures: Regnum Ariobazanis, quod finitimum est vestris vectigalibus, totum esse in hostium potestate: Lucillum magnis rebus gestis ab eo bello discedere: huic qui succurrerit, non satis esse paratum ad tantum bellum administrandum: vnum ab omnibus socijs, & civibus ad id bellum Imperatorem de-positi, atque expeti: eundem hunc vnum ab hostibus metui, præterea neminem. Causa quæ sit videtis: nunc quid agendum sit, considerate. Primum mihi videtur de genere belli, deinde de magnitudine, tum de Imperatore deligendo esse dicendum. Genus est enim eiu smodi, quod maximè vestros animos excitare, atque inflam-

mare.



mare debent: in quo agitur Populi Romani gloria quæ vobis à maioribus cum magna in rebus omnibus, tum summa in re militari tradita est: agitur salus sociorum, atque amicorum, pro qua multa maiores vestri magna, & gravia bella gesserunt: aguntur certissima populi Romani vestigalia, & maxima: quibus amissis, & pacis ornamenta, & subsidia belli requiretis: aguntur bona multorum civium quibus est, & à vobis, & ab Imperatoribus reipublicæ consulendum, & quoniam semper appetentes gloriæ præter cæteras gentes, atque avidi laudis fuistis, delēda est vobis illa macula Mithridatico bello superiore suscepta, quæ penitus iam infedit, atque inveteravit in Populi Romani nomine: quod is, qui vna die, tota Asia, tot in civitatibus, vno nuntio, atque vna literarum significatione cives Romanos necandos, trucidandos que denotavit: non modo adhuc poenam nullam suo dignam scelere suscepit; sed ab illo tempore annum iam tertium, & vigesimum regnat: & ita regnat, ut se non Ponto, neque Cappadociæ latebris occultare velit, sed emergere è patrio regno; atque in vestris vestigalibus, hoc est in Asiæ luce versari. Et enim ad-  
huc

huc ita vestri cū illo Rege contenderunt Imperatores, vt ab illo insignia victoriæ, non victoriam reportarint. Triumphavit L. Sylla, triumphavit L. Murena de Mithridate, duo fortissimi viri, & summi Imperatores: sed ita triumpharunt, vt ille pulsus, superatusque regnaret. Verum tamen illis Imperatoribus laus est tribuenda, quod egerunt: venia danda, quod reliquerunt: propterea quod ab eo bello Syllam in Italiam Respublica, Murenā Sylla reuocavit. Mithridates autem omne reliquum tempus, non ad oblivionem veteris belli sed ad comparisonem novi contulit: qui postea quam maximas ædificasset ornassetque classes, exercitusque per magnos quibuscunque ex gentibus potuisset, comparasset, Bosporanis finitimis suis bellum inferre simulasset: vsque in Hispaniam legatos & literas misit ad eos duces, quibuscum tum bellum gerebamus: vt cū duobus in locis disiunctissimis, maximeque diversis, vno consilio, ab vnīs hostium copijs bellum terra, marique gereretur, vos ancipiti contentione distracti, de imperio dimicaretis. Sed tamen alterius partis periculum, Sertorianæ, atque Hispaniensis, quæ multo plus firmamenti, ac roboris

ris



ris habebat, Cn. Pompeij divino consilio, ac singulari virtute depulsum est: in altera parte ita res á L. Lucullo summo viro est administrata, ut initia illa gestarum rerum magna, atque præclara, non felicitati eius, sed virtuti: hæc autem extrema, quæ nuper acciderunt, non culpæ, sed fortunæ tribuenda esse videantur. Sed de Lucullo dicam alio loco, & ita dicam, Quirites, ut neque vera laus ei detracta oratione nostra, neque falsa afficta esse videatur. Sed pro vestri imperij dignitate, atque gloria, quóniam is est exorsus orationis meæ, videte quem vobis animum suscipiendum putetis. Maiores vestri sæpè mercatoribus, ac naviculatoribus iniuriis tractatis, bella gesserunt: vos tot civium Roman. millibus vno nuntio, atque vno tempore necatis, quo tandem animo esse debetis? Legati quod erant appellati superbius, Córinthum patres vestri totius Græciæ lumen extinctum esse voluerunt: vos eum Regem inultum esse patiimini, qui legatum Populi Romani consularem, vinculis, ac verberibus, atque omni supplicio excruciatum necavit? Illi libertatem civium Roman. imminutam non tulerunt: vos vitam ereptam negligetis? Ius legationis verbo

violatum illi persecuti sunt: vos legatum Populi Romani omni supplicio interfectum, inultum relinquetis? Videte, ne, ut illis pulcherrimum fuit tantam vobis imperij gloriam relinquere; sic vobis turpissimum sit, illud quod accepistis, tueri, & conservare non posse. Quid, quod salus sociorum summum in periculum ac discrimen vocatur? Regno expulsus est Ariobarzanes Rex, socius Populi Romani, atque amicus: imminet duo Reges toti Asiae, non solum vobis inimicissimi, sed etiam vestris socijs, atque amicis: civitates autem omnes, cuncta Asia, atque Graecia vestrum auxilium expectare propter periculi magnitudinem coguntur: Imperatorem à vobis certum deprecari, cum praesertim vos alium miseritis, neque audent, neque se id facere summo sine periculo posse arbitrantur. videt, & sentiunt hoc idem, quod, & vos, unum virum esse in quo summa sint omnia, & eum prope esse quo etiam carent acrius: cuius adventu ipso, atque nomine, tametsi ille ad maritimum bellum venerit, tamen impetus hostium repressos esse intelligunt, ac retardatos. Hi vos, quoniam libere loqui non licet, tacite rogant, ut se quoque sicut ceterarum provinciarum socios, dignos



nos existimetis, quorum salutem tali viro commendetis: atque hoc etiam magis quam ceteros, quod eiusmodi in provinciâ homines cum Imperio misimus: ut etiam si ab hoste defendant tamen ipsorum adventus in vrbes sociorum non multum ab hostili expugnatione differant. Hunc audiebant antea, nunc præsentem vident. tanta temperantia, tanta mansuetudine, tanta humanitate, ut ij beatissimi esse videantur, apud quos ille diutissime commoratur. Quare, si propter socios nulla ipsi iniuria laceßiti maiores vestri cum Antiocho, cum Philippo, cum Ætolis, cum Poenis bella gesserunt: quanto vos studio convenit iniurijs provocatos sociorum salutem vna cum Imperij vestri dignitate defendere, præsertim cum de vestris maximis vectigalibus agatur? Nam cæterarum provinciarum vectigalia, Quirites, tanta sunt, ut ijs ad ipsas provincias tutandas vix contenti esse possimus: Asia vero tam opima est, & fertilis, ut vbertate agrorum, & varietate fructuum, & magnitudine pastionis, & multititudine earum rerum quæ exportantur, facile omnibus terris antecellat. Itaque hæc vobis provincia, Quirites, si & belli utilitatem, & pacis dignitatem sustinere vultis,

non

non modó á calamitate, sed etiaui à metu calamitatis est defendenda. Nam cæteris in rebus cùm venit calamitas, tum detrimentum accipitur: at in vectigalibus non solum adventus mali, sed etiam metus ipse affert calamitatem. Nam cùm hostium copiæ non longè absunt, etiam si irruptio facta nulla sit, tamen pecora relinquuntur, agricultura deferitur, mercatorum navigatio conquiescit; ita neque ex portu, neque ex decumis, neque ex scriptura vectigal conservari potest; quare sæpè totius anni fructus vno rumore periculi, atque vno belli terrore amittitur. Quo tandem animo esse existimatis, aut eos qui vectigalia vobis pensitant, aut eos qui exercent, atque exigunt? Cùm duo Reges cùm maximis copijs prope adsint? cùm vna excursio equitatus, per brevi tempore totius anni vectigal inferre possit, cum publicani familias maximas, quas in salictis habent quas in agris, quas in portubus, atque custodijs, magno periculo se habere arbitrentur. Putatisne vos illis rebus frui posse, nisi eos qui vobis fructuosi sunt, conservaveritis, non solum ( vt antea dixi ) calamitate, sed etiam calamitatis formidine liberatos? Ac ne illud quidem vobis



negligendum est, quod mihi ego extremum proposueram, cum essem de belli genere dicturus, quod ad multorum bona civium Roman. pertinet: quorum vobis pro vestra sapientia, Quirites, habenda est ratio diligenter. Nam, & publicani homines, & honestissimi, & ornatissimi, suas rationes, & copias in illam provinciam contulerunt, quorum ipsorum per se res, & fortunæ curæ vobis esse debent. Etenim si vectigalia nervos esse Reipub. semper duximus, eum certe ordinem, qui exercet illa, firmamentum cæterorum ordinum recte esse dicemus. Deinde cæteris ex ordinibus homines gnavi, & industrii partim in Asia negotiantur, quibus vos absentibus consulere debetis, partim suas, & suorum in ea provincia petunias magnas collocatas habent. Erit igitur humanitatis vestræ, magnum eorum civium numerum calamitate prohibere; sapientiæ videre multorum civium calamitatem à Repub. seiunctam esse non posse. Etenim illud primum parvi refert, vos publicanis amissa vectigalia postea victoria recuperare. Neque enim iisdem redimendi facultas erit propter calamitatem, neque alijs voluntas propter timorem. Deinde quod nos eadem

dem Asia, atque idem iste Mithridates initio belli Asiatici docuit, id certe calamitate docti memoria retinere debemus. Nam tum, cum in Asia res magnas permulti amiserunt, scimus Romæ solutione impedita, fidem concidisse. Non enim possunt vna in civitate multi rem, atque fortunas amittere, ut non plures secum in eadem calamitatem trahant. A quo periculo prohibere Rempub. & mihi credite id, quod ipsi videtis. Hæc fides, atque hæc ratio pecuniarum, quæ Romæ, quæ in foro versatur, implicita est cum illis pecunijs Asiaticis, & cohæret: ruere illa non possunt, ut hæc non eodem labefactata motu concidant. Quare videte, num dubitandum vobis sit, omni studio ad id bellum incumbere, in quo gloria nominis vestri, salus sociorum, vectigalia maxima, fortunæ plurimorum civium cum Repub. defenduntur. Quoniam de genere belli dixi nunc de magnitudine pauca dicam. Potest enim hoc dici, belli genus esse ita necessarium, ut sit gerendum: non esse ita magnum, ut sit pertimescendum. In quo maxime laborandum est, ne forte à vobis, quæ diligentissime providenda sunt, contemnenda esse videantur. Atque, ut omnes intelli-

gant



gant me L. Lucullo tantum impertiri laudis, quantum forti viro, & sapientissimo homini, & magno Imperatori debeatur; dico eius adventu maximas Mihridatis copias omnibus rebus ornatas, atque instructas, esse deletas, urbemque Asiæ clarissimam, nobisque amicissimam Cyzicenorum, obsessam esse ab ipso Rege maxima multitudine, & oppugnatam vehementissime: quam L. Lucullus virtute, assiduitate, consilio, summis obsidionis periculis liberavit: ab eodem Imperatore classem magnam, & ornata, quæ ducibus Sertorianis ad Italiam studio inflâmato raperetur, superatam esse, atque depressam: magnas hostium præterea copias multis prælijs esse deletas, patefactumque nostris legionibus esse Pontum, qui ante Populo Romano ex omni aditu clausus esset. Sinopem, atque Amisum, quibus in oppidis erant domicilia Regis, omnibus rebus ornata, atque referta, cæterasque vrbes Ponti, & Cappadociæ permultas vno aditu, atque adventu esse captas: Regem spoliatum regno patrio, atque avito, ad alios se Reges, atque alias gentes supplicem contulisse, atque hæc omnia salvis Populi Romani socijs, atque integris ve-

ctiga-

Et talibus esse gesta. Satis opinor. hoc esse laudis, atque ita reputo, ut hoc vos intelligatis, à nullo istorum, qui huic obtreçant legi, atque causæ, L. Lucillum similiter ex hoc loco esse laudatum. Requiretur fortasse nunc, quemadmodum, cum hæc ita sint, reliquum possit esse magnum bellum. Cognoscite, Quirites: non enim sine causa quæri videtur. Primum ex suo regno sic Mithridates profugit, ut ex eodem Ponto Medea illa quondam profugisse dicitur, quam prædicant in fuga, fratris sui membra in his locis, qua se parens persequeretur, dissipavisse, ut eorum collectio dispersa, moerorque patrius celeritatem persequendi retardaret: sic Mithridates fugiens maximam vim auri, atque argenti, pulcherrimarumque rerum omnium, quas, & à maioribus acceperat, & ipse bello superiore ex tota Asia direptas in suum regnum congefserat, in Ponto omnem reliquit. Hæc dum nostri colligunt omnia diligentius, Rex ipse é manibus effugit. Ita illum in persequendi studio moeror, hos lætitia retardavit. Hunc in illo timore, & fuga Tigranes Rex Armenius excepit, dissidentemque rebus suis confirmavit, & afflictum erexit, perditumque



que recreavit: cuius in regnum postea quam, L. Lucullus cū exercitu venit, plures etiam gentes contra Imperatorem nostrum concitatae sunt. Erat enim metus iniectus ijs nationibus, quas nunquam Populus Romanus, neque lacerandas bello, neque tentandas putavit. Erat etiam alia gravis, atque vehemens opinio, quae per animos gentium barbararum pervaserat, fani locupletissimi, & religiosissimi diripiendi causa, in eas oras nostrum exercitum esse adductum, ita nationes multae atque magnae, novo quodam terrore, ac metu concitabantur. Noster autem exercitus, & si urbem ex Tigranis regno ceperat, & praelijs usus erat secundis, tamen nimia longinquitate locorum, ac desiderio suorum commovebatur. Hic iam plura non dicam. Fuit enim illud extremum, ut ex ijs locis à militibus nostris reditus magis maturus, quam processus longior quaereretur. Mithridates autem, & suam manum iam confirmarat, & eorum, qui se ex eius regno collegerant, & magnis adventitijs multorum Regum, & nationum copijs iuvabatur. Hoc iam fere sic fieri solere accepimus, ut Regum afflictæ fortunæ facile multorum opes

alli-

alliciant ad misericordiam, maximeque eorum qui aut Reges sunt, aut vivunt in regno; quod regale ijs nomen magnum, & sanctum esse videatur. Itaque tantum victus efficere potuit, quantum incolumis nunquam est ausus optare. Nam cum se in regnum recepisset suum, non fuit eo contentus, quod ei præter spem acciderat, ut eam, posteaquam pulsus erat, terram unquam attingeret, sed in exercitum vestrum clarum, atque victorem impetum fecit. Sinite hoc loco, Quirites ( sicut Poetæ solent, qui res Romanas scribunt ) sinite hoc loco præterire me nostram calamitatem, quæ tanta fuit, ut eam ad aures L. Luculli non ex prælio nuntius, sed ex sermone rumor afferret. Hic in ipso illo malo, gravissimaque belli offensione L. Lucullus, qui tamen aliqua ex parte ijs incommodis mederi fortasse potuisset, vestro iussu coactus, quod Imperij diuturnitati modum statuendum veteri exemplo putavistis, partem militum, qui iam stipendijs confectis erant, dimisit, partem Glabrioni tradidit. Multa præterea consultò: sed ea vos ceniectura perspicitis, quantum illud bellum futurum putetis, quod coniungant Reges potentissimi, renovent agita-



tæ nationes, fuscipiant integræ gentes, novus Imperator vester accipiat vetere expulso exercitu. Satis mihi multa verba fecisse videor, quare hoc bellum esset genere ipso necessarium, magnitudine periculosum: restat, vt de Imperatore ad id bellum deligendo, ac tantis rebus præficiendo, dicendum esse videatur. Vtinam, Quirites, virorum fortium, atque innocentium copiam tantam haberetis, vt hæc vobis deliberatio difficilis esset, quemnam potissimum tantis rebus, ac tanto bello præficiendum putaretis. Nunc veró cùm sit vnus Cn. Pompeius, qui non modo eorum hominum, qui nunc sunt, gloriam, sed etiam antiquitatis memoriam virtute superarit: quæ res est, quæ cuiusquam animum in hac causâ dubium facere possit? Ego enim sic existimo in summo Imperatore quatuor has res inesse oportere, scientiam rei militaris, virtutem, auctoritatem, felicitatem. Quis igitur hoc homine scientior vnquam, aut fuit, aut esse debuit? Qui é ludo, atque pueritiæ disciplina, bello maximo, atque acerrimis hostibus, ad patris exercitum, atque in militiæ disciplinam profectus est: qui extrema pueritia miles fuit summi Imperatoris, ineunte adolescentia

maximi ipse exercitus Imperator: qui sæpius cum hoste confligit, quàm quisquam cum inimico concertavit: plura bella gessit, quàm cæteri legerunt: plures provincias confecit, quàm alij concupiverunt: cuius adolescentia ad scientiam rei militaris non alienis præceptis, sed suis imperijs, non offensionibus belli, sed victorijs, non stipendijs, sed triumphis est traducta. Quod denique genus belli esse potest, in quo illum non exercuerit fortuna Reipublicæ? Civile, Africanum, Transalpinum, Hispaniense, mixtum ex civitatibus, atque ex bellicosissimis nationibus, servile, navale bellum, varia, & diversa genera, & bellorum, & hostium, non solum gesta ab hoc vno, sed confecta, nullam rem esse declarant in usu militari positam, quæ huius viri scientiam fugere possit. Iam verò virtuti Cn. Pompeij, quæ potest par oratio inveniri? Quid est, quod quisquam aut dignum illo, aut vobis novum, aut cuiquam inauditum possit afferre? Non enim illæ sunt solæ virtutes Imperatoriæ, quæ vulgo existimantur, labor in negotijs, fortitudo in periculis, industria in agendo, celeritas in conficiendo, consilium in providendo: quæ tanta sunt in hoc



vno quanta in omnibus reliquis Imperatoribus, quos aut vidimus, aut audivimus, non fuerunt. Testis est Italia, quam ille ipse victor L. Sylla, huius virtute, & consilio confessus est liberatam: testis est Sicilia, quam multis vndique cinctam periculis, non terrore belli, sed celeritate consilij explicavit: testis est Africa, quæ magnis oppressa hostium copijs, eorum ipsorum sanguine redundavit: testis est Gallia, per quam legionibus nostris in Hispaniam iter Gallorum internecone patefactum est: testis est Hispania, quæ sæpissime hostes ab hoc superatos, prostratosque conspexit: testis est iterum, & sæpius Italia, quæ cum servili bello, tetro, periculosoque premeretur, ab hoc auxilium absente expetivit: quod bellum expectatione Pompeij attenuatum, atque imminutum est, adventu sublatum, ac sepultum: testes verò iam omnes oræ, atque omnes exteræ gentes, ac nationes: denique maria omnia, tum vniversa, tum in singulis oris omnes finus, atque portus. Quis enim toto mari locus per hos annos, aut tam firmum habuit præsidium, vt tutus esset, aut tam fuit abdi-

tus, vt lateret? Quis navigavit, qui non se, aut mortis, aut servitutis periculo committeret, cum aut hyeme, aut referto prædonum mari navigaretur? Hoc tantum bellum, tam turpe, tam vetus, tam latè divisum, atque dispersum, quis vnquam arbitraretur, aut ab omnibus Imperatoribus vno anno, aut omnibus annis ab vno Imperatore confici posse? Quam provinciam tenuistis à prædonibus liberam per hosce annos? Quod vectigal vobis tutum fuit? quem socium defendistis? Cui præsidio classibus vestris fuistis? Quam multas existimatis insulas esse desertas? Quam multas, aut metu relictas, aut à prædonibus captas, vrbes esse sociorum? Sed quid ego longinqua commemoro? Fuit hoc quondam, fuit proprium Populi Romani longè à domo bellare, & propugnaculis Imperij, sociorum fortunas, non sua tecta defendere. Socijs vestris ego mare clausum per hosce annos dicam fuisse, cum exercitus nostri Brundisio nunquam, nisi summa hyeme, transmiserint? Quid ad nos cum ab exteris nationibus venirent, captos querar, cum legati Populi Romani redempti sint? Mercato-ribus tutum mare non fuisse dicam? cum duo-  
decim

decim secures in prædonum potestatem perver-  
nerint? Quid aut Colophonem, aut Samum  
nobilissimas vrbes, innumerabilesque alias cap-  
tas esse commemorem, cum vestros portus,  
atque eos portus, quibus vitam, & spiritum  
ducitis, in prædonum fuisse potestate sciatis?  
An vero ignoratis portum Caietæ celeberrimum,  
atque plenissimum navium, inspectante  
Prætorē, à prædonibus esse direptum? Ex Misen-  
no autem, eius ipsius liberos, qui cum prædo-  
nibus antea ibi bellum gesserat, à prædonibus  
esse sublato? Nam quid ego Ostiense incom-  
modum, atque illam labem, atque ignominiam  
Reipub. querar, cū prope, inspectantibus vobis,  
classis ea, cui Consul Populi Romani præpositus  
esset, à prædonibus capta, atq̃ oppressa est? Proh  
dij immortales, tantā ne vnius hominis incredi-  
bilis, ac divina virtus, tam brevi tempore lucem  
afferre Reipub. potuit, vt vos, qui modō an-  
te ostium Tyberinū classē hostium vide-  
batis, ij nunc nullam intra Oceani ostium  
prædonum navem esse audiatis? Atque hæc qua  
celeritate gesta sint, quanquam videtis; tamen  
à me in dicendo prætereunda non sunt. Quis  
enim vrquam, aut obeundi negotij, aut con-



sequendi quæstus studio, tam brevi tempore, tot loca adire, tantos cursus conficere potuit, quam celeriter Cn. Pompeio duce, belli impetus navigavit? Qui Siciliam adiit, Africam exploravit, in Sardiniam cum classe venit, nondum tempestivo ad navigandum mari: atque hæc tria frumentaria subsidia Reipub. firmissimis præsidijs, classibusq̃ munivit. Inde se cum in Italiam recepisset, duabus Hispanijs, & Gallia Cisalpina præsidijs, ac navibus confirmata, missis item in oram Illyrici maris, & in Achaiam, omnemque Græciam, navibus, Italiæ ducumaria maximis classibus, firmissimisque præsidijs adornavit: ipse autem, ut à Brundisio profectus est, vnde quinquagesimo die totam ad imperium Populi Romani Ciliciam adiunxit, omnes qui ubique prædones fuerunt, partim capti, interfectique sunt, partim vnius huius imperio, ac potestati se dediderunt. Idem Cretensibus, cum ad eum, usque in Pamphyliam, legatos, deprecatoresque misissent, spem deditiois non ademit, obsidesque imperavit. Ita tantum bellum, tam diuturnum, tam longè, latèque diffusum, quo bello omnes gentes, ac nationes premebantur, Cn. Pompeius extrema hyeme

apparavit, ineunte vere suscepit, media æstate confecit. Est hæc divina, atque incredibilis virtus Imperatoris: quid cæteræ, quas pauló ante commemorare cœperam, quantæ, atque quam multæ sunt? Non enim solum bellandi virtus in summo, atque perfecto Imperatore quærenda est, sed multæ sunt artes eximiæ, huius administræ, comitesque virtutis. Ac primum, quanta innocentia debent esse Imperatores? Quanta deinde omnibus in rebus temperantia? Quanta fide? Quanta facilitate? Quanto ingenio? Quanta humanitate? Quæ breviter, qualia sint in Cn. Pompeio consideremus: summa enim omnia sunt, Quirites, sed ea magis ex aliorum contentione, quam ipsa per sese cognosci, atque intelligi possunt. Quem enim possumus Imperatorem aliquo in numero putare, cuius in exercitu veneant centuriatus, atque venierint? Quid hunc hominem magnum, aut amplum de Repub. cogitare, qui pecuniam ex ærario depromptam ad bellum administrandum, aut propter cupiditatem provinciæ magistratibus diviserit, aut propter avaritiâ Romæ in quæstu reliquerit? Vestra admurmuratio facit, Quirites, vt agnoscere videamini, qui hæc

fecerint. Ego autem neminem nomino; quare irasci mihi nemo poterit nisi qui ante de se voluerit confiteri. Itaque, propter hanc avaritiam Imperatorū, quantas calamitates, quocumque ventum sit, nostri exercitus ferant, quis ignorat? Itinera, quæ per hosce annos in Italia per agros, atque oppida civium Rom. nostri Imperatores fecerunt, recordamini; tum facilius statuetis, quid apud exterarum nationes fieri existimetis. Vtrum plures arbitramini per hosce annos militum vestrorum armis hostium urbēs, an hibernis sociorum civitates esse deletas? Neque enim potest exercitum is continere Imperator, qui se ipsum non continet; neque severus esse in iudicando, qui alios in se severos esse iudices non vult. Hinc miramur hunc hominem tantum excellere cæteris, cuius legiones sic in Asiam pervenerunt, ut non modo manus tanti exercitus, sed ne vestigium quidem cuiquam pacato nocuisse dicatur? Iam verò quemadmodum milites hibernent, quotidie sermones, ac literæ perferuntur: non modo ut sumptum faciat in militem, nemini vis affertur; sed ne cupienti quidem cuiquam permittitur: hyemis enim, non avaritiæ per-

fu-



fugium maiores nostri in sociorum, atque amicorum tectis esse voluerunt. Age verò, cæteris in rebus quali sit temperantia, considerate; unde illam tantam celeritatem, & tam incredibilem cursum initum putatis? Non enim illum eximia vis remigum, aut ars inaudita quædam gubernandi, aut venti aliqui novi tam celeriter in ultimas terras pertulerunt: sed hæ res, quæ cæteris remorari solent, non retardarunt: non avaritia ab instituto cursu ad prædam aliquam revocavit, non libido ad voluptatem, non amœnitas ad delectationem, non nobilitas vr̄bis ad cognitionem, non denique labor ipse ad quietem: postremò signa, & tabulas, cætera quæ ornamenta Græcorum oppidorum, quæ cæteri tollenda esse arbitrantur, ea sibi ille ne visenda quidem existimavit. Itaque omnes quidem nunc in his locis Cn. Pompeium, sicut aliquem, non ex hac vr̄be missum, sed de cœlo delapsum intuentur; nunc denique incipiunt credere, fuisse homines Romanos, hac quondam abstinentia, quod iam nationibus exteris incredibile, ac falso memoriæ proditum videbatur: nunc imperij nostri splendor illis gentibus lucet: nunc intelligunt,

non

non sine causa maiores suos tum, cum hac temperantia magistratus habebamus, servire Populo Romano, quam imperare alijs maluisse. Iam verò ita faciles aditus ad eum privatorum, ita liberæ querimonix de aliorum iniurijs esse dicuntur, ut is, qui dignitate principibus excellit, facilitate par infimis esse videatur. Iam quantum consilio, quantum dicendi gravitate, & copia valeat, in quo ipso inest quædam dignitas Imperatoria, vos, Quirites, hoc ipso in loco sæpè cognostis. Fidem verò eius inter socios quantam existimari putatis, quam hostes omnium gentium sanctissimam esse iudicarint? Humanitate iam tanta est, ut difficile dictu sit, utrum hostes magis virtutem eius pugnantes timuerint, an mansuetudinem victi dilexerint. Et quisquam dubitabit, quin huic tantum bellum hoc trāsmittendum sit, qui ad omnia vestræ memoriæ bella conficienda, divino quodam consilio natus esse videatur? Et quoniam authoritas multum in bellis quoque administrandis, atque imperio militari valet, certè nemini dubium est, quin ea in re idem ille Imperator plurimum possit. Vehementer autem pertinere ad bella administranda, quid

hostes, quid socij de Imperatoribus vestris existiment, quis ignorat? cum sciamus, homines in tantis rebus, vt aut contemnant, aut metuant, aut oderint, aut ament, opinione non minus famæ, quam aliqua certa ratione commoveri. Quod igitur nomen vnquam in orbe terrarum clarius fuit? Cuius res gestæ pares? De quo homine vos, id quod maxime facit authoritatem, tanta, & tam præclara iudicia fecistis? An verò vllam vsquam esse oram tam desertam putatis, quò non illius diei fama pervaserit, cum vniversus Populus Rom. referto foro, repletisque omnibus templis, ex quibus hic locus conspici potest, vnum sibi ad commune gentium bellum, Cn. Pompeium Imperatorem depoposcit? Itaque, vt plura non dicam, neque aliorum exemplis confirmem, quantum huius authoritas valeat in bello, ab eodem Cn. Pompeio omnium rerum egregiarum exempla sumantur: qui quo die à vobis maritimo bello præpositus est Imperator, tanta repente vilitas annonæ ex summa inopia, & caritate rei frumentariæ consecuta est, vnus spe, & nomine, quantam vix ex summa vbertate agrorum diuturna pax efficere potuisset. Iam verò accep-



cepta in Ponto calamitate ex eo præliò, de quo vos pauló antè invitus admonui, cum socij per-  
timuissent, hostium opes, animique crevissent,  
cùm satis firmum præsidium provincia non  
haberet, amisissetis Asiam, Quirites, nisi ipsum  
id temporis divinitus Cn. Pompeium ad eas re-  
giones fortuna Populi Rom. attulisset. Huius  
adventus, & Mithridatem insolitâ inflamma-  
tum victoriâ continuit, & Tigranem magnis  
copijs minitantem Asiæ retardavit, & quisquam  
dubitabit, quid virtute perfecturus sit qui tantũ  
authoritate perfecit? Aut quã facile imperio  
atque exercitu socios, & vectigalia conservatu-  
rus sit, qui ipso nomine, ac rumore defenderit?  
Age veró, illa res quantam declarat eiusdem  
hominis apud hostes populi Roman. authori-  
tatem, quod ex locis tam longinquis, tamque  
diversis, tam brevi tempore omnes vna huic  
se dediderunt? Quod Cretensium Legati, cum  
in eorum insula noster Imperator, exercitusque  
esset, ad Cn. Pompeium in ultimas propè  
terras venerunt, eique se omnes Cretensium  
civitates dedere velle dixerunt? Quid? Idem  
ipse Mithridates nonnè ad eundem Cn. Pom-  
peium Legatum, usque in Hispaniam misit?  
eum-

eumque Pompeius Legatum semper iudicavit; ij, quibus semper erat molestum, ad eum potissimum esse missum speculatorem, quàm legatum iudicare maluerunt. Potestis igitur iam constituere, Quirites, hanc auctoritatem multis postea rebus gestis, magnisque vestris iudicijs amplificatam, quantum apud illos Reges, quantum apud exterarum nationes valituram esse existimetis. Reliquum est ut de felicitate, quam præstare de se ipso nemo potest, meminisse, & commemorare de altero possumus, sicut æquum est homini de potestate deorum, timidè, & pauca dicamus. Ego enim sic existimo, Maximo, Marcello, Scipioni, Mario, & cæteris magnis Imperatoribus, non solum propter virtutem, sed etiam propter fortunam, sapius imperia mandata, atque exercitus esse commissos. Fuit enim profectò quibusdam summis viris quædam ad amplitudinem, & gloriam, & ad res magnas benè gerendas divinitus adiuncta fortuna. De huius autem hominis felicitate, quod nunc agimus, hac utar moderatione dicendi, non ut in illius potestate fortunam positam esse dicam, sed ut præterita meminisse, reliqua sperare videamur, ne aut in  
visa

vifa dijs immortalibus oratio noſtra, aut ingrat  
ta eſſe videatur. Itaque non ſum prædicaturus,  
Quirites, quantas ille res domi, militiaeque  
terra, marique, quantaque felicitate geſſerit, vt  
eius ſemper voluntatibus non modò ciues af  
ſenſerint, ſocij obtemperarint, hoſtes obedie  
rint, ſed etiam venti, tempeſtatesque obſecun  
darint. Hoc breviffimè dicam, neminem vn  
quam tam impudentem fuiſſe, qui à dijs im  
mortalibus tot, & tantas res tacitus auderet op  
tare, quot, & quantas dij immortales ad Cn.  
Pompeium detulerunt. Quod vt illi proprium,  
ac perpetuum ſit, Quirites, cum communis  
ſalutis, atque Imperij, tum ipſius hominis cau  
ſa, ſicuti facitis, velle, & optare debetis. Quare  
cum, & bellum ita neceſſarium ſit, vt negligi  
non poſſit: ita magnum, vt accuratiſſimè ſit  
adminiſtrandum, & cum ei Imperatorem præ  
ficere poſſitis, in quo ſit eximia belli ſcientia,  
ſingularis virtus, clariffima auctoritas, egregia  
fortuna: dubitatis, Quirites, quin hoc tantum  
boni, quod à dijs immortalibus oblatum, &  
datum eſt, in Rempub. conſervandam, atque  
amplificandam conferatis? Quod ſi Romæ Cn.  
Pompeius privatus eſſet hoc tempore, tamen  
ad



ad tantum bellum is erat deligendus, atque mittendus: nunc cum ad cæteras summas vtilitates hæc quoque opportunitas adiungatur, vt ab ijs qui habent, accipere statim possit: quid expectamus? Aut cur non ducibus dijs immortalibus, eidem, cui cætera summa cum salute Reipub. commissa sunt, hoc quoque bellum regium committimus? At enim vir clarissimus Reipub. & vestris beneficijs amplissimis affectus, Qu. Catulus, itemque summis ornamentis honoris, fortunæ, virtutis, ingenij præditus, Qu. Hortensius, ab hac ratione dissentiunt: quorum ego auctoritatem apud vos multis locis plurimum valuisse, & valere oportere confiteor: sed in hac causa, tametsi cognoscitis auctoritates contrarias fortissimorum virorum, & clarissimorum; tamen, omisis auctoritatibus, ipsa re, & ratione exquirere possumus veritatem, atque hoc facilius, quod ea omnia, quæ adhuc à me dicta sunt, iidem isti vera esse concedunt, & necessarium bellum esse, & magnum, & in vno Cn. Pompeio summa esse omnia. Quid igitur ait Hortensius? Si vni omnia tribuenda sunt vnum dignissimum esse Pompeium; sed ad vnum tamen omnia deferri non oportet.

oportere. Obsolevit iam ista oratio, re multo magis, quam verbis refutata. Nam tu idem, Qu. Hortensi, multa pro tua summa copia, ac singulari facultate dicendi, & in senatu contra virum fortem A. Gabinium graviter, ornateque dixisti, cum is de vno Imperatore contra prædones constituendo legem promulgasset; & ex hoc ipso loco permulta idem contra legem verba fecisti. Quid tum, per Deos immortales, si plus apud Populum Romanum authoritas tua, quàm ipsius Populi Romani salus, & vera causa valuisset, hodie hanc gloriam atque hoc orbis terræ Imperium teneremus? An tibi tum imperium esse hoc videbatur, cum Populi Romani Legati, Prætores, Quæstoresque capiebantur? Cum ex omnibus provincijs commeatu, & privato, & publico prohibeamur? cum ita clausa erant nobis omnia maria, ut neque privatam rem maritimam, neque publicam iam obire possemus? Quæ civitas antea unquam fuit, non dico Atheniensium, quæ satis latè quondam mare tenuisse dicitur, non Carthaginiensium, qui permultum classe, maritimisque rebus valuerunt: non Rhodiorum, quorum usque ad nostram me-

mo-

memoriam disciplina navalis, & gloria reman-  
sit: quæ civitas ante vnquam tam tenuis, quæ  
tam parva insula fuit, quæ non portus suos,  
& agros, & aliquam partem regionis, atque  
oræ maritimæ per se ipsa defenderet? At her-  
cle, aliquot annos continuos ante legem  
Gabiniam, ille Populus Roman. cuius vsque  
ad nostram memoriam nomen invictum in  
navalibus pugnis permanerat, magna ac multo  
maxima parte non modo vtilitatis, sed digni-  
tatis, atque imperij caruit. Nos, quorum ma-  
iores Antiochum Regem classe, Persen que  
superarunt, omnibusque navalibus pugnis  
Carthaginenses homines in maritimis rebus  
exercitatissimos, paratissimosq; vicerunt: ij nullo  
in loco iam prædonibus pares esse poteramus.  
Nos, quoque, qui antea non modo Italiam to-  
tam habebamus, sed omnes socios in vltimis  
oris auctoritate nostri imperij salvos præsta-  
re poteramus, tum cum insula Deles, tam pro-  
cul a nobis in Ægæo mari posita, quo omnes  
vndique cum mercibus, atque oneribus com-  
meabant referta divitijs parva, sine muro ni-  
hil timebat: iidem non modo provincijs, atque  
oris Italiæ maritimis, ac portibus nostris, sed  
etiam



etiam Appia iam via carebamus: & his temporibus non pudebat magistratus Populi Roman. in hunc ipsum locum ascendere; cum cum vobis maiores vestri exuvijs nauticis, & classium spolijs ornatum reliquissent. Bono te animo tum, Quincte Hortensi, Pop. Roman. & cæteros, qui erant in eadem sententia dicere existimavit ea, quæ sentiebatis; sed tamen in salute communi, idem Pop. Roman. dolori suo maluit, quàm auctoritati vestræ obtemperare: Itaque vna lex, vnus vir, vnus annus, non modò nos illâ miseria, ac turpitudine liberavit, sed etiam effecit, vt aliquando verè videremur omnibus gentibus, ac nationibus, terrâ, marique imperare. Quo mihi etiam indignius videtur obtreçtatum esse adhuc, Gabinio dicam, anné Pompeio, an vtrique (id quod est verius) ne legaretur A. Gabinius Cn. Pompeio expetenti, ac postulanti? Vtrum ille, qui postulat legatum ad tantum bellum, quem velit, idoneus non est, qui impetret; cum cæteri ad expilandos socios, diripiendasque provincias, quos voluerunt, legatos eduxerint? An ipse cuius lege salus, ac dignitas Popul. Roman. atque omnibus gentibus constituta

E

est,

est, expers esse debet gloriæ eius Imperatoris, atque eius exercitus, qui consilio ipsius atque periculo est constitutus? An. Cn. Falcidius, Q. Metellus, Qu. Coelius Latinienſis, Cn. Lentulus, quos omnes honoris causâ nomino, cum Tribuni pleb. fuissent, anno proximo legati esse potuerunt: in hoc vno Gabinio sunt tam diligentes, qui in hoc bello, quod lege Gabinia geritur, in hoc Imperatore, atque exercitu, quem per se ipse constituit, etiam præcipuo iure esse deberet, de quo legando spero Consules ad senatum relatores: qui si dubitabunt, aut gravabuntur, ego me profiteor relaturum: neque me impedit cuiusquam, Quirites, inimicum edictum, quo minus fretus vobis, vestrum ius, beneficiumque defendam; neque præter intercessionem, quicquam audiam; de qua (ut arbitror) isti ipsi qui minantur, etiam atque etiam, qui id liceat considerabunt. Meâ quidem sententiâ, Quirites, vnus A. Gabinius belli maritimi, rerumque gestarum author, comes Cn. Pompeio adscribitur, propterea quod alter vni id bellum suscipiendum vestris suffragiis detulit, alter delatum, susce-

susceptumque confecit. Reliquum est, vt de Q. Catuli authoritate, & sententia dicendum esse videatur: qui cum ex vobis quæreret, si in vno Cn. Pompeio omnia poneretis, si quid de eo factum esset, in quo spem essetis habituri; cepit magnum suæ virtutis fructum, ac dignitatis, cum omnes propè vna voce, in eo ipso vos spem habituros esse dixistis. Etenim talis est vir, vt nulla restanta sit, ac tàm difficilis, quam ille non, & consilio regere, & integritate tueri, & virtute conficere possit. Sed in hoc ipso ab eo vehementissimè dissentio, quòd quo minus certa est hominum, ac minus diuturna vita, hoc magis Respubl. dùm per deos immortales licet, frui debet summi hominis vitâ, atque virtute. At enim nihil novi fiat contrà exempla, atque instituta maiorum. Non dico hoc loco, maiores nostros semper in pace consuetudini, in bello vtilitati paruissè, semper ad novos casus temporum, novorum consiliorum rationes accomodasse; non dicam duo bella maxima, Punicum, & Hispaniense ab vno Imperatore esse confecta; duas vrbes potentissimas, quæ huic imperio maximè minabantur, Carthaginem, atque Numantiam



ab eodem Scipione esse deletas; non commemorabo, nupèr ita vobis, patribusque vestris esse visum, ut in vno C. Mario spes imperij poneretur, ut idem cum Iugurtha, idem cum Cimbris, idem cum Teuthonis bellum administraret: in ipso Cn. Pompeio, in quo novi constitui nihil vult Qu. Catulus, quàm multa sint nova, summaque Catuli voluntate constituta recordamini. Quid tam novum, quàm adolescentulum privatum, exercitum difficili Reipub. tempore conficere? Confecit: huic præesse? Prefuit: rem optimè ductu suo gerere? Gessit. Quid tam præter consuetudinem, quàm homini peradolescenti, cuius à senatorio gradu ætas longè abesset, imperium, atque exercitum dari? Siciliam permitti, atque Africam; bellumque in ea administrandum? Fuit in his provincijs singulari innocentia, gravitate, virtute: bellum in Africa maximum confecit, victorem exercitum deportavit. Quid verò tam inauditum, quàm equitem Roman. triumphare? At eam quoque rem Populus Romanus non modò vidit, sed etiam studio omni visendam putavit. Quid tam inusitatum, quàm ut cum duo Consules clarissimi, fortissimique essent.

sent, eques Roman. ad bellum maximum formidolosissimumque, pro Consule mitteretur? Missus est. Quo quidem tempore, cum esset non nemo in senatu, qui diceret non oportere mitti hominem privatum pro Consule, L. Philippus dixisse dicitur, non se illum suâ sententiâ pro Consule, sed pro Consulibus mittere. Tanta in eo Reipub. benè gerendæ spes constituebatur, vt duorum Consulum munus vnius adolescentis virtuti committeretur. Quid tam singulare, quàm vt ex senatusconsulto legibus solutus Consul ante fieret, quàm nullum alium magistratum per leges capere licuisset? Quid tam incredibile, quàm vt iterum eques Roman. ex S. C. triumpharet? Quæ in omnibus hominibus, nova post hominum memoriam constituta sunt, ea tam multa non sunt, quàm hæc, quæ in hoc vno homine videmus. Atque hæc tot exempla, tanta, ac tam nova profecta sunt in eundem hominem à Q. Catulo, atque à cæterorum eiusdem dignitatis amplissimorum hominum autoritate. Quare videant, ne sit periniquum, & non ferendum, illorum auctoritatem de Cn. Pompeij dignitate à vobis comprobata[m] semper esse, vestrum

trum ab illis de eodem homine iudicium, Populique Roman. auctoritatem improbari; præfertim cum iam suo iure Populus Roman. in hoc homine suam auctoritatem, vel contra omnes, qui deessentiunt, possit defendere: propterea quod istis reclamantibus, vos vnum illum ex omnibus delegistis, quem bello prædonum præponeretis. Hoc si vos temerè fecistis, & Reipub. parùm consuluitis; rectè istis studia vestra suis consilijs regere conantur, sin autem vos plus tum in Repub. vidistis; vos, his repugnantibus, per vos metipsos dignitatem huic imperio, salutem orbi terrarum attulistis; aliquandò isti principes, & sibi, & cæteris Populi Romani vniversi auctoritati parendum esse fateantur. Atque in hoc bello Asiatico, & regio non solum militaris illa virtus, quæ est in Cn. Pompeio singularis, sed aliæ quoque virtutes animi multæ, & magnæ requiruntur. Difficile est in Asia, Cilicia, Lycia, Syria, regnisque exterarum nationum ita versari vestrum Imperatorem, vt nihil aliud, quàm de hoste, ac de laude cogitet: deinde etiam si qui sunt pudore, ac temperantia moderatiores tamen eos esse tales, propter multitudinem,



cupidorum hominum nemo arbitratur. Difficile est dictū, Quirites, quanto in odio simus, apud exteras nationes, propter eorum, quos ad eas hoc anno cum imperio misimus, iniurias, ac libidines. Quod enim fanum putatis in illis terris, nostris magistratibus religiosum, quam civitatem sanctam, quam domum satis clausam, ac munitam fuisse? Vrbes iam locupletes, ac copiosæ requiruntur, quibus causa belli propter diripiendi cupiditatem inferatur. Libenter hæc coram Qu. Catulo, & Q. Hortensio disputarem summis, & clarissimis viris. Noverunt enim sociorum vulnera, vident eorum calamitates, querimonias audiunt. Pro socijs vos contra hostes exercitum mittere putatis; an hostium simulatione, contra socios atque amicos? Quæ civitas est in Asia, quæ non modò vnius Imperatoris, aut legati, sed vnius Tribuni militum animos, ac spiritus capere possit? Quare, etiam si quem habetis, qui collatis signis exercitus regiones superare posse videatur; tamen nisi erit idem, qui se à pecunijs sociorum, qui ab eorum coniugibus, ac liberis, qui ab auro, gazâque regiâ, manus, oculos, animum cohibere possit; non erit idoneus, qui.

qui ad bellum Asiaticum, regiumque mittatur. Ecquam putatis civitatem pacatam fuisse, quæ locuples sit? ecquam esse locupletem, quæ istis pacata esse videatur? Ora maritima, Quirites, Cn. Pompeium non solum propter rei militaris gloriam, sed etiam propter animi continentiam requisivit. Videbat enim Populum Romanum non locupletari quotannis pecuniâ publicâ præter paucos, neque eos quidquam aliud assequi classium nomine, nisi ut detrimentis accipiendis maiore affici turpitudine videremur. Nunc qua cupiditate homines in provincias, quibus iacturis, quibus conditionibus proficiscantur, ignorant videlicet isti, qui ad unum deferenda esse omnia non arbitrantur: quasi verò Cn. Pompeium non cum suis virtutibus, tum etiam alienis vitijs magnum esse videamus. Quare nolite dubitare, quin huic uni credatis omnia, qui inter annos tot vnus inventus sit, quem socij in vrbes suas cum exercitu venisse gaudeant. Quòd si auctoritatibus hanc causam, Quirites, confirmandam putatis, est vobis auctor vir bellorum omnium, maximarumque rerum peritissimus P. Servilius, cuius tantæ res gestæ terrâ, marique ex-

tite-

titerunt, ut cum de bello deliberetis, auctor vobis gravior esse nemo debeat: est C. Curio summis vestris beneficijs, maximisque rebus gestis, summo ingenio, & prudentiâ præditus: est Cn. Lentulus, in quo omnes pro amplissimis vestris honoribus summum consilium, summam gravitatem esse cognoscitis: est C. Crassus integritate, virtute, constantiâ singulari. Quare videte, num horum authoritatibus illorum orationi qui dissentiunt, respondere posse videamur. Quæ cum ita sint, C. Manili, primûm istam tuam, & legem, & voluntatem, & sententiam laudo, vehementissimèque comprobo: deinde te hortor, ut auctore Populo Roman. maneas in sententia, ne ve cuiusquam vim, aut minas pertimescas. Primûm in te satis esse animi, constantiæque, arbitror: deinde cum tantam multitudinem, cum tanto studio, adesse videamus, quantum non iterum in eodem homine præficiendo vidimus: quid est, quod aut de re, aut de perficiendi facultate dubitemus? Ego autem, quidquid in me est studij, consilij, laboris, ingenij, quidquid hoc beneficio Populi Romani, atque hac potestate prætoriâ, quidquid authoritate, fide, constan-




tia possum, id omne ad hanc rem conficiendam tibi, & Populo Romano pollicor, & defero; testorque omnes deos, & eos maxime, qui huic loco, temploque præsident, qui omnium mentes eorum, qui ad Rempub. adeunt, maxime perspiciunt, me hoc neque rogatu facere cuiusquam, neque quo Cn. Pompeij gratiam mihi per hanc causam conciliari putem, neque quo mihi excuiusquam amplitudine, aut præsidia periculis, aut adiumenta honoribus quaeram? propterea quod pericula facile, ut hominem præstare oportet, innocentiam testari pellemus: honores autem, neque ab vno, neque ex hoc loco, sed eodem nostra illa laboriosissima ratione vitæ, si vestra voluntas feret, consequemur. Quam obrem quidquid in hac causa mihi susceptum est, id omne Reip. causa suscepisse confirmo: tantumque abest, ut aliquam bonam gratiam mihi quaesivisse videar, ut multas etiam similtates partim obscuras, partim apertas, intelligam, mihi non necessarias, vobis non inutiles suscepisse. Sed ego me hoc honore præditum, tantis vestris beneficijs affectum, statui, Quirites, vestram voluntatem, & Reipublicæ dignitatem & salutem provinciarum, atque sociorum, meis omnibus commodis, & rationibus præferre oportere.

## IN L. CATILINAM

## IN SENATU

## ORATIO.



Quousq̃ tãdem abutere Catilina  
patientia nostra? Quandiu nos  
etiã furor iste tuus eludet? Quẽ  
ad finem sese effrenata iactabit  
audacia? Nihilne te nocturnum  
præsidium Palatij, nihil vrbis vigilia, nihil timor  
populi, nihil consensus bonorum omnium, ni-  
hil hic munitissimus habendi senatûs locus, ni-  
hil horum ora, vultusque moverunt? Patere  
tua consilia non sentis? Constrictam iam om-  
nium horum conscientia teneri coniurationem  
tuam non vides? Quid proximã, quid supe-  
riore nocte egeris, vbi fueris, quos convo-  
caveris, quid consilij ceperis, quem nos-  
trum ignorare arbitraris? O tempora! O  
mores! Senatus hoc intelligit, Consul videt:  
hic tamen vivit: vivit? Imò verò etiam in se-  
natum

natum venit: fit publici consilij particeps, notat, & designat oculis ad eadem vnumquemque nostrum. Nos autem viri fortes satisfacere Reipub. videmur, si istius furorem, ac tela vitemus. Ad mortem te, Catilina, duci iussu Consulis iam pridem oportebat, in te conferri pestem istam, quam tu in nos omnes iamdiu machinaris. An verò vir amplissimus P. Scipio Pontifex maximus Tib. Gracchum mediocriter labefactantem statum Reipub. privatus interfecit: Catilinam verò orbem terræ, cæde, atque incendijs vastare cupientem nos Consules perferemus? Nam illa nimis antiqua prætereo, quòd Q. Servilius Ahala Sp. Melium novis rebus studentem manu sua occidit. Fuit, fuit ista quondam in hac Repub. virtus, vt viri fortes acrioribus supplicijs civem perniciosum, quàm acerbissimū hostem coërcerent. Habemus enim senatus consultū in te, Catilina, vehemens; & grave: non deest Reipub. consilium, neque authoritas huius ordinis: nos, nos dico aperte, Consules desumus. Decrevit quondam senatus, vt L. Opimius COS. videret, nequid Respub. detrimenti caperet: nox nulla intercessit: interfectus est propter quasdam seditionum suspicio-

nes



nes C. Gracchus clarissimo patre natus, avis, maioribus: occisus est cum liberis M. Fulvius consularis. Simili senatusconsulto, C. Mario, & L. Valerio COS. permessa est Respub. nūm vnū diem postea L. Saturninū Tribunū plebis, & C. Serviliū Prætorē mors à Reipub. poenā remorata est? At nos vigesimum iam diem patimur hebescere aciem horum authoritatis; habemus enim huiusmodi senatusconsultum, verū tamen inclusum in tabulis, tanquam gladium in vagina reconditum: quo ex senatusconsulto confestim interfectum te esse, Catilina convenit. Vivis, & vivis non ad deponendam, sed ad confirmandam audaciam. Cupio P. C. me esse clementem, cupio in tantis Reipub. periculis non dissolutum videri: sed iam me ipsum inertię, nequitięque condemno: castra sunt in Italia contra Rempub. in Etrurię faucibus collocata: crescit in dies singulos hostium numerus: eorum autem Imperatorem castrorum, ducemque hostium intrā mœnia, atque adeo in senatu videmus, intestinam aliquam quotidie perniciem Reipub. molientem. Si te iam, Catilina, comprehendi, si interfici iussero, credo erit verendum mihi, ne non hoc potius

omnes bonis feriùs á me, quam quisquam credeliùs factum esse dicat. Verùm ego hoc, quod iam pridem factum esse oportuit, certa de causa nõ dum adducor, vt faciam: tum denique interficiam te, cum iam nemo tam improbus, tam perditus, tam tui similis inveniri poterit, qui id non iure factum esse fateatur. Quandiù quisquam erit, qui te defendere audeat, vives; & vives ita, vt nunc vivis, multis meis, & firmis præsidijis obsessus, ne commovere te contra Rempub. possis; multorum te etiam oculi, & aures non sentientem, sicut adhuc fecerunt, speculabuntur, atque custodient. Etenim quid est, Catilina, quod iam ampliùs expectes, si neque nox tenebris obscurare cœtus nefarios, nec privata domus parietibus continere vocem coniurationis tuæ potest? Si illustantur, si erumpunt omnia? Muta iam istam mentem, mihi crede, obliviscere cædis, atque incendiorum, tenèris vndique, luce sunt clariora nobis tua consilia omnia: quæ etiam mecum licet recognoscas. Meministi nè me, ante diem XII. Kalend. Novembris, dicere in senatu certo die fore in armis, qui dies futurus esset ante diem VIII. Kalend. Novembris, C.

Ma-

Manilium audaciæ satellitem, atque administrum tuæ? Num me fefellit, Catilina, non modo res tam atrox, tam incredibilis, verum id, quod multò magis est admirandum, dies? Dixi ego idem in senatu, cædem te optimatū contulisse in ante diem V. Kalend. Novembris; tum cum inulti principes civitatis Romæ non tam sui conservandi, quàm tuorum consiliorum reprimendorum causâ profugerunt: nùm inficiari potes, te illo ipso die meis præfidijs, meâ diligentia circumclusum, commovere te contra Kemp. non potuisse? Cum tu discessu cæterorum, nostram tamen, qui remansissemus, cæde, contentum te esse dicebas. Quid? Cum te Præneste Kal. ipsis Nov. occupaturum nocturno impetu esse confideres, sensisti nè illam coloniam meo iussu, meis præfidijs, custodijs, vigilijsque esse munitam? nihil agis, nihil moliris, nihil cogitas, quod ego, non modo audiam, sed etiam videam, planèque sentiam. Recognosce mecum tandem illam superiorem noctem; iam intelliges multo me vigilare acrius ad salutem, quàm te ad perniciem Reipub. Dico te priori nocte venisse inter falçarios (non agam obscure) in M.



Leccæ domum: convenisse eodem complures eiusdem amentiae scelerisque socios: num negare audes? quid taces? convincam, si negas: video enim esse hic in Senatu quosdam, qui tecum una fuere. O dii immortales: ubi nam gentium sumus? quā Rempub. habemus? in qua vrbe vivimus? hic, hic sunt, nostro numero P. C. in hoc orbis terræ sanctissimo, gravissimoque consilio qui de meo, nostrumque omnium interitu, qui de huius vrbis, atque adeo orbis terrarum exitio cogitent; hoc ego video Consul, & de Repub. sententiam rogo, & quos ferro trucidari oportebat, eos nondum voce vulnero. Fuisti igitur apud Leccam ea nocte Catilina: distribuisti partes Italiae, statuisti quō quemq̃ proficisci placeret: delegisti quos Romæ relinqueres, quos tecū educeres: descripsisti vrbis partes ad incendia; confirmasti te ipsum iam esse exiturum: dixisti paululum tibi esse etiam tum moræ, quod ego viverem. Reperti sunt duo equites Romani, qui te istā curā liberarent, & sese illa ipsa nocte paulò ante lucem me in meo lectulo interfectores pollicerentur: hæc ego omnia vix dum etiam coetu vestro dimisso, comperi: domum meam maioribus præ-

præsidij munivi, atque firmavi: exclusi eos, quos tu manè ad me salutatum miseras, cum illi ipsi venissent, quos ego iam multis viris ad me venturos id temporis esse prædixeram. Quæ cum ita sint, Catilina, perge quò coepisti: egredere aliquando ex vrbe: patent portæ, proficiscere: nimium diu te Imperatorem illa tua Maniliana castra desiderant: educ tecum etiam omnes tuos, si minus, quàm plurimos: purga urbem: magno me metu liberabis, dummodò inter me, atque te murus intersit: nobiscum versari iam diutius non potes, non feram, non patiar, non sinam. Magna dijs immortalibus habenda est gratia, atque huic ipsi Iovi Statori antiquissimo custodi huius vrbis, quòd hanc, tam tetram, tam horribilem, tamque infestam Reipublicæ pestem toties iam effugiemus; non est sæpius in vno homine falsus summa periclitanda Reipublic. Quamdiu mihi Consuli designato, Catilina, insidiatus es, non publico me præsidio, sed privatâ diligentia defendi. Cum proximis comitijs consularibus me Consulem in campo, & competitores tuos interficere voluisti, compressi tuos nefarios conatus amicorum præsidio, & copijs,

nullo tumultu publicè concitato: denique quotiescumque me petijsti, per me tibi obstiti, quāquam videbam, perniciem meam cum magna calamitate Reipub. esse coniunctam. Nunc iam apertè Rempub. vniversam petis, templa deorum immortalium, tecta vrbis, vitam omnium civium, Italiam denique totam ad exitium, & vastitatem vocas. Quare, quoniam id, quod primum, atque huius imperij, disciplinæque maiorum proprium est, facere non audeo, faciam id, quod est ad severitatem lenius, ad communem salutem vtilius. Nam si te interfici iussero, residebit in Repub. reliqua coniuratorum manus; sin tu ( quod te iam dudum horrer ) exieris, exhaurietur ex vrbe tuorum comitum magna, & perniciofa sentina Reipub. Quid est Catilina? num dubitas id me imperāte facere, quod iam tua sponte faciebas? exire ex vrbe Consul hostem iubet: interrogas me, num in exilium? non iubeo; sed, si me consulis, suadeo. Quid enim, Catilina, est, quod te iam in hac vrbe delectare possit, in qua nemo est extra istam coniurationem perditorum hominum, qui te non metuat, nemo, qui te non oderit? Quæ nota domesticæ turpitudinis non inus-



inusta vitæ tuæ est? quod privatarū rerū dedecus non hæret infamiæ? quæ libido ab oculis, quod facinus à manibus vnquam tuis, quod flagitium à toto corpore abfuit? cui tu adolescentulo, quem corruptelarum illecebris irretijsses, non aut ad audaciam ferrum, aut ad libidinem facem prætulisti? quid verò nuper? cum morte superioris vxoris novis nuptijs domum vacuam fecisses, nonne etiam alio incredibili scelere, hoc scelus cumulasti? Quod ego prætermitto, & facile patior sileri, ne in hac civitate tanti facinoris immanitas, aut extitisse, aut non vindicata esse videatur. Prætermitto ruinas fortunarum tuarum, quas omnes impendere tibi proximis Idibus senties. Ad illa venio, quæ non ad privatam ignominiam vitiorum tuorum, non ad domesticam tuam difficultatem, ac turpitudinem, sed ad summam Reipublicæ, atque ad omnium nostrum vitam, salutemque pertinent. Potest ne tibi huius vitæ hæc lux, Catilina, aut huius cœli spiritus esse iucundus, cum scias horum esse neminem, qui nesciat te pridie Kalend. Ian. Lepido, & Tullo Consulibus fierisse in comitio cum te? manum, Consulum, & Principum

civitatis interficiendorum causá paravisse? sceleris ac furori tuo non mentem aliquam, aut timorem tuum, sed fortunam Reipublicæ obstitisse? ac iam illa omitto, neque enim sunt, aut obscura, aut non multò post me commissa: quoties tu me designatum, quoties me Consulem interficere voluisti? quot ego tuas petitiones ita coniectas, ut vitari posse non viderentur, parva quadam declinatione, & ut aiunt, corpore effugi? nihil agis, nihil assequeris, nihil moliris, quod mihi latere valeat in tempore: neque tamen conari, ac velle desistis. Quoties iam, quoties iam tibi extorta est sica ista de manibus? Quoties verò excidit casu aliquo, & elapsa est? tamen ea carere diutiùs non potes: quæ quidem, quibus abs te initiata sacris, ac devota sit nescio, quod eam necesse putas Consul in corpore defigere. Nunc verò, quæ tua est ista vita? sic enim iam tecum loquar, non ut odio permotus esse videar, quo debeo, sed ut misericordia, quæ tibi nulla debetur. Venisti paulò ante in senatum: quis te ex hac tanta frequentia, ex tot tuis amicis, ac necessarijs salutavit? si hoc post hominum memoriam contigit nemini, vocis expectas contumeliam, cum

cum sis gravissimo iudicio taciturnitatis oppressus? Quid, quod advētu tuo ista subsellia vacua facta sunt? Quid, quod omnes consulares, qui tibi per sepe ad cædem constituti fuerunt, simul atque assedisti, partem istam subselliorum nudam, atque inanem reliquerunt? Quo tandem animo hoc tibi ferendum putas? servi, me hercule, mei, si me isto pacto metuerent, ut te metuunt omnes cives tui, domum meam relinquendam putarem: tu tibi urbem non arbitraris? & si me meis civibus iniuriâ suspectum tam graviter, atque infensum viderem, carere me aspectu civium, quam infestis oculis omnium conspici mallet: tu cum conscientia scelerum tuorum agnoscas odium omnium iustum, & iam tibi diu debitum; dubitas, quorum mentes, sensusque vulneras, eorum aspectum, præsentiamque vitare? Si te parentes timerent, atque odissent tui, neque eos vlla ratione placare posses, ut opinor, ab eorum oculis aliquò concederes: nunc te patria, quæ communis est omnium nostrum parens, odit, ac metuit, & iam diu nihil iudicat, nisi de patricidio suo, cogitare: huius tu neque auctoritatem verebere, neque iudicium sequere, neque



que vim pertimesces, quæ tecum, Catilina, sic agit, & quodammodò tacita loquitur: nullum iam tot annos facinus extitit, nisi per te: nullum flagitium sine te: tibi vni multorum civium necesse, tibi vexatio, direptioque sociorum impunita fuit, ac libera: tu non solum ad negligendas leges, & quæstiones, verum etiam ad evertendas, perfringendasque valuisti. Superiora illa quamquàm ferenda non fuerunt, tamen, ut potui, tuli: nunc verò, me totam esse in metu, propter te unum, quidquid increpuerit, Catilinam timeri, nullum videri contra me consilium iniri posse, quod à tuo scelere abhorreat: non est ferendum. Quam obrem discede, atque hunc mihi timorem eripe: si verus, ne opprimar, sin falsus, ut tandem aliquando timere desinam. Hæc si tecum, ut dixi, patria loquatur, nonnè impetrare debeat, etiam si vim abhibere non possit? Quid, quod tu te ipse in custodiam dedisti? Quid, quod vitandæ suspicionis causâ, apud M. Lepidum te habitare velle dixisti? à quo non receptus, etiam ad me venire ausus es, atque, ut domi me te asservarem, rogasti? Cum à me quoque id responsum tulisses, me nullomodo posse

ijſdem parietibus tutó eſſe tecum, qui magno in periculo eſſem, quod ijſdem mœnibus contineremur, ad Q. Metellum Prætorem veniſti, á quo repudiatus, ad ſodalem tuum, virum optimum M. Marcellum demigraſti: quem tu videlicet, & ad cuſtodiendum te diligentifſimum, & ad ſuſpicandum ſagaciſſimum, & ad vindicandum fortiſſimum fore putaſti. Sed quàm longé videtur á carcere, atque á vinculis abeſſe debere, qui ſe ipſum iam dignum cuſtodia iudicaverit? Quæ cum ita ſint, Catilina, dubitas, ſi hic morari æquo animo non potes, abire in aliquas terras, & vitam iſtam multis ſupplicijs iuſtis, debitifque ereptam, fugæ, ſolitudinique mandare? Refer inquis, ad ſenatum, id enim poſtulas: & ſi hic ordo ſibi placere decreverit te ire in exilium: obtemperaturum te eſſe dicis. Non referam id quod abhorret á meis moribus; & tamen faciam, vt intelligas, quid hi de te ſentiant. Egredere ex vrbe, Catilina: libera Rempub. metu: in exilium, ſi hanc vocem expectas, proficiſcere. Quid eſt Catilina? ecquid attendis, ecquid animadvertiſ horum ſilentium? patiuntur: tacent. Quid expectas auctoritatem loquentium, quorum

voluntatem tacitorum perspicis? At si hoc idem huic adolescenti optimo P. Sextio, si fortissimo viro M. Marcello dixissem; iam mihi Consuli hoc ipso in templo iure optimo senatus vim, & manus intulisset: de te autem, Catilina, cum quiescunt, probant: cum patiuntur, decernunt: cum tacent, clamant, neque hi solum, quorum tibi auctoritas est videlicet cara, vita vilissima; sed etiam illi equites Roman. honestissimi cives, qui circumstant senatum: quorum tu, & frequentiam videre, & studia perspicere, & voces paulo ante exaudire potuisti, quorum ego vix abs te iam diu manus, ac tela contineo, eosdem facile adducam, ut te hæc, quæ iam pridem vastare studes, relinquentem usque ad portas prosequantur. Quamquam quid loquor? te ut vlla res frangat? tu ut unquam te corrigas? tu ut vllam fugam meditèrè? tu vllum ut exilium cogites? utinam tibi istam mentem dii immortales darent; tametsi video si mea voce perterritus ire in exilium animum induxeris, quanta tempestas invidiæ nobis, sin minus in præsens tempus recenti memoria scelerum tuorum, at in posteritatem impendeat. Sed est mihi tanti, dummodò ista tua privata  
sit



fit calamitas, & à Reipub. periculis seiungatur. Sed tu vt vitijs tuis commoveare, vt legum poenas pertimescas, vt temporibus Reipub. concedas, non est postulandum. Neque enim, Catilina, is es, vt te aut pudor à turpitudine, aut metus à periculo, aut ratio à furore revocarit. Quamobrem, vt sæpé iam dixi, proficiscere: ac si mihi inimico, vt prædicas, tuo conflare vis invidiam, recta perge in exilium: vix feram sermones hominū, si id feceris: vix molem istius invidiæ, si in exilium ieris iussu Consulis, sustinebo: sin autem servire meæ laudi, & gloriæ mavis, egredere cum importuna sceleratorum manu: confer te ad Manlium, concita perditos cives, secerne te à bonis, infer patriæ bellum, exulta impio latrocinio: vt à me non eiectus ad alienos, sed invitatus ad tuos esse videaris, quamquàm quid ego te invitem, à quo iam sciam esse præmissos, qui tibi ad forum Aurelium præstolarentur armati? sciam pactam, & constitutam esse cum Manlio diem? à quo etiam Aquilam illam argenteam, quam tibi, ac tuis omnibus perniciosam esse confido, & funestam futuram, cui domi tuæ sacrarium scelerum tuorū constitutum fuit, sciam esse præ-

missam? Tu vt illa diutius carere possis, quam venerari, ad eadē proficiscens solebas? à cuius altaribus, sæpè istam dextram impiam ad necem civiū trāstulisti? Ibis tandem aliquando, quó te iam pridem tua ista cupitas effrenata, ac furiosa rapiebat: neque enim tibi hæc res affert dolorem, sed quandam incredibilem voluptatem: ad hanc te amentiam natura peperit, voluntas exercuit, fortuna servavit. Nunquam tu non modó otium, sed ne bellum quidem nisi nefarium concupisti. Nactus es ex perditis, atque ab omni non modó fortuna, verumetiam lpe derelictis, conflata improborum manum: hic tu qua letitiá perfruere? quibus gaudijs exultabis? quanta in voluptate bacchabere? cum in tanto numero tuorum, neque audies virum bonum quemquam, neque videbis? Ad huius vitæ studium meditati illi sunt, qui feruntur, labores tui: iacere humi non modó ad obsidendum stuprum, verumetiam ad facinus obeundum: vigilare non solum ad insidiandum somno maritorum, verumetiam bonis occisorum. Habes vbi ostentes illam præclaram tuā patientiam famis, frigoris, inopiæ rerum omnium, quibus te brevi tempore confectum esse

sen.

senties. Tantum profeci tum, cum te à consu-  
latu repuli, vt exul potius tentare, quàm Con-  
sul vexare Remp. posses; atque vt id quod esset  
à te sceleratè susceptū, latrocinium potius quàm  
bellum nominaretur. Nunc vt à me P.C. quan-  
dā propè iustam patriæ querimoniam detester,  
ac deprecet, percipite quæso diligenter quæ  
dicam, & ea penitus animis vestris, mentibus-  
que mandate. Etenim si mecū patria, quæ mihi  
vitā meā multò est carior, si cuncta Italia, si  
omnis Respub. loquatur: M. Tulli, quid agis?  
tu nè eum, quem esse hostem comperisti, quem  
ducem belli futurum vides, quem expectari  
Imperatorem in castra hostium sentis, auctore  
sceleris, principem coniurationis, evocatorem  
servorum, & civium perditorum exire patie-  
ris, vt ab te non emissus ex vrbe, sed immissus  
in urbem esse videatur? nonné hunc in vin-  
cula duci, non ad mortem rapi, non summo  
supplicio mactari imperabis? Quid tandem im-  
pedit te? mos nè maiorum? at perlepè etiam  
privati in hac Repub. perniciosos cives morte  
multarunt: an leges, quæ de civium Romano-  
rum supplicio rogatæ sunt? at nunquam in hac  
vrbe ij, qui à Repub. defecerunt, civium iura




tenuerunt: an invidiam posteritatis times? præclaram verò Populo Roman. refers gratiam, qui te hominem per te cognitum, nulla commendatione maiorum, tam maturé ad summum imperium per omnes bonorum gradus extulit: si propter invidiam, aut alicuius periculi metum, salutem civium tuorum negligis. Sed si quis est invidiæ metus, num est vehementius severitatis, ac fortitudinis invidia, quam inertiae, ac nequitiae pertimescenda? An, cum bello vastabitur Italia, vexabuntur vrbes. tecta ardebunt: tum te non existimas invidiæ incendio conflagraturum? His ergo sanctissimis Reipub. vocibus, & eorum hominum, qui idem sentiunt, mentibus pauca respondebo. Ego, si hoc optimum factu iudicarem, P. C. Catilinam morte multari, vnius vsuram horæ gladiatori isti ad vivendum non dedissem: etenim si summi viri, & clarissimi cives Saturnini, & Gracchorum, & Flacci, & superiorum complurium sanguine non modò se non contaminarunt, sed etiam honestarunt: certè vrendum mihi non erat, nequid, hoc parricidâ civium interfecto, invidiæ mihi in posteritatem redundaret: Quod si ea mihi maximè im-

impenderet; tamen hoc animo semper fui, ut invidiam virtute partam, gloriam, non invidiam, putarem. Quamquam nonnulli sunt in hoc ordine, qui aut ea, quæ imminet, non videant; aut ea quæ videant, dissimulent: qui spem Catilinæ mollibus sententijs aluerunt, coniurationemque nascentem non credendo, corroboraverunt: quorum auctoritatem secuti multi, non solum improbi, verumetiam imperiti, si in hunc animadvertissem, crudeliter, & egregiè factum esse dicerent. Nunc intelligo, si iste, quò intendit, in Manliana castra pervenerit; neminem tam stultum fore, qui non videat coniurationem esse factam: neminem tam improbum, qui non fateatur. Hoc autem vno interfecto, intelligo hanc Reipub. pestem paulisper reprimi, non in perpetuum comprimi posse. Quòd si se eiecerit, secumque suos eduxerit, & eodem cæteros undique collectos naufragos, aggregaverit: extinguetur, atque delebitur, non modò hæc tam adulta Reipub. pestis, verumetiam stirps, ac semen malorum omnium. Etenim tandiu P. C. in his periculis coniurationis, insidijsque versamur: sed nescio quo pacto omnium scerum

lerum, ac veteris furoris, & audaciæ maturitas in nostri consulatus tempus erupit. Quód si ex tanto latrocinio iste vnus tolletur, videbimur fortassé ad breve quoddá tempus curâ, & metu esse relevati: periculum autem residebit, & erit inclusum penitus in venis, atque in visceribus Reipub. Vt sæpe homines ægri morbo gravi, cum æstu, febrique iactantur, si aquam gelidam biberint, primò relevari videntur; deinde multò gravius vehementiusque affligantur: sic hic morbus, qui est in Republica, relevatus istius pœnâ, vehementius, vivis reliquis, ingravescet. Quare P. C. secedant improbi, secernant se à bonis, vnum in locum congregentur, muro denique, id quod sæpe iam dixi, secernantur à nobis, desinant insidiari domi suæ Consuli, circumstare tribunal Prætoris vrbani, obsidere cum gladijs curiam, malleolos ad incendendam urbem, facesque comparare. Sit denique inscriptum in fronte vniuscunq; civis, quid de Repub. sentiat. Polliceor vobis hoc P. C. tantam in nobis COSS. fore diligentiam, tantam in nobis authoritatem, tantam in equitibus Roman. virtutem, tantam in omnibus  
bo-



bonis consensionem, vt Catilinæ profectione  
omnia patefacta, illustrata, opressa, vindi-  
cata esse videatis. Hisce omnibus, Catilina,  
cum summa Reipub. salute, & cum tua pes-  
te, ac pernicië, cumque eorum exitio, qui se  
tecum omni scelere, parricidioque iunxerunt,  
proficiscere ad impium bellum, ac nefarium.  
Tum tu, Iupiter, qui ijsdem, quibus hæc  
vrbs, auspicijs à Romulo es constitutus, quem  
Statorem huius vrbs, atque imperij veré nomi-  
namus, hunc, & huius socios à tuis aris, cæteris-  
que templis, à tectis vrbs, ac mœnibus, à vita  
fortunisque civium omnium arcebis, &  
omnes inimicos bonorum, hostes patriæ,  
latrones Italiæ, scelerum fœdere  
inter se, ac nefaria societate  
coniunctos, æternis suppli-  
cijs vivos, mortuosque  
mactabis.



## IN L. CATILINAM,

## AD QVIRITES.

## ORATIO II.

**T**Andem aliquandò, Quirites, L. Catilinam furentem audaciâ, scelus anhelantem, pestem patriæ nefariè molientem, vobis, atque huic vrbi ferrum, flâmamque minitantem, ex vrbe, vel eiecimus, vel emisimus, vel ipsum egredientem vrbe persecuti sumus: abiit, excessit, evasit, erupit: nulla iam pernicies à monstro illo, atque prodigio mœnibus ipsis intrâ mœnia comparabitur. Atque hunc quidem vnum huius belli domestici ducem, sine contròversia vicimus: non enim iam inter latera nostra fica illa versabitur: non in campo, non in foro, non in curia, non denique intra domesticos parietes pertimescimus: loco ille motus est cum est ex vrbe depulsus: palâm iam cum hoste nullo impediante bel-

bellum iustum geremus. Sine dubio perdidimus hominem, magnificeque vicimus, cum illum ex occultis insidijs in apertum latrocinium coniecimus. Quód veró, non cruentum mucronem, vt voluit, extulit, quód vivis nobis egressus est, quód ei ferrum de manibus extorsimus, quód incolumes cives, quód stantem urbem reliquit: quanto tandem illum moerore afflictum esse, & profligatum putatis? Iacet ille nunc prostratus, Quirites, & se percussam, atque abiectam esse sentit, & retorquet oculos profectò sæpe ad hanc urbem, quam ex suis faucibus ereptam esse luget: quæ quidem lætari mihi videtur, quód tantam pestem evomuerit, forasque proiecerit. At si quis est talis quales esse omnes oportebat, qui in hoc ipso, in quo exultat, & triumphat oratio mea, me vehementer accuset, quód tam capi talem hostem non comprehenderim potius quam emiserim: non est ista mea culpa, Quirites, sed temporum. Interemptum esse L. Catilinam, & gravissimo supplicio affectum iam pridem oportebat: idque à me, & mos maiorum, & huius imperij severitas, & Resp. postulabat. Sed quàm multos fuisse putatis, qui,



quæ ego deferrem non crederent? quàm multos, qui propter stultitiam non putarent? quàm multos, qui etiam defenderent? quàm multos, qui propter improbitatem faverent? Ac si sublato illo, depelli à vobis omne periculum iudicarem; iam pridem ego L. Catilinam, non modò invidiæ meæ, verumetiam vitæ periculo sustulissem; sed cum viderem, ne vobis quidem omnibus re etiam tum probata, si illum, ut erat meritis, morte multassem, fore, ut eius socios invidiâ oppressus persequi non possem: rem huc deduxi, ut tum palàm pugnare possetis, cum hostem apertè videretis. Quem quidem ego hostem, Quirites, quàm vehementer foris esse timendum putem, licet hinc intelligatis, quòd illud etiam molestè fero, quòd ex vrbe parùm comitatus exierit. Vtinam ille omnes secum suas copias eduxisset. Tongillum mihi eduxit, quem amare in prætexta cœperat; Publicium, & Munatium, quorum æs alienum contractum in popinam nullum Reipub. metum afferre poterat: reliquit quos viros? quanto alieno ære? quam valentes? quam nobiles? Vos videtis. Itaque ego illum exercitum, & Gallicanis legionibus, &

hoc

hoc delectu, quem in agro Piceno, & Gallico Q. Metellus habuit, & his copijs quæ à nobis quotidie comparantur, magnopere contemno, collectum ex senibus desperatis, ex agresti luxuria, ex rusticis mendiculis, ex decoctoribus, ex ijs, qui vadimonia deferere, quàm illum exercitum maluerunt: quibus ego non modò si aciem exercitus nostri, verumetiam si edictum Prætoris ostendero, concident. Hos, quos video volitare in foro, quos stare ad curiam, quos etiam in senatum venire, qui nitent vnguentis, qui fulgent purpurâ, malletm secum suos milites adduxisse: qui si hic permanent, mementote non tam exercitum illum esse vobis, quàm hos, qui exercitum deseruerunt, pertimescendos. Atque etiam hoc magis sunt timendi, quòd quid cogitent, me scire sentiunt, neque tamen permoventur. Video, cui Apulia sit attributa, qui habeat Etruriam, qui agrum Picenum, qui Gallicum; qui sibihas urbanas insidias cædis, atq̃ incendiorũ depoposcerit: omnia superioris noctis consilia ad me perlata esse sentiunt: patefeci in senatu hesternodie: Catilina ipse pertimuit, profugit: hi quid expectant? nã illi vehementer errant, si illam

illam meam pristinam lenitatem perpetuam  
sperant futuram: quod expectavi, iam sum  
assecutus, ut vos omnes factam esse aperte  
coniurationem contra Rempub. videretis: nisi  
verò si quis est, qui Catilinæ similes, cum  
Catilina sentire non putet. Non est iam leni-  
tati locus: severitatem res ipsa flagitat: vnum  
etiam nunc concedam: exeant, proficiſcan-  
tur, ne patiantur desiderio sui Catilinam mi-  
ferum tabescere: demonstrabo iter: Aureliâ  
viâ profectus est: si accelerare volent, ad vespe-  
ram consequentur. O fortunatam Rempub.  
si quidem hanc sentinam huius urbis eiecerit:  
vno, mehercule, Catilina exhausto, relevata  
mihi, & recreata Respub. videtur. Quid enim  
mali, aut sceleris fingi, aut excogitari potest,  
quod non ille conceperit? quis totâ Italiâ ve-  
neficus, quis gladiator, quis la tro, quis sicarius,  
quis parricida, quis testamentorum subiecto-  
r, quis circumscriptor, quis ganeo, quis nepos, quis  
adulter, quæ mulier infamis, quis corruptor  
iuventutis, quis corruptus, quis perditus inve-  
niri potest, qui se cum Catilina non famiaris-  
simè vixisse fateatur? quæ cædes per hosce an-  
nos sine illo facta est? quod nefarium stu-  
prum



prum non per illum? Iam verò quæ tanta in  
villo vnquam homine iuventutis illecebra fuit,  
quanta in illo? Qui alios ipse amabat turpif-  
simè; aliorum amorì flagitiosissimè serviebat:  
alijs fructum libidinum, alijs mortem paren-  
tum non modò impellendo, verumetiam ad-  
iuvando pollicebatur. Nunc verò quàm subitò  
non solum ex vrbe, verumetiam ex agris in-  
gentem numerum perditorum hominum col-  
legerat? nemo non modò Romæ, sed nec  
villo in angulo totius Italiæ oppressus ære  
alieno fuit, quem non adhuc incredibile scele-  
ris foedus asciverit. Atque vt eius diversa stu-  
dia in dissimili ratione perspicere possitis, ne-  
mo est in ludo gladiatorio paulò ad facinus au-  
dacior, qui se non intimum Catilinæ esse fatea-  
tur? nemo in scena levior, & nequior, qui se  
non eiusdem propè sodalem fuisse commemo-  
ret. Atque idem tamen stuprorum, & scele-  
rum exercitatione assuefactus frigore, & fame,  
& siti, ac vigilijs perferendis fortis ab istis suis,  
socijs prædicabatur, cum industriæ subsidia, at-  
que instrumenta virtutis in libidinem, auda-  
ciamque consumeret. Hunc verò si fui  
fuerint comites secuti, si ex vrbe exierint des-

peratorum hominum flagitiosi greges: ó nos beatos! ó Rempub. fortunatam: ó præclaram laudem consulatus mei! Non enim iam sunt mediocres hominum libidines, non humanæ audaciæ, ac tolerandæ: nihil cogitant, nisi cædes, nisi incendia, nisi rapinas: patrimonia sua profuderunt, fortunas suas abligurierunt: res ecs iam pridem; fides deficere nuper coepit: eadem tamen illa, quæ erat in abundantia, libido permanet. Quod si in vino, & alea comestationes solum, & scorta, quærerent, essent illi quidem desperandi, sed tamen essent ferendi: hoc veró quis ferre possit, inertes homines fortissimis viris insidiari, stultissimos prudentissimis, ebriosos sobrijs, dormientes vigilantibus? qui mihi accubantes in convivijs, complexi mulieres impudicas, vino languidi, confecti cibo, fertis redimiti, vnguentis obliti, debilitati stupris, eructant sermonibus suis cædem bonorum, atque vrbis incendia: quibus ego confido impendere fatum aliquod, & poenas iamdiu improbitati, nequitix, sceleri, libidini debitas, aut instare iam plané, aut certé iam appropinquare. Quod si meus consulatus, queniám sanare non potest, fustulerit,

non

non breve nescio quod tempus, sed multa  
sæcula propagarit Reipub. nulla est enim na-  
tio, quam pertimescamus: nullus Rex, qui bel-  
lum Populo Rom. inferre possit: omnia sunt  
externa, vnius virtute, terra, marique pacata:  
domesticum bellum manet: intus insidiæ sunt,  
intus inclusum periculum est, intus est hostis:  
cum luxuria nobis, cum amentia, cum scelere  
certandum est. Huic ego de me bello ducem  
profiteor, Quirites: suscipio inimicitias homi-  
num perditorum, quæ sanari poterunt, qua-  
cumque ratione sanabo: quæ ressecanda erunt,  
non patiar ad perniciem civitatis manare. Pro-  
inde aut exeant, aut quiescant; aut si, & in vrbe,  
& in eadem mēte permanent, ea quæ meren-  
tur, expectent, At etiam sunt, Quirites, qui  
dicant á me in exilium eiectum esse Catilinam:  
quod ego si verbo assequi possem, istos ipsos  
eijcerem, qui hæc loquuntur: homo enim vi-  
delicet timidus, & permodestus vocem Con-  
sulis ferre nō potuit, simul atque ire in exilium  
iussus est, paruit. Quid quod hesternò die cum  
domi meæ pene interfectus essem, senatum in  
ædem Iovis Statoris vocavi; rem omnem ad  
Patres Conscriptos detuli: quò cum Catilina



venisset, quis eum Senator appellavit? quis salutavit? quis denique ita aspexit, vt perditum civem, ac non potius, vt importunissimum hostem? Quin etiam principes eius ordinis partem illam subselliorum, ad quam ille accesserat, nudam, atque inanem reliquerunt. Hic ego vehemens ille Consul, qui verbo cives in exilium eijcio, quæsi vi á Catilina, an nocturno conventu apud M. Leccam fuisset; necnè: cum ille homo audacissimus, conscientia convictus primò reticuiisset, patefeci cætera: quid ea nocte egisset, vbi fuisset, quid in proxima constituiisset, quemadmodum esset ei ratio totius belli descripta, edocui: cum hæsitaret, tum cunctaretur, quæsi vi quid dubitaret proficisci eo, quò iam pridem pararet, cum arma, cum secures, cum aquilam illam argenteam, cui ille etiam sacrarium scelerum domi suæ fecerat, scirem esse præmissam. In exilium eijciebam, quem iam ingressum in bellum esse videbam? Etenim credo, Nanlius iste centurio, qui in agro Fæsulano castra posuit, bellum populo Romæ suo nomine indixit, & illa castra hunc, non Catilinam ducem expectant; & ille eiectus in exilium se Massiliam, vt aiunt, non in hæc cas-

castra conferret. O conditionem miseram non modò administrandæ, verumetiam conservandæ Reipul. nunc. si L. Catilina consilijs, laboribus, periculis meis circūclusus, ac debilitatus, subitò pertimuerit, sententiam mutaverit, deseruerit suos, consilium belli faciendi abiecerit, ex hoc cursu sceleris, & belli, iter ad fugam, atque exilium converterit; non ille à me spoliatus armis audaciæ, non obstupefactus, ac perterritus meâ diligentia, non de spe, conatuque depulsus, sed indemnatus, innocens, in exilium eiectus á Consule, vi & minis esse dicetur: & erunt, qui illum, si hoc fecerit, non improbum, sed miserum: me non diligentissimum Consulem, sed crudelissimum tyrannum existimari velint. Est mihi tanti, Quirites, huius invidiæ falsæ, atque iniquæ tempestatem subire, dummodò à vobis huius horribilis belli, ac nefarij periculum depellatur. Dicatur sanè eiectus esse á me, dummodò eat in exilium: sed, mihi credite, non est iturus. Nunquàm ego á dijs immortalibus optabo, Quirites, invidiæ meæ levandæ causâ, vt L. Catilinam ducere exercitum hostium, atque in armis volitare audiat: sed triduo tamen audietis:

multòque magis illud timeo, ne mihi sit invidiosum aliquando, quod illum emiserim potius, quàm quòd eiecerim. Sed cum sint homines, qui illum, cum profectus sit, eiectum esse dicant, iidem, si interfectus esset, quid dicerent? Quamquam isti, qui Catilinam Massiliam ire dictitant, non tam hoc queruntur, quàm verentur. Nemo est istorum tam misericors, qui illum non ad Manlium, quàm ad Massilienses ire malit. Ille autem si, me hercule, hoc, quod agit, nunquam ante cogitasset; tamen latrocinantem se interfici mallet, quam exulem vivere: nunc verò, cum ei nihil adhuc præter ipsius voluntatem, cogitationemque acciderit, nisi quod vivis nobis, Româ profectus est, optemus potius, vt eat in exilium, quàm queramur. Sed cui tamdiu de vno hoste loquimur, & de eo hoste, qui iam fatetur se esse hostem, & quem, quia, quod semper volui, murus interest, non timeo? de his, qui dissimulant, qui Romæ remanent, qui nobiscū sunt, nihil dicimus: quos quidem ego, si vllò modo fieri posset, non tam vlcisci studeo, quàm sanare, & ipsos placere Reipubl. neque id quare fieri non possit, si me audire voluerint, intelli-



go. Exponam enim vobis, Quirites, ex quibus generibus hominum iste copiae comparentur: deinde singulis medicinam consilij, atque orationis meae, si quam potero, afferam. Primum genus est eorum, qui magno in aere alieno maiores etiam possessiones habent, quarum amore adducti dissolvi nullo modo possunt. Horum hominum species est honestissima: sunt enim locupletes; voluntas verò, & causa impudentissima. Tu agris, tu aedificijs, tu argento, tu familia, tu rebus omnibus ornatus, & copiosus sis, & dubites aliquid de possessione de trahere, ac fidem acquirere? Quid enim expectas? bellum? quid? ergo in vastatione omnium, tuas possessiones sacrosanctas futuras putas? an tabulas novas? errant, qui istas à Catilina expectant: meo beneficio tabulae novae proferentur, verum auctionariae. Neque enim isti, qui possessiones habent, alia ratione vlla salvi esse possunt. Quod si maturius facere voluissent, neque ( id quod stultissimum est ) certare cum usuris, fructibus praediorum, locupletioribus his, & melioribus civibus vteremur. Sed hosce homines minimè puto pertimescendos, quòd aut deduci de sententia possunt, aut

si permanebunt, magis mihi videntur vota facturi contra Rempubl. quàm arma laturi. Alterum genus est eorum, qui quamquam premuntur ære alieno, dominationem tamen expetunt: rerum potiri volunt: honores, quos quie tâ Republicâ desperant, perturbatâ consequi se posse arbitrantur. Quibus hoc præcipiendum videtur, vnum Scilicet, & idem, quod ceteris omnibus, vt desperent se id, quod conantur, consequi posse: primum omnium me ipsum vigilare, adesse, providere Reip. deinde magnos animos esse in bonis viris, magnam concordiam, maximam multitudinem, magnas præter ea copias militum; deos denique immortales huic invicto populo, clarissimo imperio, pulcherrimæ vrbi, contra tantam vim sceleris præsentis auxilium esse laturos. Quod si iam sint id quod cum summo furore cupiunt adepti; num illi in cinere vrbis, & sanguine civium, quæ mente conscelerata, ac nefaria concupierunt, se Consules, ac Dictatores, aut etiam Reges sperant futuros? non vident se cupere id, quod si adepti fuerint, fugitivo alicui, aut gladiatori concedi sit necesse? Tertium genus est ætate iam confectum, exercitatione robustum: quo

ex genere est ipse Manlius, cui nunc Catilina  
successit. Hi sunt homines ex his colonijs, quas  
Fæfulis Sylla constituit, quas ego vniversas ci-  
vium esse optimorum, & fortissimorum viro-  
rum sentio: sed tamen hi sunt coloni, qui se  
insperatis, repentinisque pecunijs sumptuosius  
insolentiùsque iactarunt, hi dum ædificant  
tamquam beati, dum prædijs, lecticis, familijs  
magnis, convivijs, apparatibus delectantur,  
in tantum æs alienum inciderunt, vt si salvi esse  
velint, Sylla sit ijs ab inferis excitandus, qui etiã  
non nullos agrestes homines tenues, atque  
egentes in eãdem illam spem rapinarum ve-  
terum impulerūt. Quos ego vtrosque, Quirites,  
in eodem genere prædatorum, direptorumque  
pono. Sed eos hoc moneo, desinant furere, &  
proscriptiones, & dictaturas cogitare. Tan-  
tus enim illorum temporum dolor iniustus  
est civitati, vt iam ista non modò homines, sed  
ne pecudes quidem mihi passuræ esse videan-  
tur. Quartum genus est sanè varium, & mixtum,  
& turbulentum; qui iam pridem premuntur:  
qui nunquam emergent: qui partim inertia,  
partim malè gerendo negotia, partim etiam  
sumptibus in vetere ære alieno vacillant: qui  
vadi-



vadimonijs, iudicijs, proscriptionibus bonorum defatigati permulti, & ex vrbe, & ex agris se in illa castra conferre dicuntur. Hosce ego non tam milites acres, quàm inficiatores lentos esse arbitror, qui homines primùm si stare non possunt, corruant; sed ita, vt non modò civitas, sed ne vicini quidem proximi sentiant: nam illud non intelligo, quam obrem, si vivere honestè non possunt, perire turpiter velint; aut cur minori dolore perituros se cum multis, quàm si soli pereant, arbitrentur. Quintum genus est parricidarum, sicariorum, denique omnium facinorosorum, quos ego à Catilina non revo-  
co, nam neque divelli ab eo possunt: & pereant sanè in latrocinio, quoniam sunt ita multi, vt eos capere carcer non possit. Postremum autem genus est, non solum numero; verum etiam genere ipso, atque vita, quod proprium est Catilinæ, de eius delectu, imò verò de complexu eius, ac sinu: quos pexo capillo nitidos, aut imberbes, aut benè barbates videtis, manicatis, & talaribus tunicis, velis amictos, non togis; quorum omnis industria vitæ, & vigilandi labor in antelucanis coenis expromitur: in his gregibus omnes aleatores, omnes adulteri,

omnes impuri, impudicique versantur; hi pueri tam lepidi, ac delicati, non solum amare, & amari, neque cantare, & saltare, sed etiam ficas vibrare, & spargere venena didicerunt: qui nisi exeunt, nisi pereunt, etiam si Catilina perierit, scitote, hoc in Rep. seminarium Catilinarium futurum. Verum tamen quid sibi isti miseri volunt? num suas secum mulierculas sunt in castra ducturi? quemadmodum autem illis carere poterunt, his praesertim iam noctibus? quo autem pacto illi Apeninū, atque illas pruinas; atque nives perferent? nisi idcirco se facilius hyemem toleraturos putant, quod in convivijis nudi saltare didicerunt. Obellum magnopere pertimescendum, cum hanc sit habiturus Catilina scortatorum cohortem praetoriam! Instruite nunc, Quirites, contra has tam praecelas Catilinæ copias vestra praesidia, vestrosque exercitus: & primum gladiatori illi confecto, & faucio Consules, Imperatoresque vestros opponite: deinde contra illam naufragorum eiectam, ac debilitatam manum florem totius Italiae, ac robur educite. Iam verò vrbes coloniarum, ac municipiorum respondebunt Catilinæ tumulis silvestribus. Neque verò

ró cæteras copias, ornamenta præsidia vestra, cum illius latronis inopia, atque egestate debeo conferre. Sed si omissis his rebus omnibus, quibus non supeditamur, eget ille, senatu, equitibus Romanis, populo, vrbe, ærario, vectigalibus, cuncta Italia provincijs omnibus, exteris nationibus: si his rebus omissis, ipsas causas, quæ inter se confligunt, contendere velimus: ex eo ipso, quàm valdè ipsi iaceant intelligere possumus. Ex hac enim parte pudor pugnat, illinc petulantia: hinc pudicitia, illinc stuprum: hinc fides, illinc fraudatio: hinc pietas, illinc scelus: hinc constantia, illinc furor: hinc honestas, illinc turpitude: hinc continentia, illinc libido: denique æquitas, temperantia, fortitudo, prudentia, virtutes omnes certant cum iniquitate, cum luxuria, cum ignavia, cum temeritate, cum vitijs omnibus: postremò copia cum egestate, bona ratio cum perdita, mens sana cum amentia, bona denique spes cum omnium rerum desperatione confligit. In huiusmodi certamine, ac prælio, nonnè, etiam si hominum studia deficiant, dii ipsi immortales cogent ab his præclarissimis virtutibus tot, & tanta vitia superari? Quæ cum ita sint, Quiri-

tes,



tes, vos [ quemadmodum iam antea dixi ]  
vestra tecta custodijs, vigilijsque defendite: mi-  
hi, vt vrbi, sine vestro metu, ac sine vlllo tu-  
multu, satis esset præsidij, consultum, ac provi-  
sum est. Coloni omnes, municipesque vestri  
certiores á me facti de hac nocturna excursio-  
ne Catilinæ, facile vrbes suas, finesque defen-  
dent: gladiatores, quam sibi ille maximam ma-  
num, & ceetissimam fore putavit, quamquam  
meliores animo sunt, quàm pars patriciorum;  
potestate tamen in vestra continebuntur,  
Q. Metellus, quem ego, prospiciens hoc,  
in agrum Gallicanum, Picenumque præmisi,  
aut opprimet hominem, aut omnes eius mo-  
tus, conatusque prohibebit. Reliquis autem de  
rebus constituendis, maturandis, agendis, iam  
ad Senatum referemus, quem vocari, videtis.  
Nunc illos, qui in vrbe remanserunt, atque  
adeò contra vrbis salutem, omniumque ve-  
strum in vrbe á Catilina relictí sunt, quamquam  
sunt hostes, tamen quia nati sunt cives, moni-  
tos etiam, atque etiam volo. Mea lenitas  
adhuc si cui solutior visa est, hoc expectavit,  
vt id quod latebat, erumperet. Quod reli-  
quum est, iam non possum obliuisci: meam

hanc esse patriam, me horum esse Consulem: mihi aut cum his vivendum, aut pro his esse moriendum: nullus est portæ custos, nullus insidiator viæ: si quis exire volunt, consulere sibi possunt: qui verò in vrbe se commoverit, cuius ego non modò factum, sed inceptum vllum, conatumve contra patriam deprehendero, sentiet in hac vrbe esse Consules vigilantes, esse egregios magistratus, esse fortem senatum, esse arma, esse carcerem, quem vindicem nefariorum, ac manifestorum scelerum maiores nostri esse voluerunt. Atque hæc omnia sic agentur, Quirites, vt res maximæ minimo motu: pericula summa nullo tumultu, bellum intestinum, ac domesticum, post hominum memoriam crudelissimum, ac maximum, me vno togato duce, & imperatore sedetur: quod ego sic administrabo, Quirites, vt si vllò modo fieri poterit, ne improbus quidem quisquam in hac vrbe poenam sui sceleris sufferat. Sed si vis manifestæ audaciæ, si impendens patriæ periculum me necessariò de hac animi lenitate deduxerint; illud profectò perficiam, quod in tanto, & tam insidioso bello vix optandum videtur, vt nequis bonus intereat, paucorum

sumque poenâ vos omnes iam salvi esse possitis.  
Quæ quidem ego neque mea prudentia, ne-  
que humanis consilijs fretus polliceor vobis,  
Quirites, sed multis, & non dubijs deorum im-  
mortalium significationibus: quibus ego duci-  
bus in hanc spem, sententiamque sum ingres-  
sus: qui iam non procûl, vt quondam solebant,  
ab externo hoste, atque longinquo, sed hic  
præsentes suo numine, atque auxilio sua tem-  
pla, atque vrbis recta defendunt: quos vos,  
Quirites, precari, venerari, atque implorare de-  
betis: vt quam urbem pulcherrimam, flo-  
rentissimam, potentissimamque esse vo-  
luerunt, hanc omnibus hostium co-  
pijs, terra, marique superatis, â  
perditissimorum civium  
nefario scelere de-  
fendant.



## PRO A. LICINIO

## ARCHIA POETA

## ORATIO.



I quid est in me ingenij, Iudices, quod sentio, quàm sit exiguum; aut si qua exercitatio dicendi, in qua me non inficior mediocriter esse versatum; aut si huiusce rei ratio aliqua ab optimorum artium studijs, & disciplina profecta, à qua ego nullum cōsiteor ætatis meæ tempus abhorruisse: earum rerum omnium, vel in primis hic A. Licinius fructum à me répétère propè suo iure debet. Nam quoad lōgissimè potest mens mea respicere spatium præteriti temporis, & pueritiæ memoriam recordari vltimam, inde vsque repetens, hunc video mihi principem, & ad suscipiendam, & ad ingrediendam rationem horum studiorum, extitisse. Quod si hæc vox huius hortatu, præceptisque conformata nonnullis aliquando salutis fuit, à quo id accepimus, quo ceteris opitulari, & alios servare possemus, huic profectò ipsi, quantum est situm in nobis,

bis, & opem, & salutem ferre debemus. Ac ne quis à nobis hoc ita dici fortè miretur, quòd alia quædam in hoc facultas sit ingenij, neque hæc dicendi ratio, aut disciplina: nec nos quidem huic cuncti studio penitus vnquam dediti fuimus. Etenim omnes artes, quæ ad humanitatem pertinent, habent quoddam commune vinculum, & quasi cognatione quadam inter se continentur. Sed ne cui vestrum mirum esse videatur, me in quæstione legitima, & in iudicio publico, cum res agatur apud Prætorem populi Roman. lectissimum virum, & apud severissimos Iudices, tanto conventu hominum, ac frequentia, hoc vti genere dicendi, quod non modò à consuetudine iudiciorum, verum etiam à forensi sermone abhorreat: quæso à vobis, vt in hac causa mihi detis hanc veniam, accomodatam huic reo, vobis, quemadmodum spero, non molestim: vt me pro summo Poëta, atque eruditissimo homine dicentem, hoc concursu hominum literatissimorum, hac vestra humanitate, hoc denique Prætore exercente iudicium, patiamini de studijs humanitatis, ac literarum paulò loqui liberius: & in eiusmodi persona, quæ pro-

propter otium, ac studium minimè in iudicijs periculisque tractata est, vti propè novo quodam, & inusitato genere dicendi. Quod si mihi á vobis tribui, concedique sentiam, perficiam profectó, vt hunc A. Licium non modó non segregandum, cum sit civis, á numero civium; verùm etiam si non esset, putetis asciscendum fuisse. Nam vt primum ex pueris excessit Archias, atque ab ijs artibus, quibus ætas puerilis ad humanitatem informari solet, se ad scribendi studium contulit: primum Antiochiæ (nam ibi natus est, loco nobili, & celebri quondam vrbe, & copiosa, atque eruditissimis hominibus, liberalissimisque studijs affluenti) celeriter antecellere omnibus ingenij gloriâ contigit: post in cæteris Asiæ partibus, cunctæque Græciæ sic eius adventus celebrabatur, vt famam ingenij expectatio hominis, expectationem ipsius adventus, admiratioque superaret. Erat Italia tunc plena Græcarum artium, ac disciplinarum, studiaque hæc, & in Italia vehementius tum colebantur, quam nunc iisdem in oppidis, & hic Romæ propter tranquillitatem Reipub. non neglegebantur. Itaque hunc, & Tarentini, & Rhegini, & Neapolitani civitate,



exterisque præmijs donarunt: & omnes qui aliquid de ingenijs poterant iudicare, cognitione, atque hospitio dignum existimarunt. Hac tanta celebritate famæ cum esset iam absentibus notus, Romam venit Mario Confule, & Catulo: nactus est primum Consules eos, quorum alter res ad scribendum maximas: alter, cum res gestas, tum etiam studium, atque aures adhibere posset. Statim Luculli, cum prætextatus etiã tum Archias esset, cum in domum suam receperunt. Sed enim hoc non solum ingenij, ac literarum, verum etiam naturæ, atque virtutis fuit, vt domus, quæ huius adolescentiæ prima fuerit, eadem esset familiarissima senectuti. Erat temporibus illis iucundus. Q. Metello illi Numidico, & eius Pio filio: audiebatur à M. Emilio, vivebat cum Q. Catulo, & patre, & filio, à L. Crasso colebatur: Lucullos verò, & Drusum, & Octavios, & Catonem, & totam Hortensiorum domum devinctam consuetudine cum tene- ret, afficiebatur summo honore, quod eum non solum colebant, qui aliquid percipere, aut audire studebant; verum etiam si qui forte simulabant. Interim satis longo intervallo, cum esset

esset cum L. Lucullo in Ciliciam profectus; & cum ex ea provincia; cum eodem Lucullo, decederet, venit Heracleam. Quæ cum esset civitas æquissimo iure, ac fœdere, adscribi se in eam civitatem voluit: idque, cum ipse dignus putaretur, tum authoritate, & gratia Luculli ab Heracliensibus impetravit. Data est civitas Silani lege, & Cabonis, si qui fœderatis civitatibus adscripti fuissent: si tum, cum lex ferebatur, in Italia domicilium habuissent: & si sexaginta diebus apud Prætorem essent professi. Cum hic domicilium Romæ multos iam annos haberet, professus est apud Prætorem Q. Metellum familiarissimum suum. Si nihil aliud nisi de civitate, ac lege dicimus, nihil dico amplius, causa dicta est. Quid enim horum infirmari Gracche potest? Heracleæ ne esse eum adscriptum negabis? Adest vir summa authoritate, & Religione, & fide. L. Lucullus, qui se non opinari, sed scire: non audivisse, sed vidisse: non interfuisse, sed egisse dicit. Adfuit Heraclientes Legati, nobilissimi homines, qui huius iudicij causa, cum mandatis, & cum publico testimonio venerunt, qui hunc adscriptum Heracliensem dicunt. Hic tu tabulas desideras

Heracliensium publicas, quas Italico bello incendio tabulario, interisse scimus omnes. Est ridiculum ad ea, quæ habemus, nihil dicere: quærere quæ habere non possumus: & de hominum memoria tacere, literarum memoriam flagitare: & cum habeas amplissimi viri religionem, integerrimi municipij ius iurandum, fidemque, ea, quæ depravari nullo modo possunt, repudiare: tabulas, quas idem dicis solet corrumpi, desiderare. At domicilium Romæ non habuit is, qui tot annis ante civitatem datam, sedem omnium rerum, ac fortunarum suarum Romæ collocavit. At non est professus, imò verò his tabulis professus, quæ solæ ex illa professione, collegioque Prætorum obtinent publicarum tabularum authoritatem. Nam cum Appij tabulæ negligentius asservatæ dicerentur, Gabinij, quandiu incolumis fuit, levitas, post damnationem, calamitas omnem tabularum fidem resignasset; Metellus homo sanctissimus, modestissimusque omnium, tanta diligentia fuit, ut ad L. Lentulum Prætorem, & ad iudices venerit, & vnius nominis liturâ se commotum esse dixerit. His igitur tabulis nullam lituram in nomen A. Licinij videtis. Quæ



cum ita sint, quid est, quod de eius civitate dubitetis, præsertim cum alijs quoque in civitatibus fuerit ascriptus? Etenim cum mediocribus multis, & aut nulla, aut humili aliqua arte præditis gratuito civitatem in Græcia homines impertiebantur, Rhegynos, credo, aut Locrenses, aut Neapolitanos, aut Tarentinos, quod scenicis artificibus largiri solebant; id huic summâ ingenij prædito gloriâ noluisse? Quid? cum cæteri, non modò post civitatem datam, sed etiam post legem Papiam, aliquo modo in eorum municipiorum tabulas irrepserint: hic qui nec utitur quidem illis, in quibus est scriptus, quod se semper Heracliensem esse voluit, reijciatur? Census nostros requiris scilicet, est enim obscurum proximis Censoribus, hunc cum clarissimo Imperatore L. Lucullo, apud exercitum fuisse, superioribus, cum eodem Quæstore fuisse in Asia: primis Iulio, & Crasso nullam populi partem esse censam. Sed quoniam census non ius civitatis confirmat, ac tantummodò indicat, eum, qui sit census, ita se iam tum gessisse pro cive: his temporibus, quæ tu criminaris, ne ipsius quidem iudicio in civium Romanorum, iure esse versatum; &

tes-

testamentum sæpè fecit nostris legibus; & adiit hæreditates civium Romanorum, & in beneficijs ad ærarium delatus est á L. Lucullo Præ-tore, & Consule. Quære argumenta, si qua potes: nunquam enim hic neque suo, neque amicorum iudicio revincetur. Quæres á nobis Gracche, cur tantopere hoc homine delectemur? Quia suppeditat nobis, vbi, & animus ex hoc forensi strepitu reficiatur, & aures convicio defessæ conquiescant. An tu existimas, aut suppetere nobis posse, quod quotidie dicamus in tanta varietate rerum, nisi animos nostros doctrinâ excolamus? Aut ferre animos tantam posse contentionem, nisi eos doctrinâ eâdem relaxemus? Ego verò fateor, me his studijs esse deditum: cæteros pudeat, si qui ita se literis abdiderunt, vt nihil possint ex his, neque ad communem afferre fructum, neque in alpe-tum, lucemque proferre. Me autem quid pudeat, qui tot annos ita vivo, Iudices, vt ab illis nullo me vnquam tempore, aut commodum, aut otium meum abstraxerit, aut voluptas avocarit, aut denique somnus retardarit? Quare quis tandem me reprehendat, aut quis mihi iure succenseat, si quantum cæteris ad suas

res obeundas, quantum ad festos dies ludorum celebrandos, quantum ad alias voluptates, & ad ipsam requiem animi, & corporis conceditur temporis: quantum alij tribuunt tempestivis convivijis, quantum denique alexæ, quantum pilæ, tantum mihi egomet ad hæc studia recollenda sumpsero? Atque hoc ideo mihi cōcedendum est magis, quod ex his studiis hæc quoque crescit oratio, & facultas: quæ tantacumque in me est, nunquam amicorum periculis defuit. Quæ si cui levior videtur, illa quidem certè, quæ summa sunt, ex quo fonte hauriam, sentio. Nam nisi multorum præceptis, multisque literis mihi ab adolescentia suasissem, nihil esse in vita magnopere expetendum, nisi laudem, atque honestatem; in ea autem persequenda omnes cruciatus corporis, omnia pericula mortis, atque exilij, parvi esse ducenda: numquam me pro salute vestra in tot, ac tantas dimicationes, atque in hos profligatorum hominum quotidianos impetus obiecissem. Sed pleni omnes sunt libri, plenæ sapientum voces, plena exemplorum vetustas, quæ iacerent in tenebris omnia, nisi literarum lumen accederet. Quàm multas nobis imagines, non solum ad  
intus



intuendum, verumetiam ad imitandum, fortissimorum virorum expressas, scriptores, & Græci, & Latini reliquerunt? quas ego mihi semper in administranda Rep. proponens, animum, & mentem meam ipsa cogitatione hominum excellentiuum conformabam. Quæret quispiam, quid, illi ipsi summi viri, quorum virtutes literis proditæ sunt, istâne doctrinâ, quam tu laudibus effers, eruditi fuerunt? difficile est hoc de omnibus confirmare, sed tamen est certum, quid respondeam. Ego multos homines excellenti animo, ac virtute fuisse, & sine doctrina, naturæ ipsius habitu propé divino, per se ipsos, & moderatos, & graves extitisse fateor. Etiam illud adiungo, sæpius ad laudem, atque virtutem, naturam sine doctrina, quam sine natura valuisse doctrinâ: atque idem ego contendo, cum ad naturam eximiam, atque illustrem accesserint ratio quædam, conformatioque doctrinæ, tum illud nescio quid præclarum, ac singulare solere existere. Ex hoc esse hunc numero, quem patres nostri viderunt, divinum hominem Africanum, ex hoc C. Lælium C. Furium modestissimos homines, & continentissimos; ex hoc fortissimum

virum, & illis temporibus doctissimum, M. Catonem illum senem: qui profectò, si nihil ad percipiendam, colendamque virtutem literis adiuuarentur, & si ex istis studijs delectatio sola peteretur, tamen, vt opinor, hanc animi remissionem humanissimam, ac liberalissimam iudicaretis. Nam cæteræ neque temporum sunt, neque ætatum omnium, neque locorum: hæc studia adolescentiam alunt, senectutem oblectant, secundas res ornant, adversis perfugium, ac solatiū præbent, delectant domi, non impediunt foris, pernoctant nobiscū, peregrinantur, rusticantur. Quod si ipsi hæc neque attingere, neque sensu nostro gustare possumus tamen ea mirari deberemus etiam cū in alijs videremus. Quis nostrum tam animo agresti, ac duro fuit, vt Roscij morte nupèr non commoveretur? qui cum esset senex mortuus; tamen propter excellentem artem, ac venustatem, videbatur omninò mori non debuisse. Ergo ille corporis motu tantum amorem sibi conciliarat à nobis omnibus: nos animorum incredidiles motus celeritatemque ingeniorum negligemus? Quoties ego hunc Archiam vidi Iudices, [ vtar enim vestra benignitate: quoniam

niam

niam me in hoc novo genere dicendi tam diligenter attenditis ) quoties ego hunc vidi, cum literam scripsisset nullam, magnum numerum optimorum versuum de his ipsis rebus, quæ tum agerentur, dicere ex tempore? quoties revocatum eandem rem dicere commutatis verbis, atque sententijs? quæ veró accuratè cogitatèque scripsisset, ea sic vidi probari, ut ad veterum scriptorum laudem pervenirent. Hunc ego non diligam? non admirer? non omni ratione defendendum putem? Atqui sic à summis hominibus, eruditissimisque accepimus cæterarum rerum studia, & doctrinâ, & præceptis, & arte constare; Poetam naturâ ipsâ valere, & mentis viribus excitari, & quasi divino quodam spiritu afflari. Quare suo iure noster ille Ennius factos appellat Poetas, quòd quasi deorum aliquo dono, atque munere commendati nobis esse videantur. Sit igitur, Iudices, sanctum apud vos humanissimos homines hoc Poetæ nomen, quod nulla unquam barbaria violavit. Saxa, & solitudines voci respondent, bestię sæpè immanes cantu flectuntur, atque consistunt: nos instituti rebus optimis non Poetarum voce moveamur? Homerum



rum Colofonij civem esse dicunt suum, Chij suum vendicant, Salaminij repetunt, Smyrnæi verò suum esse confirmant, itaque etiam delubrum eius in oppido dedicaverunt: permulti alij prætereà pugnant inter se, atque contendunt. Ergo illi alienum, quia poeta fuit, post mortem etiam expetunt: nos hunc vivum, qui & voluntate, & legibus noster est, repudiabimus: præsertim, cum omne olim studium, atque omne ingenium contulerit Archias ad Populi Rom. gloriam, laudemque celebrandā? Nam, & Cimbricas res adolescens attigit, & ipsi illi C. Mario, qui durior ad hæc studia videbatur, iucundus fuit. Neque enim quisquam est tam averſus à Musis, qui non mandari verbis æternum suorum laborum facile præconium patiatur. Themistoclem illum, summum Athenis virum dixisse aiunt, cum ex eo quæreretur, quod acroama, aut cuius vocem libentissimè audiret? Eius, à quo sua virtus optimè prædicaretur. Itaque ille Marius item eximiè L. Plotium dilexit, cuius ingenio putabat ea, quæ gesserat, posse celebrari. Mithridaticum verò bellum magnum, atque difficile, & in multa varietate, terra, marique ver-

fatum

fatum, totum ab hoc expressum est: qui libri non modo L. Lucillum fortissimum, & clarissimum virum; verum etiam Populi Roman. nomen illustrent. Populus enim Rom. aperuit, Lucullo imperante, Pontum, & regijs quondam opibus, & ipsa natura regionis vallatum: Populi Rom. exercitus, eodem duce, non maxima manu innumerabiles Armeniorum copias fudit: Populi Rom. laus est, urbem amicissimam Cyzicenorum, eiusdem consilio, ex omni impetu regio, ac totius belli ore, ac faucibus ereptam esse, atque conservatam. Nostra semper feretur, & prædicabitur, L. Lucullo dimicante, cum interfectis ducibus depressa hostium classis, & incredibilis apud Tenedum pugna illa navalis: nostra sunt trophæa, nostra monumenta, nostri triumphus. Quare, quorum ingenijs hæc feruntur, ab ijs Populi Rom. fama celebratur. Carus fuit Africano superiori noster Ennius, itaque etiam in sepulchro Scipionum putatur is esse constitutus è marmore. At jis laudibus certè non solum ipsi, qui laudatur; sed etiam Popul. Rom. nomen ornatur. In cælum huius proavus Cato tollitur: magnus honos Populi Rom. rebus adiungitur:

omnes denique illi Maximi, Marcelli. Fulvij non sine communi omnium nostrum laude decorantur. Ergo illum, qui hæc fecerat, Rudium hominem maiores nostri in civitatem receperunt: nos hunc Heracliensem, multis civitatibus expetitum, in hac autem legibus constitutum de nostra civitate ejiciemus? Nam si quis minorem gloriæ fructum putat ex Græcis versibus percipi quàm ex Latinis, vehementer errat: propterea quòd Græca leguntur in omnibus fere gentibus, Latina suis finibus, exiguis sanè continentur. Quare, si res hæ, quas gessimus, orbis terræ regionibus definiuntur, cupere debemus, quò minus manuum nostrarum tela pervenerint, eòdem gloriam famamque penetrare. Quòd cum ipsis populis, de quorum rebus scribitur, hæc ampla sunt; tum ijs certè, qui de vita, gloriæ causà, dimicant, hoc maximum, & periculorum incitamentum est, & laborum. Quàm multos scriptores rerum suarum magnus ille Alexander secum habuisse dicitur? atque is tamen, cum in Sigæo ad Achillis tumulum astitisset: fortunate, inquit, adolescens, qui tuæ virtutis Homerum præconem inveneris! Et verè, nam nisi Ilias illa



illa extitisset, idem tumulus qui corpus eius contexerat, nomen etiam obruisset. Quid noster hic Magnus, qui cum virtute fortunam adæquavit? nonne Theophanem Mytilenæum scriptorem rerum suarum in concione militum civitate donavit, & nostri illi fortes viri, sed rustici, ac milites, dulcedine quadā gloriæ commoti quasi participes eiusdem laudis magno illud clamore approbaverunt? Itaque, credo, si civis Romanus Archias legibus non esset, ut ab aliquo Imperatore civitate donaretur, perficere non potuit? Sylla cum Hispanos, & Gallos donaret, credo hunc petentem repudiasset, quem nos in concione vidimus, cum ei libellū malus Poeta de populo subiecisset, quod epigramma in eum fecisset tantummodō alternis versibus longiusculis, statim ex his rebus, quas tunc vendebat, iubere ei præmium tribui, sub ea conditione, ne quid postea scriberet. Qui sedulitatem mali Poetæ duxit aliquo tamen præmio dignam, huius ingenium, & virtutem in scribendo, & copiam non expectisset? Quid? á Q. Metello Pio familiarissimo suo, qui civitate multos donavit, neque per se, neque per Lucullos impetravisset? qui præ-

fer-


sertim vique eò de suis rebus scribi cuperet, vt etiam Cordubæ natis Poetis pingue quiddam sonantibus, atque peregrinum, tamen aures suas dederet. Neque enim est hoc dissimulandum, quod obscurari non potest, sed præ nobis ferendum: trahimur omnes laudis studio, & optimus quisque maximè gloria ducitur, Ipsi illi Philosophi, etiam in illis libellis, quos de contemnenda gloria scribunt, nomen suum inscribunt: in eo ipso, in quo prædicationem nobilitatemque despiciunt, prædicari se ac nominari volunt. Decimus quidem Brutus, summus ille vir, & Imperator, Attij amicissimi sui carminibus templorum, ac monumentorum aditus exornavit suorum. Iam vero ille, qui cum Ætolis, Ennio comite, bellavit Fulvius, non dubitavit Martis manubias Musis consecrare. Quare in qua vrbe Imperatores propè armati Poetarum nomen, & Musarum delubra coluerunt, in ea non debent togati iudices à Musarum honore, & à Poetarum salute abhorрere. Atque vt id libentiùs faciatis, iam me vobis, iudices, indicabo, & de meo quodam amore gloriæ, nimis acri fortasse; verum tamen honesto, vobis confitebor. Nam quas res nos in consulatu nos-

tro vobiscum simul pro salute huius vrbs, atque imperij, & pro vita civium, pro que vni-versa Republ. gessimus, attigit hic versibus, atque inchoavit, quibus auditis, quod mihi magna res, & iucunda visa est, hunc ad perficiendum hortatus sum. Nullam enim virtus aliam mercedem laborum, periculorumque desiderat, præter hanc laudis & gloriæ, quâ quidem detractâ, iudices, quid est quod in hoc tam exiguo vitæ curriculo, & tam brevi, tantis nos in laboribus exerceamus? certé si nihil animus præsentiret in posterum, & si quibus regionibus vitæ spatium circumscriptum est, eisdem omnes cogitationes terminaret suas; nec tantis se laboribus frangeret, neque tot curis, vigiliisque angeretur, nec toties de vita ipsa dimicaret. Nunc, insidet quædam in optimo quoque virtus, quæ noctes, & dies animum gloriæ stimulis concitat, atque admonet; non cum vitæ tempore esse demittendam commemorationem nominis nostri, sed cum omni posteritate adæquandam. An verò tam parvi animi videamur esse omnes, qui in Republ. atque in his vitæ periculis, laboribusque versamur, ut cum usque ad extremum spatium, nullum



lum tranquillum, atque otiosum spiritum duxerimus, nobiscum simul moritura omnia arbitremur? An cum statuas, & imagines non animorum simulachra, sed corporum studiosè multi summi homines reliquerint; consiliorum relinquere, ac virtutum nostrarum effigiem nonnè multò malle debemus, summis ingenijs expressam, & politam? Ego vero omnia, quæ gererem, iam tum in gerendo spargere me, ac disseminare arbitrabar in orbis terræ memoriā sempiternam. Hæc vero sive á meo sensu post mortem abfutura sunt, sive, ut sapientissimi homines putaverunt, ad aliquam animi mei partem pertinebunt, nunc quidem certè cogitatione quadam, speque delector. Quare conservate, iudices, hominem pudore eo, quem amicorum studijs videtis comprobari; tum dignitate, tum etiam venustate; ingenio autem tanto, quantum id convenit estimari, quod summorū hominum ingenijs expetitur esse videatis; causa verò eiusmodi, quæ beneficio legis, autoritate municipij, testimonio Luculli, tabulis Metelli comprobetur. Quæ cum ita sint petimus á vobis, iudices, si quæ non modò humana, verum etiam divina in  
tan-


tantis negotijs commendatio debet esse, vt eum  
 qui vos, qui vestros imperatores, qui populi  
 Rom. res gestas semper ornavit, qui etiam  
 his recentibus nostris, vestrisque domesticis pe-  
 riculis æternum se testimonium laudum datu-  
 rum esse profiteatur, quique est eo numero,  
 qui semper apud omnes sancti sunt habiti, atque  
 dicti, sic in vestram accipiatis fidem, vt huma-  
 nitate vestra lavatus potius, quam acerbita-  
 te violatus esse videatur. Quæ de causa pro mea  
 consuetudine, breviter simpliciterque dixi,  
 iudices, ea confido probata esse omnibus: quæ  
 non fori, neque iudiciali consuetudine, & de  
 hominis ingenio, & communiter de ipsius  
 studio locutus sum, ea, iudices, à vo-  
 bis spero esse in bonam partem  
 accepta; ab eo, qui iudicium  
 exercet, certò scio.



## AD QUIRITES POST

## REDITVM.

## ORATIO.



Qvod precatus á Iove optimo  
 maximo, cæterisque dijs im-  
 mortalibus sum, Quirites, eo tẽ-  
 pore, cum me, fortunasque  
 meas pro vestra incolumitate,  
 otio, concordiaque devovi, vt si  
 meas rationes vnquam vestræ saluti ante posuis-  
 sem, sempiternam poenam sustinerem mea vo-  
 luntate susceptam; sin, & ea, quæ ante gesseram,  
 conservandæ civitatis causâ gessissem, & illam  
 miseram profectionem vestræ salutis gratiâ sus-  
 cepissem, vt quod odium scelerati homines,  
 & audaces in Rempubl. & in omnes bonos con-  
 ceptum iam diu continerem, id in me vnum po-  
 tius, quàm in optimum quemque, & in vniver-  
 sam Rempubl. deflecterent, hoc si animo in vos  
 liberosque vestros fuisset, vt aliquando vos,  
 Patres conscriptos, Italiamque vniversam, me-  
 mo-



moria mei, misericordia, desideriumque teneret; eius devotionis me esse convictum iudicio deorum immortalium, testimonio senatus, consensu Italiæ, confessione inimicorum, beneficio divino, immortalique vestro, maximè lætor, Quirites. Et si homini nihil est magis optandum, quàm prospera, æquabilis, perpetuaque fortuna, secundo vitæ, sine vlla offensione, cursu; tamen si mihi tranquilla, & pacata omnia fuissent, incredibili quadam, & penè divina, qua nunc, vestro beneficio, fruor, letitiæ voluptate caruissem. Quid dulcius hominum generi à natura datum est, quàm fui cuique liberi? mihi verò, & propter indulgentiam meam, & propter excellens eorum ingenium, vitæ sunt meæ cariores: tamen non tanta voluptate erant suscepti, quanta nunc sunt restituti. Nihil quidquam fuit vnquam iucundius, quàm mihi meus frater: non tam id sentiebam, cum fruebar, quàm tunc cum carebam, & postea quàm vos me illi, & mihi eum reddidistis. Res familiaris sua quemque delectat: reliquæ meæ fortunæ recuperatæ plus mihi nunc voluptatis afferunt, quàm tunc incolumi afferebant. Amicitia, consuetudines, vicinitates, clientelæ, ludi

denique, & dies festi, quid haberent voluptatis, carendo magis intellexi, quàm fruendo. Iam verò honos, dignitas, locus, ordo, beneficia vestra, quamquam mihi semper clarissima visa sunt, tamen ea nunc renovata illustriora videntur, quàm si obscurata non essent. Ipsa autem patria, dii immortales, dici vix potest, quid caritatis, quid voluptatis habet, quæ species Italix? quæ celebritas oppidorum? quæ forma regionum? qui agri? quæ fruges? quæ pulchritudo vrbs? quæ humanitas civium? quæ Reip. dignitas? quæ vestra maiestas? quibus ego omnibus antea rebus sic fruebar, ut nemo magis; sed tamquam bona valetudo iucundior est eis, qui è gravi morbo recreati sunt, quàm qui nunquam ægro corpore fuerunt, sic ea omnia desiderata magis, quàm assidue percepta, delectant. Quorsum igitur hæc disputo? quorsum? ut intelligere possitis, neminem unquam tantâ eloquentiâ fuisse, neque tam divino, atque incredibili genere dicendi, qui vestrorum magnitudinem, multitudinemque beneficiorum, quæ in me, fratremque meum, liberosque nostros contulistis, non modò augere, aut ornare oratione, sed enu-

me-

merare, aut consequi possit. A parentibus, id quod necesse erat, parvus sum procreatus; à vobis natus sum consularis. Illi mihi fratrem incognitum, qualis futurus esset, dederunt: vos spectatum, & incredibili pietate cognitum reddidistis; Rempub. illis accepi temporibus eam, quæ penè amissa est: à vobis eam recuperavi, quam aliquando omnes vnus operà servatam iudicaverint. Dij immortales mihi liberos dederunt; vos reddidistis. Multa prætereà à dijs immortalibus optata consecuti sumus: nisi vestra voluntas fuisset, omnibus divinis muneribus caruissemus: vestros denique honores, quos eramus gradatim singulos assecuti, nunc à vobis vniversos habemus, vt quantum antea parentibus, quantum dijs immortalibus, quantum vobismetipsis, tantum hoc tempore, vniversim cuncto Populo Romano debeamus. Nam cum in ipso beneficio vestro tanta magnitudo est, vt eam complecti oratione non possim; tum in studijs vestris tanta animorum declarata est voluntas, vt non solum calamitatem mihi detraxisse, sed etiam dignitatem auxisse videamini. Non enim pro meo reditu, vt pro P. Popillij nobilissimi hominis



minis, adolescentes filij, & multi prætereà cognati, atque affines deprecati sunt: non vt pro Q. Metello clarissimo viro, iam spectata ætate, filius; non L. Dalmaticus consularis summa authoritate vir, non Q. Metellus censorius, non eorum liberi, non Q. Metellus Nepos, qui tum consulatum petebat: non forerum filij Luculli, Servilij, Scipiones: per multi enim tum Metelli, aut Metellorum liberi pro Q. Metelli reditu vobis, ac patribus vestris supplicaverunt. Quod si ipsius summa dignitas, maximæque res gestæ non satis valerent: tamen filij pietas, propinquorum preces, adolescentium squalor, maiorum natu lacrymæ populum Rom. movere potuerunt. Nam C. Marij, qui post illos veteres clarissimos consulares, vestrâ, patrumque memoriâ, tertius ante me consularis, subiit indignissimam fortunam præstantissima sua gloria, dissimilis fuit ratio: non enim ille deprecatione redijt, sed in dissensu civium, exercitu se, armisque revocavit. Me autem nudum á propinquis, nulla cognitione munitum, nullo armorum, ac tumultus metu, C. Pisonis generi mei divina quædam, & inaudita authoritas, atque virtus,

fratrisque mei miserrimi, atque optimi quotidianæ lacrymæ, sordesque lugubres à vobis deprecatae sunt. Frater erat vnus, qui suo squalore vestros oculos inflecteret: qui suo fletu desiderium mei, memoriamque renovaret: qui statuerat, Quirites, si vos me sibi non reddidissetis, eandem subire fortunam; & tanto in me amore extitit, vt negaret fas esse non modò domicilio, sed ne sepulchro quidem se à me esse seiunctum. Pro me præsentē senatus, hominumque præterea viginti millia vestem mutaverunt: pro eodem me absente, vnus squalorem, sordesque vidistis. Vnus hic, qui domi, qui in foro posset esse mihi pietate filius, inventus est beneficio parens, amore idem, qui semper fuit, frater. Nam coniugis miseræ squalor, & luctus, atque optimæ filiae moeror assiduus, filijque parvi desiderium mei, lacrymæque pueriles, aut itineribus necessarijs, aut magna parte tectis, ac tenebris continebantur. Quare hoc maius est vestrum in nos promeritum, quòd non multitudini propinquorum, sed nobis metipsis nos reddidistis. Sed quemadmodum propinqui, quos ego parare non potui, mihi ad deprecandam calamitatem

tatem meam non affuerunt: sic illud, quod mea virtus præstare debuit, adiutores, authores, hortatoresque ad me restituendum ita multi fuerunt, ut longè superiores omnes hac dignitate, copiâque superarem. Nunquam de P. Popillio clarissimo, atque fortissimo viro, nunquam de Q. Metello nobilissimo, & constantissimo cive, nunquam de C. Mario custode civitatis, atque imperij vestri, in senatu mentio facta est. Tribunitijs superiores illi rogationibus, nulla authoritate senatus sunt restituti. Marius verò non modò non à senatu, sed etiam oppresso senatu est restitutus: nec rerum gestarum memoria in reditu C. Marij, sed exercitus, atque arma valuerunt. At de me, ut valeret, semper senatus flagitavit; ut aliquando perficeretur, cum primum licuit, frequentia, atque authoritate perfecit. Nullus in eorum reditu motus municipiorum, & coloniarum factus est: at me in patriam ter suis decretis Italia cuncta revocavit. Illi inimicis interfectis, magna civium cæde facta, reducti sunt: ego ijs, à quibus eiectus sum, provincias obtinentibus, inimico autem optimo viro, & mitissimo, altero Consule referente, reductus sum;



sum; cum is inimicus, qui ad eam meam perniciem vocem suam communibus hostibus præbuisset, spiritu dumtaxat viveret, re quidem infra omnes mortuos amandatus esset. Nunquam de Popillio L. Opimius fortissimus Consul, nunquam de Q. Metello, non modò C. Marius, qui erat inimicus, sed ne is quidem qui secutus est, M. Antonius, homo eloquentissimus cum A. Albino collega, senatum, aut populum est cohortatus; at pro me superiores Consules semper, vt referrent, efflagitati sunt: sed veriti sunt, ne gratiæ causâ facere viderentur, quòd alter mihi affinis erat, alterius causam capitis receperam: qui provinciarum foedere irretiti, totum illum annum, querelas senatus, luctum bonorum, Italiæ gemitum pertulerunt; Kalend. verò Ian. posteaquã orba Resp. Consulis fidem, tamquam legitimi tutoris, imploravit P. Lentulus Consul, parens, deus, salus nostræ vitæ, fortunæ, memoriæ, nomini s: simul, ac de solemni religione retulit, nihil humanarum rerum sibi prius, quàm de me agendum iudicavit, atque eo die confecta res esset, nisi is Tribunus pleb. quem ego, maximis beneficijs, Quæstorem Consul ornaveram, cum, & cunctus ordo, & multi  
eum

eum summi viri orarent, & Cn. Oppius socer, optimus vir, ad pedes eius flens iaceret, noctem sibi ad deliberandum postulasset: quæ deliberatio non in reddenda, quemadmodum nonnulli arbitrabantur: sed vt patefactum est, in augenda mercede consumpta est. Postea res acta est in senatu alia nulla, & cum varijs rationibus impediretur, voluntate tamen perspecta senatus, causa ad vos mense Ian. deferebatur. Hic tantum interfuit inter me, & inimicos meos. Ego cum homines in tribunali Aurelio palam conscribi, centuriarique vidisse m; cum intelligerem veteres, ad spem cædis Catilinæ, copias esse revocatas: cum viderem ex ea parte homines, cuius partis nos vel principes numerabamur, partim quod mihi inviderent, partim quod sibi timerent, aut preditores esse, aut desertores salutis meæ, cum duo Consules empti pactione provinciarum, auctores se inimicis Reip. tradidissent; cum egestatem, avaritiam, libidines suas viderent expleri non posse, nisi me constriatum domesticis hostibus dedidissent: cum senatus, equitesque Rom. flere pro me, ac mutata veste vobis supplicare edictis; atque imperijs vetarentur: cum omnium provinciarum pactiones, cum omnia cum om-

omnibus foedera, reconciliationes gratiarum, sanguine meo sancirentur, cum omnes boni non recusarent, quin vel pro me, vel mecum perirent: armis decertare pro mea salute nolui, quod & vincere, & vinci luctuosum Reipub. fore putavi. At inimici mei mense Ianuar. cum de me ageretur, corporibus civium trucidatis, flumine sanguinis meum reditum intercludendum putaverunt. Itaque cum ego abfui, eam Rempubl. habuistis, ut æquæ me, atque illam restituendâ putaretis; ego autem in qua civitate nihil valeret senatus, omnis esset impunitas, nulla iudicia, vis, & ferrum in foro versarentur: cum privati se, parietum præsidio, non legum, tuerentur, Tribuni pleb. vobis inspectantibus vulnerarentur; ad magistratuum domos cum ferro, & facibus iretur; Consulibus fasces frangerentur, deorum immortalium templa incenderentur. Rempubl. nullam esse putavi. Itaque neque Rep. exterminatâ, mihi locum in hac vrbe esse duxi, nec si illa restitueretur, dubitavi quin me secum ipsa reduceret. An ego, cû mihi esset exploratissimum, P. Lentulum proximo anno Consulem futurum, qui illis ipsis periculosissimis temporibus ædilis curulis, me Consule, om-



nium meorum consiliorum particeps, periculorumque socius fuisset: dubitarem, quin is me confectum consularibus vulneribus consulari medicina ad salutem reduceret? Hoc duce, collega autem eius clementissimo, atque optimo viro, primò non adversante, post etiam adiuvante, reliqui magistratus penè omnes fuerunt defensores salutis meæ: ex quibus excellenti animo, virtutè, authoritate, præsidio T. Annius, & P. Sextius, præstanti in me benevolentia, & divino studio exstiterunt, eodemque P. Lentulo authore, & pariter referente collega, frequentissimus senatus, vno dissentiente, nullo intercedente, dignitatem meam, quibus potuit, verbis amplissimis ornauit: salutem vobis, municipijs, colonijsque omnibus commendavit. Ita me nudum à propinquis, nulla cognatione munitum Consules, Prætores, Tribuni plebis, senatus, Italia cuncta semper à vobis deprecata est: denique omnes, qui vestris maximis beneficijs honoribusque, sunt ornati, producti ad vos ab eodem, non solum ad me conservandum vos cohortati sunt; sed etiam rerum mearum gestarum authores, testes, laudatoresque fuerunt. Quorum princeps ad cohortandos vos, & ad

rogandos fuit Cn. Pompeius, vir omnium, qui sunt, fuerunt, erunt, virtute, sapientiâ, ac gloriâ princeps: qui mihi vnus priuato amico eadem omnia dedit, quæ vniuersæ Reip. salutem, otium, dignitatem, cuius oratio fuit, quemadmodum accepi, tripartita. Primum vos docuit, meis consilijs Rempubl. esse seruata; causamque meam cum communi salute coniunxit, hortatusque est, vt auctoritatem senatus, statum civitatis, fortunas civis benemeriti defenderetis: tñ in perorâdo posuit, vos rogari a senatu, rogari ab equitibus Rom. rogari ab Italia cuncta: deniq; ipse ad extremum pro mea vos salute, non rogauit solum; verum etiam obsecravit. Huic ego homini, Quirites, tātum debeo, quantum hominem homini debere vix fas est. Huius consilia, P. Lentuli sententiam, senatus auctoritatem vos secuti, in eo me loco, in quo vestris beneficijs fueram, iisdem centurijs, quibus collocaratis, reposuistis. Eodem tempore audistis, eodem ex loco, summos viros, ornatissimos, atq; amplissimos homines, principes civitatis, omnes consulares, omnes prætorios eadem dicere; vt omnium testimonio, per me vnum, Rempubl. conseruatam esse constaret. Itaque cum P. Seruilius

Ius grauiſſimus vir, & ornatiffimus civis dixiſſet, operâ meâ Rempubl. incolumē magiſtrati-  
bus deinceps traditam: dixerunt in candem ſen-  
tentiam cæteri. Sed audiſtis eo tempore clariſ-  
ſimi viri, non ſolū authoritatē, ſed etiam teſ-  
timonium, L. Gellij: qui, quia ſuam clāſſem at-  
tentatam, magno cum ſuo periculo, penē ſen-  
ſit, dixit in concione veſtra, ſi ego Conſul, cū  
fui, non fuiſſem, Rempubl. funditū interituram  
fuiſſe. En ego tot teſtimonijs, Quirites, hac au-  
thoritate ſenatus, tanta conſenſione Italiæ, tanto  
ſtudio bonorum omnium, agente P. Lentulo,  
conſentientibus cæteris magiſtratibus, deprecā-  
te Cn. Pompeio, omnibus hominibus faventi-  
bus, dijs denique immortalibus, frugum vberta-  
te, copia, vtilitate reditum meum comprobāti-  
bus, mihi, meis, Reipubl. reſtitutus, tātum vobis,  
quantum facere poſſum, Quirites, pollicebor:  
primum, quia ſanctiſſimi homines pietate erga  
deos immortales eſſe ſolent, eādē me erga po-  
pulum Rom. ſemper fore, nomenque veſtrum  
æquē mihi grave, & ſanctum, ac deorum im-  
mortalium in omni vita futurum: deinde quo-  
niam me in civitatē Reſpubl. ipſa reduxit; nullo  
me loco Reipubl. defuturū. Quod ſi quis exiſ-  
mitat,



timat, me aut voluntate esse mutatâ, aut debilitatâ virtute, aut animo fracto, vehementer errat: mihi, quod potuit vis, & iniuria, & sceleratorum hominum furor detrahere, eripuit, abstulit, dissipavit: quod viro forti adimi non potest, id manet, & permanebit. Vidi ego fortissimum virum, municipem meum C. Marium, quoniam nobis quasi aliqua fatali necessitate, non solum cum his, qui hæc delere voluissent; sed etiam cū fortuna belligerandum fuit: eum tamen vidi, cum esset summâ senectute, non modò non infracto animo, propter magnitudinem calamitatis, sed confirmato, atque renovato: quem ego met dicere audivi, tum se fuisse miserum cum careret patriâ, quam obsidione liberavisset, cum sua bona possideri ab inimicis, ac diripi audiret: cū adolescentem filium videret eiusdem socium calamitatis; cū in paludibus demersus concursu, ac misericordiâ Minturnensium corpus, ac vitam suam conservasset, cum parvâ naviculâ traiectus in Africam, quibus regna ipse dederat, ad eos inops, supplexque venisset, recuperatâ verò suâ dignitate, se non commissurum, ut cū ea, quæ amiserat, sibi restituta essent, virtutem animi non haberet, quam nunquam per-

perdidisset. Sed hoc inter me, atque illum interest, quod ille, quare plurimum potuit, ea ipsa re inimicos suos vltus est, armis: ego, quare con-  
suevi, vtar pietate: quoniam illi arti in bello, ac  
seditione locus est; huic in pace, atque otio.  
Quamquam ille, animo irato, nihil nisi de inimi-  
cis vlciscendis agebat, ego de ipsis inimicis tan-  
tum, quantum mihi Respubl. permittet, cogita-  
bo. Denique Quirites, quoniam me quatuor om-  
nino genera hominum violarunt: vnum eorum,  
qui odio Reip, quod eam ipsis invitis conserva-  
ram, mihi inimicissimi fuerunt: alterum, qui per  
simulationem amicitiae nefarie prodiderunt:  
tertium, qui, cum propter inertiam suam eadem  
assequi non possent, inviderunt laudi, & digni-  
tati meae: quartum, qui cum custodes Reipu-  
blicae esse debuerunt, salutem meam statum ci-  
vitatis, dignitatem eius imperij, quod erat penes  
ipsum, vendiderunt: sic vlciscar genera singula,  
quemadmodum à quibusque sum provocatus;  
malos cives, rempubl benè gerendo; perfidos  
amicos, nihil credendo, atque omnia cavendo,  
invidos, virtuti, & gloriae serviendo: mercatores  
provinciarum revocando domum atque ab ijs  
provinciarum rationem repetendo. Quamquam  
mi-

mihi maiori curæ est, quemadmodũ quidem vobis, qui de me estis óptimé meriti, gratiam referam, quam quemadmodum inimicorum iniurias, crudelitatemque persequar. Etenim vlciscendæ iniuriæ facilior ratio est, quam beneficij remunerandi; propterea quòd superiorem esse contra improbos, minus est negotij, quàm bonis exæquari: tum etiam nec tam necessarium quidem est male meritis, quàm optimé meritis referre quod debeas. Odium, vel precibus mitigari potest, vel temporibus reipubl. communique vtilitate deponi, vel difficultate vlciscendi teneri, vel vetustate sedari: benemeritos quin colas, nec exorari fas est, neque id reipubl. repetere vt cunque necesse est, neque est excusatio difficultatis, neque æquum est tempore, & die memoriam beneficij definire. Postremo qui in vlciscendo remissior fuit, mox aperte laudatur, at gravissimè vituperatur, qui in tantis beneficijs, quanta vos in me contulistis, remunerandis est tardior; neque solum ingratus. quod ipsum grave; verum etiam impius, appelletur necesse est. Atque in officio persolvendo dissimilis est ratio, & pecunia debita; propterea, quod pecuniam qui retinet, non dissolvit: qui  
red-



reddidit, non habet; gratiam, & qui retulit, habet, & qui habet dissolvit. Qua propter memoriam vestri beneficii colam benevolentia sempiterna, non solum dum anima spirabo mea, sed etiam cum mortuo monumenta vestri in me beneficii permanebunt. In referenda autem gratia hoc vobis repromitto, semperque præstabo, mihi neque in consilijs de republ. capiundis diligentiam, neque in periculis à Republ. propulsandis animum, neque in sententia simpliciter referenda fidem, neque in hominum voluntatibus pro republ. lædendis libertatem, nec in perferendo labore industriam, nec in vestris commodis augendis gratam animi benevolentiam defuturam. Atque hæc cura. Quirites, erit infixæ animo meo sempiterna, ut cum vobis, qui apud me Deorum immortalium vim, & numen tenetis; tum posteris vestris, cunctisque gentibus, dignissimus eâ civitate videar, quæ suam dignitatem non posse tenere se, nisi me recuperasset, cunctis suffragijs iudicavit.

POST

# POST REDITUM IN SENATV ORATIO.

**S**I, Patres conscripti, pro vestris immortalibus in me, fratremque meum, liberosque nostros meritis parùm vobis cumulate gratias egero, quæso, obtestorque, ne meæ naturæ potius, quàm magnitudini vestrorum beneficiorum id tribuendum putetis, quæ enim tanta potest existere vbertas ingenij, quæ tanta dicendi copia, quod tam divinum, atque incredibile genus orationis, quo quisquam possit vestra in nos vniuersa pro merita, non dicam complecti orando, sed percensere numerando? qui mihi fratrem optatissimum, me fratri amantissimo, liberis nostris parentes, nobis liberos, qui dignitatem, qui ordinem, qui fortunas, qui amplissimam Rempub. qui patriam, qua nihil potest esse iucundius, qui denique nos metipsos nobis reddidistis. Quod si parentes carissimos habere debemus, quod ab ijs nobis vita, patrimonium, libertas, civitas tradita est; si deos immortales, quorum beneficio, & hæc tenuimus, & cæteris

Q

re-

rebus aucti sumus; si populum Rom. cuius honoribus in amplissimo consilio, & in altissimo gradu dignitatis, atque in hac omnium terrarum arce collocati sumus; si hunc ipsum ordinem, à quo sæpe magnificentissimis decretis sumus honestati: immensum quiddam, & infinitum est, quod vobis debeamus, qui vestro singulari studio, atque consensu parentum beneficia, deorum immortalium munera populi Romani honores, vestra de me multa iudicia, nobis omnia vno tempore reddidistis: vt cum multa vobis, magna populo Rom. innumerabilia parentibus, omnia dijs immortalibus debeamus, quod hæc antea singula per illos habuerimus, nunc vniverfa per vos recuperaverimus. Itaque P. C. quod ne optandum quidem est homini, immortalitatem quandam per vos adepti videmur: quod enim tempus erit vnquam, quo vestrorum in nos beneficiorum memoria, ac fama moriatur? qui illo ipso tēpore, cum vi ferro, metu, minis obsessi teneremini, non multò post discessum meum universi me revocavistis, referente L. Mummiio fortissimo, atque optimo viro: quem habuit ille pestifer annus, & maximè fidelem, & minime timidum, si dimicare placuisset, defensorem

salu-



salutis meæ. Posteaquam vobis potestas discernendi non est permiffa per eum tribunum pleb. qui cū per fe rempubl. lacerare non poffet, ſub alieno ſcelere delevit, nunquam de me ſilviſtiſ, nunquam meā ſalutem non ab hiſ conſulibus, qui vendiderant, flagitaviſtiſ. Itaque veſtro ſtudio, atque auctoritate perfectum eſt, vt ille ipſe annuſ, quem ego mihi, quā patriæ malueram eſſe fatalem, octo tribunos haberet, qui promulgarent de ſalute mea, & ad voſ ſæpè numero referrent. Nam conſuleſ modeſti, legumque metuentes, impediabantur lege, non ea, quæ de me, ſed ea, quæ de ipſiſ lata erat, cum meus inimicuſ promulgavit: Vt ſi revixiſſent hi, qui hæc penè delerunt, tum ego redirem, quo factò vtrumque conſeſſuſ eſt, & ſe illorum vitam deſiderare, & magno in periculo Rempublic. futuram, ſi aut hoſteſ, atque interfectoreſ Reipub. revixiſſent, aut ego non revertiſſem. Itaque illo ipſo annu, cū ego ceſiſſem, princepſ autem ciuitatiſ, non legum præſidio, ſed parietum vitam ſuam tueretur, Reſp. ſine conſulibus eſſet, neque ſolū parentibuſ perpetuiſ, yerem etiam tutoribuſ annuiſ eſſet orbata, ſententiã dicere prohiberemini, caput meū proſcri-

scriptionis recitaretur : numquam dubitastis  
meam salutem , cum communi salute coniunge-  
re . Postea vero quàm singulari , & præstantissi-  
ma virtute P. Lentuli consulis, ex superioris an-  
ni caligine, & tenebris lucem in rempub. Kalend.  
Ianuar. respicere cœpistis , cum Q. Metelli no-  
bilissimi hominis , atque optimi viri summa di-  
gnitas , cum prætorum , tribunorum plebis pe-  
ne omnium virtus , & fides Reipublicæ subve-  
nisset , cum virtute , gloria , rebus gestis Cn.  
Pompæius omnium gentium , omnium sæculo-  
rum omnis memoriæ facile princeps , tuto se  
in senatum venire arbitraretur ; tantus vester  
consensus de salute mea fuit , vt licet corpus ab-  
esset meum , dignitas iam in patriam revertisset.  
Quo quidem mense, quid inter me , & meos ini-  
micos interesset, existimare potuistis, ego meam  
salutem deservi, ne propter me civium vulne-  
ribus respublica cruentaretur : illi meum redi-  
tum non populi Rom. suffragijs, sed flumine  
sanguinis intercludendum putaverunt. Itaque  
postea nihil vos civibus , nihil socijs, nihil regi-  
bus respondistis: nihil iudices sententijs: nihil  
populus suffragijs, nihil hic ordo authoritate de-  
claravit: mutum forum, elinguem curiam, taci-  
tam

tam, & fractam civitatem videbatis. Quo quidem tempore, cum is excessisset, qui cædi, & flammæ vobis authoribus restiterat; cum ferro, & facibus homines tota vrbe volitantes, magistratuum tecta oppugnata; deorum templa inflammata, summi viri, & clarissimi consulis fascēs fractos, fortissimi, atque optimi viri tribuni plebis sanctissimum corpus nō solū tactum, ac violatum manu, sed vulneratum ferro, confectumque vidistis. Qua strage nonnulli permoti magistratus, partim metu mortis, partim desperatione Reipublicæ paululum à mea causa recesserunt: reliqui fuerunt, quos neq; terror, nec vis, nec spes, nec metus, nec promissa, nec minæ, nec tela, nec faces à vestra authoritate, à populi Rom. dignitate, à mea salute depellerent. Princeps Publius Lentulus parens, ac deus nostræ vitæ, fortunæ, memoriæ, nominis, hoc specimen virtutis, hoc indicium animi, hoc lumen consularis sui fore putavit, si me mihi, si meis, si vobis, si Reipubl. reddidisset. Qui ut est designatus, nunquam dubitavit sententiam de salute mea se, & Republ. dignam dicere. Cū à tribuno pleb. vetaretur, cū præclarum caput recitaretur: Nequis ad vos referret, nequis decerneret,



ne disputaret, ne loqueretur, ne pedibus iret, ne scribendo adesset: totam illam clasulam, vt antedixi, proscriptionem, non legem putavit, quacivis optimè de Republic. meritis nominatim, sine iudicio, vna cum senatu Reipubl. esset ereptus. Vt verò iniit magistratum, non dicam, quid egerit prius, sed quid omninò egit aliud, nisi vt me conseruato vestram in posterum dignitatem auctoritatemque sanciret? Dij immortales, quantum mihi beneficium dedisse videmini, quòd hoc anno P. Lentulus cōsul fuit; quo quanto maius dedisset is si superiore anno fuisset: nec enim eguissem medicina consulari, nisi consulari vulnere concidissem. Audieram ex sapientissimo homine, atque optimo cive, & viro, Q. Catulo, non sèpè vnum consulem improbum; duos verò numquam, excepto illo Cinnano tempore, fuisse. Quare meam causam semper fore firmissimam dicere solebat, dum vel vnus in Reipubl. esset consul, quod verè dixerat; si illud de duobus consulibus, quòd ante in Reipubl. non fuerat, perenne, ac proprium manere potuisset. Quod si Q. Metellus illo tempore consul fuisset vnicus, dubitatis quo animo fuerit in me conseruando futurus

rus, cùm in restituendo authorem fuisse adscriptoremque videatis? Sed fuerunt duo consules, quorum mētes angustæ, humiles, pravæ, oppletæ tenebris, ac sordibus, nomen ipsum consulat, splendorem illius honoris, magnitudinem tanti imperij nec intueri, nec sustinere, nec capere potuerunt: non consules, sed mercatores provinciarum, ac venditores vestræ dignitatis, quorum alter à me Catilinam amatorem suum multis audientibus, alter Cethegum consobrinum suum reposcebat; qui me duo sceleratissimi post hominum memoriam non consules, sed latrones, non modo deseruerunt, in causa præsertim publica, & consulari, sed prodiderunt, oppugnarunt, omni auxilio non solum suo, sed etiam vestro, cæterorumque ordinum spoliatum esse voluerunt: quorum alter tamen neque me, neque quemquam fefellit. Quis enim ullam ullius boni spem haberet in eo, cuius primum tempus ætatis palàm fuisset ad omnes libidines divulgatum? qui ne à sanctissima quidem parte corporis potuisset hominum impuram intemperantiam propulsare? qui cum suam rem non minus strenuè, quam postea publicam confecisset, egestatem, & luxuriam do-

mestico lenocinio sustentavit? qui nisi in aram tribunatus confugisset, neque vim prætoris, nec multitudinem creditorum, nec bonorum proscriptionem effugere potuisset? quo in magistratu, nisi rogationem de piratico bello tulisset, profectò, & egestate, & improbitate coactus piraticam ipse fecisset; ac minore quidem cum Reip. detrimento, quam quod intra mœnia nefarius hostis prædoque versatus est: quo inspectante, ac sedente legum tribunus plebis tulit, ne auspicijs obtemperaretur, ne obnuntiare concilio, aut comitijs, ne legi intercedere liceret, ut lex Ælia, & Fusia ne valerent, quæ nostri maiores certissima subsidia Reip. contra tribunitios furores esse voluerunt: idemque postea, cum innumerabilis multitudo bonorum de Capitolio suplex ad eum, sordidata venisset, cumque adolescentes nobilissimi, cunctique equites Romani se ad lenonis impurissimi pedes abiecissent: quo vultu cinctus ganeo, non solum civium lacrymas, verum etiam patriæ preces repudiavit? neque eo contentus fuit. sed etiam in concionem ascendit, eaque dixit, quæ si eius vir Catilina revixisset, dicere non esset ausus se Nonarum Decembrium, quæ me

con-



consule fuissent, clivique Capitolini poenas ab equitibus Rom. esse repetiturum, neque solum id dixit; sed quosei commodum fuit, compellavit. L. verò Lamiam, equitem Romanum præstanti dignitate hominem, & salutis meæ pro familiaritate Reipubl. pro fortunis suis amicissimum, consul imperiosus exire vrbe iussit: & cum vos vestem mutandam censuissetis cunctique mutassetis, atque idem omnes boni iam ante fecissent; ille vnguentis oblitus, cum toga prætexta, quam omnes prætores, ædilesque tum abiecerant irrisit squalorem vestrum, & luctum, gravissimæ civitatis; fecitque, quod nemo unquam tyranus, ut quo minus occultè vestrum malum gerneretis, nihil diceret, ne apertè incōmoda patriæ lugeretur, ediceret. Cum verò in Circo Flaminio non à tribuno pleb. consul in concionem, sed à latrone archipirata productus esset; primum processit, qua authoritate vir? vini, somni, stupri plenus, madenti coma composito capillo, gravibus oculis, fluentibus buccis, pressa voce, & temulenta. Quod inciveis indemnatos esset animadversum, id sibi dixit gravis author vehementissimè displicere: ubi nobis hæc authoritas tandiū tanta latuit? cur in

lustris, & helluationibus huius calamistrati saltatoris, tam eximia virtus tandiū cessavit? Nam ille alter Cesonnius Calventius ab adolescentia versatus est in foro, cū eum præter simulatam, versutamque tristitiam nulla res commendaret, non consulis studium, non discendi initia rei militaris, non cognoscendorum hominum, non liberalitas. Quem præteriens cū incultum, horribum, mæstumque vidisses, etiam si agrestem, & in humanum existimares, tamen libidinosum, & perditum non dubitares, tamen libidinosum, & perditum non dubitares. Cum hoc homine aut cum stipite Ætiopæ, si in foro confitisses, nihil crederes interesse: sine sensu, sine sapore, elinguem, tardum, inhumanum, neglectum, Capadocem modo abreptum de grege venalium diceres. Idem domi quàm libidinosus? quàm impurum? quàm intemperans, nō ianua receptis, sed pseudothyro intro missis voluptatibus? cū verò etiam litteris studere incipit, & helluo immanis cū Græculis philosophari, tum est Epicureus, non penitus illi disciplinæ, quæcumque est, deditus, sed captus vno verbo voluptatis: Habet autem magistros non ex istis ineptis, qui dies totos de officio, ac de virtu-

te differunt, qui ad laborem, ad industriam, ad pericula pro patria subeunda adhortantur; sed eos, qui disputent, horam nullam vacuum voluptate esse debere; in omni parte corporis semper oportere aliquod gaudium, delectationemque versati: his utitur, quasi præfectis libidinum suarum, hi voluptates omnes vestigant, atque odorantur: hi sunt conditores, instructoresque convivij: iidem expendunt, atque æstimant voluptates, sententiamque dicunt, & iudicant, quantum cuique libidini tribuendum esse videatur. Horum ille artibus eruditus ita contempsit hanc prudentissimam civitatem, ut omnes suas libidines, omnia flagitia latere posse arbitraretur, si modò vultum importunum in forum detulisset. Is non me (namque equidem cognoram propter Pisonum affinitatem, quam longè hunc ab hoc genere cognatio materna Transalpini sanguinis abstulisset) sed vos populumque Rom. non consilio, neque eloquentia, quod in multis sæpè accidit, sed rugis, supercilioque decepit. L. Piso tunc ausus es isto oculo, non dicam isto animo; ista fronte, non vita, tanto supercilio, non enim possum dicere tantis gestis, cum Gabinio consociare consilia pestis meæ?



non te illius vnguentorum odor, non vini anhelitus, non frons calamistri notata vestigij in eam cognitionem adducēbat, vt cū illius re similis fuisses, frontis tibi integumento ad occultanda tanta flagitia diutiū vti non liceret; cum hoc coire ausus es, vt consularem dignitatem vt Reipub. statum, vt senatus authoritatem, vt ciuis optimē meriti fortunas provinciarum fœdere addiceres? Te consule, tuis edictis, & imperijs senatui, populoque Rom. non est licitum non modò sententijs, atque authoritate sua, sed ne luctu quidem, ac vestitu Reipub. subuenire. Capuāne te putabas, in qua vrbe domiciliū quōdam superbix fuit, consulem esse, sicut eras eo tempore, an Romæ, in qua civitate omnes ante vos consules senatui paruerunt? tu es ausus in Circo Flaminio productus cum tuo illo pari dicere, te semper misericordem fuisse? quo verbo senatum, atque omneis bonos tum, cū a patria pestem expellerent, crudeles demonstra-  
bas fuisse. Tu misericors me affinem tuum, quem comitijs prærogativæ primum custodem præfeceras, quem Kal. Ian. tertio loco sententiam rogaras, constriētum inimicis Reipub. tradidisti; tu meum generum propinquum tuum,

tu affinem tuam meam filiam superbissimis, & crudelissimis verbis á genibus tuis repulisti: idemque tu clementia, ac misericordia singulárium ego vná cum Repub. non tribunitio, sed consuleri ictu concidissém, tanto scelere, tantaque intemperantia fuisti, vt ne vná quidem horam interesse paterere inter meam pestem, & tuam prædam, saltem dum conticesceret illa lamentatio, & gemitus vrbs. Nondum palam factum erat, concidisse Remp. cum tibi arbitria funeris solvebantur: vno, eodemque tempore domus mea diripiebatur, ardebat, bona ad vicinum consulem de Palatio, de Tusculano ad item vicinum alterum consulem deferebantur; cum iisdem operis suffragium ferentibus, eodem gladiatore latore, vacuo non modò á bonis, sed etiam á liberis, atque inani foro, ignaro populo Rom. quid ageretur, senatu verò oppresso, & afflicto, dnobus impijs, nefarijsque consulibus ærarium, provinciæ, legiones, imperia donabantur. Horum consulum ruinas vos consules vestra virtute fulsistis summa tribunorum plebis, prætorumque fide, & diligentia sublevati. Quid ago depræstantissimo viro. T. Annio dicam? aut quis de tali civi satis digne vnquam loquetur?

qui

qui cum videret sceleratum civem, aut domesticum potius hostem, si legibus vti liceret, iudicio esse frangendum; sin ipsa iudicia vis impediret, ac tolleret, audaciam virtute, furorem fortitudine, temeritatem consilio, manum manu, vim vi esse superandam, primò de vi postulavit: postea quam ab eodem iudicia sublata esse vidit, ne illa omnia vi posset efficere, curavit: qui docuit, neque tecta, neque templa, neque forum, neque curiam sine summa virtute, ac maximis opibus, & copijs ab intestino latrocinio posse defendi: qui primus post meum discessum metum bonis, timorem huic ordini, servitutem depulit civitati. Quam rationem pari virtute, animo, fide. P. Sextius secutus pro mea salute, pro vestra auctoritate, pro statu civitatis nullas sibi inimicitias, nullam vim, nullos impetus, nullum vitæ discrimen vitandum vnquam putavit: qui causam senatus exagitatam concionibus improborum sic sua diligentia multitudini commendavit; vt nihil tam popolare, quam vestrum nomen, nihil tam omnibus carum aliquando, quam vestra auctoritas videretur, qui me cum omnibus rebus, quibus tribunus plebis potuit, defendit; tuum reliquis officijs iux-

sup  
ta



ta, ac si meus frater esset sustentavit; cuius ego clientibus, libertis, familia, copijs, literis ita sum sustentatus, vt meæ calamitatis non adiutor solum verum etiam socius videretur. Iam cæterorum officia, studiaque vidistis: quam cupidus mei C. Sextilius, quam studiosus vestri, quam non varius fuerit in causa. Quid M. Cispus? cui ego ipsi, parenti, fratrique eius sentio quantum debeam: qui cum à me voluntas eorum in privato iudicio esset offensa publici mei beneficij memorià privatam offensionem obliteraverunt. Iam T. Fadius, qui mihi quæstor fuit, M. Curtius, cuius ego patri quæstor fui, studio, amore, animo, huic necessitudini non defuerunt. Multa de me C. Messinius, & amicitia, & Reip. causa dixit; legem separatim initio de salute mea promulgavit. Q. Fabricius, si quæ de me agere conatus est, ea contra vim, & ferrum perficere potuisset; mense Ianuario nostrum statum recuperassemus: quem ad salutem meam voluntas impulit, vis retardavit, auctoritas vestra revocavit. Iam verò prætores quo animo in me fuerint, vos existimare potuistis. Cum L. Cæcilius privatim me suis omnibus copijs studuerit sustentare, publicè promulgarit de salute

lute mea cum collegis pené omnibus: direptoribus autem meorum bonorum in ius adeundi potestatem non fecerit, M. autem Calidius statim designatus sententiá suá, quám esset cara sibi mea salus declaravit. Omnia officia C. Septimij. Q. Valerij, P. Crassi, Sext. Quintilij, Cornuti summa, & in me, & in Remp. constiterunt, quæ cum libenter commemoro, tum non invitus nonnullorum in me nefarié commissa prætereo: non est mei temporis iniurias meminisse, quas ego etiam vlcisci possem, tamen oblivisci mallet; aliò transferenda mea tota vita est, ut bene de me meritis referam gratiam, cum apertis hostibus bellum geram, timidis amicis ignoscam proditoribus meis non indicem dolorem professionis meæ, defensores redditus dignitate consoler. Quod si mihi nullum aliud esset officium in omni vita reliquum, nisi ut erga duces ipsos, & Principes, atque authores salutis meæ satis gratus iudicarer: tamen exiguum reliquæ vitæ tempus non modò ad referendam, verum etiam ad commemorandam gratiam mihi relictum putarem: quando enim ego huic homini, ac liberis eius, quando omnes mei gratiam referent? quæ memoria quæ vis ingenij, quæ mag-

nitudo observantiæ, tot tantisque beneficijs respondere poterit? qui mihi primus afflicto, & iacenti consularem fidem, dextramque prorrexit; qui me á morte ad vitam, á desperatione ad spem, ab exitio ad salutem revocavit; qui tanto amore in me, studio in Rempub. fuit, vt excogitaret, quemadmodum calamitatem meam non modó levaret; sed etiam honestaret: quid enim magnificentius, quid præclariùs mihi accidere potuit, quam quod illo petente vos decrevistis? vt cuncti ex omni Italia, qui Rempub. salvam vellent, ad me vnum hominem fractum, & propé dissipatum, restituendum, & defendendum venirent, vt qua voce á te, Romule, post Romam conditam consul vsus esset pro vniversa Rep. apud eos solum, qui eius vocem exaudire possent, eadem voce senatus omnibus agris, vicis, atque oppidis, cives totamque Italiam ad vnius salutem defendendam excitaret. Quid ego gloriosius meis posteris potui relinquere, quam hoc senatum iudicasse, qui civis me non defendisset, eum Remp. salvam nolluisse? Itaque tantum vestra authoritas, tantum eximia consulis dignitas valuit, vt omnes flagitium se committere putarent, si quis non veniret. Idemque



consul, cum illa incredibilis multitudo Romanam, & penè Italia ipsa venisset, vos frequentissimos in Capitolium convocavit. Quo tempore quantam vim naturæ bonitas haberet, aut vera nobilitas, intelligere potuistis. Nam Q. Metellus, & inimicus, & frater inimici perspecta vestra voluntate, omnia privata odia deposuit, quem P. Servilius vir cum clarissimus, tū verò optimus, mihi que amicissimus, & authoritatis, & orationis suæ divina quadam gravitate ad sui generis communisque sanguinis facta, virtutesque revocavit: ut haberet in consilio, & fratrem ab inferis socium rerum mearum, & omnes Metellos præstantissimos civeis penè ex Acheronte excitatos, in quibus Numidicum illum Metellum, cuius quondam de patria discessus honestus ipsi, omnibus luctuosus tandem visus est. Itaque fuit is non modo salutis defensor, qui ante hoc vnum beneficium fuerat inimicus, verum etiam ascriptor dignitatis meæ. Quo quidem die cum cccc. senatores essetis, magistratusque omnes adessent; discessit vnus is, qui sua lege coniuratos etiam ab inferis excitandos putarat: atque illo die, quo Remp. meis consilijs conservatam gravissimis verbis, & plurimis

rimis iudicassetis, idem consul curavit, vt eadem à principibus civitatis in concione postero die dicerentur. Cum quidem ipse egit ornatissimè causam meam, perfecitque adstante, atque audiente Italia tota, vt nemo cuiusquā conducti, aut perditī vocem acerbam, atque inimicam bonis posset audire. Ad hæc, non modò adiumenta salutis, sed etiam ornamenta dignitatis meæ reliqua vos iisdem addidistis: decrevistis, nequis vlla ratione rem impediret qui id impedisset, graviter molesteque laturos; illum contra Remp. salutemque bonorum concordiamque civium facturū, & vt ad vos ea statim referrentur; meque etiam si diutius calumniarentur, redire iussistis. Quid vt ijs agerentur gratiæ, qui è municipijs venissent: quid vt ad illam diem res cum redissent, rogarentur, vt pari studio convenirent? quid denique illo die, quem P. Lentulus mihi, fratrique meo, liberisque nostris natalem constituit, non modò ad nostram, verum etiam ad sempiterni memoriam temporis? quo die nos comitijs centuriatis, quæ maximè maiores iusta dici, haberi que voluerūt, arcessivit in patriam: vt eadem centuriæ, quæ me consulem fecerant, consulatum meum comprobarent. Quo die quis civis fuit, qui fas esse

putaret, qua cumque aut ætate, aut valetudine  
esset, non se de salute mea sententiã ferre? quan-  
do tantam frequentiam in campo, tantum  
splendorem Italiæ totius, ordinumque om-  
nium, quando illa dignitate rogatores, diribito-  
res, custodesque vidistis? Itaque P. Lentuli be-  
neficio excellenti, atque divino non solum re-  
ducti sumus in patriam, sicut nonnulli clarissimi  
viri, sed equis insignibus, & curru aurato repor-  
tati. Possum ego satis in Cn. Pompeium vim-  
quam gratus videri? qui non solum apud vos;  
qui omnes idem sentiebatis, sed etiam apud  
vniuersum populum Rom. salutem Reipub. &  
conservatam per me, & coniectam esse cum  
mea dixerit: qui causam meam prudentibus  
commendarit, imperitos edocuert, eodemque  
tempore improbos autoritate sua compresse-  
rit, bonos excitarit: qui populum Rom. pro me,  
tamquam pro fratre, aut pro parente, non solum  
hortatus sit, verum etiam obsecravit qui cum  
ipse propter metum dimicationis, & sanguinis  
domo se teneret, etiam a superioribus tribunis  
petierit, vt de salute mea, & promulgarent, &  
referrent: qui in colonia nuper constituta cum  
ipse gereret magistratum, in qua nemo erat  
emptus intercessorum, vim, & crudelitatem



privilegij autoritate honestissimorum hominum, & publicis litteris consignavit, princepsque Italiae totius praesidium ad nostram salutem implorandum putavit: qui cum ipse mihi semper amicissimus fuisset, etiam ut suos necessarios mihi amicos rederet, elaboravit. Quibus autem officiis T. Annij beneficia remunerabor? cuius omnis actio, ratio, cogitatio, totus denique, tribunatus, nihil aliud fuit, nisi constans, perpetua, fortis, invicta defensio salutis meae? quid de P. Sextio loquar? qui suam erga me benevolentiam, & fidem non solum animi, dolore, sed etiam corporis vulneribus ostendit? Vobis vero P. C. singulis, & egi, & agam gratias univrsis: egi initio, quantum potui: satis ornare agere nullo modo possum Et quanquam sunt in me precipua merita multorum, quae sileri nullo modo possunt? tamen huius temporis, ac timoris mei non est, conari commemorare beneficia in me singulorum: nam difficile est non aliquem, nefas, quenquam praeterire. Ego vos univrsos, patres conscripti, deorum numero colere debeo, sed ut in ipsis diis immortalibus non semper eosdem atque alias alios solemus, & venerari, & precari; sic in hominibus de me divinitus meri-

tis omnis erit ætas mihi ad eorum erga me merita prædicanda, atque recolenda: hodierna autem die nominatim a me magistratibus statui gratias esse agendas, & de privatis vni, qui pro salute mea municipia, coloniasque adisset, populum Rom. supplex obsecrasset, sententiam dixisset eam, quam vos secuti, mihi dignitatem meam reddidistis: vos me florentem semper ornastis, laborantem mutatione vestris, & prope luctu vestro, quod licuit, defendistis. Nostræ memoria senatores ne in suis quidem periculis mutare vestem solebant: in meo periculo senatus veste mutata fuit, quod licuit per eorum edicta, qui mea pericula non modò suo præsidio, sed etiam vestra deprecatione nudarunt. Quibus ego rebus obiectis, cum mihi privato configendum viderem cum eodem exercitu, quem consul non armis, sed vestra authoritate superaram; multa mecum ipse reputavi. Dixerat in concione consul, se clivi Capitolini pœnas ab equitibus Romanis repetiturum: nominatim alij compellabantur, alij citabantur, alij relegabantur: aditus templorum erat non solum præsidij, & manu verum etiam demolitione sublati; alter consul, vt me, & Remp. non modo

deserent, sed etiam hostibus Reipub. proderent, pactionibus eos suorum præmiorum obligarat. Erat alius ad portas cum imperio in multos annos, magnoque exercitu: quem ego inimicum mihi fuisse non dico, tacuisse cum diceretur esse inimicus scio. Duæ partes esse in Rempubl. cum putarentur; altera me deponere propter inimicitias, altera timidè defendere propter suspicionem cædis putabatur, qui autem me deponere videbantur, in hoc auxerunt dimicationis metum, quod nunquam inficiando suspicionem hominum, curamque minuerunt. Quare, cum viderem senatum ducibus ornatum me à magistratibus partim oppugnatum, partim proditum, partim derelictum, servos simulatione collegiorum nominatim esse conscriptos, copias omneis Catilinæ penè iisdem ducibus ad spem cædis, & incendiorum esse revocatas, equites Rom. proscriptionis, municipia vastitatis, omnes cædis metu esse permotos: potui, potui P. C. multis auctoribus fortissimis viris, me vi, armisque defendere, nec mihi ille ipse animus idem meus, vobis non incognitus defuit: sed videbam, si vicissem præsentem adversarium, nimium multos mihi alios esse vincendos:



dos: si victus essem, multis bonis, & pro me, & mecum etiam pro me esse pereundum; tribunique sanguinis ultores esse præsentes, meæ mortis pœnas iudicio, & posteritati reservari, nolui; cum consul communem salutem sine ferro defendissem, meâ privatus armis defendere, bonosque viros lugere malui meas fortunas, quam suis desperare: ac si solus essem interfectus, mihi turpè; si cū multis, Reipub. funestum fore videbatur. Quod si mihi æternam esse propositam ærurnam arbitrarer; morte me ipse potius, quam sempiterno dolore multassem: sed cum viderem me non diutius, quam ipsam Rempubl. ex hac vrbe abfuturum; neque ego illa exterminata, mihi remanendum putavi, & illa simulatque revocata est me secum pariter reportavit: mecum leges, mecum quæstiones, mecum iura magistratuum, mecum senatus auctoritas, mecum libertas, mecum etiam frugum ubertas, mecum deorum, & hominum sanctitates omnes, & religiones abfuerunt, quæ si semper abessent magis vestras fortunas lugerem, quam desiderarem meas: sin aliquando revocarentur, intelligebam mihi cum illis vñà esse redeundum. Cuius mei sensus certissimus testis


est

est hic idem, qui custos capitis fuit, Cn. Plantius, qui omnibus provincialibus ornamentis, commodisque depositis, totam suam quæsturam in me sustentando, & conservando collocavit, qui si mihi quæstor imperatori fuisset, in filij loco fuisset: nunc certè erit in parentis, cum fuerit quæstor non imperij, sed doloris mei. Qua propter, patres conscripti, quoniam in Rempubl. sum pariter cum Repub. restitutus, non modò in ea defendenda, nihil minuam de libertate mea pristina, sed etiam adaugebo. Etenim si eam tum defendebam, cum aliquid mihi illa debebat, quid nunc me facere oportet, cum ego illi plurimum debeo? nam quid est, quod animum meum frangere, aut debilitare possit; cuius ipsam calamitatem non modò nullius delicti, sed etiam divinorum in Rempubl. beneficiorum testè esse videatis? nam, & importata est, quia defenderam civitatem, & mea voluntate suscepta est, ne à me defensa Respubl. per eundem me extremum in discrimen vocarentur. Pro me non ut pro P. Popillio nobillissimo homine adolescentibus filij, non propinquorum multitudo populum Rom. est deprecata, non ut pro Q. Metello summo, & clarissimo viro spectata iam

adolescentia filius, non L. & C. Metelli confu-  
lares, non eorum liberi, non Q. Metellus Ne-  
pos, qui tum consulatum petebat, non Luculli,  
Servillij, Scipiones, metellorum filij flentes, ac  
fordidati populo Rom. supplicaverunt; sed vnus  
frater, qui in me pietate filius, consilijs parens,  
amore [ vt erat ] frater inventus est, squalore, &  
lacrymis, & quotidianis precibus, desiderium mei  
nominis renovari, & rerum gestarum memo-  
riam vsurpari coegit, qui cum statuisset nisi per  
vos me recuperasset, eandem subire fortunam,  
atque idem sibi domicilium, & vitæ, & mortis  
deposcere; nunquam nec magnitudinem nego-  
tij, nec sollicitudinem suam, nec vim inimico-  
rum, ac tela pertimuit. Alter fuit propugnator  
meorum fortunarum, & defensor assiduus, sum-  
ma virtute, & pietate C. Piso gener: qui minas  
inimicorum meorum, qui inimicitias affinis  
mei, propinqui sui, consulis, qui Pontum, & Bi-  
thiniam quæstor pro mea salute neglexit. Nihil  
vnquam tenatus de P. Popillio decrevit; nun-  
quam in hoc ordine. Q. Metelli mentio facta est;  
tribunitijs sunt illi rogationibus, interfectis  
inimicis, denique nulla authoritate senatus re-  
stituti, cum alter eorum senatui paruisset, alter  
vim,



vim, eademque fugisset, nam C. quidem Marius, qui hac hominum memoria tertius ante me consularis tempestate civili expulsus est non modò á senatu non est restitutus, sed reditu suo senatum cunctum pené delevit, nulla de illis magistratuum consensio, nulla ad Rempubl. defendendam populi Rom. convocatio, nullus Italiae motus, nulla decreta municipiorum, & coloniarum extiterunt. Quare cum me vestra autoritas accersierit, popul. Rom. revocarit, Resp. implorarit, Italia cuncta penè suis humeris reportarit non committam P. C. ut cum ea mihi sint restituta, quæ in potestate mea non fuerunt, ea non habeam, quæ ipse præstare possim: præsertim cum illa amissa recuperarim, virtutem, & fidem numquam amiserim.



## PRO T. ANNIO

Milone.

## ORATIO.

**E**T si vereor, iudices, ne turpe sit pro fortissimo viro dicere incipientem, timere; minimèque deceat, cum T. Annius Milo, ipse magis de Reip. salute, quam de sua perturbetur, me ad eius causam parem animi magnitudinem afferre non posse: tamen hæc novi iudicii nova forma terret oculos, qui quòcumque inciderint, veterem consuetudinem fori, & pristinum morem iudiciorum minimè vident, non enim corona confessus vester cinctus est ut solebat: non vilitata frequentia stipati sumus nam illa præsidia, quæ pro templis omnibus cernitis, etsi contra vim collocata sunt, afferunt tamen oratori horroris aliquid, ut in foro, & in iudicio, quamquam præsidij salutariis, & necessarij septi sumus; tamen ne non timere quidem sine aliquo timore possimus, quæ si opposita Miloni putarem, cederem tempori, iudices, nec inter tantam vim armo-

rum

rum, existimarem oratori locum esse, sed me recreat, & reficit Cn. Pompeij sapientissimi, & iustissimi viri consilium: qui profectò nec iustitiæ suæ putaret esse, quem reum sententijs iudicum tradidisset, eundem telis militum dedere, nec sapientiæ temeritatē concitatæ multitudinis autoritate publica amare. Quamobrem illa arma, centuriones, cohortes, non periculum nobis, sed præsidium denuntiant: neque solum, vt quieto, sed etiam vt magno animo simus, hortantur: neque auxilium modò defensionis meæ, verum etiam silentium pollicentur. Reliqua verò multitudo; quæ quidem est civium, tota nostra est, neque eorum quisquam, quos vndique intuentes ex hoc ipso loco cernitis, vnde aliqua pars fori aspicitur, & huius exitum iudicij expectantes, non cum virtuti Milonis favet tum de se, de liberis suis, de patria, de fortunis hodierno die decertari putat. Vnum genus est adversum, infestumque nobis, eorum, quos P. Clodij furor rapinis, & incendijs, & omnibus exitijs publicis pavit: qui hesternæ etiam concione incitati sunt, vt vobis voce præirent; quid iudicaretis, quorum clamor si quis fortè fuerit, admonere vos debebit vt eum civem re-

tinea-



tineatis, qui semper genus illud hominum, clamoresque maximos pro vestra salute neglexit. Quamobrem adeste animis, iudices, & timorem, si quem habetis deponite. Nam si vnquam de bonis, & fortibus viris, si vnquam de benemeritis civibus potestas vobis iudicandi fuit, si denique vnquam locus amplissimorum ordinum delectis viris datus est, vbi sua studia erga fortes, & bonos cives, quæ vultu, & verbis sæpe significassent, re, & sententijs declararent, hoc profectò tempore eam potestatem omnem vos habetis, vt statuatis, vtrum nos qui semper vestræ authoritati dediti fuimus, semper miseri lugeamus, an diu vexati á perditissimis civibus aliquando per vos, ac vestram fidem virtutem, sapientiamque recreemur. Quid enim nobis duobus iudices, laboriosius? quid magis sollicitum, magis exercitum dici, aut fingi pot est? qui spe amplissimorum præmiorum ad Rempubl. adducti, metu credulissimorum exitiorum care non possumus. Et quidem cæteras tempestates, & procellas in illis dumtaxat fluctibus concionum semper putavi Miloni esse subeundas, quod semper pro bonis contra improbos senserat in iudicio verò, & in eo concilio, in quo

ex

ex cunctis ordinibus amplissimi viri iudicarent, nunquam existimavi, spem ullam esse habituros Milonis inimicos, ad eius non salutem modò extinguendam, sed etiam gloriam per tales viros infringendam. Quamquam in hac causa iudices, T. Annij tribunatu, rebus omnibus pro salute Reip. gestis ad huius criminis defensionem non abutemur, nisi oculis videritis insidias Miloni à Clodio factas: nec deprecaturi sumus, vt crimen hoc nobis, multa propter præclara in Remp. merita condonetis, nec postulaturi, vt si mors P. Clodij salus vestra fuerit, idcirco eam virtuti Milonis potiùs, quàm populi Rom. felicitati assignetis; sed si illius insidiæ clariores hac luce fuerint; tum denique obsecrabo, obtestaborque vos iudices, si cætera amisimus, hoc saltem nobis vt relinquatur, ab inimicorum audacia, telisque vitam vt impune liceat defendere. Sed ante quam ad eam orationem venio, quæ est propria nostræ quæstionis videntur ea esse refutanda, quæ in senatu sæpe ab inimicis improbis, sæpe iactata sunt, & in concione etiam paulò ante ab acusatoribus, vt omni errore sublato, rem plane, quæ venit in iudicium, videre possitis. Negant intueri lucem fas esse ei qui à se ho-

hominem occisum esse fateatur. In qua tandem vrbe hoc homines stultissimi disputant? nempe in ea, quæ primum iudicium de capite vidit M. Horatij fortissimi viri, qui nondum libera civitate tamē populi Rom. comitijs liberatus est cū sua manu sororem interfectam esse fateretur. An est quisquam, qui hoc ignoret, cū de homine occiso quæritur, aut negari solere omnino esse factum, aut rectē, ac iure factum esse defendi? Nisi vero existimatis dementem P. Africanum fuisse, qui cum à C. Carbone tribuno pleb. in concione seditiosē interrogaretur, quid de Trib. Gracchi morte sentiret, respondit, iure cæsum videri. Neque enim posset, aut Hala ille Servilius aut P. Nasica, aut L. Optimus, & C. Marius, aut me consule senatus, non nefarius haberi, si sceleratos cives interfici nefas esset. Itaque hoc, iudices non, sine causa fictis fabulis doctissimi homines memoriæ prodiderunt, eum, qui patris vlciscendi causa matrem necavisset, variatis hominum sententijs, non solum humana, sed etiam deæ sapientissimæ sententia liberatum. Quod si duodecim tabulæ nocturnum furem quoquomodo, diurnum autem, si se telo defenderit, interfici impunē voluerunt



runt, quis est, qui quoquomodo quis interfectus sit, puniendum putet, cum videat aliquando gladium nobis ad occidendum hominem ab ipsis porrigi legibus? Atque si tempus est vllum iure hominis necandi, quæ multa sunt, certe illud est non modò iustum, verum etiam necessarium, cum vi vis illata defenditur. Pudicitiam cum eriperet militi tribunus militaris in exercitu C. Marii, propinquus eius imperatoris interfectus ab eo est, cui vim afferebat facere enim probus adolescens periculose, quam perpeti turpiter maluit, atque hunc ille vir summus, scelere solutum periculo liberavit. Insidiatori verò, & latroni, quæ potest afferri iniusta nex? Quid comitatus nostri? quid gladii voluit? quos habere certe non liceret, si vti illis nullo pacto liceret. Est enim hæc iudices, non scripta, sed nata lex, quam non didicimus, accepimus, legimus: verum ex natura ipsi arripuimus, hausimus, expressimus, ad quam non docti, sed facti; non instituti, sed imbuti sumus; ut si vita nostra in aliquas insidias, si in vim, in tela, aut latronum, aut inimicorum incidisset, omnis honesta ratio esset expediendæ salutis. Silent enim leges inter arma, nec se expectari iubent, cum

ei, qui expectare velit, ante iniusta poena luenda sit, quam iusta repetenda. Et si persapienter, & quodā modō tacite dat ipsa lex potestatem defendēdi: quæ non modo hominē occidi, sed esse cū telo hominis occidendi causa vetat: ut cū causa, non telum quæreretur, qui sui defendendi causa telo esset usus, non hominis occidendi causa habuisse telum iudicaretur. Qua propter hoc maneat in causa iudices, non enim dubito, qui in probaturus sim vobis defensionem meam, si id memineritis, quod oblivisci non potestis, insidiatorem iure interfici posse. Sequitur illud quod à Milonis inimicis sæpissime dicitur, Cædem, qua P. Clodius occisus est, senatum iudicasse contra Rempubl. esse factam. Illam vero senatus non sententijs suis solum, sed etiam studijs comprobavit. Quoties enim est illa causa à nobis acta in senatu? quibus assentionibus vniversi ordinis? quàm nec tacitis, nec occultis? quando enim frequentissimo senatu quatuor, ad sumum quinque sunt iuveni, qui Milonis causam non probarent? declarant huius ambusti tribuni plebis illæ inter mortuæ cōcio-nes, quibus quotidie meam potentiam invidiose criminabatur; cū diceret, senatum non quod

sentiret, sed quod ego vellem, decernere. Quæ quidem si potentia est appellanda potius, quam propter magna in Rempubl. merita, mediocris in bonis causis authoritas, aut propter officiosos labores meos nonnulla apud bonos gratia; appellateur ita sanè, dummodò eà nos vtamur pro salute bonorum contra amentiam perditorum. Hanc verò quæstionem, & si non est iniqua, nunquam tamen senatus constituendâ putavit; erant enim leges, erant quæstiones, vel de cæde, vel de vi: nec tantum mærorem, ac luctum senatui mors P. Clodij aferebat, vt nova quæstio constitueretur. Cuius enim senatui de illo incesto stupro iudicium decernendi potestas esset erepta, de eius interitu quis potest credere senatum iudicium novum constituendum putasse? Cur igitur, incendium curiæ, oppugnationem ædium M. Lepidi cædem hanc ipsam, contra Rempublicam senatus factam esse decrevit? quia nulla vis vnquam est in libera civitate suscepta inter cives non contra Rempubl. Non enim est vlla defensio contra vim vnquam optanda, sed nonnunquam est necessaria: nisi vero, aut ille dies, in quo Tib. Gracchus est cæsus, aut ille, quo Caius, aut quo arma Satur-



nini oppressa sunt, etiam si è Republic, Rempu-  
blicam tamen non vulnerarunt. Itaque ego ipse  
decrevi, cum cædem in Appia factam esse con-  
staret, non eum, qui se defendisset contra Rem-  
publicam fecisse, sed cum in esset in re vis, & in-  
fidia, crimē iudicio reservavi, rem notavi. Quod  
si per furiosum illum tribunum senatui, quod  
sentiebat, perficere licuisset, novam questionem  
nunc nullam haberemus: decernebat enim, ut  
veteribus legibus tantummodo extra ordinem  
quereretur, divisa sententia est postulante  
nescio quo, nihil enim necesse est. omnium fla-  
gitia proferre, sic aliqua autoritas senatus em-  
pta intercessione sublata est. At enim Cn. Pom-  
peius rogatione sua, & de re, & de causa iudica-  
vit: tulit enim de cæde, quæ in Appia via facta  
esset, in qua P. Clodius occissus fuit, quid ergo  
tulit? nempe, ut quereretur: quid porro quæ-  
rendum est? factum ne sit? at constat: aquo? at  
patet: vidit etiam in confessione facti, iuris ta-  
men defensionem suscipi posse, quod nisi vidis-  
set posse absolvi eum, qui fateretur, cum vide-  
ret nos fateri, neque quæri unquam iussisset, nec  
vobis tam salutarem hanc in iudicando litte-  
ram, quam illam tristem dedisset. Mihi vero.

Cn.

Cn. Pompeius non modò nihil gravius contra Milonem iudicasse, sed etiam statuisse videtur, quid vos in iudicando spectare oportet: nam qui non poenam confessioni, sed defensionem dedit, is causam interitus quærendam, non interitum putavit. Iam illud dicet ipse profectò, quod sua sponte fecit, P. ne Clodio tribuendum putet, an temporì? Domi suæ nobilissimus vir, senatus propugnator, atque illis quidem temporibus penè patronus; avunculus huius nostri iudicis fortissimi viri M. Catonis, tribunus pleb. M. Drusus occisus est. Nihil de eius morte populus consultus, nulla quæstio decreta à senatu est. Quantum luctum in hac vrbe fuisse à nostris patribus accepimus, cum P. Africano domi suæ quiescenti illa nocturna vis esset illata, quis tum non gemit? quis non arsit dolore? quem immortalem, si fieri posset, omnes esse cuperent, eius ne necessariam quidem expectatam esse mortem? num igitur vlla quæstio de Africani morte lata est? certè nulla: quid ita? quia non alio facinore clari homines, alio obscuro necantur. Interfit inter vitæ dignitatem summorum, atque infimorum. Mors quidem illata per scelus iisdem poenis tepeatur, & legibus; nisi fortè

magis erit parricida, si quis consularem patrem, quam si quis humilem necaverit, aut eo mors atrocior erit. P. Clodij, quod is in monumentis maiorum suorum sit interfectus; hoc enim sæpe ab istis dicitur: perinde quasi Appius ille Cæcus viam munierit, non qua populus vteretur, sed vbi impune sui posteri latrocinarentur. Itaque in eadem ista Appia via cum ornatissimum equitem Rom. M. Papirium occidisset, non fuit illud facinus puniendum. Homo enim nobilis in suis monumentis equitem Rom. occiderat. Nunc eiusdem Appiæ nomen quantas tragoedias excitat? quæ cruentata antea cæde honesti, atque innocentis viri silebatur, eadem nunc crebro vsurpatur, posteaquam latronis, & parricidæ sanguine imbuta est. Sed quid ego illa commemoro? comprehensus est in templo Castoris servus P. Clodij, quem ille ad Cn. Pompeium interficiendum collocarat; exorta est confitenti fida de manibus; caruit foro postea Pompeius, caruit senatu, caruit publico: ianua se ac parietibus, non iure legū iudiciorumq; texit; num quæ rogatio lata? num quæ nova quæstio decreta est? atque si res, si vir si tempus vllam dignum fuit, certe hæc in illa



Causa summa omnia fuerunt, infidiator erat in foro collocatus, atque in vestibulo ipso senatus, ei viro autē mors parabatur, cuius in vita nitebatur salus civitatis: eo porrò Rei. tēpore, quo si vnus ille occidisset, non hæc solum civitas, sed gentes omnes concidissent; nisi forte, quia perfecta res non est, non fuit punienda: perinde quasi exitus rerum, non hominum consilia legibus vindicentur. Minus dolendum fuit re non perfecta; sed puniendum certe nihilominus. Quoties ipse iudices ex P. Clodij telis, & ex cruentis eius manibus effugi? ex quibus si me non mea; vel Reip. fortuna servasset, quis tandem de interitu meo quæstionem tulisset? Sed stulti summus qui Drusum, qui Africanum, Pompeium, nosmetipsos, cum: P. Clodio conferre audeamus: tolerabilia fuerunt illa P. Clodij mortem æquo animo nemo ferre potest. Luget senatus: mæret equester ordo, tota civitas confecta senio est: squalent municipia: affliguntur coloniae; agri denique ipsi tam beneficium; tam salutarem, tam mansuetum civem desiderant. Non fuit ea causa iudices non fuit, cur sibi censeret Pompeius quæstionem ferendam; sed homo sapiens, & alta quadam mente præ-

præditus, multa vidit: fuisse sibi illum inimicum, familiarem Milonem incommuni omnium lætitia, si etiam ipse gauderet, timuit, ne videretur infirmior fides reconciliatæ gratiæ: multa etiam alia vidit, sed illud maximè: quamvis atrociter ipse tulisset, vos tamen fortiter iudicatu- ros. Itaque delegit è florentissimis Ordinibus ipsa lumina: neque verò, quod nonnulli dictitant, se- crevit in iudicibus legendis amicos meos; neque enim hoc cogitavit vir iustissimus, neque in bonis viris legendis id assequi potuisset, etiam sicupijisset: non enim mea gratia familiaritatibus contineretur, quæ latè patere non possunt, prop- terea quòd consuetudines victus non possunt esse cum multis: sed si quid possumus, ex eo pos- sumus, quod Resp. nos coniunxit cum multis, ex quibus ille cum optimos viros legeret, idque maximè ad fidem suam pertinere arbitraretur, non potuit legere, non studiosos mei. Quod vero te Cn. Domiti, huic quæstioni præesse maximè voluit, nihil quæsit aliud, nisi iusti- tiam, gravitatem, humanitatem, fidem: tulit, ut consularè necesse esset: credo quod principum munus esse ducebat, resistere, & levitati mul- titudinis, & perditorum temeritati: ex consula-

ribus te creavit potissimum; dederas enim, quam contemneres populares insanias, iam ab adolescentia documenta maxima. Quamobrem, iudices, ut aliquandò ad causam, crimenq̃ veniamus: si neque omnis confessio facti inusitata; neque de causa quidquam nostra aliter, ac nos vellemus, à senatu iudicatum est; & lator ipse legis, cum esset controversia nulla facti, iuris tamen disceptationem esse voluit; & electi iudices, & isti præpositus quæstioni, qui hæc iustè, sapienterque disceptet, reliquum est, iudices, ut nihi iam aliud quærere debeatis, nisi vter vtri insidias fecerit; quod quo facilius argumentis perspicere possitis, rem gestam vobis dum breviter expono, quæso, diligenter attendite. P. Clodius cum statuisset omni scelere in prætura vexare Remp. videretque ita tracta esse comitia anno superiore, ut non multos menses præturam gerere posset: qui non honoris gradum spectaret, ut cæteri, sed, & L. Paulum collegam effugere vellet singulari virtute civem, & annū integrum ad dillacerandam Rempub. quæreret: subitò reliquit annum suum, seque in annum proximum transtulit, non religione aliqua, sed ut haberet, quod ipse dicebat, ad præturam ge-



rendam, hoc est, ad evertendam Remp. plenum annum, atque integrum: occurrebat, mancam ac debilem præturam suam futuram consule Milone: eum porrò summo consensu populi Rom. consulem fieri videbat: contulit se ad eius competitors: sed ita, totam vt petitionem ipse solus etiam invitis illis gubernaret: tota vt comitia suis, vt dictitabat, humeris sustineret: convocabat tribus, se interponebat, coloniam novam, delectum perditissimorum scribebat civium: quantò ille plura miscebat, tantò hic magis in dies convalescebat. Vbi vidit homo ad omne facinus paratissimus fortissimum virum, inimicissimum suum, certissimum consulem, idque intellexit non solum sermonibus, sed etiam suffragijs popul. Rom. sæpè esse declaratum, palàm agere cœpit, & apertè dicere, occidendum Milonem. Servos agrestes, & barbaros, quibus silvas publicas depopulatus erat, Etruriamque vexarat, ex Apennino deduxerat, quos videbatis: res erat minimè obscura; etenim palàm dictitabat, consulatū Miloni eripi non posse, vitam posse: significavit hoc sæpè in senatu, dixit in concione; qui etiam Favonio fortissimo viro quærenti ex eo, qua spe fureret Milone vi-

vo: respondit, triduo illum ad summum quatri-  
duo periturum: quam vocem eius ad hunc. M.  
Catonem statim Favonius detulit. Interim  
cum sciret Clodius ( neque enim erat difficile  
scire ) iter solemne, legitimum, necessarium, ante  
diem XIII. Kalend. Febr. Miloni esse Lanu-  
vium ad flaminem prodendum, quod erat di-  
etator Lanuvij Milo: Roma subito ipse profe-  
ctus pridie est, ut ante suum fundum ( quod re  
intellectum est ) Miloni insidias collocaret; at-  
que ita profectus est, ut concionem turbulen-  
tam, in qua eius furor desideratus est, quæ illò  
ipso die habita est, relinqueret: quam, nisi obire  
facinoris locum, tempusque voluisset, nunquam  
reliquisset. Milo autem cum in senatu fuisset eo  
die, quoad senatus dimissus est, domum venit:  
calceos, & vestimenta mutavit: paulisper dum  
se vxor [ ut fit ] comparat, commoratus est: dein-  
de profectus est id temporis, cum iam Clo-  
dius [ si quidem eo die Romam venturus erat ]  
redire potuisset: obviam fit ei Clodius expedi-  
tus in equo, nullâ rhedâ, nullis impedimentis,  
nullis Græcis comitibus, ut solebat, sine vxore,  
quod numquam ferè, cum hic insidiator, qui  
iter illud ad cædem faciendam apparasset,  
cum

cum vxore veheretur in rheda penulatus; vulgi magno impedimento, ac muliebri, & delicato ancillarum, puerorumque comitatu: fit obviam Clodio ante fundum eius hora ferè vndecimâ, aut non multò secus; statim complures cum telis in hunc faciunt de loco superiore impetum; adversi rhedarium occidunt: cùm autem hic de rheda, reiectâ penulâ, desiluisset, seque acri animo defenderet, illi, qui erant cum Clodio, gladijs eductis partim recurrere ad rhedam, vt à tergo Milonem adorirentur: partim, quòd hunc iam interfectum putarent, cædere incipiunt eius servos, qui post erant; ex quibus qui animo fideli in dominum erant, & præsentes fuerant, partim occisi sunt, partim, cum ad rhedam pugnari viderent, & domino succurrere prohiberentur, Milonemque occissum etiam ex ipso Clodio audirent, & ita esse putarent, fecerunt id servi Milonis [dicam enim non derivandi criminis causa, sed vt factum est] neque imperante, neque sciente, neque præsente domino, quod suos quisque servos in tali re facere voluisset. Hæc, sicut exposui, ita gesta sunt, iudices: insidiator superatus, vi victa vis, vel potius oppressa virtute audacia est. Nihil dico quid



quid Respublica consecuta sit: nihil, quid vos: nihil, quid omnes boni: nihil sanè id profit Miloni, qui hoc fato natus est, ut ne se quidem servare potuerit, quin unà Rempubl. vosque servaret. Si id iure nō posset, nihil habeo quod defendam: sin hoc, & ratio doctis, & necessitas barbaris, & mos gentibus, & feris natura ipsa præscripsit, ut omnem semper vim, quacumque ope possent; à corpore, à capite, à vita sua propulsarent, non potestis hoc facinus improbum iudicare, quin simul iudicetis, omnibus, qui in latrones inciderint, aut illorum telis, aut vestris sententijs esse pereundum: quòd si ita putasset, certè optabilius Miloni fuit dare iugulum P. Clodio non semel ab illo, neque tum primū petiit, quàm iugulari à vobis: quia se illi non iugulandum tradidisset. Sin hoc nemo vestrum ita sentit; illud iam in iudicium venit, non occisus ne sit, quod fatemur: sed iure, an iniuria, quod multis antea in causis iam quæsitum est. Insidias factas esse constat: & id est, quod senatus, contra Rempublicam factum esse iudicavit: ab utro factæ sint, incertum est: de hoc igitur latum est, ut quæreretur. Ita, & senatus rem, non hominem notavit, & Pompeius de

iure

iure non de facto quæstionem tulit. Numquid igitur aliud in iudicium venit, vter vtri infidias fecerit? profectó nihil. Si hic illi; vt ne sit impuné si ille huic; tum nos scelere solvamus. Quonam igitur pacto probari potest, infidias Miloni fecisse Clodium? satis est quidem in illa tam audaci, tam nefaria bellua docere magnam ei causam, magnam spem in Milonis morte propositam; magnas utilitates fuisse. Itaque illud Cassianum, **CVI BONO FVERIT** in his personis valeat: etsi boni nullo emolumento impelluntur in fraudem, improbi sæpé parvo. Atqui, Milone interfecto, Clodius hoc assequabatur, non modò vt prætor esset non eo consule, quo sceleris nihil facere posset: sed etiam vt his consulibus prætor esset, quibus si non adiuvantibus, at convenientibus certè sperasset, se posse Remp. eludere in illis suis cogitatis furoribus: cuius illi conatus, vt ille ratiocinabatur; nec si cuperent, reprimere possent; cum tantum beneficium ei se debere arbitrarentur: & si vellent, fortasse vix possent frangere hominis sceleratissimi corroboratam iam vetustate audaciam. An verò, iudices, vos soli ignoratis? vos hospites in hac vrbe versamini? vestræ

peregrinantur aures? nèque in hoc pervagato civitatis sermone versantur, quas illæ leges (si leges nominandæ sunt, ac non faces vrbis, & pestes Reipub.) fuerit impositurus nobis omnibus, atque iniustus. Exhibe quæso, Sexte, Clodio, exhibe librarium illud legum vestrarum, quod te aiunt eripuisse è domo, & ex medijs armis, turbâque nocturnâ, tamquam Palladium, sustulisse, vt præclarum inde munus, atque instrumentum tribunatus ad aliquem, si nactus esses, qui tuo arbitrio tribunatum gereret, deferre posses. Et aspexit me quidem illis oculis, quibus tum solebat, cum omnia omnibus minabatur. Mover me quippè lumen curiæ. Quid? tu me iratum, Sexte, putas tibi, cuius tu inimicissimum multo crudelius etiam punitus es, quam erat humanitatis meæ postulare? Tu P. Clodij cruentum cadaver eiecisti domo, tu in publicum eiecisti: tu spoliatum imaginibus exsequijs, pompa, laudatione, infelicissimis lignis semiustulatum, nocturnis canibus dilaniandum reliquisti, quam rem, etsi necessario fecisti; tamen, quoniam in meo inimico crudelitatem exprompsisti tuam, laudare non possum; irasci certè non debeo, P. Clodij præturam non  
sine



sine maximó rerum novarum motu proponi solitam esse videbatis; nisi esset is Consul, qui iam auderet, possetque confringere eum. Milonem esse, cum sentiret vniversus populus Rom. quis dubitaret suffragio suo, se metu, periculo Remp. liberare? At non P. Clodio mortuo, vñtatis iam rebus obnitendum est Miloni, vt tueatur dignitatem suam: singularis illa huic vni concessa gloria, quæ quotidie augebatur frangendis furoribus Clodianis, iam morte Clodij cecidit; vos adepti estis, ne quem civem metueretis: hic exercitationem virtutis, suffragationem consulatus, fontem perennem gloriæ suæ perdidit. Itaque Milonis consulatus, qui vivo Clodio, labefactari non poterat, mortuo denique tentari cœptus est. Non modò igitur nihil prodest, sed obest etiam P. Clodij mors Miloni. At valuit odium, fecit iratus, fecit inimicus, fecit vltor iniuriæ, punitor doloris sui, quid si hæc, non dico maiora fuerunt in Clodio, quàm in Milone, sed in illo maxima, nulla in hoc? quid vultis ampliùs? quid enim odisset Clodium Milo, segetem, ac materiam suæ gloriæ, præter hoc civile odium, quo omnes improbos odimus? ille erat, qui odisset primùm defen-

so-

forem salutis meæ, deinde vexatorem furoris, domitorem armorum suorum; postremò etiam accusatorem suum: reus enim Milonis, lege Plotiâ, fuit Clodius, quoad vixit: quo tandem animo hoc tyrannum tulisse creditis? quantum odium ipsius, & in homine iniusto, quàm etiam iniustum esse? Reliquum est, vt iam illum natura ipsius, consuetudoque defendat; hunc autem hæc eadem coarguant: nihil per vim vnquam Clodius, omnia per vim Milo. Quid ergo, Iudices? cum mærentibus vobis, vrbe cessi, non servos, non arma, non vim intentavit? quæ fuisset igitur causa restituendi mei, nisi fuisset iniusta eiiciendi? Diem mihi, credo, dixerat, multam irrogarat; actionem perduellionis intenderat, & mihi, Iudices, in causa, aut vestrà malâ, aut meâ nec præclarissimâ, etiam iudicium timendum fuit? servorum, egentium civium, & facinorosorum armis, meos cives, meis consilijs, periculisque servatos, pro me obijci nolui: vidi enim, vidi hunc ipsum Q. Hortensium lumen, & ornamentum Reipub. pené interfici servorum manu, cùm mihi adesset: qua in turba C. Vibienus Senator, vir optimus, cum hoc cùm esset vnâ, ita est multatus, vt vitam amiserit

Itaque quando illius postea fida illa, quam á Catilina acceperat, conquievit? hæc intentata nobis est: huic ego vos obijci pro me non sum passus: hæc infidiata Pompeio est: hæc istam Appiam viam monumentum sui nominis, nece Papirij cruentavit: hæc eadem longo intervallo conversa rursus est in me: nuper quidem, ut scitis, me ad regiam pené confecit. Quid simile Milonis? cuius vis omnis hæc semper fuit, ne P. Clodius cum in iudicium detrahi non posset, vi oppressam civitatem teneret: quem si interficere voluisset, quantæ quoties occasiones, quam præclaræ fuerunt? potui ne, cum domum, ac deos penates suos, illo oppugnante, defenderet, iure se vlcisci? potuit ne, cive egregio, & viro fortissimo P. Sextio collegâ suo vulnerato? Potuit ne, Fabricio, viro optimo, cum de reditu meo legem ferret, pulso, crudelissimâ in foro cæde factâ? potuit ne L. Cæciliij, iustissimi, fortissimique Prætoris, opugnata domo? potuit ne illo die, cum est lata lex de me: cum totius Italiæ concursus, quem mea salus concitarat, facti illius gloriam libens agnovisset, ut, etiamsi id Milo fecisset, cuncta civitas eam laudem pro sua vendicaret? atqui erat



erat id tēporis clarissimus, & fortissimus Consul, inimicus Clodio, P. Lentulus, ultor sceleris illius, propugnator senatus, defensor vestræ voluntatis, patronus illius publici consensus, restitutor salutis meæ: septem Prætores, octo Tribuni pl. illius adversarij, defensores mei: Cn. Pompeius auctor, & dux mei reditus, illius hostis: cuius sententiam senatus omnis de salute mea gravissimam, & ornatissimam secutus est: qui Populum Rom. cohortatus est: qui cum de me decretum Capuæ fecisset, ipse cunctæ Italiæ cupienti, & eius fidem imploranti, signum dedit, ut ad me restituendum Romam concurrerent: omnia tum denique in illum odia civium ardebant, desiderio mei: quem, qui tum interemisset, non de impunitate eius, sed de præmijs cogitaretur. Tamen se Milo continuit, & P. Clodium ad iudicium bis, ad vim nunquam vocavit. Quid? privato Milone, & reo, ad populum accusante P. Clodio, cum in Cn. Pompeium pro Milone dicentem impetus factus est, quæ tum non modò occasio, sed etiam causa opprimendi fuit? Nupèr verò cum M. Antonius summam spem salutis bonis omnibus attulisset, gravissimamque adolescens nobis

nobilissimus Reipub. partem fortissimè suscepisset : atque illam belluam iudicij laqueos declinantem, tùm irretitam teneret : qui locus, quod tempus illud, dij immortales, fuit? cùm se ille fugiens, in scalarum tenebras abdidisset, magnum Miloni fuit conficere illam pestem nullâ suâ invidiâ, Antonij verò maximâ gloriâ? Quid? comitijs in campo quoties potestas fuit? cùm ille vi in septa irruisset, gladios distringendos, lapides iaciendos curasset, deinde subitò vultu Milonis perterritus fugeretur ad Tiberim, vos, & omnes boni vota faceretis, vt Miloni vti virtute sua liberet? Quem igitur cum omnium gratiâ noluit, hunc voluit cum aliquorum querela? quem iure, quem loco, quem tempore quem impunè non est ausus, hunc iniuriâ, iniquo loco, alieno tempore, periculo capitis non dubitavit occidere? præsertim, Iudices, cùm honoris amplissimi contentio, & dies comitiorum subesset: quo quidem tempore [scio enim quàm timida sit ambitio, quantaque, & quàm sollicita cupiditas consultatus] omnia non modò, quæ reprehendi palàm, sed etiam, quæ obscurè cogitari possunt, timeamus: rumorem, fabulam fictam, falsam perhorresci-

rescimus : ora omnium, atque oculos intuemur; nihil enim est tam molle, tam tenerum, tam aut fragile, aut flexibile, quàm voluntas erga nos, sensusque civium, qui non modò improbitati irascuntur candidatorum, sed etiam in rectè factis sæpè fastidiunt. Hunc diem igitur campi speratum, atque exoptatum sibi proponens Milo, cruentis manibus scelus, & facinus præseferens, & confitens, ad illa augusta centuriarum auspicia veniebat? quàm hoc non credibile in hoc? quàm idem in Clodio non dubitandum, qui se, interfecto Milone, regnaturum putaret? Quid? quod caput audaciæ est, Iudices, quis ignorat, maximam illecebram esse peccandi impunitatis spem? in vtro igitur hæc fuit? in Milone, qui etiam nunc reus est facti, aut præclari, aut certè necessarij; an in Clodio, qui ita iudicia, poenamque contempserat, ut eum nihil delectaret, quod aut per natura fas esset, aut per leges liceret? Sed quid ego argumentor? quid plura disputo? Te Q. Petili, appello optimum, & fortissimum civem: te. M. Cato testor, quos mihi divina quædam fors dedit iudices, vos ex M. Favonio audistis Clodium sibi dixisse, & audistis vivo Clodio, periturum, Milo-



Milonem triduo: post diem tertium gesta res est quam dixerat: cum ille non dubitaret aperire quid cogitaret, vos potestis dubitare, quid fecerit? Quemadmodum igitur eum dies non fefellit? dixi equidem modò. Dictatoris Lanuvini statuta sacrificia nosse, negotij nihil erat: vidit necesse esse Miloni proficisci Lanuvium illo ipso, quo profectus est, die: itaque ante vertit, at quo die? quo, ut antè dixi, insanissima concio ab ipsius mercenario Tribuno plebis est concitata: quem diem ille, quam concionem, quos clamores nisi ad cogitatum facinus appropinquaret, nunquam reliquisset. Ergo illi ne causa quidem itineris etiam causa manendi. Miloni nulla facultas manendi, exeundi non causa solum, sed etiam necessitas fuit. Quid, si ut ille scivit Milonem fore eo die in via, sic Clodium Milo ne suspicari quidem potuit? Primum quæro, qui scire potuerit? quod vos idem in Clodio quærere non potestis, ut enim neminem alium, nisi T. Patinam familiarissimum suum rogasset, scire potuit illo ipso die Lanuvij à Dictatore Milone prodiflaminem necesse esse: sed erant permulti alij, ex quibus id facillimè scire posset; omnes scilicet Lanuvini: Milo de Clodij reditu ynde quæ-

sivit?

sivit? quæsierit fanè. Videte, quid vobis largiar: servum etiam, vt Arrius, meus amicus, dixit, corruerit. Legite testimonia testium vestrorum: dixit C. Casinius, cognomento Schola, Interamnis, familiaris meus, & idem comes P. Clodij, cuius iam pridem testimonio Clodius eadem horâ Interamnæ fuerat, & Romæ, P. Clodium illo die in Albano mansurum fuisse: sed subito ei esse nunciatum, Cyrum architectum esse mortuum, itaque Romam repentè constituisse proficisci: dixit hoc comes item P. Clodij, C. Clodius. Videte, Iudices, quantæ res his testimonijs sint confectæ. Primùm certè liberatur Milo, non eo consilio profectus esse, vt insidiaretur in via Clodio: quippè, qui ei obuius futurus omninò non erat: deinde [ non enim video, cur non meum agam negotium ) scitis, Iudices, fuisse, qui in hac rogatione suadenda dicerent; Milonis manu cædem esse factam, consilio verò maioris alicuius; videlicet me latronem, ac sicarium abiecti homines, & perditì describebant. Iacent suis testibus ij, qui Clodium negant eo die Romam, nisi de Cyro auditum esset, rediturum fuisse. Respiravi: liberatus sum: non vereor ne quòd

quòd ne fufpicari quidem potuerim, videar  
id cogitaffe. Nunc perfequar cætera, nam oc-  
currit illud: ne Clodius quidem de infidijs co-  
gitavit, quoniam fuit in Albano manfurus,  
fi quidem exiturus ad cædem è villa non fui-  
fet: video enim illum, qui dicitur de Cyri mor-  
te nuntiaffe, non id nuntiaffe, fed Milonem  
appropinquare: nam quid de Cyro nuntiaret;  
quem Clodius Romá proficifcens, reliquerat  
morientem? vnâ fui, testamentum fimul obfig-  
navi cum Clodio: testamentum autem pa-  
lâm fecerat, & illum hæredem, & me fcripferat,  
quem pridie, horâ tertiâ, animam efflantem  
reliquiffet, eum mortuum poſtridie horâ de-  
cimâ nuntiabatur? Age, fit ita factum: quæ  
caufâ cur Romam properaret? cur in noctem  
fe conijceret? quid afferebat feſtinationem?  
quòd hæres erat? primùm erat nihil cur prope-  
rato opus eſſet; deinde, ſi quid eſſet, quid tãdem  
erat, quòd ea noctè conſequi poſſet; amitteret  
autem, ſi poſtridie manẽ Romam veniſſet? At-  
que vt illi nocturnus ad vrbem adventus vi-  
tandus potiùs, quàm expetendus fuit; ſic Milo-  
ni, cùm infidiator eſſet, ſi illum ad vrbem noctú  
acceſſurum ſciebat, ſubſiſtendum, atque expe-  
ctan-



Etandum fuit; noctū, invidioso, & pleno latronum in loco occidisset: nemo ei neganti non credidisset, quem esse omnes saluum etiam confitentem volunt. Sustinuiſſet hoc crimen primū ipse ille latronum occultator, & receptor locus, dum neque muta solitudo indicasset, neque cæca nox ostendisset Milonem: deinde, ubi multi ab illo violati, spoliati, bonis expulsi, multi etiam hæc timentes in suspicionem caderent; tota denique rea citaretur Etruria.† Atque illo die certè Ariciā rediens, diverſit Clodius ad Albanum; quòd nisi sciret: Milo, illum Ariciæ fuiſſe, ſuſpicari tamen debuit, eum etiam ſi Romam illo die reverti vellet, ad villam ſuam, quæ viam tangeret, diverſurum, cur neque ante occurrit, ne in villa reſideret? nec eo in loco ſuſſedit, quo ille noctū venturus eſſet? Video adhuc conſtare omnia, iudices: Milonē etiam vtile fuiſſe, Clodium vivere; illi ad ea, quæ concupierat, optatiſſimū interitum Milonis fuiſſe: odium illius in hunc, acerbiffimū, in illum huius, nullum: conſuetudinem illius perpetuam in vi inferendā, huius tantum in repellendā: mortem ab illo denuntiataſ palam Milone, & prædicataſ; nihil vnquam au-

Z

di-

ditum ex Milone: profectionis huius diem illi notum; reditum illius huic ignotum fuisse: huius iter necessarium; illius etiam potius alienum: hunc prætulisse, illo se die Româ exiturum; illum eo die se dissimulasse rediturum: hunc nullius rei mutasse consilium; illum causam mutandi consilij finxisse: huic, si insidiaretur nocte propè urbem expectandum: illi etiam si hūc non timeret, tamen accessum ad urbem nocturnum fuisse metuendū. Videamus nunc id, quod caput est: locus ad insidias ille ipse, vbi congressi sunt, vtri tandem fuerit aptior. Id verò, Iudices, etiam dubitandum, & diutiùs cogitandum est: ante fundum Clodij: quo in fundo, propter insanas illas substructiones, facile mille hominū versabatur valentium. Atqui excelsso loco superiorem se fore putabat Milo, & ob eam causam cum locum ad pugnam potissimum delegerat; at in eo loco potius expectandum ab eo, qui ipsius loci spe facere impetum cogitarat. Res loquitur, Iudices, ipsa, quæ seper valet plurimum, si hæc non gesta audiretis, sed picta videretis, tamen appareret, vter esset insidiator, vter nihil cogitaret mali, cum alter veheretur rhedâ penulatus, vnâ federet vxor: quid horum non impediti-

ssi

ssimum? vestitus, an vehiculum, an comes? quid  
minùs promptum ad pugnam? cùm penulâ irre-  
titus, rhedâ impeditus, vxore penè constrictus  
esset. Videte nunc illum primùm egredientem è  
villa subitò, cur vesperi? quid necesse est tardè?  
qui conuenit, præsertim id temporis? Divertit in  
villam Pompeij, Pompeium vt videret? sciebat  
in Alsiensi esse procul inde: villam vt perspiceret?  
millies in ea fuerat: quid ergo erat moræ, & ter-  
giversationis? dum hic veniret, locũ relinquere  
noluit. Age, nunc iter expediti latronis, cū Milo-  
nis impedimentis comparate. Semper ille antea  
cum vxore, tum sine eâ: numquam non in rheda,  
tum in equo: comites Græculi, quocumque ibat,  
etiam cum in castra Etrusca properabat: tum nu-  
garum in comitatu nihil: Milo, qui nunquam,  
tum casu pueros symphonicos vxoris ducebat,  
& ancillarum greges: ille, qui semper secum scor-  
ta, semper exoletos, semper lupas ducebat, tum  
neminem, nisi vt virum à viro lectum esse, dice-  
res. Cur igitur victus est? quia non semper viator  
à latrone, nonnunquam etiam latro à viatore  
occiditur: quia quamquam paratus in imparatos  
Clodius, tamen mulier inciderat in viros; nec  
verò sic erat, vnquam non paratus Milo contra  
illum



illum, vt non fatis ferè effet paratus: semper ille,  
& quantum interesset P. Clodij se perire, &  
quanto illi odio esset, & quantum ille auderet,  
cogitabat: quamobrem vitam suam, quam ma-  
ximis præmijs propositam, & penè addictam  
sciebat; nunquam in periculum sine præsidio, &  
sine custodia provehebat. Adde casus, adde in-  
certos exitus pugnarum, Martemque communē,  
qui sæpè spoliāntem iam, & exultantem evertit,  
& perculit ab abiectō: adde inscitiam pransi, poti-  
oscitantis ducis: qui cūm á tergo hostem inter-  
clusum reliquisset, nihil de eius extremis comi-  
tibus cogitavit: in quos incensos irā, vitamque  
domini desperantes, cūm incidisset: hæsit in his  
pœnis, quas ab eo servi fideles pro domini vitā  
expetiverunt. Cur igitur eos manumisit? metue-  
bat scilicet, ne indicaretur, ne dolorem perferre  
non possent, ne tormentis cogerentur, occisum  
esse á servis Milonis, in Appiā viā, P. Clodiū, con-  
fiteri. Quid opus est tortore? quid quæris, occi-  
derit ne? occidit: iure, an iniuriā, nihil ad tortorē,  
facti enim in equuleo quæstio est, iuris in iudicio  
quod igitur in causā quærendum est, id agamus:  
hoc, quod tormentis invenire vis, id fatemur. +  
Manu veró cur miserit, si id potiús quæris, quā  
cur

cur parúm amplis affecerit præmijs, nescis inimi-  
ci factum reprehendere; dixit enim hic idem,  
qui omnia semper constanter, fortiter, M. Cato,  
dixitque in turbulentâ concione, quæ tamen  
huius autoritate placata est; non libertate solô,  
sed etiam omnibus præmijs dignissimos fuisse,  
qui domini caput defendissent; quod enim præ-  
mium satis magnum est tam benevolis, tam bo-  
nis, tam fidelibus servis, propter quos vivit? et si  
id quidem non tanti est, quàm quòd propter eos-  
dem, non sanguine, & vulneribus suis, crudelissi-  
mi inimici mentem, oculosque satiavit; quos nisi  
manumississet tormentis etiam dedendi fuerunt  
conservatores domini, ultores sceleris, defenso-  
res necis? Hic verò nihil habet in his malis, quod  
minùs molesté ferat, quàm, etiam si quid ipsi ac-  
cidat, esse tamen illis meritum præmium perso-  
lutum. Sed quæstiones vrgent Milonem, quæ  
sunt habitæ nunc in atrio Libertatis; quibusnam  
de servis? rogas? de P. Clodij: quis eos postula-  
vit? Appius: quis produxit? Appius: vnde? ab Ap-  
pio. Dij boni, quid potest agi severius? de servis  
nulla quæstio est in dominum, nisi de incestu, ut  
fuit in Clodium: proximè deos accessit Clodius,  
propiùs quàm tum, cùm ad ipsos penetrarat: cu-  
ius

ius de morte, tamquam de cæremoniis violatis  
quæritur. Sed tamen maiores nostri in dominum  
de servo quæri noluerunt; non, quia non posset  
verum inveniri; sed quia videbatur indignum  
esse, & domini morte ipsâ tristius: in reum de  
servis accusatoris cùm quæritur, verum inveniri  
potest? Age verò, quæ erat, aut qualis quæstio?  
heus vbi Ruscio, vbi Casca? Clodius infidias fe-  
cit Miloni? fecit: certa crux; nullas fecit; sperata  
libertas: quid hac quæstione certius? Subitò ar-  
repti in quæstionem, tamen separantur à cæteris,  
& in arcas conjiciuntur, ne quis cum ijs colloqui  
possit: hic centum dies penes accusatorem cùm  
fuissêt, ab eo ipso accusatore producti sunt: quid  
hac quæstione dici potest integrius? quid in cor-  
ruptius? Quod si nondum satis cernitis, cùm res  
ipsa tot, tam claris argumentis, signisque luceat,  
purâ mente, atque integrâ Milonem, nullo sce-  
lere imbutum, nullo metu perterritum, nullâ cõ-  
scientiâ exanimatum, Romam revertisse: recor-  
damini, per deos immortales, quæ fuerit celeri-  
tas reditus eius? qui ingressus in forum, ardente  
curiâ? quæ magnitudo animi? qui vultus, quæ  
oratio? Neque verò se populo solùm, sed etiam  
senatui tradidit: neque senatui modò, sed etiam  
pu-



publicis præsidijs, & armis, neque ijs tantum, verum etiã eius potestati, cui senatus totam Remp. omnem Italiæ pubem, cuncta Populi Rom. arma commiserat: cui se nunquam profectò tradidisset, nisi causæ suæ confideret, presertim omnia audienti, magna metuenti, multa suspicanti, nõnulla credenti. Magna vis est conscientiæ, Iudices, & magna in vtramque partem: vt neque timeant, qui nihil commiserint; & poenam semper ante oculos versari putent, qui peccarint. Nequẽ verò sine ratione certà, causa Milonis semper á senatu probata est: videbant enim sapientissimi homines, facti rationem, præsentiam animi, defensionis constantiam. An verò obliti estis, Iudices, recenti illo nuntio necis Clodianæ, non modò inimicorum Milonis sermones, & opinionones; sed nonnullorum etiam imperitorum, qui negabant, eum Romam esse rediturum? Sive illud enim animo irato, ac percito fecisset, vt incensus odio trucidaret inimicum, arbitrabantur, eum tanti mortem P. Clodij putasse, vt æquo animo patriã careret, cùm sanguine inimici expleisset odium suum: sive etiam illius morte patriam liberare voluisset, non dubitaturum fortẽ virum, quin, cùm suo periculo salutem Reip. attu-

tulisset, cederet æquo animo legibus, secum auferret gloriam sempiternam, nobis hæc fruenda relinqueret, quæ ipse servasset. Multi etiam Catilinam, atque illa portenta loquebantur: erumpet, occupabit aliquem locū, bellum patriæ faciet: miseros interdum cives optimè de Republica meritos, in quibus homines non modò res præclarissimas obliviscuntur; sed etiam nefarias suspicantur. Ergo illa falsa fuerunt, quæ certè vera extitissent, si Milo admisisset honesté, verèque defendere. Quid, quæ postea sunt in eum congesta, quæ quamvis etiam mediocrium delictorum conscientiam perculissent, ut sustinuit, dii immortalis? Sustinuit, imò verò, ut contempsit, ac pro nihilo putavit? quæ neque maximè nocens, neque innocens, nisi fortissimus vir, negligere potuisset: scutorum, gladiatorum, frænotū, spavorum, pilorumque etiam multitudo apprehendi posse iudicabatur: nullum in vrbe vicum, nullum angiportum esse dicebant, in quo Miloni non esset conducta domus, arma in villam Otriculanam devecta Tiberi: domus in clivo Capitolino, scutis referta, plena omnia malleolorum ad vrbis incendia comparatorū. Hæc non delata solum, sed penè credita: nec ante repudiata sunt, quàm-

quàmquæfita. Laudabam equidem incredibile  
diligentiâ C. Pompeij: sed dicam vt sentio, Iudi-  
ces: nimis multa audire coguntur, neque aliter  
facere possunt ij, quibus tota commissa est Res-  
publica: quin etiam audiendus fuit Poppa Lici-  
nius, nescio quis, de circo maximo: seruos Milonis  
apud se ebrios factos, sibi confessos esse de inter-  
ficiendo Cn. Pompeio coniurasse: deinde pos-  
tea se gladio percussum esse ab vno de illis, ne in-  
dicaret Pompeio in hortos nuntiavit: arcessor in-  
primis, de amicorum sententiâ, rem defert ad se-  
natum, non poteram in illius mei, patriæq; custo-  
dis, tanta suspitione, non metu exaniamiri, sed mi-  
rabar tamen ebriosorū confessionē servorum au-  
diri, vulnus in latere, quod acu punctū videretur,  
pro ictu gladiatoris putari. Verū etiam, vt intelli-  
go, cavebat magis Pompeius, quàm timebat, non  
ea solū, quæ timenda erant, sed omnia, ne  
aliquid vos timeretis. Oppugnata domus C.  
Cæsaris clarissimi, & fortissimi viri, per multas  
noctis horas, nunciabatur, nemo audierat tam  
celebri loco, nemo lenserat, tamen audiebatur:  
non poteram, Cn. Pompeium præstantissimā  
virtute, civem timidum suspicari: diligentiam,  
totā Republicā suscepta, nimiam nullam pu-



tabam. Frequentissimo senatu nuper in Capitolio senator inventus est, qui Milonem cum telo esse diceret: nudavit se in sanctissimo templo: quoniam vita talis, & civis, & viri fidem non faciebat, nisi, eo tacente, res ipsa loqueretur: omnia falsa, atque insidiosè ficta comperta sunt. Quòd si tamen metuitur etiam nunc Milo; non hoc iam Clodianum crimen timemus, sed tuas, Cn. Pompei, (te enim iam appello ea voce, vt me audire possis) tuas, inquam, suspiciones perhorrescimus. Si Milonem times, si hunc de tua vita nefariè, aut nunc cogitare, aut molitum aliquando aliquid putas; si Italiæ delectus, vt non nulli conquisitores tui dictitant, si hæc arma, si Capitolinæ cohortes, si excubiæ, si vigiliæ; si delecta iuventus, quæ tuum corpus, domumque custodit, contra Milonis impetum armata est, atque illa omnia in hunc vnum instituta, parata, intenta sunt, magna in hoc certè vis, & incredibilis animus, & non vnus viri vires, atque opes indicantur: siquidem in hunc vnum, & præstantissimus dux electus, & tota Respublica armata est: sed quis non intelligit, omnes tibi, Reipubl. partes ægras, & labantes, vt eas his armis sanares, & confirmares, esse

commiffas? Quòd fi Miloni locus datus effer, probaffet profectò tibi ipfi, neminem vnquam homini cariorẽ fuiſſe, quàm te ſibi: nullum ſe vnquam periculum pro tua dignitate fugiſſe: cum illà ipſà teterrimã peſte ſæpiſſimẽ, pro tua gloria contendiffet; tribunatum ſuum, ad ſalutem meam, quæ tibi cariffima fuiſſet, conſilijs tuis gubernatum: ſe à te poſteà deſenſum in periculo capitis, ad iutum in petitionẽ præturæ, duos ſe habere ſemper amiciffimos ſperafſe, te tuo beneficio, me ſuo; quæ ſi non probaret, ſi tibi ita penitus inſediſſet iſta ſuſpicio, nullo vt evelli modo poſſet; ſi denique Italia à delectu, vrbs ab armis, ſine Milonis clade nunquam effer conquietura; næ iſte haud dubitans ceſſiſſet patriã, is, qui ita natus eſt, & ita conſuevit: te, Magne, tamen atteſtaretur, quod nunc etiam facit. Vide quàm ſit varia vitæ, commutabilifque ratio, quàm vaga, volubilifque fortuna, quantæ infidelitates in amicis, quàm ad tempus aptæ ſimulationes, quantæ in periculis fugæ proximorum, quantæ timiditates: erit, erit illud profectò tempus, & illuceſcet aliquandò ille dies, cùm tu ſalutaribus, vt ſpero, rebus tuis, ſed fortaffè motu aliquo communium temporum

immutatis (qui quàm crebrò accidat, experti debemus scire) & amicissimæ benevolentiam, & gravissimi hominis fidem, & vnius post homines natos fortissimi viri magnitudinem animi desideres. Quàquam quis hoc credat, Cn. Pópeium iuris publici, moris maiorum, rei denique publicæ peritissimum, cum senatus ei commiseris, ut videret, ne quid Respub. detrimenti caperet, quo vno versiculo satis armati semper Consules fuerunt, etiam nullis armis datis, hunc exercitu, hunc delectu dato, iudicium expectaturum fuisse in eius consilijs vindicandis, qui vel iudicia ipsa tolleret? satis iudicatum est à Pompeio, falso ista conferri in Milonem, qui legem tulit, qua, ut ego sentio Milonem, absolui oporteret; ut omnes confitentur, liceret. Quod verò in illo loco, atque illis publicorum præsidiorum copijs circumfusus sedet, satis declarat se non terrorem inferre vobis (quid enim illo minus dignum, quàm cogere, ut vos eum condemnetis, in quem animadvertere ipse, & more maiorum, & suo iure posset?) sed præsidio esse: ut intelligatis, contra hesternam concionem illam licere vobis, quòd sentiat libere iudicare. Nec verò me, Iudices, Clodianum crimen movet,



nec tam sum demens, tamque vestri sensus ignarus, atque expers, ut nesciam, quid de morte Clodij sentiatis, de qua si iam nossem, ita diluere crimen, ut dilui, tamen, impune Miloni palam clamare, atque mentiri gloriose liceret: Occidi, occidi; non Sp. Melium, qui annonam levandam, iacturisque rei familiaris, quia nimis amplecti plebem putabatur, in suspicionem incidit regni appetendi: non Tiberium Gracchum, qui collegæ magistratum per seditionem abrogavit, quorum interfectores impleverunt orbem terrarum nominis sui gloriam: sed eum, [auderet enim dicere, cum patriam periculo suo liberasset,] cuius nefarium adulterium in pulvinaribus sanctissimis nobilissimæ faminae comprehenderunt: eum, cuius supplicio senatus solemnes religiones expiandas sæpè censuit: eum, quem cum sorore germana nefarium stuprum fecisse L. Lucullus iuratus, se, quaestionebus habitis, dixit, comperisse: eum, qui civem, quem senatus, quem populus, quem omnes gentes, urbis, ac vitæ civium conservatorem iudicabant, fervorum armis exterminavit: eum, qui regna dedit, ademit: orbem terrarum quibuscum voluit, partitus est: eum, qui pluribus

cædibus in foro factis, singulari virtute, & gloria civem, domum vi, & armis compulit: eum, cui nihil vnquam nefas fuit, nec in facinore, nec in libidine: eum, qui ædem Nympharum incendit, vt memoriam publicæ recensionis tabulis publicis impressam extingueret: eum denique, cui iam nulla lex erat, nullum civile ius, nulli possessionum termini, qui non calumniâ litium, non iniustis vindicijs, ac sacramentis alienos fundos, sed castris, exercitu, signis inferendis petebat: qui non solum Etruscos (eos enim penitus contempserat) sed hunc Cn. Pompeium virum fortissimum, atque optimum civem, Iudicem nostrum, pellere possessionibus, armis, castrisque conatus est: qui cum architectis, & decempedis villas multorum, hortosque peragrabat, qui Ianiculo, & Alpibus spem possessionum terminabat suarum: qui cum ab equite Rom. splendidissimo, & forti viro T. Pacanio non impetrasset, vt insulam in lacu Prætio venderet, repente lintribus in eam insulam materiam, calcem, cæmenta, atque arenam convexit, dominoque trans ripam inspectante, non dubitavit ædificium extruere in alieno: qui huic T. Furfanio, cui viro: dii immortales! (quid enim de-

mulier.

muliercula Sanctia? quid de adolescente Apro-  
nio dicam? quorum utrique mortem est minita-  
tus, nisi sibi hortorum possessione cessisset) sed  
ausus est Furfanio dicere, si sibi pecuniam  
quantam poposcerat, non dedisset, mortuum se  
in domum eius illaturum; qua invidia huic esset  
tali viro conflagrandum: qui Appium fratrem,  
hominem mihi coniunctum fidelissimâ gratiâ,  
absentem de possessione fundi deiecit: qui parie-  
tem sic per vestibulum sororis instituit ducere,  
sic agere fundamenta; ut sororem non modò  
vestibulo privaret, sed omnia aditu, & lumine.  
Quamquam hæc quidem tam tolerabilia vide-  
bantur: etsi æquabiliter in Rempublicam, in  
privatos, in longinquos, in propinquos, in alie-  
nos in suos irruebat: sed nescio quomodo iam  
usu obduruerat, & percalluerat civitatis incre-  
dibilis patientia: quæ verò aderant iam, & im-  
pendebant, quonammodo ea aut depellere po-  
tuissetis, aut ferre imperium, si id ille nactus  
esset? Omitto socios, exteras nationes, reges,  
tetrarchas: vota enim feceratis, ut in eos se potius  
mitteret; quàm in vestras possessiones, vestra  
tectâ, vestras pecunias; pecunias dico? à liberis  
medius fidius, à coniugibus vestris nunquam  
ille



ille effrænatas suas libidines cohibuisset. Fingi hæc putatis, quæ patent, quæ nota omnibus, quæ tenentur? servorum exercitus illum in vrbe conscripturum fuisse, per quos totam Remp. resque privatas omnium possideret? Quamobrem, si cruentum gladium tenens clamaret T. Annius, Adeste quaeso, atque audite, cives: P. Clodium interfeci: eius furores, quos nullis iam legibus, nullis iudicijs frænare poteramus, hoc ferro, & hac dextera á cervicibus vestris repuli: per me vnum effectum est, ut ius, æquitas, leges, libertas, pudor, pudicitia in civitate manerent: enim verò timendum, quoniammmò id factum ferret civitas? nunc enim quis est qui non probet? qui non laudet? qui non vnum post hominum memoriam T. Annium plurimum Reip. profuisse, maximâ lætitiâ Populum Romanum, cunctam Italiam, nationes omnes affecisse, & dicat, & sentiat? Nequeo vetera illa Populi Romani, quânta fuerint gaudia iudicare: multas tamen iam summorum Imperatorum clarissimas victorias ætas nostra vidit, quarum nulla neque tam diuturnam attulit lætitiâ, nec tantam: mandate hoc memoriæ, Iudices: spero multa vos, liberosque vestros

stros in republica bona esse viuros, in his singulis ita semper existimabitis, vivo P. Clodio, nihil horum vos viuros fuisse. In spem maximam, & quemadmodum confido, verissimam adducti sumus, hunc ipsum annum, hoc summo viro Consule, concussa hominum licentiâ, cupiditatibus fractis, legibus, & iudicijs constitutis, salutarem civitati fore. Num quis igitur est tam demens, qui hoc, P. Clodio vivo, contingere potuisse, arbitretur? Quid? ea, quæ tenetis privata, atque vestra, dominante homine furioso, quod ius perpetuæ possessionis habere potuissent? Non timeo, Iudices, ne odio inimicitiarum mearum inflammatus libentius hæc in illum evomere videar, quàm verius. Etenim etsi præcipuum esse debebat; tamen ita communis erat omnium ille hostis, ut in communi odio penè æqualiter versaretur odium meum. Non potest dici satis, ne cogitari quidem, quantum in illo sceleris, quantum exitij fuerit. Quin sic attendite, Iudices: nempe hæc est quæstio de interitu P. Clodij: fingite animis, [liberæ enim sunt cogitationes nostræ, & quæ volunt, sic intuentur, ut ea cernimus, quæ videmus,] fingite igitur cogitatione imaginem huius con-

ditionis meæ, si possim efficere, vt Milonem absolvatis; sed ita, si P. Clodius revixerit. Quid vultu extimuiſtis? quonammodo ille vos vivus affecerat, qui mortuus inani cogitatione percussit? quid? si ipſe Cn. Pompeius, qui ea virtute, ac ſapientiâ eſt, vt ea potuerit ſemper, quæ nemo præter illum: ſi is, inquam, potuiſſet, vt quæſtionem de morte P. Clodij ferre, ſic ipſum ab inferis excitare; vtrum putatis facturum fuiſſe? etiam ſi, propter amicitiam, vellet illum ab inferis revocare, propter Remp. non feciſſet. Eius igitur mortis ſedetis vltiores, cuius vitam ſi putetis per vos reſtitui poſſe, nolitis: & de eius nece lata quæſtio eſt, qui ſi eâdem lege revivifcere poſſet, lata lex nunquam eſſet: huius ergo interfectoꝝ non eſſet, etiam conſitendo, ab ijs impetraturus, ne pœnam timeret, quos liberauiſſet? Græci homines deorum honores tribunt ijs viris, qui tyrannos necaverunt. Quæ ego vidi Athenis? quæ alijs in vrbibus Græciæ? quas res divinas talibus inſtitutas viris? quos cantus? quæ carmina? propè ad immortalitatem, & religionem, & memoriam conſecrantur: vos tanti conſervatoꝝ populi, tanti ſcleris vltorem, non modò honoribus nullis afficie-

tis,



tis, sed ad supplicium rapi etiam patiemini? Confiteretur, confiteretur, inquam, si fecisset, & magno animo, & libenter, se fecisse, libertatis omnium causâ; quod certè ei non confitendum modò fuisset, verum etiam prædicandum. Etenim, si id non negat, ex quo nihil petit, nisi ut ignoscatur, dubitaret id fateri, ex quo etiam præmia laudis essent petenda? nisi verò gratiùs putat esse vobis, sui se capitis, quàm vestri ordinis defensorem fuisse: cum præsertim in ea confessione, si grati esse velletis, honores assequeretur amplissimos: sin factum vobis non probaretur (quamquam qui poterat salus sua cuique non probari) sed tamen si minùs fortissimi viri virtus ciuibus grata cecidisset, magno animo, constantique cederet ex ingrata civitate: nam quid esset ingratiùs, quàm lætari cæteros, lugere eum solum, propter quem cæteri lætarentur? Quamquam hoc animo semper omnes fuimus in patriæ proditoribus opprimendis, ut quoniam nostra futura esset gloria, periculum quoque, & invidiam, nostram putaremus: nam quæ mihi contribuenda laus esset ipsi, cum tantum in consulatu meo pro vobis, ac liberis vestris ausus essem, si id, quod cona-

bar, sine maximis dimicationibus meis, me esse ausurum arbitrarer: quæ mulier sceleratum, ac perniciosum civem occidere non auderet, si periculum non timeret? Propositâ invidiâ, morte, pœnâ, qui nihilo segnius Remp. defendit, is vir verè putandus est. Populi grati est, præmijs afficere benemeritos de Rep. cives: viri fortis, ne supplicijs quidem moveri, ut tortiter fecisse pœniteât. Quamobrem vteretur eâdem confessione T. Annius, quâ Ahala, quâ Nasica, quâ Optimus, quâ Marius, qua nos metipsi, & si grata Resp. esset, lætaretur, si ingrata, tamen in gravi fortunâ, conscientiâ suâ niteretur. Sed huius beneficij gratiam, Iudices, fortuna Populi Rom. & vestra felicitas, & dii immortales sibi deberi putant. Nec verò quisquam aliter arbitrari potest, nisi qui nullam vim cœlestem existimat, numenve divinum: quem neque imperij vestri magnitudo, neque sol ille, nec cœli, & signorum motus, nec vicissitudines rerum, atque ordines movent, neque id, quod maximum est, maiorum sapientia, qui sacra, qui ceremonias, qui auspicia, & ipsi sanctissimè coluerunt, & nobis suis posteris prodiderunt. Est, est profecto illis, neque in his corporibus, atque in hac ima

becillitate nostra inest quiddam, quod vigeat, & sentiat, & non inest in hoc tanto naturæ, tam que præclaro motu: nisi fortè idcirco esse non putant, quia non apparet, nec cernitur: perinde, quasi nostram ipsam mentem, qua provide-  
mus, qua hæc ipsa agimus, ac dicimus, videre, aut planè qualis, aut ubi sit, sentire possimus. Ea vis, ea est igitur, quæ sæpe incredibiles huic urbi felicitates, atque opes attulit: quæ illam perniciem extinxit, ac sustulit: cui primum mentem iniecit, ut vi irritare, ferroque lacerare fortissimum virum auderet; vincereturque ab eo, quem si vicisset habiturus esset impunitatem, & licentiam sempiternam. Non est humano consilio, ne mediocri quidem, Iudices, deorum immortalium curâ, res illa perfecta: religiones, mehercule, ipsæ, aræque, cum illam belluam cadere viderunt, commovisse se videntur, & ius in illo suum retinuisse: vos enim, Albani tumuli, atque luci, vos inquam, imploro, atque obtestor, vosque Albanorum obrutæ aræ sacrorum, Populi Rom. sociæ, & æquales, quas ille præceps amentia, cæcis, prostratisque sanctissimis lucis, substructionum infans molibus oppresserat: vestræ tum aræ, vestræ



religiones viguerunt, vestra vis valuit, quam ille omni scelere polluerat: tuque ex tuo edito monte, Latialis sancte Iupiter, cuius ille lucus, nemora, finesque sæpè omni nefario stupro, & scelere macularat, aliquando ad eum puniendum oculos aperuisti: vobis illæ, vobis vestro in conspectu seræ, sed iustæ tamen, & debitæ poenæ solutæ sunt: nisi fortè, hoc etiam casu factum esse dicimus, vt anteipsum sacrarium Bonæ deæ, quod est in Fundo T, Sextij Galli, in primis honesti, & ornati adolescentis, ante ipsam, inquam, Bonam deam, cùm prælium commisisset, primum illud vulnus acceperit, quo teterrimam mortem obiret: vt non absolutus iudicio illo nefario videretur, sed ad hanc insignem poenam reservatus. Nec verò non eadem ira deorum hanc eius satellitibus iniecit amentiam, vt sine imaginibus, sine cantu, sine ludis, sine exequijs, sine lamentis, sine laudationibus, sine funere, oblitus cruore, & luto, spoliatus illius supremi diei celebritate, quam concedere etiam inimici solent, ambureretur etiam abiectus: non fuisse credo fas, clarissimorum virorum formas illi teterrimo parricidæ aliquid decoris afferre, neque vllò in loco potius mortem eius lacerari, (quàm

quàm, in quo vita esset damnata. Dura mihi, medius fidius, iam fortuna Populi Roman. & crudelis videbatur, quæ tot annos illum in hanc Rempub. insultare videret, & pateretur. Polluerat stupro sanctissimas religiones: senatus gravissima decreta perfregerat; pecuniâ se palam à iudicibus redemerat: vexarat in tribunatu senatum: omnium ordinum consensu, pro salute Reip. gesta resciderat: me patriâ expulerat: bona diri puerat: domum incenderat: liberos, coniugem meam vexaverat. Cn. Pompeio, nefarium bellum indixerat: domum mei fratris incenderat: vastarat Etruriam: multos sedibus, ac fortunis eiecerat, instabat, vrgebat: capere eius amentiam civitas, Italia, Provinciæ, regna non poterant: incidebantur iâ domi leges, quæ nos nostris servis addicerent: nihil erat cuiusquam, quod quidem ille adamasset, quod non hoc anno suum fore, putaret: obstabat eius cogitationibus nemo præter Milonem; illum ipsum, qui poterat obstare: Cn. Pompeium novo reditu in gratiam, quasi devinctum arbitrabatur: Cæsaris potentiam, suam potentiam esse dicebat: bonorum animos, etiam in meo casu, contempserat; Milo vnus vrgebat. Hic dii immor-

tales

tales, vt suprà dixi, mentem dederunt filii perditō, ac furioso, vt huic faceret insidias: aliter perire pestis illa non potuit; nunquam illum Resp. suo iure esset ulta: senatus, credo, præterem eum circumscripsisset, nec cū solebat quidem id facere, in privato eodem hoc aliquid profecerat, An Consules in prætore coërcendo fortes fuissent? primū, Milone occiso, habuisset suos Consules, deinde quis in eo prætore Consul fortis esset, per quem Tribunum, virum consularem crudelissimē necatum esse meminisset? omnia possideret, teneret: lege novā, quæ est inventa apud eum, cum reliquis legibus Clodianis, seruos nostros libertos suos fecisset: postremò nisi eum dii immortales in eam mentem impulissent, vt homo effæminatus fortissimum virum conaretur occidere, hodie Remp. nullam haberetis. An ille Prætor, ille verò Consul, si modò hæc templa, atque ipsa mœnia stare eo vivo, tandiu, & consulatum eius expectare potuissent, ille denique vivus mali nihil fecisset, qui mortuus, vno ex suis satellitibus Sext. Clodio duce, curiam incenderit? quo quid miserius, quid luctuosius vidimus? templum sanctitatis, amplitudinis, mentis, consilij publici, caput vrbs, arā



sociorum, portum omnium gentium; sedem ab  
vniuerso Pop. Rom. concessam vni ordini, inflā-  
mari, excindi, funestari? neque id fieri à multi-  
tudine imperita ( quamquam esset miserum id  
ipsum ) sed ab vno, qui cū tantum ausus sit  
vltor pro mortuo, quid signifer prō vivo non  
esset aulus? in curiam potissimū abiecit, vt  
eam mortuus incenderet, quam vivus everte-  
rat, & sunt, qui de via Appia querantur, taceant  
de curia? Ecquando ab eo spirante forum po-  
tuisse defendi, cuius non restiterit cadaueri  
curi? Excitate, excitatē, eum, si potestis ab infe-  
ris: frangetis impetum vivi, cuius vix sustinetis  
furias insepulti? nisi verò sustinuistis eos, qui cum  
facibus ad curiam cucurrerunt, cum falcibus ad  
Castoris, cum gladijs toto foro volitarunt. Cæ-  
di vidistis Populum Rom. concionem gladijs di-  
sturbari, cum audiretur silentio M. Cælius Tri-  
bunus plebis, vir fortissimus, & in suscepta cau-  
sa firmissimus, & bonorum voluntati, & autho-  
ritati senatus deditus, & in hac Milonis siue in-  
vidiā, siue fortunā, singulari, divina, & incredi-  
bili fide. Sed iam fatis multa de causa; extra cau-  
sam etiam nimis fortasse multa. Quid restat? nisi  
vt orem, obtesterque vos, Iudices, vt eam miseri-

cordiam tribuatis fortissimo viro, quam ipse nō implorat, ego autem repugnante hoc, & implo-ro, & exposco: nolite, si in nostro omnium fletu nullam lachrymā aspexistis Milonis, si vultum semper eundem, si vocem, si orationem stabilem, ac non mutatam videtis, hoc min⁹ ei parere: atq̃ue haud scio, an multo etiam sit adiuvandus magis. Etenim si in gladiatorijs pugnis, & infimi generis hominum conditione, atque fortuna timidos, & supplices, & vt vivere liceat, obsecrantes etiam odisse solemus: fortes, & animosos, & se acriter ipsi morti offerentes servare cupimus, eorumque nos magis miseret, qui nostram misericordiam non requirunt, quā, qui illam efflagitant, quantō hoc magis in fortissimis civibus facere debemus. Me quidem, Iudices, exanimant, & interimunt hæ voces Milonis, quas audio assiduē, & quibus inter sum quotidie. Valeant, inquit, valeant cives mei, sint incolumes, sint florentes, sint beati: stet hæc vrbs præclara, mihiq̃ patria charissima, quoquo modo merita de me erit: tranquillā Repub. cives mei [ quoniam mihi cum illis non licet ] sine me ipsi, sed per me tamen, perfruantur: ego cedam, atque abibo, si mihi Republicā bonā frui

frui non licuerit, at carebo malâ: & quàm primùm tetigero benè moratam, & liberam civitatem, in ea conquiescam. Ofrustrâ, inquit, suscepti mei labores! ô spes fallaces! ô cogitationes inanes meæ! ego cum Tribunus pleb. Rep. oppressâ, me senatui dedissem, quem extinctum, acceperam: equitibus Rom. quorum vires erant debiles: bonis viris, qui omnem authoritatem Clodianis armis abiecêrant; mihi vnquam bonorum præsidium defuturum putarem? Ego cum te (mecum enim sæpissimè loquitur) patriæ reddidissem, mihi non futurum in patriâ putarem locum? Vbi nunc senatus est, quem secuti sumus, vbi equites Romani illi, illi, inquit, tui? vbi studia municipiorum? vbi Italiæ voces? vbi denique tua, M. Tulli, quæ plurimis fuit auxilio, vox, & defensio? mihi nec ea soli, qui pro te toties morti me obtuli, nihil potest opitulari? Nec verò hæc, Iudices, vt ego nunc, flens, sed hoc eodem loquitur vultu, quod videris: negat enim se, negat ingratis civibus fecisse, quæ fecerit: timidis, & omnia circumspicientibus pericula non negat: plebem, & infimam multitudinem, quæ P. Clodio duce, fortunis vestris imminebat, eam, quo tutior esset vita vestra, se fecisse



fecisse commemorat, ut non modò virtute flecteret, sed etiam tribus suis patrimonijs de finiret: nec timet, ne, cum plebem muneribus placarit, vos non conciliarit meritis in Remp. singularibus: senatus erga se benevolentiam temporibus his ipsis sæpe esse perspectam: vestras verò, & vestrorum ordinum occursationes, studia, sermones, quemcumque cursum fortuna dederit, secum se ablaturum esse dicit. Meminit etiam, sibi vocem præconis modò defuisse, quā minimè desiderarit: populi verò cunctis suffragijs, quòd vnum cupierit, se consulem declaratum; nunc denique si hæc arma contra se sint futura, sibi facinoris suspicionem, non facti crimen obstare. Addit hæc, quæ certè vera sunt, fortes, & sapientes viros non tam præmia sequi solere rectè factorum, quàm ipla rectè facta: te nihil in vita nisi præclarissimè fecisse: si quidem nil sit præstabilius viro, quàm periculis patriam liberare: beatos esse, quibus ea res honori fuerit à suis civibus: nec tamen eos miseros, qui beneficio cives suos vicerint. Sed tamen ex omnibus præmijs virtutis, si esset habenda ratio præmiorum, amplissimum esse præmium, gloriam: esse hanc vnam, quæ bre-

brevitatem vitæ posteritatis memoriâ consolaretur: quæ efficeret, vt absentes adessemus, mortui viveremus: hanc denique esse cuius gradibus etiam homines in cælum videantur ascendere. De me, inquit, semper Populus Rom. semper omnes gentes loquentur, nulla vnquam obmutescet vetustas: quin hoc tempore ipso, cum omnes à meis inimicis faces invidiæ meæ subijciuntur: tamen omni in hominum cœtu, gratijs agendis, & gratulationibus habendis, & omni sermone celebramur. Omitto Etruriæ festos, & actos, & institutos dies: centesima lux est hæc ab interitu P. Clodij, & opinor, vltra quàm fines imperij Populi Rom. sunt, non solum fama iam de illo, sed etiam lætitia peragravit. Quamobrem vbi corpus hoc sit, non inquit, laboro, quoniam omnibus in terris, & iam versatur, & semper habitabit nominis mei gloria. Hæc tu mecum sæpè, his absentibus: sed ijsdem audientibus, hæc ego tecum Milo. Te quidem, quod isto animo es, fatis laudare non possum, sed quò est illa magis divina virtus, eò maiore à te dolore divellor. Nec verò si mihi eriperis, reliqua est illa tamen ad consolandum querela, vt his irasci possim, à quibus

tan-

tantum vulnus accepero: non enim inimici mei te mihi eripient, sed amicissimi; non malè aliquando de me meriti; sed semper optimè. Nullum vnquam, Iudices, mihi tantum dolorem inuretis [ etsi quis potest esse tantus? ] sed ne hunc quidem ipsum, vt obliviscar, quanti me semper feceritis, quæ si vos cepit oblivio, aut si in me aliquid offendistis, cur non id meo capite potius luitur, quàm Milonis? Præclarè enim vixero, si quid mihi acciderit prius, quàm hoc tantum mali videro. Nunc me vna consolatio sustentat, quòd tibi, ò T. Anni, nullum à me amoris nullum studij, nullum pietatis officium defuit. Ego inimicitias potentium pro te appetivi: ego meum sæpè corpus, & vitam obieci armis inimicorum tuorum: ego me plurimis pro te supplicem abieci: bona, fortunas meas, ac liberorum meorum, in communionem tuorum temporum contuli: hoc denique ipso die, si qua vis est parata, si qua dimicatio capitis futura, deponco. Quid iam restat? quid habeo, quod dicā, quod faciam pro tuis in me meritis, nisi vt eam fortunam, quæcumque erit tua, dicam meam? Non recuso, non abnuo: vosque obsecro, Iudices, vt vestra beneficia, quæ in me contulistis, aut



in huius salute augeatis, aut in eiusdem exitio occasura esse iubeatis. His lacrymis non movetur Milo: est quodam incredibili robore animi: exilium ibi esse putat, ubi virtuti non sit locus: mortem naturæ finem esse, non poenam. Sed hic eâ mente natus est, quid vos, Iudices? quo tandem animo eritis? memoriam Milonis retinebitis, ipsum eijcietis? & erit dignior locus in terris ullus, qui hanc virtutem excipiat, quàm hic, qui procreavit? Vos, vos apello, fortissimi viri, qui multum pro Republica sanguinem effudistis: vos in viri, & in civis invicti appello periculo, centuriones, vosque milites: vobis non modò inspectantibus, sed etiam armatis, & huic iudicio præsidentibus, hæc tanta virtus ex hac urbe expelletur? exterminabitur? eijcietur? O me miserum! ó me infælicem! revocare tu me in patriam, Milo potuisti per hos, ego te in patriâ per eosdem retinere non potero? Quid respondebo liberis meis, qui te parentem alterum putant? Quid tibi, Q. frater, qui nunc abes, consorti mecum temporum illorum? me non potuisse Milonis salutem tueri per eosdem, per quos nostram ille servasset? at in qua causâ non potuisse? quæ est grata gentibus; à quibus non  
po.

potuisse? ab ijs, qui maxime P. Clodij morte ac-  
quierunt; quo deprecante? me. Quodnam con-  
cepi tantum scelus? aut quod in me tantum fa-  
cinus admisi, Iudices, cum illa indicia communis  
exitij indagavi, patefeci, protuli, extinxi? omnes  
in me, meosque, redundant ex illo fonte dolo-  
res. Quid me reducem esse voluistis? an vt, in-  
spectante me, expellerentur ij, per quos essem  
restitutus? Nolite, obsecro vos, pati, mihi acer-  
biorem reditum esse, quam fuerit ille ipse dis-  
cessus. Nam qui possum putare, me restitutum  
esse, si distrahor ab ijs, per quos restitutus sum?  
Vt inam dij immortales fecissent ( pacē tua pa-  
tria, dixerim: metuo enim, ne sceleratē dicam in  
te, quod pro Milone dicam piē ) vt P. Clodius  
non modò viveret, sed etiam Prætor, Consul,  
Dictator esset, antequam hoc spectaculum vi-  
derem. O dij immortales, fortem, & á vobis  
Iudices, conservandum virum! Minimē, mini-  
mē, inquit, immò verò poenas ille debitas luerit:  
nos subeamus, si ita necesse est, non debitas.  
Hiccine vir patriæ natus, vsquam nisi in patriā  
moriatur? aut si fortē pro patria, huius vos ani-  
mi monumenta retinebitis, corporis in Italiā  
nullum sepulchrum esse patiemini? hunc suā  
om-

quisquam sententiâ ex hac vrbe expellet, quem omnes vrbes expulsum â vobis ad se vocabunt? O terram illam beatam, quæ hunc virum exceperit: hanc ingratham, si eiecerit: miseram, si amiserit. Sed finis sit, neque enim præ lachrymis iam loqui possum, & hic se lachrymis defendi vetat, Vos oro, obtestorque Iudices, vt in sententijs ferendis, quod sentietis, id audeatis. Vestram virtutem, iustitiam, fidem [mihi credite] is maximè probabit, qui, in iudiciis legendis, optimum, & sapientissimum quemque legit.

## PRO M. MARCELLO.

### ORATIO.

**D**luturni silentij P. C. quo eram his temporibus vsus, non timore aliquo, sed partim dolore, partim verecundiâ, finem hodiernus dies attulit: idemque initium, quæ vellem, quæque sentirem, meo pristino more dicendi. Tantam enim mansuetudinem, tam inusitatam, inauditamque clementiam, tantum in summa potestate rerum



omnium modum, tam denique incredibilem sapientiam, ac penè divinam, tacitus nullo modo præterire possum. M. enim Marcello vobis P. C. Reique publi. reddito, non solùm illius, sed meam etiam vocem, & authoritatem, & vobis, & Reip. conservatam, ac restitutam puto: Dolebam enim P. C. ac vehementer angebar, cum viderem virum talem, qui in eadem causa, in qua ego, fuisset, non in eadem esse fortunâ: nec mihi persuadere poteram, nec fas esse ducebam, versari me in vestro veteri curriculo, illo æmulo, atque imitatore studiorum, ac laborum meorum, quasi quodam socio à me, & comite distracto. Ergo & mihi meæ pristinae vitæ consuetudinem, C. Cæsar, interclusam aperuisti, & his omnibus, ad benè de omni Republica sperandum, quasi signum aliquod sustulisti: intellectum est enim mihi quidem in multis, & maxime in me ipso, sed paulò ante in omnibus, cum M. Marcellum senatui, Populoque Romano, & Reipublicæ concessisti, commemoratis præsertim etiâ offensionibus, te authoritatē huius ordinis, dignitatemq̃ Reip. tuis, vel deloribus, vel suspicionibus anteferre. Ille quidem fructum ante actæ vitæ, hodierno die, maximum

cepit, cum summo consensu senatus, tum prætereà iudicio tuo gravissimo, & maximo: ex quo profectò intelligis, quanta in dato beneficio sit laus, cum in accepto tanta sit gloria. Est verè fortunatus ille, cuius ex salute non minor penè ad omnes, quàm ad illum ventura sit, lætitia pervenerit. Quod ei quidem meritò, atque optimò iure contigit: quis enim est illo, aut nobilitate, aut probitate, aut optimarum artium studio, aut innocentia, aut ullo genere laudis præstantior? Nullius tantum est flumen ingenij, nulla dicendi, aut scribendi tanta vis, tantaque copia, quæ non dicam exornare, sed enarrare, C. Cæsar, res tuas gestas possit: tamen hoc affirmo, & hoc pace dicam tua, nullam in his esse laudem ampliore, quàm eam, quam hodierno die consecutus es. Soleo sæpè ante oculos ponere, idque libenter crebris vsurpare sermonibus, omnes nostrorum Imperatorum, omnes exterarum gentium, potentissimorumque populorum, omnes clarissimorum regum res gestas, cum tuis, nec contentionum magnitudine, nec numero præliorum, nec varietate regionum, nec celeritate conficiendi, nec dissimilitudine bellorum, posse conferri: nec verò  
dis-

disiunctissimas terras citiùs, cuiusquam passibus potuisse peragrari, quàm tuis, non dicam cursibus; sed victoriis illustratæ sunt. Quæ quidem ego nisi ita magna esse fatear, vt ea vix cuiusquam mens, aut cogitatio capere possit, amens sim: sed tamen sunt alia maiora. Nam bellicas laudes solent quidam extenuare verbis, easque detrahere ducibus, communicare cum militibus, ne propriæ sint Imperatorum: & certè armis, militum virtus, locorum opportunitas, auxiliâ sociorum, classes, commeatus, multum iuvant, maximam verò partem, quasi suo iure Fortuna sibi vendicat, & quidquid est prosperè gestum, id penè omne, ducit suum. At verò, huius gloriæ, C. Cæsar, quam es paulò antè adeptus, socium habes neminem: totum hoc quantumcumque est, quod certè maximum est, totum est, inquam, tuum; nihil sibi ex ista laude Centurio, nihil Præfectus, nihil cohors, nihil turma decrepit; quin etiam illa ipsa rerum humanarum domina Fortuna in istius se societatem gloriæ non offert; tibi cedit: tuam esse totam, & propriam fatetur: numquam enim temeritas cum sapientiâ commiscetur, nec ad consilium casus admittitur. Domasti gentes imma-



immanitate barbaras, multitudine innumera-  
biles, locis infinitas, omni copiarum genere  
abundantes: sed tamen ea vicisti, quæ & natu-  
ram, & conditionem, ut vinci possent, habe-  
bant; nulla est enim tanta vis, tanta copia, quæ  
non ferro, ac viribus debilitari, frangique possit;  
verum animum vincere, iracundiam cohibere,  
victoriam temperare, adversarium nobilitate,  
ingenio, virtute præstantem non modo extol-  
lere iacentem; sed etiam amplificare eius pristi-  
nam dignitatem, hæc qui faciat, non ego eum  
cum summis viris comparo, sed simillimum  
deo iudico. Itaque, C. Cæsar, bellicæ tuæ lau-  
des celebrabuntur illæ quidem, non solum  
nostris, sed penè omnium gentium litteris, at-  
que linguis: neque vlla vnquam ætas de tuis  
laudibus conticescet. Sed tamen eiusmodi res,  
nescio quomodo, etiam dum audiuntur, aut  
dum leguntur, obstrepi clamore militum vi-  
dentur, & tubarum sono: at verò cum aliquid  
clementer, mansuetè, iustè, moderatè, sapienter  
factum, in iracundia præsertim, quæ est inimica  
consilio, & in victoria, quæ naturâ insolens, &  
superba est, aut audimus. aut legimus, quo stu-  
dio incendimur, non modò in gestis rebus, sed  
etiam,

etiam in fictis, ut eos sæpè, quos nunquam vidimus, diligamus. Te verò, quem præsentem intuemur, cuius mentem, sensusque, & os cernimus, ut quidquid belli fortuna reliquum Reipu. fecerit, id esse salvum velis, quibus laudibus efferemus? quibus studijs prosequemur? qua benevolentia cõplectemur? parietes, medius fidius, C. Cæsar, ut mihi videtur, huius curiæ tibi gratias agere gestiunt, quòd brevi tempore futura sit illa authoritas in his maiorum suorum, & suis sedibus. Equidem cùm C. Marcelli, viri optimi, memorabili pietate, ac virtute præditi, lachrymas modò vobiscum viderem, omnium Marcellorum meum pectus memoria effodit, quibus tu etiam mortuis, M. Marcello conservato, dignitatem suam reddidisti, nobilissimamque familiam, iam ad paucos reductam, penè ab interitu vindicasti. Hunc tu igitur diem tuis maximis, & innumerabilibus gratulationibus iure antepones: hæc enim res unius est propria Cæsaris: cæteræ duce te gestæ, magnæ ille quidem; sed tamen multò magnoque comitatu; huius autem rei tu idem es, & dux & comes: quæ quidem tanta est, ut trophæis, monumentisque tuis non vlla unquam

vnquam allatura sit finem ætas, nihil enim est opere, aut manu factum, quod aliquando non conficiat, & consumat vetustas; at verò hæc tua iustitia, & lenitas animi florescet quotidie magis, ita, vt quantum operibus tuis diuturnitas detrahet, tantum afferat laudibus. Et cæteros quidem omnes victores bellorum civilium iam ante æquitate, & misericordiâ viceras: hodierno vero die te ipsum vicisti. Vereor, vt hoc, quod dicam, non perinde intelligi auditu possit, atque ego ipse cogitans sentio: ipsam victoriam vicisse videris, cum ea ipsa, quæ illa erat adepta, victis remisisti: nam cum ipsius victoriæ conditione, iure, omnes victi occidissimus, clementiæ tuæ iudicio conservati sumus: rectè igitur vnus invictus es, à quo etiam ipsius victoriæ conditio, vis que devicta est. Atque hoc C. Cæsaris iudicium P. C. quàm latè pateat, attendite: omnes enim, qui ad illa arma facto sumus, nescio quo, Reipub. misero, funestoque compulsi, etsi aliquâ culpâ tenemur erroris humani, à scelere certè liberati sumus: nam cum M. Marcellum deprecantibus vobis, Reip. conservavit, memet mihi, & item Reip. nullo deprecante, reliquos amplissimos viros,



& sibi ipsis, & patriæ reddidit: quorum, & frequentiam, & dignitatem hoc ipso in confessu videtis: non ille hostes induxit in curiam, sed iudicavit, a plerisque ignoratione potius, & falso, atque inani metu, quàm cupiditate, aut crudelitate, civile bellum esse susceptum. Quo quidem in bello semper de pace agendum, audiendumque esse putavi, semperque dolui, non modò pacem, sed orationem etiam civium pacem efflagitantium, repudiari. Neque enim ego illa, nec vlla vnquam secutus sum arma civilia, semperque mea consilia pacis, & togæ socia, non belli, atque armorum fuerunt: hominem tum secutus privato officio, non publico: tantumque apud me grati animi fidelis memoria valuit, vt nullâ non modò cupiditate, sed ne spe quidem, prudens, & sciens, tamquam ad interitum ruerem voluntarium. Quod quidem meum consilium minimè obscurum fuit: nam & in hoc ordine, integrâ re, multa de pace dixi, & in ipso bello eadem etiam cum capitis mei periculo sensi. Exquo nemo erit tam iniustus rerû æstimator, qui dubitet, quæ Cæsaris voluntas de bello fuerit, cum pacis authores conservandos statim censuerit; cæteris fuerit

iratioꝛ. Atque id minus mirum videretur fortasse tum, cum esset incertus exitus, & anceps fortuna belli; qui verò victor, pacis authores diligit, is profectò declarat, maluisse se non dimicare, quàm vincere. Atque huius quidem rei M. Marcélio sum testis, nostri enim sensus, ut in pace semper, sic tum etiam in bello congruebant: quoties ego eum, & quanto cum dolore vidi, cum insolentiam certorum hominum, tum etiam ipsius victoris ferocitatem extimescentem? Quo gratior tua liberalitas, C. Cæsar, nobis, qui illa vidimus, debet esse: non enim iam causæ sunt inter se, sed victoriæ comparandæ. Vidimus tuam victoriam præliorum exitu terminatam: gladium vaginâ vacuum in vrbe non vidimus: quos amisimus cives, eos Marti vis perculit, non ira victoriæ, ut dubitare debeat nemo, quin multos, si fieri posset, C. Cæsar ab inferis excitaret: quoniam ex eadem acie conservat, quos potest. Alterius verò partis, nihil amplius dicam, quàm id, quod omnes verebatur, nimis iracundam futuram fuisse victoriâ: quidam enim non modò armatis, sed interdum etiam otiosis minabantur: nec quid

Ec  
quis-

quisque senfisset , fed vbi fuiffet, cogitandum  
effe dicebant : vt mihi quidem videantur dij  
immortales, etiam fi poenas á Populo Romano  
ob aliquod delictum expetiverunt , qui civile  
bellum tantum , & tam luctuofum excitave-  
runt, vel placati iam, vel etiam fatiati aliquando  
omnem fpem falutis ad clementiam victoris, &  
fapientiam contuliffe. Quarè gaude tuo ifto  
tam excellenti bono, & fruire cum fortunâ, &  
gloriâ, tum etiam naturâ, & moribus tuis: ex  
quo quidem maximus eft fructus, iucunditas-  
que fapienti; cætera cùm tua recordabere , etfi  
per fepé virtuti ; tamen plerumque fælicitati  
tuæ congratulabere: de nobis, quos in Repub.  
tecum fimul falvos effe voluifti, quoties cogi-  
tabis, toties de maximis tuis beneficijs, toties de  
incredibili liberalitate, toties de fingulari fapien-  
tiâ tuâ cogitabis: quæ non modò fumma bona;  
fed nimirum audebo, vel fola dicere: tantus eft  
enim fplendor in laude verâ, tanta in magnitu-  
dine animi, & confilij dignitas, vt hæc á virtutē  
donata , cætera à fortuna commodata effe vi-  
deantur. Noli igitur in confervandis bonis  
viris defatigari, non cupiditate præfertim, aut  
pra-



pravitate aliquâ lapsis, sed opinione officij, stultâ fortasse, certè non improbâ, & specie quadam Reipub. Non enim tua vlla culpa est, si te aliqui timuerunt: contrâque summa laus, quòd plerique minimè timendum fuisse senserunt. Nunc verò venio ad gravissimam querelam, & atrocissimam suspicionem tuam: quæ non tibi ipsi magis, quàm cùm omnibus civibus, tum maximè nobis, qui à te conservati sumus, providenda est: quam etsi spero esse falsam, numquam tamen verbis extenuabo: tua enim cautio nostra cautio est: ut si in alterutro peccandum sit, malim videri nimis timidus, quàm parum prudens. Sed quisnam est iste tam demens, qui scilicet tibi insidiaretur? de tuisne? tametsi qui magis sunt tui, quàm quibus tu salutem insperantibus reddidisti? an ex eo numero, qui vnà tecum fuerint? non est credibilis tantus in vlllo furor, ut quo duce omnia summa sit adeptus, huius vitam non anteponat suæ. At si tui nihil cogitant sceleris, cavendum est, ne quid inimici: qui? omnes enim, qui fuerunt, aut suâ pertinaciâ vitam amiserunt, aut tuâ misericordiâ retinuerunt: ut aut nulli super-

sint

sint de inimicis, aut qui super fuerunt, amicissimi sint. Sed tamen cum in animis hominum tantæ latebræ sint, & tanti recessus, augeamus sanè suspicionem tuam, simul enim augebimus & diligentiam; nam quis est omnium tam gnarus rerum, tam rudis in Republ. tam nihil unquam nec de sua, nec de communi salute cogitans, qui non intelligat, tuâ salute contineri suam? & ex unius tui, vitam pendere omnium? Equidem de te dies, noctesque, ut debeo, cogitans, casus dumtaxat humanos, & incertos eventus valetudinis, & naturæ communis fragilitatem extimesco, doleoque, cum Respub. immortalis esse debeat, eam in unius mortalis animâ consistere; si verò ad humanos casus, incertisq; eventus valetudinis, sceleris etiâ accedat, insidiarumque consensio, quem deum, etiam si cupiat, opitulari posse Reipub. credamus? Omnia sunt excitanda tibi, C. Cæsar, uni, quæ iacere sentis belli ipsius impetu, quod necesse fuit, percussa, atque prostrata: constituenda iudicia, revocanda fides, comprimendæ libidines, propaganda soboles: omnia, quæ dilapsa iam fluxerunt, severis legibus vincienda sunt. Non fuit  
recu-

recusandum in tanto civili bello, tantoque animorum ardore, & armorum, quin quassata Resp. quicumque belli eventus fuisset, multa perderet, & ornamenta dignitatis, & præsidia stabilitatis suæ: multaque vterque dux faceret armatus, quæ idem togatus fieri prohibuisset: quæ quidem nunc tibi omnia belli vulnera curanda sunt; quibus præter te mederi nemo potest. Itaque illam tuam præclarissimam, & sapientissimam vocem invitus audiui: satis te diu, vel naturæ vixisse, vel gloriæ: satis, si ita vis, naturæ fortasse: addo etiam, si placet, gloriæ: at, quod maximum est, patriæ certè parum. Quare omitte, quæso, istam doctorum hominum in contemnendâ morte prudentiam: noli nostro periculo sapiens esse, sæpè enim venit ad aures meas, te idem istud nimis crebrò dicere, satis te tibi vixisse, credo: sed tum id audirem, si tibi soli viveres, aut si tibi etiam soli natus esses: nunc cum omnium salutem civium, cunctamque Rempub. res tuæ gestæ complexæ sint, tantum abes à perfectione maximorum operum, ut fundamenta quæ cogitas, nondum ieceris. Hic tu modum tuæ vitæ, non salute Reipub. sed æqui-



æquitate animi definies? quid si istud ne<sup>a</sup> gloriæ quidem tuæ fatis est? cuius te esse avidissimum, quamvis sis sapiens, non negabis. Parumne igitur, inquires, gloriam magnam relinquemus? immò verò alijs, quamvis multis, fatis; tibi vni parum: quidquid enim est, quamvis amplum sit, id certè parum est tum, cum est aliquid amplius: quòd si rerum tuarum immortalium, C. Cæsar, hic exitus futurus fuit, vt devictus adversarijs, Rempub. in eo statu relinqueres, in quo nunc est: vide, quæso, ne tua divina virtus admirationis plus sit habitura, quàm gloriæ: si quidem gloria est illustris, ac pervagata multorum, & magnorum vel in suos cives, vel in patriam, vel in omne genus hominum, fama meritorum. Hæc igitur tibi reliqua pars est: hic restat actus: in hoc elaborandum est, vt Rempubl. constituas, eaque tu in primis compositâ, summâ tranquillitate, & otio perfruare: tum te, si voles, cum & patriæ, quod debes, solveris, & naturam ipsam expleveris satietate vivendi, fatis diu vixisse, dicito. Quid est enim omninò hoc ipsum diu, in quo est aliquid extremum? quod cum venerit, omnis voluptas præterita

pro

pro nihilo est; quia postea nulla futura sit; quamquam iste tuus animus nunquam his angustijs, quas natura nobis ad vivendum dedit, contentus fuit, semperque immortalitatis amore flagavit. Nec verò hæc tua vita dicenda est, quæ corpore, & spiritu continetur: illa, inquam, illa vita est tua, Cæsar, quæ vigebit memoriâ sæculorum omnium: quam posteritas alet, quam ipsa æternitas semper intuebitur: huic tu inservias; huic te ostentes oportet: quæ quidem, quæ miretur, iam pridem multa habet; nunc etiam quæ laudet, expectat: obstupescunt posteri certè imperia, provincias, Rhenum, Oceanum, Nilum, pugnas innumerabiles, incredibiles victorias, monumenta, munera, triumphos audientes, & legentes tuos; sed nisi hæc vrbs stabilita tuis consilijs, & institutis erit, vagabitur modò nomen tuum longè, atque latè: sedem quidem stabilem, & domicilium certum non habebit. Erit inter eos etiam, qui nascuntur, sicut inter nos fuit, magna dissensio; cum alij laudibus ad cœlum res tuas gestas efferent, alij fortasse aliquid requirent, idque vel maximum, nisi belli civilis incendium salute


pa-

patriæ restinxis: vt illud fati fuisse videatur;  
hoc consilij. Servi igitur ijs etiam iudicibus, qui  
multis post sæculis de te iudicabunt, & quidem  
haud scio, an incorruptius, quam nos: nam, & si-  
ne amore, & sine cupiditate, & rursus sine odio,  
& sine invidiâ iudicabunt. Id autem, etiam si  
tunc ad te, vt quidam falsò putant, non pertine-  
bit, nunc certè pertinet, te esse talem, vt tuas  
laudes obscuratura nulla vnquam sit oblivio.  
Diversæ voluntates civium fuerunt, distractæ-  
que sententiæ. Non enim consilij solùm, &  
studij, sed armis etiam, & castris diffidebamus.  
Erat autem obscuritas quædam, erat certamen  
inter clarissimos duces: multi dubitabant, quid  
optimum esset: multi, quid sibi expediret: multi,  
quid deceret: nonnulli etiam, quidliceret. Per-  
functa Respub. est hoc misero, fatalique bello;  
vicit is, qui non fortunâ inflammaret odium  
suum, sed bonitate leniret: neque omnes, qui-  
bus iratus esset, eosdem etiam exilio, aut morte  
dignos iudicaret; arma ab alijs posita, ab alijs  
erepta sunt: ingratus est, iniustusque civis, qui  
armorum periculo liberatus, animum tamen  
retinet armatum: vt etiam ille sit melior, qui in



acie cecidit, quam qui in causa animam profudit, quæ enim pertinacia est quibusdam, eadem alijs constantia videri potest. Sed quia iam omnis fracta dissensio est armis, & extincta æquitate victoris, restat, ut omnes unum velint, qui modò habent aliquid, non solum sapientiæ, sed etiam sanitatis: quia nisi te, C. Cæsar, salvo, & in ista sententia, qua cum antea, tum hodie vel maximè usus es, manente, salvi esse non possumus. Quare omnes te, qui hæc salva esse volumus, & hortamur, & obsecramus, ut vitæ, ut salutis tuæ consulas: omnesque tibi [ ut pro alijs, etiam loquar, quòd de me ipse sentio) quoniam subesse aliquid putas, quod cavendum sit, non modò excubias, & custodias, sed etiam laterum nostrorum oppositus, & corporum pollicemur. Sed, ut vnde est orsa, in eodem terminetur oratio mea, maximas tibi omnes gratias agimus, C. Cæsar: maiores etiam habemus. Nam omnes idem sentiunt: quod ex omnium precibus, & lachrymis sentire potuisti. Sed quia non est astantibus omnibus necesse dicere; à me certè dici volunt, cui necesse est quodammodo, & quòd M. Marcello à te huic ordini, Populoque

Rom. & Reipub. reddito, præcipuè id à me fieri debere intelligo: nam lætari omnes, non vt de vnus solùm, sed vt de communi omnium salute sentio: quod autem summæ benevolentia est, quæ mea erga illum omnibus semper nota fuit, vt vix C. Marcello optimo, & amantissimo fratri, præter eum quidem cederem nemini, cùm id sollicitudine, curâ, labore tandiu præstiterim, quandiu est de illius salute dubitatum: certè hoc tempore magnis curis, molestijs, doloribus liberatus, præstare debeo. Itaque C. Cæsar, sic tibi gratias ago, vt omnibus me rebus à te, non conservato solùm, sed etiam ornato, tamen ad tua innumerabilia in me vnum merita, quod fieri iam posse non arbitrabar, maximus hoc tuo facto, cumulus accesserit.



# PRO Q. LIGARIO AD C.

## CÆSAREM.

### O R A T I O.

**N**Ovum crimen, C, Cefar, & ante hunc diem inauditum, propinquus meus ad te Qu. Tubero detulit, Qu. Ligarium in Africâ fuiffè: idque C. Panfa præftanti vir ingenio, fretus fortaffe eà familiaritate, quæ est ei tecum, ausus est confiteri. Itaque quo me vertam nescio, paratus enim veneram, cum tu id neque per te scires, neque audire aliunde potuiffes, vt ignoratione tuâ ad hominis miseri salutem abuterer. Sed quoniam diligentia inimici investigatum est quod latebat, confitendum est, vt opinor: præsertim cum meus necessarius C. Panfa fecerit, vt iam integrum non efflet: omiffaque controversiâ, omnis oratio ad misericordiam tuam conferenda est, qua plurimi sunt conservati, cum à te non solum liberationem culpæ, sed errati veniam impetravissent. Habes igitur, Tubero, quod est accusatori maximè optandum, confitentem reum; sed tamen ita confitentem, se in ea parte fuiffe, qua te, Tubero, qua virum omni laude dignum patrem tuum. Itaque prius de vestro delicto cõfiteamini necesse est, quàm Ligarij ullam culpam reprehendatis. Qu. igitur Ligarius cum esset ad huc nulla belli suspicio, legatus in Africam cum pro-



consule C. Cōsidio profectus est: qua in legatione, &  
 civibus, & socijs ita se probavit, vt decedens Confidius  
 provinciâ, satisfacere hominibus non posset, si quem-  
 quam alium provinciæ præfecisset. Itaque Qu. Li-  
 garius, cum diu recusans, nihil profecisset, provinciâ  
 accepit invitus, cui sic præfuit in pace, vt & civibus,  
 & socijs gratissima esset eius integritas, & fides. Bel-  
 lum subitò exarsit: quod qui erant in Africa, ante au-  
 dierunt geri, quàm parari: qui audito, partim cupi-  
 ditate inconsiderata, partim cæco quodam timore,  
 primò salutis causa, post etiam studij sui, quærebant  
 aliquem ducem: tum Ligarius domum spectans, &  
 ad suos redire cupiens, nullo se implicari negotio  
 passus est. Interim P. Actius Varus qui Prætor Afri-  
 cam obtinuerat, Vticam venit, ad eum statim con-  
 cursum est, atque ille nō mediocri cupiditate arripuit  
 imperiū, si illud imperiū esse potuit, quod ad privatū  
 clamore multitudinis imperitæ, nullo publico consi-  
 lio deferabatur. Itaque Ligarius qui omne tale nego-  
 tiū cuperet effugere, paulū adventu Vari conquieuit.  
 Adhuc, C. Cæsar, Q. Ligarius omni culpa vacat: do-  
 mo est egressus, non modò nullum ad bellum; sed ne  
 ad minimam quidem suspicionem belli: legatus in  
 pace profectus, in provincia pacatissima ita se gessit,  
 vt ei pacem esse expediret. Profectio certè animum  
 tuum non debet offendere, num igitur remansio?  
 multò minus: nam profectio voluntatem habuit non  
 turpem; remansio etiam necessitatem honestam. Er-  
 go hæc duo tempora carent crimine: vnum, cum  
 est

est legatus profectus; alterum cum efflagitatus à provincia, præpositus Africæ est: tertium est tempus, quo post adventum Vari in Africa restitit. Quod si est criminofum, necessitatis crimen est, non voluntatis. An ille si potuiffet illinc vlllo modò evadere, Vticæ potius, quàm Rom. cùm P. Actio, quàm cum concordiffimis fratribus, cum alienis effe, quàm cum fuis maluiffet: cùm ipsa legatio plena defiderij, ac follicitudinis fuiffet, propter incredibilem quendam fratrum amorem? hic equo animo effe potuit belli diffidio diftractus a fratribus? Nullum igitur habes, Cæfar, adhuc in Q. Ligario fignum alienæ à te voluntatis, cuius ego caufam animadvertè, quæfo, qua fide defendam, cùm prodo meam. O clementiam admirabilem, atque omni laude, prædicatione, litteris, monumentisq; decorandam! M. Cicero apud te descendit, alium in ea voluntate non fuiffe, in qua feipfum confitetur fuiffe: nec tuas tacitas cognitiones extimescit; nec quid tibi de alio audienti de fe ipfo occurrat, reformidat. Vide quàm non reformidem: vide quanta lex liberalitatis, & fapientiae tuæ mihi apud te dicenti oboriat: quantum potero voce contendam, vt hoc populus Rom. exaudiat. Suscepto bello, Cæfar, gelfto etiam ex magna parte, nulla vi coactus, iudicio meo, ac voluntate, ad ea arma profectus fum, quæ erant fumpta contra te: apud quem igitur hoc dico? nempe apud eum, qui cùm hoc fciret tamèn me, antequam vidit, Reipub. reddidit: qui ad me ex Ægypto litteras mifit, vt effem

idem.

idem, qui fuissē: qui cum ipse Imperator in toto imperio populi Romani vnus esset, esse me alterum passus est: à quo hoc ipso C. Pansa mihi nuntium perferente, concessos falces laureatos tenui, quoad tenendos putavi: qui mihi tum denique se salutem putavit reddere, si eam nullis spoliata ornamentis redderet. Vide, quæso, Tubero, vt qui de meo facto nō dubitem dicere, de Ligarij non audeam confiteri. Atque hæc propterea de me dixi, vt mihi Tubero, cum de se eadem dicerem ignosceret, cuius ego industriæ, gloriæque faveo, vel propter propinquam cognationem, vel quod eius ingenio, studijsque delector, vel quod laudem adolescentis propinqui existimo etiam ad meum aliquem fructum redundare. Sed hoc quæro, quis putet fuisse crimen, esse in Africa Ligarium; nempe is qui, & ipse in eadem Africa esse voluit, & prohibitum se à Ligario queritur, & certè contra ipsum Cæsarem est congressus armatus. Quid enim, Tubero, tuus ille districtus in acie Pharfalica gladius agebat? cuius latus ille mucro petebat? qui sensus erat armorum tuorum? quæ tua mens? oculi? manus? ardor animi? quid cupiebas? quid optabas? Nimis vrgeo: commoveri videtur adolescens: ad me revertar, isdem in armis fui, quid autem aliud egimus, Tubero, nisi vt quod hic potest, nos possemus? Quorum igitur impunitas, Cæsar, tuæ clementiæ laus est, eorum ipsorum ad crudelitatem te acuet oratio? atque in hac causa non nihil equidem, Tubero, etiam tuam, sed multo magis patri-

tris



tris tui prudentiam desidero: quod homo cum ingenio, tum etiam doctrina excellens, genus hoc causæ quod esset, non viderit, nam si vidisset, quovis profectò quàm isto modo à te agi maluisset. Arguis fatentem; non est satis. Accusas eum, qui causam habet, aut, ut ego dico, meliorem quàm tu, aut ut tu vis, parem. Hæc non modò mirabilia sunt, sed prodigijs similia, quæ dicam. Non habet eam vim ista accusatio, ut Q. Ligarius condemnetur, sed ut necetur, hoc egit civis Romanus ante te nemo: externi isti mores, usque ad sanguinem incitare solent odium, aut levium Græcorum, aut immanium barbarorum. Nam quid aliud agit? Romæ ne sit? ut domo careat? ne cum optimis fratribus, ne cum hoc T. Brocho avunculo suo, ne cum eius filio consobri-  
no suo, ne nobiscum vivat? ne sit in patria? num est? Num potest magis carere his omnibus, quàm caret? Italiâ prohibetur, exulat. Non tu ergo hunc patriâ privare, qua caret, sed vitâ vis. At istud ne apud eum quidem Dictatorem, qui omnes, quos oderat, morte multabat, quisquam egit isto modo: ipse iubebat occidi, nullo postulante: præmijs etiam invitabat: quæ tamen crudelitas ab hoc eodem aliquot annis post, quem tu nunc crudelem esse vis, vindicata est. Ego verò istud non postulo, inquires; ita me hercule existimo, Tubero, novi enim te, novi patrem tuum, novi domum, nomenque vestrum: studia denique generis, ac familiæ vestræ, virtutis, humanitatis, doctrinæ plurimarum artium,

atque optimarum nota sunt mihi omnia. Itaque certò scio, vos non petere sanguinem, sed parum attenditis: res enim eò spectat, ut eâ poenâ, in qua adhuc Q. Ligarius sit, non videamini esse contenti: quæ est igitur alia præter mortem? si enim in exilio est, sicuti est, quid amplius postulatis? an, ne ignoscatur? hoc verò multo acerbius, multoque est gravius: quod nos domi petimus precibus, & lacrymis prostrati ad pedes, non tam nostræ causæ fidentes, quam huius humanitati; id ne impetremus pugnabis, & in nostrum fletum irrumpes? & nos iacentes ad pedes supplicum voce prohibebis? si cum hoc domi faceremus, quod & fecimus: & ut spero, non frustra fecimus, tu de repente irrupisses, & clamare cœpisses, C. Cæsar, cave credas, cave ignoscas, cave te fratrum pro fratris salute obsecrantium misereat: nonne omnem humanitatem exuisses? quantò hoc durius, quod nos domi petimus, id à te in foro oppugnari? & in tali miseria multorum perfugium misericordiæ tollere? Dicam planè, C. Cæsar, quod sentio, si in hac tantâ tuâ fortunâ lenitas tanta non esset, quantum tu per te, per te, inquam obtines (intelligo quid loquar) acerbissimo luctu redundaret ista victoria, quam multi enim essent de victoribus, qui te crudelem esse vellent, cum etiam de victis reperiuntur? Quam multi, qui cum à te nemini ignosci vellent, impedirent clementiam tuam, cum etiam ij, quibus ipse ignovisti, nollint te in alios esse misericordem? Quod si probare Cæsari possemus, in Africa Ligarium

## PRO Q. LIGARIO.

rium omninó nō fuisse: si honesto, & misericordi mē-  
dacio salutis civis calamitosi consultum esse velle-  
mus: tamen hominis non esset, in tanto discrimine,  
& periculo civis refellere, & coarguere nostrum  
mendacium: & si esset alicuius, eius certè non esset,  
qui in eādē causā, & fortunā fuisset. Sed tamen  
aliud est errare Cæsarem nolle, aliud nolle misereri;  
tum diceres: Cave Cæsar credas: fuit in Africa Li-  
garius: tulit arma contra te: nunc quid dicis? Cave  
ignoscas. Hæc nec hominis, nec ad hominem vox  
est: qua qui apud te, C. Cæsar, vtetur, suam citius  
abijciat humanitatem, quàm extorquebit tuam. Ac  
primus aditus, & postulatio Tuberonis, hæc, vt opi-  
nor, fuit: velle se de Q. Ligarij scelere dicere. Non  
dubito, quin admiratus sis, vel quòd is, qui in eā-  
dem causā fuisset, vel quidnam novi facinoris affer-  
ret. Scelus tu illud vocas, Tubero? cur? illo enim  
nomine illa adhuc causa caruit: alij errorem appel-  
lant, alij timorem: qui durius, spem, cupiditatem,  
odium, pertinaciam: qui gravissimè temeritatem:  
scelus, præter te, adhuc nemo. Ac mihi quidem,  
si proprium, & verum nomen nostri mali quærat,ur,  
fatalis quædam calamitas incidisse videtur, & impro-  
vidas hominum mentes occupavisse: vt nemo mira-  
ri debeat humana consilia divina necessitate esse su-  
perata. Liceat esse miseros, quamquam hoc victore  
esse non possumus; sed non loquor de nobis, de illis  
loquor, qui occiderunt: fuerint cupidi, fuerint irati,  
fuerint pertinaces, sceleris verò crimine, furoris,  
par-



parricidij liceat Cn. Pompeio mortuo liceat multis alijs carere. Quando hoc quispiam ex te, Cæsar audivit, aut tua quid aliud arma voluerunt, nisi à te contumeliam propulsare? quid egit tuus ille invictus exercitus, nisi, ut suum iustueretur, & dignitatem tuam? quid? tu cum pacem esse cupiebas, id ne agebas, ut tibi cum sceleratis, an ut cum bonis civibus conveniret? Mihi verò, Cæsar, tua, in me, maxima merita, tanta certè non viderentur, si me ut sceleratum à te conservatum putarem. Quomodo autem tu de Republ. benè meritus esses, si tot sceleratos incolumi dignitate esse voluisses? Secessionem tu illam existimavisti, Cæsar, initio, non bellum: non hostile odium, sed civile diffidium, vtrisque cupientibus Remp. salvam, sed partim studijs à communi utilitate aberrantibus. Principum dignitas erat penè par, non par fortasse eorum, qui sequebantur: causa tum dubia, quòd erat aliquid in vtraque parte quod probari posset; nunc melior certè ea iudicanda est, quàm etiam dii adiuverint: cognita verò clementia tua, quis non eam victoriam probet, in qua occiderit nemo, nisi armatus? Sed ut omittam communem causam, veniamus ad nostram: vtrum tandem existimas facilius fuisse, Tubero, Ligarium ex Africa exire, an vos in Africam non venire: poteramus ne, inquires, cum senatus censuisset? si me consulis, nullo modo? sed tamen Ligarium senatus idem legaverat, atque ille eo tempore paruit, cum parere senatui necesse erat: vos tunc parvistis,

cum

## PRO Q. LIGARIO.

cum paruit nemo, qui noluit: reprehendo igitur? minimè verò: neque enim licuit aliter vestro generi, nomini, familiæ, disciplinæ, sed hoc non concedo, ut quibus rebus gloriâmini in vobis, easdem in alijs reprehendatis. Tuberonis fors coniecta est ex S. C. cum ipse non adesset, morbo etiam impediretur: statuerat se excusare. Hæc ego novi propter communes necessitudines, quæ mihi sunt cum L. Tuberone: domi unâ eruditi, militiæ contubernales, post affines, in omni denique vita familiares: magnum etiam vinculum, quod ijsdem semper studijs usi sumus. Scio igitur Tuberonem domi manere voluisse, sed ita quidam agebant, ita Reip. sanctissimum nomen opponebant, ut etiam si aliter sentiret, verborum tamen ipsorum pondus sustinere non posset: cessit authoritati amplissimi viri, vel potius paruit: unâ est profectus cum ijs, quorum erat una causa: tardius iter fecit: itaque in Africam venit iam occupatam. Hinc in Ligarium crimen oritur, vel ira potius: nam si crimen est prohibere illum voluisse, non minus magnum est, vos Africam, omnium provinciarum arcem, natam ad bellum contra hanc urbem gerendum, obtinere voluisse, quam aliquem se Imperatorem esse maluisse. Atque is tamen aliquis Ligarius, non fuit. Varus imperium se habere dicebat; fasces certè habebat. Sed quoquo modo sese illud habet, hæc querela vestra, Tubero, quid valet? recepti in provincia non sumus. Quid si essetis? Cæsarine eam tradituri fuissetis, an contra eum

reten-

retenturi? Vide quid licentiæ, Cæsar, nobis tua liberalitas det, vel potiùs audaciæ; si responderit Tubero, Africam, quò Senatus eum, forsquæ miserat, tibi patrem suum traditurum fuisse, non dubitabo apud ipsum te, cuius id eum facere interfuit, gravissimis verbis eius consilium reprehendere: non enim si tibi ea res grata fuisset, esset etiam probata. Sed iam hoc totum omitto, non tam ut ne offendam tuas patientissimas aures, quàm ne Tubero, quod nunquam cogitavit, facturum fuisse videatur. Veniebatis igitur in Africam provinciam vnam ex omnibus huic victoriæ maximè infestam: in qua erat rex potentissimus, inimicus huic causæ, aliena voluntas conventus firmi, atque magni; quæro, quid facturi fuissetis? quamquam quid facturi fueritis non dubitem, cum videam, quid feceritis: prohibiti estis in provincia vestra pedem ponere: & prohibiti, ut perhibetis, summa cum injuria: quomodo id tulistis? acceptæ iniuriæ querelam ad quem detulistis? nepe ad eum, cuius authoritatem secuti in societatem belli veneratis. Quòd si Cæsaris causa in provinciam veniebatis, ad eum profectò exclusi provinciâ venissetis: venistis ad Pompeium. Quæ est ergo apud Cæsarem querela, cum eum accusetis, à quo queramini, vos prohibitos, contra Cæsarem bellum gerere? Atque in hoc quidem, vel cum mendacio, si vultis gloriari, per me licet, vos provinciam fuisse Cæsari tradituros, etiam si a Uaro, & quibusdam alijs prohibiti essetis: ego autem confitebor culpam esse Ligarij,

qui



qui vos tantæ laudis occasione privaverit. Sed vide, quæso, C. Cæsar; constantiam ornatissimi viri L. Tiberonis: quam ego, quamvis ipse probarem, ut probo tamen non commemorarem, nisi à te cognovissèm in primis eam virtutem solere laudari. Quæ fuit igitur vnquam in vlllo homine tanta constantia? constantiam dico? nescio an meliùs patientiam possem dicere: quotus enim istud quisque fecisset, ut à quibus partibus in dissensione civili non esset receptus, essetque etiam cum crudelitate eiectus, ad eas ipsas rediret? magni cuiusdam animi, atque eius viri est, quem de susceptâ causâ, propositâque sententiâ, nulla contumelia, nulla vis, nullum periculum posset depellere. Ut enim cætera paria Tiberoni cū Varo fuissent, honos, nobilitas, splendor, ingenium, quæ nequaquam fuerunt: hoc certè præcipuum Tiberonis fiat, quòd iusto cum imperio ex S. C. in provinciam suam venerat: hinc prohibitus non ad Cæsarem, ne iratus: non domum, ne iners: non aliquam in regionem, ne condemnare causam illam, quam secutus esset, videretur: in Macedoniam in Cn. Pompeij castra venit, in eam ipsam causam, à qua erat reiectus cum iniuria. Quid? cum ista nihil commovissent eius animum, ad quem veneratis, languidiores, credo, studio in causâ fuistis: tantum modo in præsidij cratis; animi verò à causâ abhorrebant: an ut fit in civilibus bellis, nec in vobis magis quàm in reliquis omnes vincendi studio tenebamur? pacis equidem semper author fui, sed tum ferò; erat enim a-

men-

mentia, cū aciem videres, pacem cogitare. Omnes  
 inquam, vincere volebamus, tu certè, præcipuè, qui  
 in eum locum venisses, vbi tibi esset pereundum, ni-  
 si vicisses: quamquam, vt nunc se res habet non du-  
 bito, quin hanc salutem anteponas illi victoriæ. Hæc  
 ego non dicerem, Tubero, si aut vos constantiæ ves-  
 træ, aut Cæsarem beneficij sui pœniteret. Nunc  
 quæro, vtrum vestras iniurias, an Reip. persequa-  
 mini? si Reipub. quid de vestra in eâ causâ perse-  
 verantia respondebitis? si vestras, videte ne erre-  
 tis, qui Cæsarem vestris inimicis iratum fore pu-  
 tetis, cū ignoverit suis. Itaque num tibi vîdeor,  
 Cæsar, in causa Ligarij occupatus esse? num de  
 eius factō dicere? quidquid dixi, ad vnam sum-  
 mam referri volo, vel humanitatis, vel clemen-  
 tiæ, vel misericordiæ tuæ. Causas, Cæsar, egi mul-  
 tas, & quidem tecum, dum te in foro tenuit ratio  
 honorum tuorum, certè numquam hoc modo. Ig-  
 noscite, iudices, erravit, lapsus est, non putavit, si  
 vnquam post hac; ad parentem sic agi solet; ad iu-  
 dices: Non fecit, non cogitavit, falli testes, fictum  
 crimen. Dic te, Cæsar, de factō Ligarij iudicem  
 esse: quibus in præsidij fuerit, quære, taceo: ne  
 hæc quidem colligo, quæ fortasse valerent etiam  
 apud iudicem: legatus ante bellum profectus, relic-  
 tus in pace, bello oppressus, in eo non acerbus: tum  
 etiam fuit totus animo, & studio tuus. Ad iudicem  
 sic agi solet, sed ego ad parentem loquor: Erravi, te-  
 merè feci, pœnitet, ad clementiam tuam confugio,

## PRO Q. LIGARIO.

delicti veniam peto, vt ignoscàs, oro: si nemo impetravit, arroganter; si plurimi, tu idem fer opem, qui spem dedisti. An sperandi Ligario causa non sit, cum mihi apud te sit locus etiam pro altero deprecandi? Quamquam neque in hac oratione spes posita causæ, nec in eorum studijs qui à te pro Ligario petunt, tui necessarij. Vidi enim, & cognovi, quid maximè spectares, cum pro alicuius salute multi laborarent: causas apud te rogantium gratiores esse, quam preces, ueque spectare quam tuus esset necessarius is, qui te oraret: sed quam illius, pro quo laboraret. Itaque tribuis tu quidem tuis ita multa, vt mihi beatiore illi esse videantur interdum, qui tua liberalitate fruuntur, quam tu ipse, qui illis tam multa concedis; sed video tamen apud te causas, vt dixi: rogantium valere plus; quam preces: ab ijsque te moveri maximè, quorum iustissimum dolorem videas in petendo. In Q. Ligario conservando multis tū quidem gratum facies necessarijs tuis: sed hoc quæso considera quod soles, possum fortissimos viros Sabinos tibi probatissimos, totumque agrum Sabinum, florem Italiæ, robur Reipub. proponere, nosti optimè homines, animadvertite horum omnium inestitiam, & dolorem: huius T. Brochi, de quo nō dubito quid existimes lacrymas, squalorēque ipsius, & filij vides. Quid de fratribus dicam? noli Cæsar, putare de vnio capite nos agere, aut tres Ligarij in civitate retinendi sunt, aut tres ex civitate exterminādi: quodvis exiliū his est optatius, quam patria, quam domus,

quām



quàm dij penates vno illo exulâte; si fraternè, si piè, si cum dolore faciunt, moveât te horum lacrymæ moveat germanitas, valeat tua vox illa, quæ vicit: te enim dicere audiebamus, nos, omnes adversarios putore, nisi qui nobiscum essent, te omnes, qui cōtra te non essent tuos. Uidesne igitur hunc splendorē, omnem hanc Brochorū domū, hunc L. Martiū, C. Cæsetium, L. Cornificium hosce omnes equites Rom. qui adsunt veste mutatà, non solūm notos tibi; verō etiam probatos viros qui tecum fuerunt? Atque his maximè irascebamur, & hos requirebamus, & his nō nulli etiam minabantur. Cōserva igitur tuis suos, ut quē admodū cæterà, quæ dicta sunt à te, sic hoc verissimum reperiatur. Quod si penitus perspicere posses cōcordiā Ligariorū omnes fratres tecum iudicantes fuisse. An potest quisquā dubitare, quin si Q. Ligarius in Italia esse potuisset, in eadem sententia futurus fuerit, in qua fratres fuerunt? quis est, qui horū consensum conspirantem, & penè conflatū, in hac prope æqualitate fraterna non voverit? qui hoc non sentiat, quidvis prius futurum fuisse, quam ut fratres diversas sentencias, fortunasque sequerentur? Voluntate igitur omnes tecum fuerunt, tempestate abreptus est vnus vnus, qui si consilio id fecisset, esset eorum similis, quos tu tamen salvos esse voluisti. Sed ierit ad bellum: dissenserit non à te solum, verūm etiam à fratribus, hi te orant tui. Equidem cum tuis omnibus negotijs interesssem, memoriā teneo, qualis qualis tum T. Ligarius Questor vrbani fuit.

rit erga te, & dignitatem tuam; sed parum est hoc meminisse; spero etiam te, qui oblivisci nihil soles, nisi injurias, quoniam hoc est animi, quoniam etiam ingenij tui, te aliquid de huius Quæstoris officio cogitantem etiam de alijs quibusdam. Quæstoribus reminiscendum recordari. Hic igitur T. Ligarius, qui tum nihil egit aliud [neque enim hæc divinabat] nisi, ut tu eum studiosum, & bonum virum iudicares, nunc à te supplex fratris salutem petit: quam huius admonitus officio cum utrique dederis, tres fratres optimos, & integerrimos, non solum sibi ipsos, neque hi; tot, ac talibus viris, neque nobis necessarijs suis, sed etiam Reipub. cundonaveris. Fac igitur, quod de homine nobilissimo, & clarissimo M. Marcello: restituto fecisti nuper in curiâ, nunc quidem in foro de optimis, & huic omni frequentiae probatissimis fratribus: ut concessisti illum senatui, sic da hunc populo, cuius voluntatem carissimam semper habuisti, & si ille dies tibi gloriosissimus, populo Rom. gratissimus fuit, noli obsecro, dubitare, C. Cesar, similem illi gloriæ laudem, quam sæpissimè quærere; nihil est enim tam popolare, quam bonitas, nulla de virtutibus tuis plurimis, nec gratior: nec admirabilior misericordia est: homines enim ad deos nulla re propius accedunt quam salutem hominibus dando, nihil habet, nec fortuna tua maius, quam ut possis; nec natura tua melius, quam ut vellis cōservare quā plurimos. Longiorē orationem causa forsitan postulat, tua certe natura breviorē. Quare cum utilius esse ar-

bi-

bitrer te ipsum, quàm me, autquemquam loqui tecum: finem iam faciam, tantum te ipsum admonebo, si illi absenti salutem dederis, præsentibus his omnibus te daturum.

# PRO REGE DEIOTARO

AD C. CÆSAREM,

## ORATIO.

**C**UM in omnibus causis gravioribus, C. Cæsar initio dicēdi cōmoveri soleā vehemētius, quàm videtur, vel vsus vel ætas mea postulare: tum in hac causā ita me multa perturbant, vt quantum mea fides studij mihi adferat ad salutem Regis Deiotari defendendam, tantum facultatis timor detrahat. Primum dico pro capite, fortunisque Regis: quòd ipsum etsi non iniquum est, in tuo dumtaxat periculo: tamen est ita inusitatum, Regem capitis reum esse, vt ante hoc tempus non sit auctum. Deinde eum Regem, quem ornare antea cuncto cum Srnato solebamus pro perpetuis eius in uostram Rempub. meritis: nunc contra atrocissimu tu crimen cogor defendere. Accedit vt accusatorum alterius crudelitate, alterius indignitate perturbā. Crudelis Castor, ne dicam sceleratum, & impiū, qui nepos avum in discrimen capitis adduxerit ei, a-

do-



# PRO REGE DEIOTARO.

Quamobrem hoc nos primū metu, C. Cæsar, per fidem, & constantiam, & clementiam tuam libera, ne residere in te vllam partem iracundiæ suspicemur. Per dexteram te istam oro, quam regi Deiotaro hospes hospiti porrexisti, istam, inquam, dexteram, non tam in bellis, & in prælijs, quā in promissis, & fide firmiorem. Tu illius domum inire, tu vetūs hospiciū renovare voluisti: te eius dij penates acceperunt: te amicum: & placatum Deiotari regis aræ, focique viderunt. Cū facile exorari Cæsar, tum semel exorari soles: nemo unquam te placavit inimicus, qui vllas resedisse in te simultatis reliquias senserit. Quamquam cui sunt inauditæ cum Deiotaro quærelæ tuæ? nunquam tu illum accusavisti, vt hostem, sed vt amici officio parū functum, quod propensior in Cn. Pompeij amicitiam fuisset, quā in tuam: cui tamen ipsi regi veniam te daturum fuisse dicebas, si tū auxilia Pompeio, vel si etiam filiū mississet; ipse tamen excusatione ætatis vsus esset. Itaque cum maximis eum rebus liberares, per parvā amicitiae culpam relinquebas. Itaque non solum in eum non animaduertisti; sed omni metu liberavisti, hospitem agnovisti, regem reliquisti, neque enim ille odio tui progressus, sed errore cōmuni lapsus est, is Rex, quem Senatus hoc nomine sæpe honorificetissimis decretis appellavisset, quique illum ordinem ab adolescentia gravissimum, sanctissimumque duxisset, iisdem rebus est perturbatus, homo longinquus, & alienigena, quibus nos in media Rep. nati,

sem.

semperque versati; cū audisset senatus consentientis auctoritate arma sumpta: consulibus, prætoribus tribunis Pleb. nobis imperatoribus Remp. defendendam datam: movebatur animo, & vir huic imperio amicissimus de salute populi Rom. extimescebat, in qua etiā suam inclusam esse videbat: summo tamen timore quiescendum sibi esse arbitrabatur; maxime verò perturbatus est, vt audivit cōsules ex Italiā profugisse: omnesque consulares (sic enim nuntiabatur) cunctum senatum, totam Italiam esse effusam; talibus enim nuntijs, & rumoribus patebat ad Orientē via, nec vlli veri subsequerentur: nihil ille de conditionibus tuis, nihil de studio concordiae & pacis, nihil de conspiratione audiebat certorum hominum cōtra dignitatem tuam; quæ cum ita essent, tamen usque eo se tenuit, quoad a Cn. Pompeio ad eum legati, litteræq̃ venerunt. Ignosce ignosce Cæsar si eius viri auctoritati rex Deiotarus cessit, quem nos omnes secuti sumus? in quem cū dij, atq̃ homines omnia ornamenta congestissent, tum tu ipse plurima, & maxima. Neque enim si tuæ res gestæ cæterorum laudibus obscuritatem attulerunt, id circò Cn. Pompeij memoriam amisimus: quantum nomē eius fuerit quantæ opes, quanta in omni genere bellorum gloria, quanti honores populi Rom. quanti senatus, quanti tui, quis ignorat? tanto ille superiores vicerat gloria, quantò tu omnibus præstitisti. Itaque Cn. Pompeij bella, victorias, triumphos, cōsulatus, admirantes numerabamus: tuos enumerare

non possumus. Ad eum igitur rex Deiotarus venit hoc misero, fatalique bello, quem ante iustis, hostilibusque bellis adiuverat, quocum erat non hospitio solum verum etiam familiaritate coniuuctus: & venit vel rogatus ut amicus, vel accersitus ut socius, vel evocatus ut is, qui senatui parere didicisset; postremo venit ut ad fugientem, non ut ad insequentem, id est, ad periculi, non ad victoriae societatem; itaque Pharsalico praelio facto à Pompeio discessit spem infinitam persequi noluit, vel officio, si quid debuerat, vel errori, si quid nescierat, satisfactum esse duxit; domum secontulit: teque Alexandrinum bellum gerente, utilitatibus tuis paruit: ille exercitum Cn. Domitij amplissimi viri, suis tectis, & copijs sustentavit: ille Ephesum ad eum, quem tu ex tuis fidelissimum, & probatissimum omnibus delegisti, pecuniam misit: ille iterum ille tertio auctionibus factis pecuniam dedit, qua ad bellum vteris: ille corpus suum periculo obiecit, tecumque in acie contra Pharnacem fuit, tuumque hostem esse duxit suum. Quæ quidem à te in eam partem accepta sunt, C. Cæsar, ut cum amplissimo regis honore, & nomine affeceris. Is igitur non modo à te periculo liberatus, sed etiam honore amplissimo ornatus arguitur domi te suæ interficere voluisse, quod tu nisi eum furiosissimum iudicas, suspicari profectò non potes. Ut enim ommittere, cuius tanti sceleris fuerit, in conspectu deorum penatium necare hospitem: cuius tantæ importunitatis, omnium gentium, atque omnis memoriae claris-



finum lumen extinguere: cuius tantæ ferocitatis  
 victorem orbis terrarum non extimescere: cuius tam  
 in humani, & ingrati animi, à quo rex appellatus es-  
 set, in eum tyrannum inveniri: vt hæc omitam: cu-  
 ius tanti furoris fuit, omnes reges, quorū multi erāt  
 finitimi, omnes liberos populos, omnes socios, om-  
 nes provincias, omnia denique omnium arma contra  
 se vnum excitare? quoniam ille modo cum regno,  
 cum domo, cum coniuge, cū carissimo filio distrac-  
 tus esset, tanto scelere non modò perfecto, sed etiam  
 cogitato? At credo hæc homo inconsultus, & teme-  
 rarius non videbat. Quis consideratior illo? quis tec-  
 tior? quis prudentior? quamquam hoc loco Deiotar-  
 um non tam ingenio, & prudentia, quàm fide, &  
 religione vitæ defendendum puto. Nota tibi est. C.  
 Cæsar, hominis probitas, noti mores, nota constan-  
 tia. Cui porro, qui modò populi Romani nomen au-  
 divit, Deiotari probitas, integritas, gravitas, virtus,  
 fides non sit audita? quod igitur facinus nec in ho-  
 minem imprudentem cadere posset, propter metum  
 præsentis exitij, nec in facinorosum, nisi esset idem  
 amentissimus, id vos, & à viro optimo, & ab homine  
 minimè stulto cogitatum esse confingitis: at quàm  
 non modò non credibiliter, sed ne suspiciosè quidē?  
 Cū, inquit, in castellum Luceium venisses, &  
 domum regis hospitis tui divertisses, locus erat qui-  
 dam, in quo erant ea composita, quibus rex te mune-  
 rare constituerat: huc te ebalæo, prius quàm accū-  
 beres, ducere volebat: ibi enim erant armati, qui te

interficerent, in eo ipso loco collocati. En crimen, en causa cur regem fugitivus, dominum servus accuset. Ego me hercule, C. Cæsar, initio, cum est ad me ista causa delata, Philippum medicum servum regium, qui cum legatis missus esset, ab ipso adolescente esse corruptum, hac suspitione sum perculsus: medicum indicem subornabit, finget videlicet aliquod crimen veneni: etsi à veritate longe, tamen à consuetudine criminandi non multum res abhorrebat. Quid ait medicus? nihil de veneno; at id fieri potuit primò occultius in potione, vel in cibo, deinde etiam impuniùs fit, quod cum est factum negari potest; si palàm te interemisset omnium in se gentium non solù odia; sed etiam arma convertisset, si veneno Iovis illius quidem hospitalis numen nunquam celare potuisset, homines verò fortasse celavisset. Quod igitur, & occultius conari, & efficere cautiùs potuit, id tibi, & medico callido, & servo, ut pntabat, fidei non credidit: de armis, de ferro, de insidijs celare te noluit? At quam festivè crimen contexitur? Tua te, inquit, eadem, quæ semper fortuna servavit, negavisti tum te inspicere velle: quid postea an Deiotarus re illo tempore non perfecta, continuo dimisit exercitum? nullus erat alius insidiandi locus? At eodem te, cum cœnavisses, reditum dixeras: itaque fecisti: horam unam, aut duas eodem loco armatos, ut collocati fuerant, retinere magnum fuit? cum in convivio comiter, & iucunde fuisses, tum illuc iuisti, ut dixeras. Quo in loco Deiotarum talem erga te cognovisti, qua-

qualis rex Attallus in P. Africauum fuit, cui magnificentissima dona, vt scriptum legimus, vsque ad Numantiam misit ex Asia; quæ Africanus inspectante exercitu accepit. Quod cum præsens Deiotarus regio, & animo, & more fecisset, tu in cubiculum discessisti. Obsecro, C. Cæsar, repete temporis illius memoriam, pone illum ante oculos diem, vultus hominum te intuentium, atque admirantium recordare; numquæ trepidatio? num qui tumultus? num quid, nisi moderatè, nisi quiete, nisi ex hominis gravissimi, & sanctissimi disciplinæ? Quid igitur causæ excogitari potest cur te lautum voluerit, coenatum noluerit occidere? in posterum, inquit, diem distulit, vt cum in castellum Luccium ventum esset, ibi cogitata perficeret. Non video causam loci mutandi, sed tamen acta res criminosè est. Cum inquit, movere post coenam velle te, dixisses in balneum te ducere cœperunt: ibi enim erant insidiæ, at te eadem tua fortuna servavit: in cubiculum te ire malle dixisti. Dij te perdant fugitive: ita nō modo nequam, & improbus, sed, & fatuus, & amens es. Quid ei? signa ænea insidijs posuerat, quæ è balneo in cubiculum transferri non possent? Habes crimina insidiarum; nihil enim dixit amplius. Horum inquit, eram cōsilius, quid tum? ita demens ille erat, vt eum, quem consciū tanti sceleris habebat, a se dimitteret? Romanam etiam mitteret, vbi, & inimicissimum sciret esse nepotem suum, & C. Cæsarem, cui fecisset insidias: præsertim cum is vnus esset, qui posset de ab-



sente se vindicare? Et fratres meos, inquit, quod erāt  
 conscij, in vincula coniecit. Cū igitur eos vinciret,  
 quos secum habebat, te solutum Romam mittebat,  
 qui eādem scires quæ, illos scire dicis? Reliqua pars  
 accusationis duplex fuit: vna, regem semper inspecu-  
 lis fuisse, cū a te animo esset alieno: altera, exerci-  
 tum eum contra te magnum comparasse. De exer-  
 citu dicam breviter, vt cetera. Numquam eas copias  
 Rex Deiotarus habuit, quibus inferre bellum popu-  
 lo Romano posset: sed quibus fines suos ab excursio-  
 nibus hostium, & latrocinij tueretur, & imperato-  
 ribus nostris auxilia mitteret, atque antea quidem  
 maiores copias alere poterat, nunc exiguas vix tueri  
 potest. At misit ad Cæliū nescio quem: sed eos, quos  
 misit, quod ire nōluerunt, in vincula coniecit. Non  
 quæro, quam verisimile sit, aut non habuisse regem,  
 quos mitteret: aut eos quos misisset, nō paruisse: aut  
 qui dicto audientes in tanta re non fuissent eos vinc-  
 tos potius, quam necatos fuisse. Sed tamen cum ad  
 Cælium mittebat, utrū causam illam victā esse nes-  
 ciebat, an Cælium istum magnum hominem puta-  
 bat? quem profecto is, qui optimè nostros homines  
 novit, vel quia non nosset, vel si nosset, cōtem-  
 neret. Addidit etiam illud, equites non optimos  
 misisse tibi: veteres, credo, Cæsar: nihil ad tuū equi-  
 tatum: sed misit exijs, quos habuit, electos. Ait nes-  
 cio quem ex eo numero, servum iudicatum. non ar-  
 bitror: non audiui: sed in eo etiam si accidisset, culpā  
 regis nullam fuisse arbitrarer. Alieno autē a te animo  
 fuit,

fuit, quomodo? speravit, credo, difficiles tibi Alexandriæ fore exitus propter regionis naturam, & fluminis. At eo ipso tempore pecuniam dedit, exercitum aluit, quem Asiæ præfeceras, ei nulla in re defuit; tibi victori non solum ad hospitium: sed ad periculum etiam, atque ad aciem præstô fuit, Secutum est bellum Africanum: graves de te rumores sparsi: qui etiam furiosum illum Cælium excitaverunt, quatum erga te rex animo fuit qui auctionatus sit seseque, & filium suum expoliare maluerit, quam tibi pecuniam non subministrare? At eo, inquit, tempore ipso Nicæam Ephesumque mitrebat, qui rumores Africanos exciperent, & celeriter ad se referrent. Itaque cum esset ei nuntiatum, Domitium naufragio periisse, te in castello circumfideri: de Domitio dixit versum Græcum eadem sententiâ, quâ etiam nos habemus Latinum: *Pereant amici, dum unâ inimici intercidant*, quod ille, si esset tibi inimicissimus, nunquam tamen dixisset, ipse enim mansuetus, versus immanis. Qui autem Domitio poterat esse amicus, tibi esset inimicus? tibi porro inimicus cur esset, à quo cum vel interfici belli lege potuisset, regem, & se, & filium suum constitutos esse meminisset? Quid deinde furcifer? quò progreditur? ait hac lætitiâ Deiotarum elatum vino se obruisse, in convivioque nudum saltavisse. Quæ crux huic fugitivo potest satis supplicij adferre? Deiotarum saltantem quisquâ, aut ebrium vidit unquam? omnes sunt in illo regiæ virtutes: quod te, Cæsar, ignorare non arbitror: sed

sed præcipue singularis, & admiranda frugalitas, etsi hoc verbo scio laudari reges non solere. Frugi hominem dici non multum habet laudis in rege, fortem, iustum, severum, gravem, magnanimum, largum, beneficum, liberalem: hæ sunt regiae laudes, illa privata est. Ut volet quisque accipiat ego tamen frugalitatem, id est, modestiam, & temperantiam, virtutem esse maximam iudico, hæc in illò est ab ineunte ætate, tum à cuncta Asia, tum à magistratibus, legatisque nostris, tum ab equitibus Romanis, qui in Asia negotiati sunt perspecta, & cognita. Multis ille quidem gradibus officiorum erga Rempublicam nostram ad hoc regium nomen ascendit: sed tamen quidquid à bellis populi Romani vacabat, cum hominibus nostris consuetudines, amicitias, res, rationesque iungebat, ut non solum tetrarcha nobilis, sed optimus pater familias, & diligentissimus agricola, & pecuarius haberetur. Qui igitur adolescens nondum tantam gloriam præditus nihil umquam, nisi severissimè & gravissime fecerit, is ea existimatione, eaque ætate saltavit? Imitari potius Castor avi tui mores, disciplinam que debebas, quam optimo. & clarissimo viro fugitivi ore maledicere. Quod si saltatorem avum habuisses, neque eum virum, unde pudoris, pudicitiae que exempla peterentur, tamen hoc maledictum minime in illam ætatem conveniret: quibus ille studiis ab ineunte ætate se imbuerat, non saltandi, sed benè ut armis, optimè ut equis vteretur: ea tamen illum cuncta iam ætate exacta defecerant.



Itaque Deiotarum cum plures in equum sustulisset, quod hærere in eo senex posset, admirari solebamus. Hic verò adolescens, qui meus, in Cilicia miles, Græcia comilito fuit, cum in illo nostro exercitu equitaret cum suis delectis equitibus, quos vnâ cum eo ad Pompeiû pater miserat, quos concursus facere solebat! quâ se iactare! quâ se ostnetare! quâ nemini in illâ causâ studio, & cupiditate concedere! cum verò exercitu amisso, ego, qui pacis autor semper fui, post Pharsalicû autem prælium suator fuissem armorum nō deponendorû, sed abijciendorum, hunc ad meam authoritatem non potui adducere, quod, & ipse ardebat studio ipsius belli, & patri satisfaciendum esse arbitrabatur. Felix ista domus, quæ non impunitatem solum adepta sit, sed habet etiam accusandi licentiâ: calamitosus Deiotarus, qui et ab eo, qui in iisdē castris fuit, nō modò apud te; sed etiam a suis accusetur! vos vestrâ secundâ fortunâ, Castor non potestis sine propinquorum calamitate esse contenti. Sint sanè inimiciæ, quæ, esse non debebant. Rex enim Deiotarus vestram familiam abiectam, & obscuram è tenebris in lucem vocavit: quis tuum patrem antea qui esset, quâ cuius gener esset audivit? Sed quâvis ingrâtè, & impie necessitudinis nomen repudiaretis, tamè inimicitias hominum more gerere poteratis, nō ficto crimine insectari, non expectere vitam, nō capitis arcessere. Esto, concedatur, hæc quoq; accerbitatis, & odij magnitudo: adeo ne, vt etiam omnia vitæ salutisque cōmunis, atq; etiam humanitatis iura violentur.

servum sollicitare verbis: spe, promissisq̃ corrumpere, adducere domũ, contra dominum armare: hoc est, non vni propinquo; sed omnibus familijs bellum nefarium indicere: nam ista corruptela servi, si non modo impunita fuerit, sed etiam à tantà authoritate approbata, nulla iura custodiẽt: vbi enim id quod intus est, atq̃ nostrum, impunẽ evolare potest, contraq̃ nos pugnare: fit in dominatu servitus in servitute dominatus. O tempora, ò morẽs! Cn. Domitius ille, quem nos pueri consulem, cenforem, pontificem maximum vidimus, cũ tribunus plebis M. Scaurum principem civitatis in iudicium populi vocavisset. Scaurique servus ad eum clam domum venisset, & crimine in dominum delaturum se esse dixisset, comprehendi hominem iussit. ad Scaurumque deduci, Vide quid intersit (etsi inique Castorem cum Domitio comparo) sed tamen ille inimico servum remisit, tu ab avo abduxisti: ille incorruptum audire noluit, tu corrupisti: ille adiutorem servum contra dominum repudiavit, etiam accusatorem adhibuisti. At semel iste est corruptus à vobis? nonne cum esset productus testis, & cũ tecum fuisset, refugit ad legatos? nonne etiam ad hunc Cn. Domitium venit? nonne audiente hoc Ser. Sulpitio clarissimo viro, qui tum casu apud Domitium cœnabat, & hoc T. Torquato optimo adolescente, se à te corruptum, tuis promissis in fraudem impulsus esse, confessus est? Quæ est ista tã impudens, tam crudelis, tam immoderata inhumanitas? Idcirco in hanc

urbem venisti, ut huius urbis iura, & exempla corrumperes, domesticâque tuâ inhuminitate nostræ civitatis humanitatem in quinares? At quam acute collecta crimina? Bleſa mius, inquit (eius enim nomine optimi hominis, nec tibi ignoti, maledicebat tibi) ad regem, inquit, scribere solebat, te invidiosè tyrannum existimari, statuâ inter reges posita animos hominû vehementer offensos: plauditi tibi nō solere. Nonne intelligis, Cæsar, ex urbanis mâlevolorum sermunculis hæc ab istis esse collecta? Bleſamius tyrannus Cæsarem scriberet? multorum enim civium capita viderat: multos iussu Cæsaris vexatos, verberatos, necatos: multas afflictas, & everſas domos: armatis militibus refertum forum: quæ semper in civili victoriâ sensimus: ea te victore non vidimus: solus, inquam, es, Cæsar, cuius in victoriâ ceciderit nemo nisi armatus, & quem liberi in summa Reipub. libertate nati non modo non tyrannum, sed etiam clementissimum in victoriâ videmus ducem: is Bleſamio, qui vivit in regno tyrannus videri potest? Nam de statuâ quis quæritur, vna præsertim, cûm tam multas videat? valde enim in videndum est eius statuæ, cuius trophæis non invidemus. Nam si locus adfert invidiam, Nullus locus est, ad statuam quidem, rostris elatior. De plausu autem quid respondeam? qui nec desideratus vnquam à te est, & nonnumquam obstupefactis hominibus ipsâ admiratione compressus est, & fortasse eò prætermisus, quia nihil vulgare te dignum videri potest. Nihil à me arbitror prætermisû,

sed



sed aliquid ad extremam causæ partem reservatum, id autem aliquid est: te vt plane Deiotaro reconciliet oratio mea. Non enim iam metuo, ne tu illi succenses: illud vereor, ne tibi illum succensere aliquid suspicere, quod abest longissime, mihi crede Cæsar: quid enim retineat per te, meminit, non quid amiserit, neque se á te multatum arbitratur, sed, cùm existimaret multis tibi multa esse tribuēda, quo minus à se, qui in altera parte fuisset, ea sumeres, non recusavit. Etenim si Antiochus magnus ille Rex Asiæ, cum postea, quàm a Scipione devictus Tauro tenus regnare iussus esset, omnemque hanc Asiam, quæ est nunc nostra provincia, amisisset: dicere est solitus, benigne sibi a populo Rom. esse factum, duod nimis magnà procuratione liberatus, modicis regni terminis vteretur: potest multò facilius se Deiotarus consolari. Ille enim furoris multam sustinuerat, hic erroris. Omnia tu Deiotaro, Cæsar, tribuisti, cum & ipsi, & filio nomen regium concessisti. Hoc nomine retento, atque conservato, nullum beneficium populi Rom. nullum iudiciũ de se senatus imminutum putat: magno animo, & erecto est, nec vnquam succumbet inimicis, ne fortunæ quidem. Multa se arbitratur, & peperisse antea factis, & habere in animo, atque virtute, quæ nullo modo possit amittere; quæ enim fortuna; aut quis casus, aut quæ tanta possit iniuria omnium imperatorum de Deiotaro decreta delere? ab omnibus enim est ornatus, qui postquam in castris esse potuit per ætatem, in Asia

Asia, Cappadocia, Ponto, Cilicia, Syria, bella gesserunt, Senatus vero iudicia de illo tam multa, tamque honorifica. quæ publicis populi Rom. litteris monumentisque consignata sunt, quæ vñquam vetustas obruet, aut quæ tanta delebit oblivio? Quid de virtute eius dicam? quid de magnitudine animi, gravitate, constantia? quæ omnes docti atque sapientes summa, quidam etiam sola bona esse dixerunt; hisque non modò ad bene, sed etiam ad beate vivendū contentam virtutem esse. Hæc ille reputans, & dies, & noctes cogitans. non modo tibi non succenset (esset enim non solum ingratus, sed etiam amens) verum omnem tranquillitatem, & quietem senectutis acceptam refert clementiæ tuæ: Quo quidem animo cū antea fuerit, tum non dubito quin tuis litteris, quarum exemplum legi, quas ad eum Tarracone huic Blesamio dedisti, se magis etiam erexerit, ab omni solitudine abstraxerit: iubes enim eum benè sperare, & bono esse animo: quod scio te non frustra scribere solere: memini enim iisdem ferè verbis ad me te scribere, meque tuis litteris benè sperare non frustra esse iussum. Laboro equidem regis Deiorari causā, quo cum mihi amicitiam Respubl. conciliavit, hospitium voluntas utriusque coniunxit, familiaritatem consuetudo attulit, summam verò necessitudinē magna eius officia in me, & in exercitum meum effecerunt, sed cum de illo laboro, tum de multis amplissimis viris, quibus semel esse ignotū a te oportet, nec beneficium tuum in dubium voca-

ri: nec hæere in animis hominum sollicitudinē sempiternam, nec accidere, vt quisquam te timere incipiat eorum, qui semel à te sint liberati timore. Non debeo, C. Cæsar, quod fieri solet in tantis periculis, tentare, quonam modo dicendo, misericordiam tuā commovere possim, nihil opus est: occurrere ipsa solet supplicibus, & calamitosis, nullius oratione evocata. Propone tibi duos reges, & id animo contemplare, quod oculis non potes, dabis profectó misericordix, quod iracundiæ negavisti. Multa sunt tuæ clementiæ monimenta: sed maximè eorum incolumitatis, quibus salutem dedisti. Quæ si in privatis gloriosa sunt, multó magis commemorabuntur in regibus: semper regium nomen in hac civitate sanctum fuit: sociorum veró regum, & amicorum, sanctissimum. Quod nomen hi reges ne amitterent, te victore, timuerunt: retentum, & à te confirmatum posteris etiam suis tradituros esse confido. Corpora veró sua pro salute regum suorum hi legati tibi regij tradunt. Hieras, & Blesamius, & Antigonus, tibi nobisque omnibus iam diu noti, eademque fide, & virtute præditus Dorylaus, qui nuper cum Hiera legatus est ad te missus, tum regum amicissimi, tum tibi etiam, vt spero probati. Exquire de Blesamio, numquid ad regem contra dignitatem tuam scripserit. Hieras quidem causam omnem suscipit, & criminibus illis, pro rege se supponit reum: memoriam tuam implorat, qua vales plurimum, negat vnquam se, à te in Deiotari tetrarchia pedem discessisse: in



## ORATIO

primis finibus tibi se prestò fuisse dicit, vsque ad vltimos profecutum: cùm è balneo exisses, tecùm se fuisse: cum illa munera inspexisses cœnatus: cùm in cubiculo recubuisses: eandemque assiduitatem tibi se præbuisse postridiè. Quamobrem, si quid eorùm quæ obiecta sunt, cognitum sit, non recusât, quin id facinus suum iudices. Quocircà, C. Cæsar, velim existimes, hodierno die sententiam tuam, aut cum summo dedecore miserrimam pestem importaturam esse regibus, aut incolumè famam cum salute; quorum alterum optare illorum crudelitatis est: alterum conservare clementiæ tuæ.



# IN M. ANTONIVM

## PHILIPPICA I.

## ORATIO.

**A**Ntequàm de Repub. Patres conscripti, dicam ea, quæ dicenda hoc tempore arbitror, exponam vobis breviter consiliùm, & perfectionis, & reversionis meæ. Ego cùm sperarem aliquandò ad vestrum consiliùm, authoritatemque Rempub. esse revocatam, manendum mihi

## IN M. ANTONIVM

hi statuebam, quasi in vigiliâ quadam consulari, ac senatoriâ: nec verò vsquam discedebâ, nec à Republ. deiiciebam oculos ex eo die, quo in ædem Telluris convocati sumus, in quo templo, quantû in me fuit ieci fundamenta pacis, Atheniensiumque renovavi vetus exemplum. Græcum etiam verbum vsurpavi quod tum in sedandis discordijs vsurpaverat civitas illa, atque omnem memoriam discordiarum oblivione sempiternâ dolendam censui. Præclara tum oratio M. Antonij: egregia etiam voluntas: pax denique per eum, & per liberos eius cû præstantissimis civibus cõfirmata est. Atque his principijs reliqua consentiebant: ad deliberationes eas, quas habebat domi de Repub. principes civitatis adhibebat, adhunc ordinẽ res optimas deferebat; nihil tum, nisi quod erat notum omnibus, in C. Cæsaris commentarijs reperiabatur: summâ constantiâ ad ea quæ quæsitâ erant, respondebat. Numqui exules restituit? vnum aiebat, prætereà neminem. Num immunitates datæ? nullæ respondebat. Assentiri etiam nos Ser. Sulpitio clarissimo viro voluit, nequa tabula post Idus Martias vllius decreti Cæsaris, aut beneficij figeretur. Multa prætereo, eaque præclara: ad singulare enim M. Antonij factum festinat oratio. Dictaturam, quæ vim iam regiæ potestatis obsederat, funditus ex Repub. substulit: de qua ne sententias quidẽ diximus, scriptum senatusconsultum, quod fieri vellet, atulit, quo recitato, auctoritatem eius summo studio secuti sumus, eique amplissimis verbis per senatus cõ-

sul-

sultum gratias egimus. Lux quædam videbatur oblata, non modo regno, quod pertuleramus, sed etiâ regni timore sublato: magnumque pignus ab eo Reip. datum, se liberam civitatem esse velle, cûm Dictatoris nomen, quod sæpè iustum fuisset, propter perpetuæ dictaturæ recentem memoriam funditus ex Republ. sustulisset. Liberatus cædis periculo paucis post diebus senatus, vncus impactus est fugitivo illi, qui in C. Marij nomen invaserat. Atque hæc omnia communiter cum collega, alia porrò propria Dolabell. quæ nisi collega abfuisset, credo eis fuisse futura communia. Nam cûm serperet in vrbe infinitum malum, idque manaret in dies latiùs: ijdemque bustum in foro facerent, qui illam insepultam sepulturam effecerant, & quotidie magis, magisque perditioni homines, cum sui similibus servis, tectis, ac templis vrbis minarentur: talis animadversio fuit Dolabellæ, cûm in audaces, sceleratosque servos, tum in impuros, & nefarios liberos, talisque everfio illius execratæ columnæ, vt mirum mihi videatur, tam valdè reliquum tempus ab illo vno die dissensisse. Ecce enim Kal. Junij, quibus vt adestemus, edixerat, mutata omnia: nihil per senatum: multa & magna per se ipsum & absente populo, & invito. Consules designati se audere negabant in senatum venire: patriæ liberatores vrbe carebant eâ, cuius acerbissimû iugû cervice deiecerant; quos tamen ipsi consules, & in concionibus, & in omni sermone laudabant. Veterani, qui appellabantur, quibus hic ordo diligentissimè cav-

erat,



verat nō ad conservationem earum rerum, quas ha-  
 bebant, sed ad spem novarum prædarum incitaban-  
 tur. Quæ cum audire mallet, quàm videre, haberẽ-  
 que ius legationis liberum, eâ mente discessi, vt a-  
 dessem Kal. Ianuar. quod initium senatus cogendi  
 fore videbatur. Exposui P.C. profectionis consiliũ:  
 nunc reversionis, quæ plus admirationis habet, bre-  
 viter exponam. Cum Brundisium, iterque illud,  
 quod tritum in Græciam est, non sine causa vitavif-  
 sem, Kal. Sextilibus veni Syracusas, quod ab vrbe eâ  
 transmissio in Græciam laudabatur, quæ tamen mi-  
 hi vrbs coniuncta Roma plus vnâ me nocte cupiens  
 retinere, non potuit: veritus sum, ne meus repenti-  
 nus ad meos necessarios adventus suspicionis aliquid  
 afferret, si essem commoratus. Cum autem me ex  
 Sicilia ad Leucopetram, quod est promontorium a-  
 gri Rhegini, venti detulissent, ab eo loco conscendi,  
 vt transijcerem: nec ita multum provectus, reiec-  
 tus austro sum in eum ipsum locum, vnde conscen-  
 deram, cumque intempesta nox esset, mansissemque  
 in villa P. Valerij comitis, & familiaris mei, postri-  
 diè apud eundem, ventum spectans manerem, mu-  
 nicipes Rhegini complures ad me venerunt, ex his  
 quidam Romæ recentes: à quibus primùm accipio  
 M. Antonij concionem: quæ ita mihi placuit, vt ea  
 lecta, de reversione primùm cœperim cogitare: ita  
 multò post edictum Bruti affertur, & Casij, quod  
 quidem mihi fortassè quod eos etiam plus Reip. quàm  
 familiaritatis gratiâ diligo, plenum æquitatis videba-

tur. Addebant præterea (fit enim plerumque, vt ij, qui boni quid volunt afferre, affingant aliquid, quo faciant id quod nunciant lætius) rem conventuram: Kalend. Sextilibus senatum frequentem fore: Antonium, repudiatis malis suasoribus, remissis Gallijs provincijs, ad auctoritatem senatus esse rediturum. Tum verò tanta sum cupiditate incensus ad reditū, vt mihi nulli neque remi, neque venti satisfacerent: nō quod me ad tempus occursum non putarē, sed ne tardiū, quā cupērem, Reip. gratularer. Atque ego celeriter Ueliam deuectus Brutum vidi; quanto meo dolore, non dico: turpe mihi ipsi videbatur in eam urbem me audere reverti, ex qua Brutus excederet: & ibi velle tutō esse, vbi ille non posset. Neque verò illum similiter, atque ipse eram, commotū esse, vidi, eiectus enim maximi ac pulcherrimi facti conscientia; nihil de suo casu, multa de nostro quebatur, ex quo primū cognovi, quæ Kalend. Sextilibus in Senatu fuisset L. Pisonis oratio: qui quamquam parum erat (id enim ipsum a Bruto audieram) a quibus debuerat adiutus: tamen, & Bruti testimonio (quo quid potest esse grauius?) & omnium prædicatione, quos postea vidi, magnam mihi videbatur gloriam consecutus. Hunc igitur vt sequeretur properavi, quem præsentibus non sunt secuti: non vt proficerem aliquid (neque enim sperabam id, neque præstarem) sed vt, si quid mihi humanitūs accidisset (multa autem impendere videbantur præter naturā etiam, præterque fatum) huius diei vocem testem Reip.

## IN M. ANTONIVM

Reip. relinquerem meæ perpetuæ erga se voluntatis. Quoniam ytriusque consilij causam P. C. probatam vobis esse confido, prius quàm de Republica dicere incipio, pauca querar de hesternâ M. Antonij iniuriâ, cui sum amicus: idque non nullo eius officio debere esse, etiam præ me semper tuli. Quid tandem erat causæ, cur in senatum hosterno die tam acerbè solus cogerer? solus aberam: non sæpè minus frequentes fuistis? an ea res agebatur, vt etiam ægrotos deferri oporteret? Annibal, credo, erat ad portas, aut de Pyrrhi pace agebatur: ad quam causam etiam Appium illum & cæcum, & senem delatum esse memorix proditum est. De supplicationibus referabatur, quo in genere senatores deesse non solent. Coguntur enim non pignoribus, sed eorum, quorum de honore agitur, gratiâ: quod idem fit, cùm de triûpho refertur: ita sine curâ consules sunt, vt penè liberum sit senatori non adesse: qui cum mihi mos natus esset, eumque è viâ languerem, & mihi met displicerem, nisi pro amicitia, qui hoc ei diceret. At ille vobis audientibus cum fabris se domum meam venturum esse dixit, nimis iracundè hoc quidem, & valde intemperanter: cuius enim maleficij ista poena est; vt dicere in hoc ordine auderet, se publicis operis disturbaturû publicè (heu) senatus sententiâ ædificatam domum? quis autem vnquam tanto dampno senatorem coegit? aut quid est vltrà pignus, aut multam? quod si scisset quam sententiam dicturus essem, remisisset aliquid profectò de severitate cogendi. An



me cenſetis. P. C. quòd vos inviti ſecuti eſtis, decre-  
 turum fuiſſe? vt parentalia cum ſupplicationibus  
 miſcerentur? vt inexpriables religiones in Rēpublicā  
 inducerentur? vt decernerētur ſupplicationes mor-  
 tuo. Nihil dico, quis fuerit ille L. Brutus, qui & ipſe  
 regio dominatu Rempublicam liberavit, & ad ſimi-  
 lem virtutem, & ſimile factum ſtirpem iam propè in  
 quingentefimum annum propagavit: adduci tamen  
 non poſſem, vt quemquam mortuum coniungerem  
 cum deorum immortalium religione: vt cuius ſepul-  
 crum nuſquam extet, vbi parentetur, ei publicè ſup-  
 plicetur. Ego verò eam ſententiam dixiſſem, Patres  
 conſcripti, vt me adverſus Populum Romanum ſi  
 quis accidiffet gravior Reipublicæ caſus, ſi bellum,  
 ſi morbus, ſi fames, facilè poſſem defendere, quæ par-  
 tim iam ſunt, partim timeo ne impendeant. Sed hoc  
 ignoſcant dii immortales, velim, & Populo Roma-  
 no, qui id non probat, & huic ordini, qui decrevit in-  
 vitus. Quid? de reliquis Reipubl. malis licet ne dice-  
 re? mihi verò licet, & ſemper licebit, dignitatem tue-  
 ri, mortem contemnere; poteſtas modò veniendi in  
 hunc locum ſit, dicendi periculum non reuſo. At-  
 que vtinam P. C. Kalend. Sextilibus aſſeſſe potuiſ-  
 ſem: non quòd profici potuerit aliquid, ſed ne vnus  
 modò conſularis, quod tum accidit, dignus illo ho-  
 nore, dignus Repub. inveniretur. Qua quidem ex  
 re magnum accipio dolorem, homines ampliffimis  
 Populi Rem. beneficijs vſos, L. Piſonem ducem op-  
 timæ ſententiæ non ſecutos. Id circò ne nos Populus

## IN M. ANTONIVM.

**R**omanus consules fecit, vt in altissimo, amplissimo-  
que gradu dignitatis locati Rempub. pro nihilo ha-  
beremus? non modò voce nemo L. Pisoni consula-  
ris, sed ne vultu quidē assensus est. Quæ nam (aiūt)  
est ista voluntatis servitus? fuerit quædam necessa-  
ria: nec ego hoc ab omnibus ijs desidero, qui senten-  
tiam loco cōsulari dicunt: alia causa est eorum, quo-  
rum vocem requiro, quos quidem doleo in suspicio-  
nem Populo Rōm. venire, non modò metus, quod  
ipsum esset turpe, sed alium aliā de causā deesse dig-  
nitati suæ. Quare primū maximas gratias, & ha-  
beo, & ago L. Pisoni, qui non quid efficere posset in  
Rep. cogitavit, sed quid ipse facere deberet: deinde  
à vobis P.C. peto, vt etiā si sequi minū audebitis  
orationem, atque authoritatem meam, benignè me  
tamen, vt fecistis adhuc, audiatis. Primū igitur  
acta Cæsaris servanda censeo, non quò probem: quis  
enim id quidem potest? sed quia rationem habendā  
maximè arbitror pacis, atque otij. Vellem adesset  
Antonius modò sine advocatis; sed, vt opinor, licet  
ei minus valere: quod mihi heri per illum non lice-  
bat: doceret me, vel potiūs vos P. C. quemadmodū  
ipse Cæsaris acta defenderet. An in commentariolis;  
& chirographis, & libellis, se vno authore, prolatis,  
nec prolatis quidem, sed tantū modò dictis, acta Cæ-  
saris firma erunt: quæ ille in æs incidit in quo popu-  
li iussa, perpetuasque leges esse voluit, pro nihilo ha-  
bebuntur? Equidem sic existimo nihil tam esse in  
actis Cæsaris, quàm leges Cæsaris: an, si cui quid il-  
le

le promissit, id erit fixum? quod idem facere nō potuit, vt multis multa promissa non fecerit, quæ tamen multo plura reperta sunt illo mortuo, quam vivo beneficia per omnes annos tributa, & data; sed ea non muto: non moveo: summo etiam studio præclara illius acta defendo: pecunia utinam ad Opem maneret, cruenta illa quidem: sed his temporibus, cum his, quorum est, non redditur, necessaria: quamquæ ea quoq; sit effusa, si ita in actis eius fuit. Ecquid est, quod tam propriè dici possit actum eius, qui togatus in Rep. cum potestate, imperioque versatus sit, quæ lex? quære acta Gracchi: leges Sempronij proferentur: quære Syllæ: Cornelie: quid? Cn. Pompeij tertius, consulatus in quibus actis consistit? nempe in legibus: a Cæsare ipso si quæreres quidnam egisset in vrbe, & in toga; leges multas responderet se, & præclaras tulisse: chirographa verò, aut mutaret, aut non daret, aut si dedisset, non istas res in actis suis duceret. Sed ea ipsa concedo: quibusdam in rebus etià conniveo: in maximis verò rebus, id est, legibus, acta Cæsaris dissolui, ferendum nō puto. Quæ lex melior, utilior, optimà etiam Rep. sæpius flagitatâ, quàm ne prætorie provincie plus quàm annum, ne vel plus, quàm biennium consulares obtinerentur. Hac lege sublata, videntur ne vobis acta Cæsaris servari? quid? ea lege, quæ promulgata est de tertia decuria iudicū, nonne omnes iudiciarie leges Cæsaris dissolvuntur? Et vos acta Cæsaris defenditis, qui leges eius evertitis? nisi fortè si quid memorie causa re-



tulit in libellum, id numerabitur in actis, & quamvis iniquum, & inutile sit, defendetur: quod ad populum centuriatis comitijs tulit, id in actis Cæsaris non habebitur. At quæ est ita tertia decuria? Centurionum, inquit: quid? isti ordini iudicatus lege Iuliâ, etiam ante Pompeiâ, Aurelia non patebat? Censui præfiniebatur, inquit: non centurioni quidê solum, sed equiti etiam Romano. Itaque viri fortissimi, atque honestissimi, qui ordines duxerunt, res, & iudicant, & iudicaverunt. Non quæro, inquit, istos; quicumque ordinem duxit, iudicet: At si fere-tis, quicumque equo meruisset, quod est laudatius, nemini probaretis: in iudice enim spectari & fortuna debet, & dignitas. Non quæro, inquit, ista: addo etiam iudices manipulares ex legione Alaudarum. Aliter enim nostri negant posse se salvos esse. O contumeliosum honorem ijs, quos ad iudicandum nec opinantes vocatis! hic enim est i legis index, ut ij in tertia decuria iudicent, qui liberè iudicare non audeant: in quo quâtus est error, dii immortales, eorum, qui istam legem excogitaverunt! ut enim quisque sordidissimus videbitur, ita libentissimè, severitate iudicandi, sordes suas eluet: laboravitque ut honestis decurijs potiùs dignus videatur, quàm in turpem iure coniectus. Altera promulgata lex est, ut, & de vi, & de maiestate damnati, ad populû provocent, si velint: hæc utrûm tandem lex est, an legum omnium dissolutio? quis est hodie, cuius intersit istam legem manere? nemo reus est legibus il-

lis: nemo est, quem futurum putemus; armis enim gesta, nunquam profectó in iudicium vocabuntur. At res popularis, vtinam quidem vellet is aliquid esse popolare; omnes enim iam cives de Reip. salute, vnâ, & mente, & voce consentiunt. Quæ est igitur ista cupiditas legis eius ferendæ, quæ turpitudinem summam habeat, gratiam nullam? quid enim turpius, quàm qui maiestatem Populi Romani per vim minuerit, eum damnatum iudicio, ad eam ipsam vim reverti, propter quam sit iure damnatus? Sed quid plura de lege disputo? quasi veró id agatur, vt quisquam provocet; id agitur, id fertur, ne quis omninó vnquam istis legibus reus fiat. Quis enim aut accusator tam amens reperietur, qui, reo condemnato, obijci se multitudini conductæ, velit? aut iudex, qui reum damnare audeat, vt ipse ad operas mercenarias statim protrahatur? Non igitur provocatio istâ lege datur: sed duæ maximè salutare leges, quæstionesque tolluntur. Quid est igitur aliud, quàm adhortari adolescentes, vt turbulenti, vt seditiosi, vt perniciosi cives velint esse? quam autem ad pestem furor tribunitius impelli non poterit, his duabus quæstionibus de vi, & de maiestate sublati? Quid, quód abrogatur his legibus Cæsaris, quæ iubent ei, qui de vi, itemque ei, qui maiestatis damnatus sit, aqua, & igni interdici? quibus cum provocatio datur, non ne acta Cæsaris rescinduntur? Quæ quidem ego P. C. qui illa nunquam probavi, ita conservanda concordia causa arbitratus sum, vt non modó, quas vi-

## IN M. ANTONIVM

**V**us Cæsar leges tulisset, infirmandas hoc tempore nō  
 putarē; sed ne illas quidem, quas post mortē Cæsarīs  
 prolatas esse, & fixas videtis. De exilio reducti sunt  
 à mortuo, civitas data non solum singulis, sed etiam  
 nationibus, & provincijs vniversis à mortuo immu-  
 nitatibus infinitis sublata vectigalia à mortuo. Ergo  
 hæc vno, verum optimo authore, domo prolata de-  
 fendimus: eas leges, quas ipse, vobis inspectantibus,  
 recitavit, pronuntiavit, tulit, quibus latis gloriabatur,  
 ijsque legibus Remp. contineri putabat de provin-  
 cijs, de iudicijs, eas, inquam, Cæsarīs leges nos, qui  
 defendimus acta Cæsarīs, evertendas putamus? Ac  
 de ijs tamen legibus, quæ promulgatæ sunt saltem  
 queri possumus: de ijs, quæ iam latæ dicuntur, ne il-  
 lud quidem licuit; illæ enim nulla promulgatione  
 latæ sunt, ante quàm scriptæ. Quærunť, quid sit, cur,  
 aut ego, aut quisquam vestrum P. C. bonis Tribu-  
 nis plebis leges malas metuat, paratos habemus, qui  
 intercedāt, paratos qui Remp. religione defendant:  
 vacui metu esse debemus. Quas mihi intercessionēs,  
 inquit, quas Religiones nominas? eas scilicet, quibus  
 Reip. salus continetur. Negligimus ista, & nimis an-  
 tiqua, & stulta ducimus: forum sepietur, omnes clau-  
 dentur aditus: armati in præsidijs multis in locis col-  
 locabuntur; quid tum? quod erit ita gestum, id lex  
 erit, & in æs incidi iubetis? cedo illa legitima: *Consules*  
*populum iure rogaverunt:* hoc enim à maioribus accepi-  
 mus ius rogandi. *Populusque iure scivit,* qui populus?  
 ijsne, qui exclusus est? quo iure? an eo quod vi, & ar-  
 mis



mis omne sublatum est? Arque hæc dico de futuris: quod est augurum, ante dicere ea, quæ vitari possint, quasi facta non erunt, refelletur oratio mea. Loquor de legibus promulgatis, de quibus est integrum vobis: demonstro vitia, tollite: denuntio vim, arma remove. Irasci te quidem mihi Dolabella pro Rep. dicenti non oportebat, quamquam quidem te id facturum non arbitror: novi facilitatem tuam: Collegarum, aiunt, in hac sua fortuna, quæ bona ipsi videtur: mihi, ne gravius quippiam dicam, avorum, & avunculi sui consulatum si imitaretur, fortunatior videretur, sed eum iracundum audio factum. Video autem quàm sit odiosum habere iratum eundem, & armatum: cum tanta præsertim gladiatorum sit impunitas, sed proponam ius, ut opinor, æquum quod M. Antonium non arbitror repudiaturum. Ego si quid in vitam eius, aut in mores cum contumeliâ dixerò, quo minùs mihi inimicissimus sit, non recusabo, si consuetudinem meam, quam semper in Rep. habui, tenuero, id est, si liberè, quæ sentiam, de Repub. dixerò: primùm deprecor, ne irascatur: deinde si hoc non impetro: peto, ut sic irascatur, ut quibus armis utetur, si ita necesse est, ut dicit: sui defendendi causa, ijs, qui pro Rep. quæ ipsis visa erunt, dixerint, ista arma ne noceant. Quid hac postulatione dici potest æquius? Quod si, ut à quibusdam mihi eius familiaribus dictum est, omnis eum, quæ habetur contra voluntatem eius oratio, graviter offendit, etiam si nulla inest contumeliâ, feremus amici natu-  
ram

ram; sed ijdem illi ita mecum: Non idem tibi adversario Cæsaris licebit, quod Pisoni focero: & simul admonent quiddam, quod cavebimus: nec erit iustior P. C. in senatum non veniendi morbi causa, quàm mortis. Sed per deos immortales, te enim intuens, Dolabella, qui es mihi carissimus, non possum de vtriusque vestrum errore reticere. Credo enim vos homines nobiles, magna quædam spectantes, non pecuniam, vt quidam nimis creduli suspicantur; quæ semper ab amplissimo quoque, clarissimoque contempta est, non opes violentas, & populo Rom. minimè ferendam potentiam, sed caritatem civium, & gloriam concupisse: est autem gloria laus rectè factorum, magnorumque in Rempub. meritorum, quæ cum optimi cuiusque, tum etiam multitudinis testimonio comprobatur. Dicerem, Dolabella, qui rectè factorum fructus esset, nisi te paulisper esse expertum viderem. Quem potes recordari in vita tibi illuxisse diem lætiores, quam cum, expiato foro, dissipato concursu impiorum, principibus scleris poenâ affectis, vrbe incendio, & cædis metu liberata, te domum recepisti? cuius ordinis, cuius generis, cuius denique fortunæ studia, tum laudi, & gratulationi tuæ se non obtulerunt. Quin mihi etiam, quo auctore te in ijs rebus vti arbitrantur, & gratias boni viri agebant, & tuo nomine gratulabantur. Recordare quæso Dolabella, consensum illum theatri, cum omnes carum rerum obliti, propter quas tibi fuerant offensi significarunt se beneficio novo memoriam

vete

veteris doloris abieciſſe. Hanc tu potuiſti, Dolabella,  
 (magno loquor cum dolore) hanc tu, inquam, æquo  
 animo potuiſti tantam dignitatem deponere? Te au-  
 tem M. Antoni, abſentem appello: vnum illum diē,  
 quo in æde Telluris ſenatus fuit, nō omnibus ijs mē-  
 ſibus, quibus te quidam multum á me diſſentientes  
 beatum putant, anteponis? quæ fuit oratio de con-  
 cordiâ? quanto metu veterani, quanta ſolicitudine  
 civitas tum a te liberata eſt? collegam tuū, depositis  
 inimicijs, oblitus auſpiciorum, auguriâ te ipſo au-  
 gure nuntiante, illo primū die collegam tibi eſſe  
 voluiſti: tuus parvus filius in Capitolium á te miſſus  
 pacis obſcs fuit: quo ſenatus die lætior? quo populus  
 Romanus? quiquidem, nulla in concione vnquā  
 frequentior fuit, tum denique liberati per viros for-  
 tiſſimos videbamus: quia vt illi voluerant, libertatē  
 pax conſequebatur. Proximo, altero, tertio: deniq̃  
 reliquis conſecutis diebus non intermittebas, quali  
 donum aliquod quotidie adferre Reip. maximum  
 autem illud, quod dictaturæ nomen ſuſtulſti: hæc  
 iniuſta eſt a te, a te, inquam, mortuo Cæſari nota, ad  
 ignominiam ſempiternam. Vr enim propter vnius  
 Mandij ſcelus, decreto gentis Manliæ, neminem pa-  
 tricum M. Manlium vocari licet: ſic tu propter vni-  
 us Dictatoris odium, nomen Dictatoris funditus ſuſ-  
 tulſti. Num huiusce, cū pro ſalute Reip. tanta  
 geſſiſſes, fortunæ te, num amplitudinis, num clari-  
 tatis, num gloriæ poenitebat? Vnde igitur ſubitō  
 tanta iſta mutatio? non poſſum adduci, vt ſuſpicer,



te pecuniâ captum: licet quod cuique libet, loquatur; credere non est necesse; nihil enim vnquam in te sordidum, nihil humile cognovi: quamquam nihil est tam sanctum, quod non soleant domestici depravare nonnunquam; sed novi firmitatem tuam: atque vtinam, vt culpam, sic etiam suspicionem vitare potuisses: illud magis verëor, ne ignorans verum iter gloriæ, gloriosum putes, pluste vnam posse, quam omnes, & metui à civibus tuis, quam diligi malis. Quod si ita putas, totam ignoras viam gloriæ. Carum esse civem, benè de Rep. mereri, laudari, coli, diligi gloriosum est; metui verò, & in odio esse, invidiosum, detestabile, imbecillum, caducum. Quod videmus etiam in fabulâ, ipsi illi, qui, *Oderint, dum metuant*, dixerit, perniciosum fuisse. Vtinam, Antoni, avum meminisses: de quo tamen multa audistis ex me, eaque sæpissimè. Putaîne illum immortalitatem mereri voluisse, vt propter armorum habendorum licentiam metueretur? illa erat vita, illa secunda fortuna, libertate esse parem cæteris, principem dignitate. Itaque, ut omittam res avi prosperas, acerbissimum eius diem supremum malim, quam L. Cinnæ dominatum, à quo ille crudelissimè est interfectus. Sed quid oratione te flectam? si enim exitus C. Cæsaris efficere hoc non potest, vt malis carus esse, quàm metui, nihil cuiusquam proficiet, nec valëbit oratio, quem, qui beatum fuisse putant, miserrimi ipsi sunt: Beatus est nemo, qui cā lege vivit, vt non modò impunè, sed etiam cum summâ intersectoris gloriâ interfici

terfici possit. Quare flecte te, quæso, & maiores tuos respice: atque ita governa Rempub, vt natum te esse cives tui gaudeant: sine quo nec beatus, nec clarus esse quisquam potest. Et Populi quidem Rom. iudicio, multa ambo habetis, quibus vos non satis moveri, per molestè fero. Quid enim gladiatoribus clamores innumerabilium civiû? quid populi cõcursus? quid Pompeij statux plausus infiniti? quid duobus Tribunis plebis, qui vobis adversantur? parûne hæc significant incredibiliter consentientem Populi Romani vniversi voluntatem? Quid Apollinaribus ludis plausus, vel testimonia potius, & iudicia Populi Rom. vobis parva esse videbantur? O beatos illos, qui cum adesse ipsis, propter vim armorum, non licebat: acceperant tamen, & in medullis Populi Rom. ac viceribus hærebant. Nisi fortè Accio tum plaudire, & sexagesimo post anno palmam dari putabatis, non Bruto, qui his ludis ita caruit, vt in illo apparatissimo spectaculo studium Populus Rom. tribuerit absenti, desiderium liberatoris sui perpetuo plausu, & clamore lenierit. Equidem is sum, qui plausus, cum à popularibus civibus tribuerentur, semper contempserim: idem cum à summis, medijs, infimis; cum denique ab vniversis hoc idem sit: cum que ij, qui ante sequi populi consensum solebant, fugiunt: non plausum illum, sed iudicium puto. Sin hæc leviora vobis videntur, quæ sunt gravissima: num etiam hoc contemnitis, quod sensistis tam caram Populo Rom. vitam A. Hirtij fuisse? satis enim erat probatum illum esse

## IN M. ANTONIVM.

esse Populo Rom. vt est: iucundum amicis, in quo vincit omnes, carum suis, quibus est ipse carissimus: tantam tamen sollicitudinem bonorum, tantum timorem omnium, in quo meminimus? certè in nullo. Quid igitur? hoc vos, per deos immortales, quale sit, non interpretamini, quid eos de vestra vita cogitare censetis, quibus eorum, quos sperant Reip, consulturos, vita tam cara sit? Cepi P. C. reversionis meæ fructum: quoniam ea dixi, vt quicumque casus consecutus esset, extaret conscientiæ meæ testimonium: & sum à vobis benignè, ac diligenter auditus. Quæ potestas si mihi sæpius, sine meo, vestroque periculo, fiet, vtar: si minus, quantum potero, nō tam mihi me, quàm Reipub. relervabo. Mihi ferè satis est, quod vixi, vel ad ætatem, vel ad gloriam: huc si quid accesserit, non tam mihi, quàm vobis, rei que publicæ accessent.

## IN M. ANTONIVM

### PHILIPPICA IX.

#### O R A T I O.

**V**ellem dij immortales fecissent, P. C. vt vivo potius Scr. Sulpitio gratias ageremus, quàm mortuo honores quæreremus, Nec verò dubi-

to,



## PHILIPPICA IX.

to, quin si ille vir renuntiare legationem potuisset, reditus eius, & nobis gratus fuerit, & Reipub. salutaris futurus: non quod L. Philippo, & L. Pisoni aut studium, aut cura defuerit in tanto officio, tantoque munere; sed cum Ser. Sulpitius ætate illos anteciret, sapientiâ omnes, subito ereptus è causâ, totâ legationem orbam, & debilitatam reliquit. Quod si cuiquam iustus honos habitus est in morte legato, in nullo iustior, quàm in Ser. Sulpitio reperietur. Cæteri, qui in legatione mortem obierunt, ad incertum vitæ periculum, sine vlllo mortis metu profecti sunt; Ser. Sulpitius cum aliqua perveniendi ad M. Antonium spe profectus est, nullâ revertendi: qui cum ita affectus esset, vt, si ad gravem valetudinem labor viæ accessisset, sibi ipsi diffideret, non recusavit, quominus, vel in extremo spiritu, si quam opem Reip. afferre posset, experiretur. Itaque nō illum vis hyemis, non nives, non longitudo itineris, non asperitas viarum, non morbus ingravescens retardavit: cumque iam ad congressum, colloquiumque eius pervenisset, ad quem erat missus, in ipsa curâ, & meditatione obeundi sui muneris excessit è vitâ. Vt igitur alia, sic hæc C. Pansa, præclare, quod nos ad ornandum Ser. Sulpitium cohortatus es, & ipse multa copiosè de illius laude dixisti, quibus à te dictis, nihil præter sententiam dicerem, nisi P. Servilio respondendum putarem, qui hunc honorem statuæ nemini tribuendum censuit, nisi qui ferro esset in legatione interfectus. Ego autem P. C. sic interpretor sensisse

fiffe maiores nostros, vt causam mortis censuerint;  
 non genus esse quærendum. Etenim cui legatio ipsa  
 morti fuisset, eius monumentum extare voluerunt;  
 vt in bellis periculosis obirent homines legationis  
 munus audaciùs. Non igitur exempla maiorum  
 quærenda, sed consilium est eorum, a quo ipsa exem-  
 pla nata sunt, explicandum. Lartès Tolumnius rex  
 Veientium quatuor legatos Populi Rom. Fidenis  
 interemit: quorum statuæ steterunt vsque ad meam  
 memoriam in Rostris: iustus honos; ijs enim maiores  
 nostri, qui ob Remp. mortem obierunt pro brevi  
 vitâ, diuturnam memoriam reddiderunt. Cn. Octa-  
 vij clari viri, & magni, qui primus in eam familiam,  
 quæ postea viris fortissimis floruit, attulit consulatû,  
 statuam videmus in Rostris: nemo tum novitati in-  
 videbat, nemo virtutem non honorabat. At ea fuit  
 legatio Octavij, in qua periculi suspicio non subesset.  
 Nam cû esset missus a Senatu, ad animos regum  
 perspiciendos, liberorumque populorum, maximè  
 que, vt nepoté Antiochi regis, eius qui cû maioribus  
 nostris bellum gesserat, classes habere, elephantos  
 alere prôhiberet, Laodiceæ in gymnasio à quodam  
 Leptine est interfectus. Reddita est tû a maioribus  
 statua pro vitâ, quæ multos per annos progeniem  
 eius honestaret, nunc ad tantæ familiæ memoriam  
 sola restaret. Atqui, & huic, & Tullo Cluvio, & L.  
 Roscio, & Sp. Antio & C. Fulcinio, qui a Veientiû  
 rege cæsi sunt: non sanguis, qui profusus est in morte,  
 sed ipsa mors ob Remp. obita, honori fuit. Itaque P.

C. si Ser. Sulpitio casus mortem attulisset, dolerem quidem tanto Reip. vulnere; mortem verò eius, nō monumentis, sed luctu publico esse ornandam putarem. Nunc autem quis dubitat, quin ei vitam abtulerit ipsa legatio? secum enim ille mortem extulit: quàm si nobiscum remansisset, suâ durâ, optimi filij, fidelissimæque coniugis diligentia, vitare potuisset. At ille, cū videret, si vestræ authoritati non paruisset, dissimilem se futurum sui; si paruisset, munus sibi illud pro Rep. susceptum, vitæ finem allaturum: maluit in maximo Reip. discrimine emori, quàm minús, quàm potuisset, videri Reip. profuisse. Multis enim in vrbibus, quâ iter faciebat, reficiendi se, & curandi potestas fuit: aderat hospitum invitatio liberalis pro dignitate summi viri, & eorum hortatio, qui vnâ erant missi, ad requiescendum, & vitæ suæ consulendum. At ille properans, festinans, mandata vestra conficere cupiēs, in hac constantia, morbo aduersante, perseverabit. Cuius cum adventu maxime perturbatus esset Antonius, quód ea, quæ sibi insinu nostro denuntiarentur, authoritate erant, & sententiâ Ser. Sulpicij constituta: declaravit, quàm odisset senatum, cū authorem senatus extinctum, latè, atque insolenter tulit: Non igitur magis Octaviū Lep̃tines, nec Ueientium rex eos, quos modò nominavi, quàm Ser. Sulpitium occidit Antonius. Is enim profectò mortem attulit, qui causa mortis fuit. Quo circà etiam ad posteritatis memoriam pertinere arbitror, extare, quod fuerit de hoc bello iudicium  
senā-



## IN M. ANTONIVM

senatus: crit enim statua ipsa testis, bellum tam grave fuisse, vt legati interitus honoris memoriam consecutus sit. Quod si excusationem Ser. Sulpitij P. C. legationis obeundæ recordari volueritis, nulla dubitatio relinquetur, quin honore mortui, quàm vivo iniuriam fecimus, sarciamus. Vos enim P. C. (grave dictu est, sed dicendum tamen) vos, inquam, Ser, Sulpitium vitâ privastis. Quem cum videritis se magis morbo, quàm oratione excusantem, non vos quidem crudeles fuistis (quid enim minùs in hunc ordinem convenit?) sed cùm speraretis nihil esse, quod non illius authoritate, & sapientiâ effici posset, vehementiùs excusationi obstitistis, atque cum, qui semper vestrum consensum, gravissimum iudicavisset, de sententiâ deiecit. Ut verò Pansæ consulis accessit cohortatio gravior, quàm aures Ser. Sulpitij ferre didicissent, tum verò denique filium, meque item seduxit, atque ita locutus est, vt authoritatem vestram vitæ suæ se diceret anteferre; cuius nos virtutem admirati, non auli sumus adversari voluntati: movebatur singulari pietate filius: non multum perturbationi eius meus dolor concedebat, sed vterque nostrum cedere cogeatur magnitudini animi, orationisque gravitati: cùm quidē ille maximà laude, & gratulatione omnium vestrum pollicitus est, se, quod velletis, esse facturum, neque eius sententiæ periculum vitaturum, cuius ipse author fuisset, quem exequi mandata vestra properantem manè postridiè profecuti sumus: qui quidem discedens me-

cum

## PHILIPPICA IX.

cum ita locutus est, ut eius oratio omen fati videretur. Reddite igitur P. C. ei vitam, cui ademistis: vita enim mortuorum in memoria est posita vivorum: perficite, ut is, quem vos insciji ad mortem misistis, immortalitatem habeat à vobis; cui si statuam in Rostris, decreto vestro, statueritis, nulla eius legationem posteritatis obscuravit oblivio. Nam reliqua Ser. Sulpitij vita multis erit, præclarisque monumentis ad omnem memoriam commendata: semper illius gravitatem, constantiam, fidem præstantem in Rep. tuendâ, curam, atque prudentiam, omnium mortalium fama celebrabit. Nec verò filebitur admirabilis quædam, & incredibilis, & pene divina eius, in legibus interpretandis, & æquitate explicandâ, scientia. Omnes ex omni ætate, qui in hac civitate intelligentiam iuris habuerunt, si vnum in locum conferantur, cum Ser. Sulpicio non sunt cõparandi. Neque enim ille magis iurisconsultus, quàm iustitiæ fuit. Itaque quæ proficiscebantur à legibus, & à iure civili, semper ad facilitatem, æquitatẽq; referebat: neque instituere litium actiones malebat, quàm controversias tollere. Ergo hoc statuæ monumento non eget: habet alia maiora: hæc enim statua mortis honestæ testis erit; illa memoria vitæ gloriosæ; ut hoc magis monumentũ grati senatûs, quàm clari viri futurum sit. Multum etiam valuisse ad patris honorem pietas filij videbitur: qui quamquam afflictus, luctu non adest; tamen sic animati esse debetis, ut ille si adesset: est rurem ita affectus, ut nemo unquam

quam vnicui filij mortem magis doluerit, quam ille mœret patris. Et quidem etiam ad famam Ser. Sulpitij filij arbitror attinere, ut videatur honorem debitum patri præstitisse, quamquam nullum monumentum clarius Ser. Sulpitius relinquere potuit, quam effigiem morum suorum, virtutis, constantiae, pietatis, ingenij filium: cuius luctus, aut hoc honore vestro, aut nullo solatio levare potest. Mihi autem recordanti Ser. Sulpitij multos in familiaritate nostrâ sermones, gratior illi videtur, si quis est sensus in morte, ænea statua futura; & ea pedestris, quam inaurata equestris, qualis L. Syllæ prima statua est: magnificè enim Servius maiorum continentiam diligebat, huius seculi insolentiam vituperabat. Ut igitur, si ipsum consulam, quid velit, sic pedestrē ex ære statuam, tamquam ex eius authoritate, & voluntate decerno, quæ quidem magnum civium dolorem, & desiderium, honore monumenti minuet, & leniet. Atque hanc meam sententiam, P. C. P. Servilij sententiâ comprobari necesse est, qui sepulchrū publicè decernendum Ser. Sulpitio censuit, statuam non censuit: Nam si mors legati, sine cæde, atque ferro, nullum honorem desiderat, cur decernit honorem sepulturæ, qui maximus haberi potest mortuo? Sin id tribuit Ser. Sulpitio, quod non est datum Cn. Octavio: cur quod illi datum est, huic dandum esse non censet? Maiores quidem nostri statuas multis decreverunt, sepulchra paucis: sed statuæ intereunt tempestate, vi, vetustate: sepulchrorum autem sanctitas



## PHILIPPICA IX.

titas in ipso solo est, quod nulla vi moveri neque de-  
 leri potest: atque ut cætera extinguuntur, sic sepul-  
 chra sanctiora fiunt vetustate. Augeatur igitur isto  
 etiam honore is vir cui nullus honor tribui non de-  
 bitus potest gratissimus in eius morte decoranda, cui  
 nullam iam aliam gratiam referre possumus: notetur  
 etiam Antonij nefarium bellum gerentis scelerata  
 audacia: his enim honoribus habitis Ser. Sulpitio re-  
 pudiatæ, reiectæque legationis ab Antonio manebit  
 testificatio sempiterna. Quas ob res ita censeo: CVM  
 Ser. Sulpitius, Q. F. Lemonia, Rufus difficillimo  
 Reip. tempore, gravi, periculosoque morbo affec-  
 ctus, authoritatem senatus, salutēque Populi Rom.  
 vitæ suæ præposuerit, contraque vim gravitatemque  
 morbi contenderit, ut ad castra Antonij, quò sena-  
 tus eum miserat, perveniret, isque cum iam propè  
 castra venisset, vi morbi oppressus vitam amiserit in  
 maximo Reip. munere, eiusque mors consentanea  
 vitæ fuerit, sanctissimè, honestissimèque actæ, in qua  
 sæpè magno usus Reipub. Ser. Sulpitius, & privatus,  
 & in magistratibus fuerit: cum talis vir ob Remp. in  
 legatione mortem obierit: senatui placere Ser. Sul-  
 pitio statuam pedestrem æneam in Rostris, huius or-  
 dinis sententiâ, statui, circumque eam statuam locū  
 gladiatoribus, ludisque liberos, posterosque eius qua-  
 quā versus pedes quinque habere, quod is ob Rem-  
 publicam mortem obierit, eamque causam, in basi  
 inscribi: utique, C. Pansa, A. Hirtius consules, alter,  
 ambove, si eis videatur, Quæstoribus urbanis impe-  
rent

rent, vt eam basim, statuamque faciendam, & in Rostris statuendam locent: quantique locarint, tantam pecuniam redemptori solvendam, attribuendamque curent, cumque antea senatus auctoritatem suam in virorum fortium funeribus, ornamentisque ostenderit, placere eum quam amplissime supremo die suo efferr: & cum Ser. Sulpitius Q. F. Lemonia, Rufus, ita de Repub. meritis sit, vt his ornamentis decorari debeat, senatum censere, atque è Rep. existimare, ædiles curules edictum, quod de funeribus habeant; Ser. Sulpicij, Q. F. Lemoniæ Rufi, funeri mittere, utique locum sepulchro in campo Esquilino C. Pansa cōsul, seu quo in loco videtur, pedes triginta quoquo versus designet, quo Ser. Sulpitius inferatur, quod sepulchrum ipsius, liberorum, posterorumque eius sit, vti quod optimo iure publicè sepulchrum datum est.

## BREVE RHETORICÆ

## COMPENDIVM

## LIBER PRIMVS

**R**hetorica est ars, vel doctrina dicendi.

Dicere est ornate graviter, & copiose loqui.

Officium Rhetoricæ est dicere apposite ad persuasionem; finis persuadere dictione.

Artis

Artis materia est, in qua omnis ars, & ea facultas, quæ conficitur ex arte, versatur: vt medicinæ materiam dicimus esse morbos, ac vulnera.

Materia oratoria ad dicendū subiecta quæstio est.

Quæstionum duo sunt genera: alterum infinitū, quod Græci Thesin, Cicero propositum vocat: alterum certum, & definitum, quod Hypothesin illi, Latini vel causam, vel controversiam appellare solent. Thesis est, in qua aliquid generatim quæritur, vt expetenda ne sit eloquentia. Causa est, quæ certis temporibus, actionibus, negotijsque cernitur, vt An Socrates iure fuerit ab Atheniensibus damnatus. Causarum tria sunt genera; exornationis, deliberationis, & iudicij.

Genus exornativum, quo ad aliquid laudandum vel vituperandum vtimur, aliter demonstrativum, & encomiasticum appellatur; cuius partes sunt duæ, laus, & vituperatio.

Genus deliberativum est, in quo suademus, dissuademus, hortamur, dehortamur, petimus, & cōmendamus. Eius duæ sunt partes, suasio, & dissuasio.

Genus iudiciale est, in quo accusamus, aut defendimus.

His addi potest genus didascalicum, quod non tantum complectatur quæstionem finitam sed etiam ad infinitam extendatur, & ad quam cumque rem, de qua possit differi ratione. Hoc genere continentur theses, hoc Theologi differunt de Deo, Angelis, anima, fide, spe, charitate cæterisque virtutibus.

Debet



Debet orator causam, seu hypothesin ad Thesin revocare; v. g. vt probem Aristotelis philosophiam esse perdiscendam, primo probabo philosophiam esse perdiscendam.

Quinque sunt Rhetoricæ partes, & quasi membra eloquentiæ: Inventio, dispositio, elocutio, memoria, pronuntiatio. Inventio est rerum verarum, aut verisimilium excogitatio, quæ quæstionem probabilem reddant: dispositio rerum inventarum in ordinem distributio. Elocutio est idoneorum verborum, & sententiarum ad inventionem acomodatio. Memoria est firma orationis perceptio. Pronuntiatio est corporis, & vocis ex rerum, & verborum dignitate moderatio.

## DE INVENTIONE.

**P**rimum oratoris munus est invenire, quid dicat: tum, vt doceat auditorem, tum vt fidem faciat, tum vt permoveat, & in sententiam suam pertrahat: fidem facit orator argumentis, movet amplificationibus, incitando, aut ad voluptatem, aut ad molestiam, aut ad metum, aut ad cupiditatem.

Argumentum est probabile inventum, ad faciendam fidem, vel ratio rei dubiæ faciens fidem, id est, quò res dubia demonstrari potest, Fides est firma opinio: opinio est imbecilla assensio. In proposito fidem solum facit orator; in causa verò fidem, & motum. Argumentatio est Argumenti explicatio: locus est

## LIBER PRIMUS

est sedes argumenti, locos dicimus propositiones maiores, seu axiomata, & quædam argumentorum promptuaria.

Argumentorū alia insita dicuntur, quia in eo ipso, de quo agitur, hærent: alia remota, quæ extrinsecus assumuntur.

Loci argumentorum insitorū sunt sex decim: alia enim sunt à definitione, alia a partium enumeratione alia à notatione, alia à coniugatis, alia ex genere, alia ex forma, alia ex similitudine, alia ex differentia, alia ex contrario, alia ex adiunctis, alia ex antecedentibus, alia ex consequentibus, alia ex repugnantibus, alia ex causis, alia ex effectis, alia ex comparatione maiorum, aut parium, aut minorum.

Loci argumentorum remotorum ex Quintiliano sunt sex: præiudicia, fama, tormenta, tabulæ, ius iurandum, testes.

Definitio est oratio, quæ rei naturam breviter exponit, vt: *Rhetorica est ars dicendi, ergo est utilis.*

Argumentum à partium distributione est, cum aliquid in partes suas distribuitur; vt virtus in prudentiam, Iustitiam, fortitudinem, Temperantiam; v.g. *Omnis virtus oritur, aut ex prudentia, aut iustitia, aut fortitudine, aut temperantia; calliditas ex nulla earum oritur, ergo calliditas non est virtus.*

Notatio, Græcis etymologia, est quæ verborum originem inquit, vt: *Consul dicitur, qui consulit patrias ergo Piso non est Consul.*

Coniugata dicuntur, quæ sunt ex verbis generis eius-

eiusdem: generis verba sunt, quæ orta ab vno varie commutantur, vt sapiens, sapienter, sapientia. Cic. *Si pietati summa tribuenda laus est, debetis moveri cum. Q. Metellum tam piæ lugere videatis.*

Genus est quod duas, aut plures partes sui ipsius communiōe similes amplectitur, quæ formæ dicuntur: virtus est genus: iustitia, prudentia, fortitudo, temperantia, formæ. Arg. *virtutis laus in actione consistit.* Forma est pars generi subiecta, v.g. *quod iustitia est, virtus est; punire reos est iustitia, ergo est virtus.*

Similitudo, quæ traducit ad rem quampiam aliquid ex re dispari. Ovidius.

*Scilicet vt fulvum spectatur in ignibus aurum,*

*Tempore sic duro est incipienda fides.*

Argumentum a dissimilitudine est, cum â re dissimili argumentamur, vt *barbarorum est in diem vivere; ergo Christianorum consilia, ac cogitationes ad sempiternum tempus referri debent.*

Contrariorum genera sunt quatuor; adversa, privantia, quæ inter se conferuntur, contradicentes: adversa, quæ sub eodem genere plurimum differunt, vt virtus, vitium: *virtus est amplectenda, ergo vitium fugiendum.*

Privantia sunt habitus, & eius privatio, vt mors, vita, lux, tenebræ. Habitus dicitur, id, quod aliquo modo rei inheret, vt lux aeri, auditus auribus.

Privatio est eiusdem negatio, vt tenebræ, surditas, arg. *vita est dulcis, ergo mors amara.*

Relata sunt; quæ inter se necessarium habent ordinem,



## LIBER PRIMUS

nem, ac proinde vnum non potest esse sine alio; vt dominus, & servus: creator, & creatura. Cicero: *Magna in accepto beneficio est gloria, ergo, & in dato.*

Negantia, quorum alterum ait, alterum negat, vt est homo. Arg. *Rhetorica est utilis, non igitur est non utilis:* horum alterum necessario est verum, alterum falsum.

Adiuncta sunt ea, quæ cum re sunt coniuncta, siue rem antecedant, siue comitentur, siue subsequantur, vt locus, tempus, vestitus, comitatus, direptus pedum, rubor, pallor, & ea quæ rem circumscribunt, vel in hominis corpore, aut animo sunt; vt virtus, vitia, forma, deformitas. Arg. *visus est nocte cum armis domo prodire; ergo fecit eadem.*

Antecedentia, quæ sic antecedunt consequentia, vt cum ipsis necessario cohæreant, qua ratione ab adiunctis distinguuntur, adiuncta enim non cohærent cum rebus necessario Arg. *ortus est Sol, ergo est dies.*

Consequentia sunt, quæ rem necessario consequuntur, vt *dies est, igitur ortus est Sol.*

Repugnantia sunt, quæ neque certâ lege, neque numero inter se dissident, qua ratione a contrarijs, & dissimilibus discernuntur, vt amare, & odire contraria sunt, amare verò, & nocere, aut lædere, aut convitiari repugnantia sunt Arg. *Amat illum, non igitur insectatur convitijs.*

Causa est, quæ suâ vi efficit id, cuius est causa, vt vulnus mortis, cruditas morbi. Cuius quatuor sunt genera finis, efficiens, forma, materia.

Finis est, cuius gratia aliquid fit, vt studiorum fi-

## L I B E R P R I M V S .

nis scientia, belli pax. Arg. *homo natus est ad beatam vitam; ergo non ad pastum, & voluptatem.*

Efficiens causa est, à qua aliquid est, vt Sol est causa efficiens diei, Deus mundi. Arg. *mundus à Deo factus est, ergo bonus. Sol est, ergo dies est.*

Forma est, per quam res est id, quod est, & ab alijs distinguitur, alia est naturalis, vt anima est forma hominis; alia artificialis, vt forma domus, statuae Arg. *Canis non est praeclitus mente, ergo non est homo.*

Materia, ex qua, & in qua res sunt sic aë, marmor sunt materia, ex qua fit statua; corpus materia hominis, in qua est animus hominis. Arg. *sunt statuae, ergo: & aë.*

Effecta sunt quæ sunt orta de causis. Totidem sunt effectorum genera, quot causarum: sic pax est effectus finalis belli, dies solis, homo animæ, statua æris.

Ab effectu finis sic ducitur argumentum: *Rex cogit exercitum, ergo meditatatur bellum*; ab effectu causæ efficientis sic, *dies est ergo Sol est*, ab effectu materiæ: *est mortalis; ergo constat materia*, ab effectu formæ: *sensit, ergo habet animam.*

A comparatioce maiorum ducitur argumentum cum contendimus, vt id quod valet in maiori, valeat in minori. Virgil.

*O passigrauiora, dabit Deus his quoque finem.*

A comparatione minorum, cum contendimus, vt id quod valet in minori, valeat in maiori. Horat, *Vt ingulgent homines, surgunt de nocte latrones.*

*Vt te ipsum serves, non expergisceris.*

Paria sunt, quæ æqualia, & æque probabilia sunt; ut, fortitudo est amplectenda; ergo, & temperantia.

In affectibus movendis maxima existit vis oratoris, quod amplificatione fit. Amplificatio est: gravior quædam argumentatio, quæ motu animorum conciliat in dicendo fidem. Ea, & verborum genere cōficitur, de qua alibi in tropis, & figuris dicemus: & rerum, quæ eisdem locis sumitur, è quibus eruuntur argumenta ad faciendam fidem.

Amplificatio à definitionibus conglobatis est, cum plures definitiones congeruntur. Cic. *Ignari quid gravitas, finid integritas, quid magnitudo animi, quid denique virtus valeret; quæ in tēpestate seva quieta est, & lucet in tenebris, & pulsa loco manet tamen, atq; heret in patria; splendet quæ per se semper, nec alienis unquā sordibus obsolescit.*

Amplificatio à consequentium frequentatione est hæc Ciceronis. *Constituæ nihil opis esse in hac voce, Civis Romanus sum: iam omnes provincias, iam omnes liberas civitates, iam omnem orbem terrarum, qui semper nostris hominibus maxime patuit, ista defensione præcluseris*

A contrariarum rerum confictione est illa Ciceronis amplificatio: *Quis ferat inertissimos homines fortissimis insidiari, stultissimos prudentissimis, ebrios sobrijs, dormientes vigilantibus?*

Sic à cæteris locis peti potest amplificatio.

In exornationis amplificatione ij loci tractandi sunt, qui movere possunt expectationem, admirationem, & voluptatem. In cohortationibus, bonorum,



## LIBER PRIMVS

ac malorum enumerationes, & exempla valent plurimum. In iudicijs accusatori fere quæ ad iracundiã, reo quæ ad miserationem pertinent.

### DE PRÆCEPTIS exornationis.

**L**atum est genus exornativum, saneque varium, ut quod ad laudandos claros viros, improbosque vituperandos suscipiatur.

In hoc, animi motus leniter tractantur, resque amplificantur, & ornantur.

Laus hominum dividitur in tempus, quod ante eos fuit, quoque ipsi vixerunt, in his autem qui vita functi sunt etiam quod est infecutum. Ante hominẽ patria, parentes, maioresque erunt, quorum vel respondisse nobilitati, vel humiliter genus nobilitasse factis dicemus, Adde, quæ responsis, vel oraculis, vel signis ante ipsum futuram claritatem promiserunt.

In vita duci laus potest ab infantia, ab educatione, ab indole, qua iam à primis annis magnum virtutis specimen dederit; à præceptoribus, ab optimarum artium studijs à triplici denique bonorum genere, corporis fortunæ, atque animi.

Corporis bona sunt valetudo, vires, forma, & his similia, qui hæc habuerit, laudabitur, quod bene illis sit usus: si non habuerit, quod sapienter caruerit: si amiserit, quod moderate tulerit.

Fortunæ bona sunt opes, divitiæ, propinqui, amici,

ci, potentia gratia, cæteraque huiusmodi; quorum rectus vsus laudabitur.

Animi bona virtutes sunt, & rectè facta.

Mors ipsa eius, quem laudamus, silenda non est, si quid in ea fuerit notabile deinde commemoranda quæ mortem sunt insecuta, vt decreta virtuti præmia; erecta monumenta, habiti post mortem honores: res gestæ iudicijs hominum comprobatæ, civium meror, ac desiderium. Omnis ordo supra dictus in vituperatione constabit tantum in diversum.

Vrbes similiter atque homines laudantur nam pro parente est conditor, & multum autoritatis habet vetustas, Corporis & fortunæ bona, situs salubritas, amænitas, munitio, opes: templa ædificia, fluvij, alia que similia: respondent animi, bonis, leges, & instituta civium mores, & studia literarum.

## DE DELIBERATIONE.

**E**Xornationis præcepta multum ad sententiam dicendam valent. In deliberando finis est dignitas, vel honestas, quo omnia referenda. In suadendo, vel dissuadendo tria sunt spectanda, quid sit, de quo deliberetur; qui sint, qui deliberent; qui sit qui suadeat.

Partes suadendi sunt quatuor, prima vt doceamus fieri posse id quod suademus, & facile esse Secunda honestū Tertia utile. Quarta necessarium: Si quid effici nō possit, tollitur deliberatio quamvis honestū  
&

& utile sit, & quæ per difficilia sunt, perinde habetur, ac si effici non possent. Si non videatur necessarium esse, videndum quàm sit magnum; nam quod per magni interest, pro necessario habetur.

## LIBER SECVNDVS

### DE DISPOSITIONE.

**I**Nventis iam rebus, quibus fides facienda est de earum collocatione agendum; suo enim quoque loco disponendum: sunt autem partes orationis quatuor. Exordium, narratio, confirmatio, peroratio: duæ earum valent ad rem docendam, narratio, & confirmatio; ad permovendos animos duæ, exordium, & peroratio.

### DE EXORDIO

**E**Xordium est oratio animum auditoris idoneè comparans ad reliquam dictionem. Id verò maxime fit, si auditor reddatur benevolus, docilis, & attentus. Benevolentia conciliatur, aut a nostra, aut ab auditorum, aut ab adversariorum, si qui contradicant, persona, aut ab ipsa causa.

Dociles auditores faciemus, si aperte, & breviter causæ sumam exponamus.

Attentos denique reddemus, si aut magna quædam, aut nova, aut necessaria proponamus, aut coniuncta



cum ijs, apud quos res additur.

Causarum genera sunt quinque. Honestum, humile, dubium, admirabile, obscurum: honestum, quod est de re honesta, ut de virtute aliqua, satis per se ad conciliationem valet. Humile, quod est de re vili, ut de cloacis expurgandis; in quo attentum facere debemus. Dubium, de quo dubitatur turpene sit, an honestum ut defendere patrem homicidam, quia pium est defendere patrem, impium homicidam; hic attentum facimus iudicem; Obscurum, quod de rebus obscuris est, & difficilibus hic docilem reddimus. Admirabile, quod est præter opinionem hominum; ut beatos esse pauperes, hic non sufficit recta benevolentiae postulatio, sed remedijs opus est.

Vnde exordij duæ sunt partes principium, in quo recta beuevolentia, & attentionis postulatio est & insinuatio, quæ subrepat animis. Consilium ergo ex causis sumetur: si causa laboravimus, persona subveniat; si persona, causa,

Exordia debent esse apta verbis, & instructa sententijs ad aliciendum, incitandumque auditorem.

Exordiorum septem sunt vitia, vulgare, commune, commutabile, longum, separatum, translatum contra præcepta.

Vulgare est quod in plures causas potest accommodari, ut convenire videatur.

Commune est quod nihilominus in hanc, quam in contrariam partem causæ potest convenire.

Commutabile est, quod ab adversario potest leviter

ter mutatum ex contraria parte dici.

Longum est, quod pluribus verbis, aut sententijs ultra quam latis est producitur.

Separatum est, quod non ex ipsa causa ductū est, nec sicut aliquod membrum annexum orationi.

Translatum est quod aliud conficit, quam causæ genus postulat, ut si quis docilem faciat auditorem, cum benevolentiam causa desideret.

Contra præcepta est, quod nihil eorum efficit, quorum causa præcepta de exordijs traduntur.

In genere iudiciali ex ipsis causæ visceribus sumendum exordium conciliando iudicem, nec semper exordio utendum ut in honestis causis, & in parvis, atque frequentibus.

In demonstrativo, exordia maximè sunt libera. In deliberativo aut nulla, aut brevia.

## DE NARRATIONE.

**N**arratio est rerum explicatio, & quædam sedes, & fundamentum constituendæ fidei. Oportet eam tres habere virtutes, ut brevis, ut aperta, ut probabilis sit. Erit brevis si constet simplicibus verbis, & si semel una quæque res dicatur.

Erit dilucida, & aperta si verbis usitatis, si ordine temporum servato, si non interrupto narrabitur.

Probabilis autem erit si personis, temporibus, locis ea, quæ narrabuntur, consentient: si cuiusque facti, & eventui causa ponetur. Cicero ni placet, ut sit iu-  
cuu-

## LIBER SECVNDVS.

cunda, & suavis; suavis erit si habeat admirationes. expectationes, exitus inopinatos interpositos motus animorum colloquia personarum, dolores, iracundias, metus, lætities, cupiditates.

In iudicijs, si nota res non adhibeatur narratio. In exornatione, narratio nulla, quæ consequatur exordium, nisi ea quæ incidit, cum aliquid eius, de quo loquimur, narrandum est.

In deliberatione privata narratio non erit.

## DE CONFIRMATIONE.

Confirmatio præcipua pars orationis, in qua exponenda argumenta nostra, & contraria dissolvenda, ad quam rectè faciendam cognoscendus est causæ status.

Status est quæstio, quæ ex prima causarum, conflictione nascitur, vt *Milo occidit Clodium, & Milo non occidit Clodium*, è quibus nascitur hæc quæstio; *an Milo occiderit Clodium?*

Triplex est status causarum: coniecturalis, nominis, & qualitatis. Coniecturalis, in quo, fit, nec ne, quærimus; vt *fit ne Clodius insidiatus Miloni?*

Nominis, vel finitionis, cum quid sit aliquid, & quo nomine efficiendum investigamus: vt *fit ne Iulius Cesar Rex, an Tyrannus.*

Qualitatis in quo de vtilitate, equitate, honestate differitur, deque contrarijs, vt, *recte ne fecerit Romanus, cum fratrem interfecit.*



Ratio dicitur, quæ affertur à reo depellendi criminis causâ, firmamentum, quod ab accusatore ad labefactandam rationem affertur. Ex rationis verò, & firmamenti conflictione oritur quæstio quædam, quæ iudicatio appellatur.

Argumenta vero ita collocabit orator, ut firmissimum quodque sit primum dum ea, quæ excellunt, servantur ad extremum. Si qua erunt mediocria, in mediam turbam conijciantur.

Argumentatio est argumenti explicatio, conficitur cum ex locis aut certa, aut probabilia sumpseris. Huius septem sunt species: syllogismus, enthymema, inductio, exemplum, epicherema, sorites, dilemma.

Syllogismus, qui, & ratiocinatio dicitur, constat propositione, assumptione, complexione; *omne bonum est expetendum: Eloquentia est bona, ergo expectenda.* Eam quidam quinque partibus constare volunt, adiungentes propositioni, & assumptioni probationem. Virabimus similitudinem, quæ facietatis mater est non semper ordientes a propositione, sed interdum ab assumptione, non nunquam à complexione.

Enthymema syllogismi pars, vel syllogismus imperfectus, quia caret propositione, aut assumptione, ut *eloquentia est bona, ergo expectenda.*

Inductio, argumentatio, quæ ex pluribus collationibus pervenit, quo vult, hoc modo:

*Ars tua Tiphysiacet, si non sit in equore fluctus,*

*Si valeant homines, ars tua Phæbe iacet:*

Ergo

## LIBER TERTIVS.

Ergo apparet virtus, arguiturque malis.

Exemplum est inductio imperfecta, in quo ex vna re singulari alia inducitur, hoc modo *Deus pepercit Magdalene penitentiam agentii: ergo, & tibi parceret.*

Epicherema breviter comprehensus syllogismus, vt: *sine causa daminum servus accuset?*

Sorites contra multas argumentationes cōvoluit acervatim.

Dilemma, in quo vtrum concesseris reprehenditur. Cicero. *Discede, atque hunc mihi timorem eripe: si verus, ne oprimar, sin falsus, ut tandem aliquando timere desinam.*

Refutatio, est reprehensio, per quam argumentando adversariorum confirmatio diluitur, aut infirmatur, aut elevatur.

Peroratio, extrema pars orationis, huius duæ sunt partes, amplificatio, & enumeratio. Enumeratio nō nunquam laudatori, suasori non sæpè, accusatori sæpius, quàm reo, est necessaria: huius duo sunt tempora, si aut memoriæ diffidas eorum apud quos agas, vel intervallo temporis vel longitudine orationis; vel frequentatis firmamenti vim est habitura causa maiorem. Quæ repetemus, quàm brevissime dicenda sunt, & cum pondere aptis sententijs, & figuris varianda.

## LIBER TERTIVS.

**I**N eloquendo excellentem eum putat Cicero, qui ita dicit, vt probet, quod necessitatis est: vt delectet

ret, quod suavitatis: ut moveat, quod est victoriæ. Tria enim sunt munera oratoris docere, delectare, movere: quorum vnum quodque diversum dicendi genus considerat; immum, medium, summum.

Imo, id est. humili, & tenui, sed subtili, & acuto utitur, qui docet, hoc genere fiunt epistolæ, eclogæ, commentaria, comædiæ, interpretationes; narrationes; sermones familiares.

Medio, id est temperato, & mediocri utitur, qui delectat: hoc genere scribuntur historiæ, orationes generis exornativi, vel totæ, vel in parte, ut exordio, narratione.

Summo, id est, copioso & pleno utitur, qui movet, hoc genere fiunt tragediæ, poemata heroica, orationes in genere iudiciali, vel totæ, vel aliqua in parte, ut narratione graviore, confirmatione, confutatione, peroratione acriori, vel congressu graviorum personarum.

In elocutione spectandum, ut latine, ut planè, ut ornate, ut apte dicamus.

Omnis orationis ornatus aut est in singulis verbis, aut in coniunctis. Verba aut propria sunt, & quasi nata cum rebus ipsis, aut verò translata.

Curandum oratori, ut verbis lectissimis utatur. Verborum simplicium alia natura sunt consonantiora, grandiora, nitidiora, quæ aurium iudicio ponderanda sunt, sic consonantius est *moderatio* quam *modestia*, grandius *profligatissimus*, quam *malus*; nitidius *bos*, quam *vacca*.



## LIBER TERTIUS

Obsoletis verbis, & poeticis raro, & vix vrendum in oratione.

Græci in fingendis vocabulis liberrimi, Latinis id vix licuit.

Tropus est verbi, vel sermonis à propria significatione in aliam cum virtute mutatio, vt *lata segetes* nā lætitia hominum est propria, aliena verò à segetibus Tropi sunt vndecim septem in vno verbo; metaphora, synecdoche, Metonymia, Antonomasia, Onomatopœia, Catachresis, Metalepsis In oratione verò quatuor, Allegoria, Periphrasis, Hyperbaton, Hyperbole, quibus addunt ironiam.

Metaphora seu translatio est, cum nomen aut verbum transfertur ex loco illo, in quo proprium est in eum, in quo proprium non est *hic homo non omnibus allatrat*.

Synecdoche tropus est, in quo ex parte totum aut ex toto partem, aut ex antecedentibus sequentia intelligimus, fit octo modis; ex parte totum intelligitur, vt ex tecto domus, huc pertinet cū ex vno plures intelliguntur, vt Hispanus, pro Hispanis, aut genus è forma, vt Marmaricus leo, pro quovis leone; aut ex materia res yniversa, vt ferrum pro gladio. Cōtra verò ex toto pars, vt fons pro aqua, huc spectat cū è pluribus vnus intelligitur, vt nos consules, pro ego consul; aut è genere species, vt ales pro aquila; ex antecedentibus sequentia intelliguntur. Virg.

*Aspice aratra ingo referunt suspensa iuvenci.*

Ex sequentibus antecedentia. Idem.

Atque

## LIBER TERTIVS.

*Atque umbrata gerunt civili tempora quercu.*

Metonymia est tropus, in quo causas per effecta, vel effecta per causas, vel ex eo, quod continet, id quod continetur, vel rem è signo intelligimus: causa pro effectu ponitur, vt inventor, aut author alicuius rei pro re inventâ: sic Bacchus pro vino. Ceres pro pane, Plato pro scriptis eius. Effectus pro causa, vt mors pallida quia facit pallidos, continens pro contento, sic Roma pro Romanis aut possessor pro re possessa. Virg.

*Iam proximus ardet Vcalegon.*

Aut signum pro re, vt toga pro pace, fasces pro magistratu.

Antonomasia ponit aliquid pro nomine, vt everfor Carthaginis pro Scipione. Si addatur proprium nomen, iam non erit Antonomasia, sed epithetum.

Onomatopœia, id est, fictio nominis, vt sibilus, Græcis inter maximas virtutes numeratur, Latinis vix permittitur.

Catachresis non habentibus nomen suum accommodat quod in proximo est; vt ædificare classem, vel equum.

Metalepsis, id est, transumptio ex alio in aliud velut viam præstat. Virg.

*Post aliquot mea regna videns, mirabor aristas.*

Ubi aristas pro annis posuit gradatim ascendens ab aristis ad spicas, ab spicis, ad segetes, ab his ad æstates, ab æstatibus ad annos.

Allegoriâ aliud verbis, aliud sensu ostendit Virg.

*Sed*

## RHETORICÆ.

*Sed nos immensum spatij confēcimus aquor.*

Est duplex aut tota, aut mista.

Ironia, quam illusionem vocant, contrarium verbis ostendit, ea aut pronuntiatione intelligitur, aut personâ, aut rei naturâ. Cicero. *Verrēs homo sanctus, & diligens.*

Periphrasis est tropus, qui pluribus verbis explicat, quod vno, aut paucioribus dici potest. Idem.

*Tempus erat gelida quo primum terra pruina Spargitur.*

Hyperbaton tropus est solis poetis relinquendus, qui verba dividit. Virg.

*Septem subiecta trioni.*

Hyperbole, est ementiens superiectio. Uirg.

*Fulminis ocyor alis*

Modus tamen in augendo, & minuendo adhiberi debet, etsi enim omnis hyperbole est supra fidem, non tamen debet esse ultra modum.

## DE FIGVRIS.

¶ Figura est conformatio quædam orationis remota à communi: Et primum offerente se ratione, differt à tropo, quod figura proprijs verbis fieri potest, quod non cadit in tropos.

Figuræ aliæ sunt verborum, aliæ sententiarum. Verborum figura mutatis verbis tollitur: sententiarum vero permanet quibuscumque verbis vti velis. Verborum figura est, quæ ipsius sermonis insignita continetur perpolatione,

Figuræ



Figuræ verborum tribus modis fiunt, adiectione; detractiōe, similitudine.

## FIGURÆ PER ADIECTIONEM,

¶ Repetitiō est eiusdem verbi crebra à primo repetitiō Cicero. *Nihil agis, nihil moliris, nihil cogitas.*

Conversio, cum in idem verbum sæpe conijcitur oratio idem. *Pencs populus Romanus iustitia vicit armis vicit, libertate vicit.*

Complexio, quæ repetitionem, & conversionem complectitur. Idem. *Quis legem tulit? Nullus. Quis maiorem P. R. partem suffragijs privavit? Nullus.*

Conduplicatio est verborum geminatio. Idem. *Vivis, & vivis non ad deponendam, sed ad confirmandam audaciam.*

Traductio est cum verba paululum immutata ponuntur. Idem. *Pleni sunt omnes libri, plena sapientium voces, plena exemplorum vetustas.*

Synonimia est cum verba idem significantia congregantur. *Abijt, excessit, erupit, evasit.*

Polyfyndeton, est schema quod coniunctionibus abundat. Virg.

*Tectumque, laremque*

Gradatio cum gradatim sursum versum reditur. Cicero. *Africano virtutem industria, virtus gloriam, gloria amulos comparavit.*

## FIGURÆ PER DETRACTIONEM.

¶ Dissolutio, vel Afyndeton, cum demptis coniunc-

iunctionibus dissolute plura dicuntur Cicero. *Gallia huius virtuti fidei,, felicitati commendata est,*

Adiunctio, in qua ad vnum verbum, quod primū medium, vel postremum collocatur, plures sententiæ referuntur. Cic. *Vicit pudorem libido, timorem audacia, rationem amentia.*

Disiunctio, cum vnum quodque certo concluditur verbo. Idem. *Homerum Colophonij suum esse dicunt, Chij suum vendicant, Salaminij repetant.*

Synecdoche, vel præcisio, figura est cum subtrahitur aliquod verbū ex cæteris latis intelligitur. Idem *Sermo nullus, scilicet nisi de te, quid enim potius?*

Synæciosis, quæ duas res diversas obligat hoc modo: *Tam desset avaro quod habet, quam quod non habet.*

## FIGURÆ PER SIMILITVDINEM.

¶ Annominatio, vel Paronomasia est, cum verba paululum immutata, & deflexa in oratione ponuntur. *non leno sed leo.*

Similiter cadens, cum in eisdem casus verba cadunt, *egens virtutis, abundans felicitatis.*

Similiter desinens, cum sive in nominibus, sive in illis quæ declinari non possunt, similes exitus sunt. Idem. *Andaſter territas, humiliter placas.* Similiter cadens fit in nominibus, & verbis rantum; similiter desinens in omnibus orationis partibus.

Compar Grecè Hecolon habet orationis membra, quæ constānt ex pari fere numero syllabarum Idem, *extrema hyeme apparavit, inuennie vere suscepit, media æstate confecit.*

Con-

Contra positum, vel antitheton: cum singula singulis opponuntur. Idem. *Vicit pudorem libido, timorem audacia, rationem arrogantia.*

Commutatio, cum duæ sententiæ inter se discrepantes ita efferuntur, ut à priori posterior contraria proficiatur. Idem. *Non ut edam vivo, sed ut vivam, edo.* Danda opera est, ut parcè, & cū res poscet verborum figuris utamur: deinde sciendum quid quisque in orando postulet locus, quid persona, quid tempus. Nam plerumque verborum cura derogat affectibus fidem.

## FIGURÆ SENTENTIARVM.

¶ Figura sententiarum est, quæ non in verbis, sed in rebus ipsis quandam habet dignitatem.

Interrogatio est quæ non sciscitandi, sed instandi gratiâ assumitur. Idem. *Quousque tandem abutere Catilina patientia nostra?*

Responsio cum aliud interroganti, ad aliud, quia sic utilius fit, occurrit, tum augendi, tum declinandi criminis gratia, ut, rogatus testis *an à reo vapulasset?* & *quidem innocens*, inquit: *quæro: an occiderit hominem?* R. *latronem.*

Subiectio, cum orator, vel cum alium rogaverit, non expectat responsum. Cicero. *Apud quem hoc dico? nempe apud eum, qui cum hoc sciret, &c.*

Occupatio, cum id quod obijci potest, occupamus, ut in divinat. *Si quis vestrum, indices, miratur, ubi Cicero rationem reddit, cur ad accusandum descen-*  
f dat,



dat, qui semper defenderit.

Correctio, quæ tollit sententiam aliquam, & eam aliâ, quæ magis idonea videtur, emendat, & corrigit. Idem. *Non unum furem, sed raptorem, non adulterum, sed expugnatorem pudicitia, non sacrilegum, sed hostem sacrorum.*

Dubitatio, dum dubitat, quid agendum, aut dicendum sit Idem. *Quid primum querar; aut unde potissimum exordiar.*

Communicatio, cum aut ipsos adversarios confusimus, aut cum iudicibus deliberamus, ut, *si vos eo in loco essetis, quid aliud fecissetis?*

Prosopopæia, personarum ficta inductio, qua vrbes etiam, & populi voces accipiunt, formæ item rerum, quæ corporis expertes sunt, ut fama virtus.

Apostrophe, aversus à iudice sermo. Cicerò. *Quid tuus ille, Tubero, in acie Pharsalica gladius agebat?*

Hypotyposis est illustris explanatio, rerumque; quasi gerantur, sub aspectum subiectio. Idem. *Inflamatus scelere, ac furore in forum venit: ardebant oculi, toto ex ore crudelitas emicabat.*

Ethopæia, est imitatio vitæ, ac morum alienorum, sermonumque descriptio: nam in factis & in dictis versatur. Idem. *O dii boni! quam teter! quam truculentus! quam terribilis aspectu! unum aliquem te ex barbaris illis, exemplum imperij veteris, imaginem antiquitatis, columen Reip. diceres intueri.*

Emphasis, latinè significatio, est cum ex aliquo dicto latens aliquid eruitur.

*Iacuit quo per antrum immensum.*

E loci spatium Cyclopi magnitudo intelligitur.

¶ Sufſtentatio, eſt figura, qua diu ſuſpenduntur auditorum animi, atque aliquid deinde inexpectatū ſubiungitur. Cicero: *Quid deinde quid cenſetis? furtū forteſſe, aut prædam aliquam?* mox ſubiecit, quod erat improbius. Interdum etiam re aliquâ exaggerata ad aliquid levius deſcenditur. ¶ Prætermiſſio, cū dicimus nos prætereire, aut non ſcire, aut nolle dicere id, quod tunc maximè dicimus. Idem. *Non queror diminutionem vectigalium, non flagitium huius iactura.*

Licentia, cum apud eos, quos vereri, aut metuere debet orator, tamen aliquid pro ſuo iure dicit, quod eos minimè offendat. Idem pro Lig. *Vide quid licentie, Caſar, nobis tua liberalitas det, vel potius iudicia.*

¶ Conceſſio, cum aliquid etiam iniquum videtur orator pati, atque concedere, ut quæ deinde dicturus eſt, graviora videantur. Idem: *Levia ſunt hæc in hoc reo crimina: metum virgarum navarchus nobiliſſimæ civitatis pretio redemit: humanum: alius ne condemnaretur, pecuniam dedit, uſitatum eſt.*

Ironia, cū contra ac dicis accipi, & ſentiri viſ: differt à tropo, quod tropus brevior eſt, & apertior, at in figura totius voluntatis fictio eſt. Idem. P. Clodij mortem a quo animo ferre poteſt, luget ſenatus, meret equeſter ordo, tota civitas conſecta ſenio eſt. ¶ Diſtributio, cū aliquid in plures partes diſtribuitur, quarum unicuique ratio deinde ſubiungitur. Idem. *Alexandro, neque in deliberando conſilium; neque in præliando virtus de-*  
erat

## LIBER TERTIVS.

*erat, nam in dubijs apparebat sapientissimus; cum confli-  
dum esset cum hoste fortissimus.*

¶ *Permissio, cum alicui rei vehementer confidi-  
mus, & ostēdimus nos eam tradere alicuius volunta-  
ti, Idem. Ego iudices, summum, ac legitimum causæ mee  
ius omitto, vobis permitto.*

*Aposiopesis, quam nonnulli reticentiam appellāt,  
affectus animi, vel iræ, vel sollicitudinis ostendit, id-  
que tacendo Virgil.*

*Quos ego: sed motas præstat componere fluctus.*

*Deprecatio est, cum opem alicuius imploramus. Ci-  
cer. Hoc nos meum C. Caesar, per fidem, & constantiam, &  
clementiam tuam libera.*

*Execratio, qua malum alicui precamur. Idem. Dij  
te perdant, fugiive, ita non modo nequam, & improbus, sed  
& fatuus, & amens es.*

*Epiphonema est rei narratæ, vel probatæ summa  
acclamatio. Virgil.*

*Tante molis erat Romanam condere gentem.*

*Exclamatio, est quæ significationem doloris, aut in-  
dignationis, aut admirationis, aut lætitiæ, aut alium  
animi motum conficit; idque aut narratâ re, aut am-  
plificatâ. Cicero. O spectaculum miserum, atque acer-  
bum. ¶ Apostrophe est conversio orationis ab ijs, ad  
quos habetur, aut ad præsentem, aut ad absentem,  
aut inanimata. Idem. Vos enim Albani tremuli, atque  
lucii, vos, inquam, imploro, atque obtestor.*



DE COLLOCATIONE.

¶ In collocatione necessaria sunt ordo, & iunctura, ut oratio sit lenis, cohærens, & æqualiter fluens.

¶ Ordinis observatio est in singulis verbis, & contextis. In singulis cavendum ne decrescat oratio, & fortiori subiungatur aliquid infirmius, ut sacrilego fur. Verbo sensum claudere, si compositio patiatur, optimum, quod si asperum erit, orationi cōsulendū.

¶ Iunctura concinna. & elegans erit, si verba extrema cum consequentibus primis ita iungamus, ut nec asperè concurrant, nec vastius diducantur, ut *exercitus Xerxis; ars studiorum: viro optimo obtemperare.*

¶ Ultimæ syllabæ verbi prioris, ne sint primæ sequētis, ut, *res invise vise sunt.* ¶ Monosyllaba, si multa sint, ut & dissyllaba, male continuabuntur. Item multa similiter cadentia, & desinentia viriosa sunt.

Orator sic illiget sententiam verbis, ut nihil inane, nihil inconditum, nihil in oratione sit redundans; hoc fit numero oratorio.

Aures, vel animus potius aurium nuntius quandā in se continet vocum omnium mentionem, cuius observatio numerosæ orationis artem peperit.

Uersus certis legibus astrictus est, in oratione nihil certum; nisi ut sententia apte verbis comprehendatur; adeo ut versum in oratione fieri, aut periodum ab hemistychio incipi, vitiosum putetur; numerosam tamen esse probatur.

Tota periodus numerosa sit, necesse est.

Initia optimè nascuntur à Dactylo, Cretico, Anapæsto.

## LIBER TERTIVS.

pæsto. Dochimus quovis loco aptus, dum semel ponatur. In extremo tres sunt servandi pedes, quos aut choreos, aut spondeos, aut alternos esse oportebit. Aristoteles poëna vltimum, Cicero Creticum aptiorem putat?

Media periodo in humili oratione iambus erit frequentissimus, pæon in ampliori: in vtraque dactylis, creticis, dochimis, spondeis, locus est.

## M E M O R I A.

¶ Hæc cum alijs artibus sit communis, quæ artificiosa est, oratoriæ artis pars existimatur.

Si tamen quis vnam, maximamque artem memoriæ quærat, exercitatio est, multa ediscer, multa cogitare, & si fieri potest, quotidie, est potentissimum.

## P R O N U N T I A T I O.

¶ Aplerisque actio dicitur, sed prius nomen à voce, sequens a gestu: huius partes sunt vox, & gestus. Loci mutationes totidem, quot animorum. Iracundia acutum vocis genus desiderat, incitatum, crebro incidens. Miseratio, ac meror plenum interruptum, flexibile, metus demissum, hæsitans, abiectum. Voluptas effusum, tenerum, hilaratum. Gestus vocem sequi debet. Situs erit tectus, rarus incisus, nec ira longus; excursio moderata, eaque varia; cervicum nulla mollities, nullæ argutiæ dignitates: In ore, & præcipue in oculis maxima vis.

## F I N I S.







